



**R. BIBLIOTECA NAZIONALE CENTRALE
DI FIRENZE**

OPERE BIBLIOGRAFICHE E BIOGRAFICHE

RACCOLTE DAL

Dott. DIOMEDE BONAMICI

di Livorno (1823-1912)

Novembre 1924.



JO. CONR. ZELTNERI

PASTOR. ALTHENTHAN. ET ECCLESIAE
ALTD, VICAR,

THEATRVM
VIRORV
ERVDITORVM

QVI

SPECIATIM TYPOGRAPHIS
LAUDABILEM OPERAM
PRAESTITERVNT.

PRAEMISSA EST

VITA ZELTNERI

DESCRIPTA

PER

FRIDERICVM ROTH-SCHOLTZIVM
SILES.

NORIMBERGAE,

SVMPTEBVS ET TYPIS

ADAM. JONATHAN FELSECKERL

M DCC XX.

RECEIVED
FEB 10 1966

STATIONARY ENGINEERING
F. J. DARRIN - OWNER
B. J. DARRIN - MGR.

BRANDS - 25

BRANDS - 25

BRANDS - 25

RECEIVED

RECEIVED

Dec. 1965

RECEIVED



ELENCHVS

Eruditorum Correcto- rum , quorum Vitæ in hac Centuria secundum Alphabeti ordi- nem collectæ repe- riuntur.

A.

	P. ^a
<i>Albinus (Adrianus)</i>	57
<i>Alcyonius (Petrus)</i>	50
<i>Amerbachii (Bruno & Basilius Fratres)</i>	61
<i>Andrea (Johannes)</i>	65
<i>Apin (Joh. Ludovicus)</i>	69
<i>Atanagus (Dionysius)</i>	73

B.

<i>Badius (Jodocus)</i>	76
() ()	Ber-



<i>Bergellanus (Joh. Antonius)</i>	79
<i>Beer (Joh. Christophorus)</i>	81
<i>Bergler (Stephanus)</i>	87
<i>Bootius (Arnoldus)</i>	90
<i>Bruschius (Caspar)</i>	94

C.

<i>Campanus (Joh. Antonius)</i>	101
<i>Casaubonus (Isaacus)</i>	106
<i>Castellanus (Petrus)</i>	111
<i>Christiani (Fridericus Albertus)</i>	117
<i>Cono (Johannes)</i>	122
<i>Coverdale (Milesius)</i>	126
<i>Cruciger (Caspar)</i>	131
<i>Crenius (Thomas)</i>	137
<i>Curcellaus (Stephanus)</i>	141

D.

<i>Deslerus (Wolfgangus Christophorus)</i>	148
<i>Demetrius Chalcondylas</i>	154
<i>Dilherrus (Joh. Michael)</i>	157
<i>Dodo (Augustinus)</i>	163
<i>Desiderius (Erasmus)</i>	164

Fabri-

F.

<i>Fabricius (Guilhelmus)</i>	173
<i>Felbinger (Jeremias)</i>	176
<i>Finck (Caspar)</i>	180
<i>Flacius (Matthias)</i>	183
<i>Flittnerus (Johannes)</i>	190
<i>Francisci (Erasmus)</i>	194
<i>Frobenius (Johannes)</i>	202
<i>Freigius (Joh. Thomas)</i>	207

G.

<i>Gelenius (Sigismundus)</i>	219
<i>Gemusaus (Hieronimus)</i>	229
<i>Gerbelius (Nicolaus)</i>	232
<i>Geselinus (Victor)</i>	237
<i>Gheesdalius (Johannes)</i>	241
<i>Golzäus (Hubertus)</i>	243

H.

<i>Harduinus (Franciscus)</i>	250
<i>Heiland (Marcus)</i>	254
<i>Herold (Basilius Joh.)</i>	258
<i>Hörnſchuch (Hieronimus)</i>	262
<i>Hobburgius (Christianus)</i>	270

J.

<i>R. Jacob (Ben-Chajim)</i>	276
<i>Juntinus (Franciscus)</i>	284
<i>Jungermannus (Gothofredus)</i>	288

K.

<i>Kilianus (Cornelius)</i>	297
<i>Kislingius (Joh.)</i>	302
<i>Knouf (Adamus)</i>	306
<i>Küsterus (Ludolphus)</i>	307

L.

<i>Lascharis (Joh.)</i>	316
<i>Lonicerus (Joh.)</i>	323
<i>Lonicerus (Adamus)</i>	327

M.

<i>Manutius (Paulus)</i>	331
<i>Majer (Joh. Gabr.)</i>	344
<i>Melanchthon (Philippus)</i>	352
<i>Milangius (Simon)</i>	362
<i>Modius (Franciscus)</i>	365
<i>Musculus (Wolfgangus)</i>	370
<i>Musurus (Marcus)</i>	376

O.

<i>Oecolampadius (Joh.)</i>	384
<i>Oporinus (Joh.)</i>	388
<i>Opsopaus (Joh.)</i>	397
<i>Orthuinus (Gratius)</i>	401

P.

<i>Pantaleon (Henricus)</i>	408
<i>Patinus (Guido)</i>	412
<i>Pellicanus (Conradus)</i>	416
<i>Perierius (Thomas)</i>	422
<i>Pistorius (Fridericus)</i>	424
<i>Plantinus (Christoph.)</i>	439
<i>Porta (Petrus)</i>	442
<i>Pulmannus (Theodor.)</i>	444
<i>Putschius (Helias)</i>	447

R.

<i>Ranconnetus (Æmarus)</i>	452
<i>Raphelengius (Franciscus)</i>	458
<i>Rhenanus (Beatus)</i>	464
<i>Rocca a Camerino (Angelus)</i>	469
<i>Rorarius (Georg.)</i>	473
<i>Ruscellus (Hieronymus)</i>	479

Sandius



*R. BIBLIOTECA NAZIONALE CENTRALE
DI FIRENZE*

OPERE BIBLIOGRAFICHE E BIOGRAFICHE

RACCOLTE DAL

DoTT. DIOMEDE BONAMICI

di Livorno (1823-1912)

Novembre 1921.

LOWELL ORAD
ZELTNER
Pub. Printing &
Book Binding



JO. CONR. ZELTNERI

PASTOR. ALTHENTHAN. ET ECCLESIAE
ALTD, VICAR,

THEATRVM
VIRORV
ERVDITORVM

QVI

SPECIATIM TYPOGRAPHIS
LAUDABILEM OPERAM
PRAESTITERVNT.



PRAEMISSA EST

VITA ZELTNERI

DESCRIPTA

PER

FRIDERICVM ROTH-SCHOLTZIUM
SILES.

NORIMBERGAE,

SVMPSTIBVS ET TYPIS

ADAM. JONATHAN FELSECKERL

M DCC XX.



ELENCHVS

Eruditorum Correcto- rum , quorum Vitæ in hac Centuria secundum Alphabeti ordi- nem collectæ repe- riuntur.

A.

	p ³
<i>Albinus (Adrianus)</i>	57
<i>Alcyonius (Petrus)</i>	50
<i>Amerbachii (Bruno & Basilius Fratres)</i>	61
<i>Andrea (Johannes)</i>	65
<i>Apin (Joh. Ludovicus)</i>	69
<i>Atanagus (Dionysius)</i>	73

B.

<i>Badius (Jodocus)</i>	76
)()(Ber-

<i>Bergellanus (Joh. Antonius)</i>	79
<i>Beer (Joh. Christophorus)</i>	81
<i>Bergler (Stephanus)</i>	87
<i>Bootius (Arnoldus)</i>	90
<i>Bruschius (Caspar)</i>	94

C.

<i>Campanas (Joh. Antonius)</i>	101
<i>Casaubonus (Isaacus)</i>	106
<i>Castellanus (Petrus)</i>	111
<i>Christiani (Fridericus Albertus)</i>	117
<i>Cono (Johannes)</i>	122
<i>Coverdale (Milesius)</i>	126
<i>Cruciger (Caspar)</i>	131
<i>Crenius (Thomas)</i>	137
<i>Curcellaus (Stephanus)</i>	141

D.

<i>Deslerus (Wolfgangus Christophorus)</i>	148
<i>Demetrius Chalcondylas</i>	154
<i>Dilherrus (Joh. Michael)</i>	157
<i>Dodo (Augustinus)</i>	163
<i>Desiderius (Erasmus)</i>	164

Fabri-

F.

<i>Fabricius</i> (Guilhelmus)	173
<i>Felbinger</i> (Jeremias)	176
<i>Finck</i> (Caspar)	180
<i>Flacius</i> (Matthias)	183
<i>Flittnerus</i> (Johannes)	190
<i>Francisci</i> (Erasmus)	194
<i>Frobenius</i> (Johannes)	202
<i>Freigius</i> (Joh. Thomas)	207

G.

<i>Gelenius</i> (Sigismundus)	219
<i>Gemusaus</i> (Hieronymus)	229
<i>Gerbelius</i> (Nicolaus)	232
<i>Geselinus</i> (Victor)	237
<i>Gheesdalius</i> (Johannes)	241
<i>Golzius</i> (Hubertus)	243

H.

<i>Harduinus</i> (Franciscus)	250
<i>Heiland</i> (Marcus)	254
<i>Herold</i> (Basilus Joh.)	258
<i>Hornschuch</i> (Hieronymus)	262
<i>Hoburgius</i> (Christianus)	270

J.

<i>R. Jacob (Ben-Chajim)</i>	276
<i>Juntinus (Franciscus)</i>	284
<i>Jungermannus (Gothofredus)</i>	288

K.

<i>Kilianus (Cornelius)</i>	297
<i>Kislingius (Joh.)</i>	302
<i>Knouf (Adamus)</i>	306
<i>Küsterus (Ludolphus)</i>	307

L.

<i>Lascaris (Joh.)</i>	316
<i>Lonicerus (Joh.)</i>	323
<i>Lonicerus (Adamus)</i>	327

M.

<i>Manutius (Paulus)</i>	331
<i>Majer (Joh. Gabr.)</i>	344
<i>Melanchthon (Philippus)</i>	352
<i>Milangius (Simon)</i>	362
<i>Modius (Franciscus)</i>	365
<i>Misculus (Wolfgangus)</i>	370
<i>Musurnus (Marcus)</i>	376

O.

<i>Oecolampadius (Joh.)</i>	384
<i>Oporinus (Joh.)</i>	388
<i>Opsopaus (Joh.)</i>	397
<i>Orthuinus (Gratius)</i>	401

P.

<i>Pantaleon (Henricus)</i>	408
<i>Patinus (Guido)</i>	412
<i>Pellicanus (Conradus)</i>	416
<i>Perierius (Thomas)</i>	422
<i>Pistorius (Fridericus)</i>	424
<i>Plantinus (Christoph.)</i>	439
<i>Porta (Petrus)</i>	442
<i>Pulmannus (Theodor.)</i>	444
<i>Putschius (Helias)</i>	447

R.

<i>Ranconnetus (Æmarus)</i>	452
<i>Raphelengius (Franciscus)</i>	458
<i>Rhenanus (Beatus)</i>	464
<i>Rocca a Camerino (Angelus)</i>	469
<i>Rorarius (Georg.)</i>	473
<i>Ruscellus (Hieronymus)</i>	479

Sandius

S.

<i>Sandius</i> (Christophorus)	482
<i>Scapula</i> (Joh.)	488
<i>Schmidius</i> (Joh.)	493
<i>Servetus</i> (Michael)	496
<i>Sextus</i> (Joh.)	505
<i>Stephanus</i> (Henr.)	515
<i>Stratander</i> (Joh. Guicæus)	509
<i>Strebaeus</i> (Jac. Ludovic.)	511
<i>Sylburgius</i> (Frid.)	524

T.

<i>Trecius</i> (Petrus)	531
<i>Tulichius</i> (Hermannus)	533

V.

<i>Vultejus</i> (Justus)	538
--------------------------	-----

W.

<i>Waltherus</i> (Christoph.)	542
<i>Wedelius</i> (Georg. Wolfg.)	548
<i>Wissorvatius</i> (Andr.)	553
<i>Wylerus</i> (Franciscus)	564

Z.

<i>a Zesen</i> (Filippus)	565
<i>Zürvingerus</i> (Theodor.)	573







VITA JOH. CONR. ZELTNERI.

JOH. CONRADVS ZELTNERVS,
vir & sacerdotii dignitate venera-
bilis, & ingenio doctrinaque cla-
rus, ac, quod caput rei est, de
sacris, quæ curavit, bene recte-
que est meritus. Neque etiam vel oc-
casio laudis augendæ, vel facultas ani-
musque ei defuit; utpote qui dome-
sticis incitatus exemplis ad præclara
quæque contendit, & eximias animi
dotes disciplina usuque confirmavit, ac
nunquam lanquens, aut defectus, co-
pperxit acriter, ut tuta planèque via
ad veram procederet felicitatem, quam
cum in his terris consequi se haud pos-
se intelligeret, ad beatas in coelis se-

des mature contendit, eoque apice fortunatissimo per piam mortem positus nunc beatissimam agit vitam, & inter aeterna coelorum gaudia DEVM ipsum intuetur. Singularem de qua diximus, animi vim statim ex stirpe traxit vir optimus, posteaquam ex iis auspicato prognatus est parentibus, qui virtutibus & meritis rectisque exemplis insignes nullam non filii hujus sibi charissimi bene recteque a teneris educandi rationem inierunt. Nascendi initia habuit *Norimbergae*, anno supra millesimum & sexcentesium octogesimo septimo, IV. Nonas Octobres, hora post exortum solis tertia. Pater ejus vir admodum reverendus, M. ANDREAS ZELTNER, Theologus sacrorumque administer pius & cordatus, atque in venerabili collegio Aegidiano quondam Senioris auctoritate conspicuus; materque, MARIA MAGDALENA, ortu VOGELIA, matrone rectissimi moris laudibus ornatissima, nihil prius sibi faciendum existimant, quam ut filio DEI munere sibi dato omni ex parte bene consulerent, eique ante

ante omnia in Christianam Rempubli-
cam adscripto & in sanctae repurga-
taeque religionis fidem suscepto opti-
ma recte feliciterque vivendi praesidia
compararent. Ad vadimonium pro-
mittendum, cum sacra unda tingere-
tur, volens promptusque tunc affuit
Theologus eximius & jam coelo re-
ceptus, JOHANNES CONRADUS FEUER-
LINUS, qui sub id tempus *Norimbergae*
Presbyteri ad D. Aegidii munere sacro
fungebatur, postea vero ibidem & in
eodem Templo, ac tandem *Nordlingae*
graves Antistitis partes sustinuit. Elu-
xerat in CONRADO jam a primis vi-
tae annis indoles haud vulgaris; cujus
vim accurata & solers parentum cura
majorem in modum adjuvit. Huic
enim debuit, quod divinis auspiciis si-
ne mora ad pietatem legemque emen-
date religionis colendae institutus fe-
liciter adolevit, & non minus ad do-
ctrinae, quam virtutis, decus capeffen-
dum, jam tum incitatus ferri coepit.
Sed ut publicae etiam luci sensim af-
fueret, aliquantisper in Gymnasium
Aegidianum traditus est; in quo nomi-

natim B. J. C. STORI fides ac dexteritas in primis rudimentis Latinitatis ponendis ipsi magnopere profuit. Enim vero ad tam laudabiles conatus prosequendos animum CONRADI multum retardare potuisset gravis illa jactura quam, an. m^occci. in obitu Parentis optimi fecerat; nisi paterni amoris paternaeque curae vicem partesque sponte sua in se suscepisset, cumulatissimeque explevisset, venerandus Frater, qui eo tempore *Norimbergae* in aede divi Jacobi sacerdotium obibat; hodie vero in hujus opidi coetu sacro provinciae Antistitis praest, & in hac Academia Antecessoris theologi dignitatem egregie tuctur atque ornat. In hujus ergo aedibus, convictu & disciplina, ita vixit, ut paterno licet praesidio orbus salutem ac studia sua summa fide curari abunde experiretur. Neque enim consilium solum, sed operam etiam, is ad eum praeclare instituendum contulit. Quoram fideli duce & auctore, eximie profecit CONRADVS, &, procedente aetate, pulcherrimae laudis spatia confecit. Tantum tamen ebest, ut noster vicissim

vicissim exoptatos fraternae bonitatis fructus non senserit, agnoveritque; ut potius per omnem reliquam vitam Fratri natu majori, tam bene de se merito, acque ac Patri, reverentiam exhibuerit, & filii pietatem approbarit; neque quicquam facile susceperit, egeritque, nisi de ejusdem sententia. Huic adeo prudenter obsequutus, cum domestica institutione utiliter aliorum etiam praeceptionem doctrinamque conjunxit, & sigillatim, ubi *Norimbergae* adhuc haerebat, sibi laudi honorique duxit, propius colere & sectari viros fama meritisque egregios, MÜHL-DORFIUM, WÜLFERUM, & ESCHENBACHIUM, quos in publico auditorio diviniore humanioresque literas profitentes tanta audit assiduitate, ut horum expectationi prorsus responderet. Ita praemunitus, nec poenitendis doctrinae subsidij instructus, altioris studii rationes iniit, & anno MDCCVI. mense Junio, in hanc se contulit Academiam, cujus leges atque instituta eo tempore moderabatur ADAMUS BALTHASAR WERNERUS, Jureconsultus opti-

me meritis. Postquam igitur non solum inter cives Academicos, sed etiam, singulari ILLUSTRUM Academiae CURATORUM gratia, inter Alumnos Noricos, fuerat receptus; cupiditate rerum optimarum accensus nulli operae laborique pepercit, ut praeclara quaque scientia, quae in summas vitae ejus rationes conveniebat, animum exornaret. Eoque consilio cum primis tunc operam dedit Professoribus cura & fidei docendi commendatissimis, jamque inter coelites beatis, MOLLERO, OMEISIO, ROETENBECCIO, &, qui adhuc superstites sunt, BAIERO, SCHWARTZIO, atque MÜLLERO. Neque minus testem industriae habuit PFIZERUM, Doctorem Theologum maximopere venerandum, qui tunc studia vitamque Alumnorum INSPECTORIS nomine regebat. Ita vero, quicquid reperit egregium, utilitati suae impendit ZELTNERUS, omnesque necessarias humanitatis ac sapientiae partes animo ingenioque complexus est, & ad interiores descendit doctrinas, ita, ut rationes prorsus sejunctas ab iis haberet, qui, dum
omnia

omnia leviter cursimque, tanquam canes e Nilo, attingunt, parum, aut nihil, ex solido scire deprehenduntur. Haec ubi ex animi sententia ei successerant, amplissimum diviniore studii cursum feliciter ingressus est, ducibus adjutoribusque usus Theologis optime meritis, SONTAGIO, LANGIO, & Fratre, qui non multo post, quam noster in Academiam concesserat, eo quoque divina providentia evocatus fuerat; in quorum Scholis ita versatus est, ut vix quisquam navius diligentiusque possit. Sed neque dubitavit, identidem prodire in publicum, datis doctorinae suae documentis, ingenii facultatem periclitaturus. Itaque exedram aliquoties ornavit disputans, & in circulo differentium modo de propositis promte apteque respondit, modo rationibus conquisitis in alteram partem argumentatus est. Nominatim vero, fraterno adjutus praesidio, tres eruditae proposuit exercitationes, primam de *eruditis in Judaica gente Feminis*, alteram de *Deborae Prophetissa*; & tertiam denique, qua *Dei praecepta non bona*

nulla esse, ad Ezech. XX. 25. seq. ostensum est. In quibus omnibus tuendis pulchre stetit, & Patrum Civiumque Academicorum applausum promeritus est. Neque tamen substitit in hoc laudis curriculo; sed, qui bonorum mentium ardor est, in dies ad meliora audenda progressus, nullam locupletandae doctrinae occasionem praetermisit. Qua mente, anno MDCCXI. mense Majo, adiit *Wittembergam*, felicem illam studiorum parentem, & religionis emendatae meritis prae ceteris insignem. Ibi doctores interpretandae coelestis doctrinae fama praestantissimas WERNSDORFIUM, CHLADENIUM, KLAUSINGIUM, & in formandis orationibus sacris potissimum DEWEDIGIUM, publice privatimque committentes audivit. Sed & singulari benevolentia eum complexus est JOHANNES CHRISTOPHORUS WOLFIUS, qui jam tum cum magna nominis celebritate in *Wittembergensi Academia* philosophiam & literas elegantiores profitabatur, hodie vero *Hamburgi* sacra Antistitis dignitate maxime floret. Ab hoc eximia

mia rei literariae adjumenta consecutus est ZELTNERUS, ejusque favorem absens etiam, literis crebro scriptis, retinuit, & salubribus in eo studiorum genere consiliis non raro confirmatus est. Anno integro, & quod excedit *Wittembergae* (a) transacto, *Berolinum*, abiit,

(a) Eamque Illustram etiam Academiam, quoad vixit, grata piaque mente, & ea, qua par est, veneratione prosequutus est. Quae gravi de causa addere ad B. Auctoris vitam visum est, quoniam occasione Vitae PHILIPPI MELANCHTHONIS breviter in hoc Syntagmate reconstituae in *saniam* quibusdam, (neque enim omnes, vocabulo *Orthodoxorum*, es recte sentientes, sed inepte id affectantes quosdam designavit,) nimium quantum *Lutheri Cathedram* extollentibus cum attribuisset, in eum veluti unguibus nonnulli, quos Viri optimi haec libertas male habuit, involarunt. Ad quam litrem ipsi motam dilucidius cognoscendam, cum Fratrem ejusdem Theologum Altorphinum consularem, responsum sequens accepi. *Ad verba Fratris mei pie defuncti quod attinet*, quibus injurius in cathedram Lutheri aut ipsam *Academiam*, vel ordinem certe Theologicum *Wittebergensem Venerabilem*, quibusdam visus est, ut, *quid sentiam*, & *mibi constet*, breviter exponam, sic habeto: *Nec mihi unquam verba illa minus circumspecte posita & scripta, neque ipsi etiam Auctori*, a me deinceps monito: *placuisse. Causam vero*, cur paulo confidentius quae animo volverat, sic data ansa, pronunciaret, eam fuisse, quam ne ipsis quidem bono Viro succensentibus probatum iri, mihi persuasum deo. Nempe cum aliquando *Wittebergae* ex equis iret B. ZIEGLER Med. D. & Fratris mei hospiti, contigit.

abiiit, neque tam urbis illius regiae magnificenciam, quam incomparabilem rei

git, ut in ipsa Deductione funeris duo Philolophiae Adjuncti alter M. alter F. ille modestissimus vir, hic vero, ut constat, priori vix comparandus, (cujus nomini vel ideo, quod mortalitatem jam in patria explevit, parco,) incertum, qua occasione, de Cathedra Lutheri colloquerentur, ac tandem ita disceptarent acviter, ut posterior ille, ex disputationibus aliis vehementioribus non incognitus, defenderet, eum qui Cathedre Lutheri insisteret, INFLUXUM inde ARCANUM (physicum nescio, an moralem,) efficaciam certe aliquam supernaturalem sentire, aus percepturum esse. Cui cum alter obloqueretur, is vero opinioni huic suae inhaereret mordicus, factum esse, Frater optimus ajebat, ut & ipse, (non amplius memini, hos ne proxime sequutus, an ab utroque ductus,) affirmanti modesto contradiceret, sed parum adversus hominem istum pertinacius suatuentem proficeret. Idquē tamdiu fere continuatum esse, affirmavit mihi, colloquium & cum fervore agitatam *εὐψαχίαν*, donec publice agenda audientaque sacra finem disputationi imponerent. Ea re tantopere commotum se esse, fassus est mihi identidem Vir bonus & minime supersticiosus, ut, quoties ea de re cogitaret, stultitiam detestaretur. Quae animi commotio si deinceps *inter scribendum paullo minus accurate* exasciatis verbis erupit veniam ei indulgeant, quaeso indignanti, quem jam non sine causa talia scripsisse intelligunt. Neque etiam orbis credo, literatus Virum optimam tam absurda haud male improbasse, & veluti Tripodis illius Delphici quidam somniantes hujusmodi homines digno carbone aliquo notasse, in ficiabitur. Ceterum, cum non aredeie eidem tam absurda natranti voluisssem, & haec serio ab inepto homine non defensa fuisse, sed per ludum

rei literariae & antiquariae thesaurum, suspexit. Hinc peragrata inferiori Saxonia, virisque doctis passim salutatis, domum redire necesse habuit, quia Matrem pientissimam interim beato ex hac vita discessu amiserat. *Altorfium* hinc reversus, denuo se adjunxit ad fratrem amantissimum; qui eadem, qua antea, cura paterna **CONRADUM** suscepit, eidemque domicilium, convictum, libros opesque doctrinae suae omnes, lubenter, ac benigne impertivit. Neque minus magno studio coluit **BAIERUM** nostrum, Doctorem Theologum summo opere reverendum; cujus exquisitis fidelissimisque Scholis praesertim *Exegeticis* non parum se debere grato animo nunquam non professus est. Quemadmodum

ludum jocumque disputata mihi persuaderem, afferenter Frater semel iterumque, serio ab eo ista fuisse asserta, confirmavit, quippe qui ne monitus quidem destiterit, sed magna vehementia suam istam opinionem, non sine aliis, fervidius id agentis animi, signis, perspicaciter retinuerit. Haecenus Viri B. Frater superstes, qui ex ipsius **ZELTNERI** nostri ore ea semel iterumque sibi narrata suis hisce verbis ad me perscripsit, de quibus Eruditi in querimonias adversariorum & insectationes Viri laudati forte incidentes, jam defoecatus judicum ferre poterunt.

modum vero hic uberrimam proficiendi occasionem nactus, sese patriæ & costus sacri ministerio diligentissime utilissimeque praeeparavit; ita simul ad publicum munus capeffendum sua sibi virtute & industria facile viam munivit. Deo enim rem moderante, jam anno M DCCXV. mense Aprili, contigit, ut patrocinio illustris GRUND-HERRORUM gentis, rite legitimeque prae-ficeretur sacerdotio *Altenhannensi*, tunc vacuefacto, &, illustrium SENATORUM PROVINCIALIUM auctoritate accedente, simul Ecclesiae *Altorsinae* ministris vicarius daretur. Talia assecutus, post duos demum annos, ad lenienda vitae caecidia consilium iniit, & anno M DCC XVII. mense Quintili, singulari nutu divino, in connubii foedus adseivit Feminam castimoniae frugalitatisque laudibus eximiam, ANNAM BARBARAM, natalibus VLMERIAM, viduam a STEPHANO FICHTNERO, cive hujus opidi honestissimo, relictam. Ex quo conjugio pie inito, magnaue animorum consensione feliciter continuato, anno M DCC XVIII. GUSTAVUM

VUM GEORGIUM, & altero post anno, ANNAM SUSANNAM, suscepit: in qua utraque dulcissima sobole quo majorem vitae suae Suavitatem futurumque familiae decus destinaret pater optimus; eo acerbius illam praematura orbitatis calamitate affectam reliquit. Usus enim aetate florentissima, praeter omnium opinionem, ea; quae Christi morti pie recolendae consecrata est, hebdomade, in fatalem incidit morbum, & febre catarrhali ut appellant, correptus; VI. Kal. Apriles, graviter decurabere coepit. Quamvis vero pro ea fide atque amicitia, qua conjunctissime per multos annos cum ipso vixit, nullum propulsandi mali laborem nullamque curam subterfugisset vir mēdendi experientia nobilissimus, & Solisbaco-Palatinus Archiater atque Consiliarius; JOH. JAC. JANKEIUS; febrilis tamen ardoris vis omni medicinae auxilio praevaluit, ita, ut vir optimus, inter VIII. & VII. Iduum Aprilium, nocte fere media, felici quidem & beata, sed nimis festinata morte obierit, anno aetatis tertio ac tricesimo, in quo quide-

dem ultra quinque menses non processit. Quod ad ceteras ejus vitae rationes attinet, non opus est, eas pluribus commemorare, ut quae in luce & ore omnium versantur. Prima ejus & summam cura fuit, ut DRUM, cujus sacris operabatur, religiosissimo animo veneraretur; a quo capite omnia reliqua vivendi instituta, veraeque felicitatis parandae rationes, sapientissimo arcessivit. Nulla causa ab officii honestisque partibus se abstrahi passus est, & munere sacro, quod obeundum susceperat, integerrime functus, nullam fidei curaeque partem fecit reliquam, ita, ut non parum de viribus corporis alias non infirmi deminuerit. In convivio & consuetudine modestum se, & suavem, candidumque, semper prae-buit. Si quid temporis gravioribus curis vacuum nancisceretur, id in amoenioribus consumsit literis. Neque enim solum identidem juvenum quorundam studia privato consilio operaque adjuvit; sed etiam in recognoscendis rei literariae originibus progressibusque copulenter versatus est; quo magis hoc studio.

studiorum genere consueverat oblectari. Nominatim vero ad illustrandam *typographiae* historiam perutilem contulit operam; ejusque rei praeclarum & cum applausu eruditorum exceptum prodidit specimen, anno MDCC XVI, evulgata *Correctorum in typographis eruditorum centuria*. Cujus generis plura affecta reliquit monimenta; (b) neque solum *Schediasmati de Fausto praestigiatore ex Joh. Fausto Typographo a quibusdam ficto*, ipse supremam jam imposuit manum; ut in lucem propediem post quaedam obstacula proditurum sit; sed & Diatriben de *privatis Typographiis* magnam jam partem confecit, & spes est, eam quoque cum ceteris, quae in schediis adhuc latent, fraternae manus itidem limam & expolitionem desiderantibus lucem publicam DEI beneficio ad specturam esse; eo quidem maxime, quod & insignia harum Typographiarum per multa jam aeri incidi B. auctor

b 2

cura-

(b) Alteram enim Centuriam jam colligere coepit: Quam tamen cum nondum in ordinem Vir B. redegerit aut elaboraverit, Fratres Theologus pollicitus est, se ad limam revocaturum, eaque, quam potis est, industria, si vita viresque suppetant, *Semiceruriam* certe, cum orbe erudito communicaturum,


curavit. Taceo nunc, & de *Judaeorum*
Typographis multa documenta per plu-
 res annos ab ipso fuisse conquisita: ve-
 rum haec & alia hujusmodi instituta,
 mors necopinata impediit; quam ta-
 men non exhorruit vir beatus; sed me-
 mor ejus institutionis consolationis-
 que, quam ipse aliis antehac impertie-
 rat, & a Fratre, animaue suae Cura-
 tore, corroboratus; in extrema lucta-
 tione, & inter ingētes angōres, con-
 stantem firmumque retinuit animum;
 atque per brevīa ac luculentiora aestus
 febrilis intervalla, Deo immortalī salu-
 tem suam pie commisit; tandemque,
 plenus coelesti fiducia, placide IV.

Iduum Aprilium A. R. S. MDCCXX.
 expiravit. (c)



Luci

(c) Postremum monendus est L. B. nos in hac vita
 enarranda ductum programmatīs funebri Altorfini,
 ejus scriptor fuit *Excellentissimus* Dn. Schwartzius
 P. P. *celeberrimus* maximam partem secutos esse.



æ & ω.



Uci expono pu-
blicæ, B.L, Schediasma
Literarium, de *Corre-*
ctoribus Typographicis,
iisdemque Eruditis,
simul tamen Autorem

harum pagellarum judiciis virorum de
studiis meritorum subijcio. Ea vero,
quæcunque demum sunt, si meruero,
non detrectabo, cum quantæ vires meæ
sint, in hoc studiorum genere, præci-
pue in materia rei Literariæ specia-
lissima, bene intelligam. Interim ju-
sta mihi & æqua expeto, nec ea, quæ a
cavillandi pruritu, & Scholastico cor-
rigendi animo, qualia plurima hodie
solent esse, proficiſcantur. Quicquid
de reliquo huic opusculo doctrinæ &
ornatus deerit, illud favore Doctorum
compensandum esse autumo. Hac
etiam nifus spe, recensum hunc prelis
A com-

commisi, confusus penitus, fore, ut boni omnes sibi persuadeant, me non ex præmatura scriptitandi & inclarescendi libidine, sed vires meas periclitandi gratia, hanc qualemcunque opellam conscripsisse. Antequam vero negotium ipsum tractandum suscipiam, paucis de fatis Typographiæ quædam erunt præfanda. Quod itaque Artis hujus Inventorem spectat, & annum ipsum Inventionis, neutiquam litigia inter Harlemenses, Argentoratenses, & Moguntinos, exorta, mea sum facturus. Sufficiat meminisse, ab anno 1440. ad annum usque 1448. repertam, & excultam singulari DEI beneficio fuisse. De reliquo pro Harlemensibus acriter pugnavit *Marcus Zuerius Boxhornius*, Tr. Anno 1640. 4to. Lugd. Batav. edito: cum quo unum inflasse cornu constat, *Petrum Scriverium* in *Laurent Crantz vor Lorenz Küster* / Anno 1628. Belgice scripto libello; Eademque sentiit *Hadr. Junius in Hist. Bata.* & alii Germanos, & Moguntinos quidem, Inventores hujus artis agnoverunt, & pro

pro iis militarunt *Nicolaus Serarius*, in *Antiquitatibus Moguntinis*: *Bernhardus a Mallinkrot*, de ortu & progressu *Artis Typogr.&c.* Nec dissentit inter nos *B.Saubertus* in *Historia Bibliotheca Norimbergensis*, quem tamen id fecisse eam ob causam crediderunt permulti, ut eo maiorem laudem, codicibus in Bibliotheca Norica extantibus, & a Moguntinis impressis, acquireret. Faustum hi omnes, & *Joh. Guttenbergerum*, Petrum item *Schäferum*, primos tanti artificii Inventores fuisse meminerunt. Argentoratenses vero sibi has competere laudes existimantes, Mallinkrotium & Sriverium oppugnaturi, magno conatu & industria Civibus suis eam asse-ruerunt honorem, editoque peculiari libello, quo Johannem Mentelium, pro Autore venditarunt, tuiti sunt. Consentiunt cum ista relatione *Wimpfelingius*, vetustissimus Historicus; *Hieronymus Gebvilerus* in *Panegyri Carolina*: *Jacobus Spigelius*: *Adamus Schragius* in *Relationibus suis de Typographia*, ejusque inventionem: *Bœclerus* item cele-

A 2 berrimus

berrimus Polyhistor , paria cum his defendit, in oratione quadam cum in finem habita. Atque hi quidem, uti fieri solet , ita omnes scripsere , quem admodum vulgare illud Germanorum : **Deß Brod ich eß / deß Lied ich sing /** innuit. Quisquid horum sit , manebit certe honor iste penes Germanos , quem nec Chineses, uti *Iſaacus Vossius* somniavit, artificiosis suis picturis, multoque minus Galli poterunt labefactare. Saniores profecto Scriptores cuncti , multaque doctrina conspicui viri, nostris hoc Inventum tribuunt, unde paucas quasdam Hirundines dissentientium, minorumq; gentium Deos, in contrarium cuntes , haud curandos esse censemus. Interim tamen sapius miratus sum, qui factum, quod Ars ista optima , ultimis his demum temporibus fuerit enata. Nam prima quando adspiciamus stamina , quibus reliqua omnia adjuncta nituntur, non aliter poterimus judicare, quam rem fuisse inventu facillimam : nec enim acre quoddam requirebatur iudicium , nec singula-

singularis ingenii vis. At tamen neque illud inficiandum, facilia nunc nobis videri posse, ad quæ tunc nec millesimus quisque respexerat: non secus atque uti factum esse legimus a Schweppermanno, ovum super mensam in cuspidem stabile reponendo, de quo nemo ante cogitaverat. Sed transeant hæc: Satius erit agnoscere beneficium ipsum, & gratias Supremo agere Numini, ejusque Providentiam concelebrare, quod ea hæc ars detecta fuerit tempestate, qua & viri doctissimi vivebant, & barbaries literarum profliganda videbatur, & quod maximum, qua Lux Evangelii e Tenebris protrahenda fuit per Megalandrum Lutherum, suppressa per multa Secula: cui promovendæ, si non præcipue destinatum a DEO, certe maxime erat negotium Typographicum usui. Sic enim Biblia hujus ope, in tot hominum pervenerant manus brevi tempore, ut hominum prope fidem superet. Ex codice vero sacro doctos & indoctos, de corruptelis Pontificiæ Ecclesiæ certiores factos, eo

melius juvare puram verbi divini professionem potuisse, non indiget ulteriore probatione. Pedetentum igitur, & de die in diem perfectum, ex politumque nobilissimum est illud institutum, nec tamen ita absolutum, ut ante annum sexagesimum codices integri potuerint imprimi. Unde etiam vetustissimi, quos habemus, libri hanc vix excedent ætatem. Fatendum tamen, initio chartam, atramentum, typos, ejus fuisse conditionis, ut laudibus ea multis extollere nollem. Quamquam &, quod non diffitemur, volumina impressa conspexerimus, sat nitide Venetiis præcipue Anno 1474. 1478. & 1486. excusa. Desuere etiam primo literæ majores & Initiales, quæ vel pingendæ erant, vel minoribus titendum: easque alicubi etiam Anno 1507. desideratas fuisse, ex libris quibusdam hoc Anno typis mandatis, evinci posse puto. Neque titulos habuere splendidos, in fronte de Contentis voluminis Lectorem monentes, imo non raro nulli prorsus conspiciebantur, ut non nisi ex lectio-

lectione libri ipsius, cujus generis sit, intelligi potuerit. Postmodum tamen ita omnia crevere, ut nostra hæc tempora quam diversissima ab illis sint; cum tamen aliis in rebus paulatim cultura elegantior majorque esse soleat. Postquam autem cognita hæc Ars in Germania facta esset, varii hinc inde reperti sunt viri docti & probi, excurrentes in vicinas regiones, sua cum iis communicaturi. Migrarunt Venetias *Samson Hammanus*, dictus *Herzog* & *Octavianus Scotus*, *Nicolaus* item *Jensonius*, qui Jus Canonicum primus ibidem impressit Anno 1477. Tom. IV. Romam transiere *Antonius Bladus*, *Conradus Schurweinheim*, *Arnoldus Pannarzius*, *Udalricus Han* sive *Huldricus Gallus*. Neapolim *Sextus Argentinensis*, a Ferdinando Rege Catholico Episcopi dignitate ornandus, abierat. Pari modo in Galliam, aliasque regiones profecti Germani multum captabant lucri, quos nominatim hic recenseri angustia chartæ non permittit. Sic igitur prospererat Ars plane divina, usque dum

Seculo XVI. ejusque initiis ad summum perveniret culmen. Nam omnes Regiones, cum facultas non fuisset data excogitandi artem; in ea tamen excolenda, ornandaque certatim allaborare cæperunt: Itali præcipue, Gallique cum nostris Germanis strenue junxerunt manus. Habuerunt Veneti suos *Manutios*, *Aldum Avum*, *Paulum* & *Aldum*, filium, nepotemque, viros doctissimos & laboriosissimos, felicissimosque, ut in Scientiis, sic in Arte impressoria Magistros. Primus ille Græcis sua excudit literis, ita eleganter & nitide, ut in ruborem nostros det Typographos, qui velut umbræ, jam cum eo comparati, volitant. Antea spatium reliquerant vacuum, vel latinis exprimebant Elementis, si quando occurrerent Græca. Homerus autem prela Aldina primum tam feliciter fatigavit, ut cum optimis quibusque hodie certare possit, & quanta cura gesta fuerit ea editio, inde patet, quod singulis hebdomadibus duo tantum excusa fuerint folia. His adjungendus
venit

venit *Daniel Bombergius*, Antwerpiensis patria, qui Anno 1511. Venetias delatus, Hebraico imprimere cœpit caractere. Ex qua re, quamvis & eo interdum Manutii usi fuerint, æternam consecutus est gloriam, & in misera licet paupertate, immortale decus. Referunt enim aliquoties opus Talmudicum, cum Commentariis Rabbiorum procudisse, singulisque editionibus myriadem aureorum impendisse; quod si ita sit, fieri aliter non potuit, quam ut in miserum & angustum prolapsus fuerit statum. Quem, eundem pene subiisse in Amstelodamense opus, Talmud dictum, qui impensas fecere, fama circumfert. Neque id mirum: istis enim temporibus pauci erant, qui hoc studio delectati, magnam aurum summam pro hujusmodi Libris, uti nunc quidem fit, solverent. Interim tamen commonstravit optimus Bombergius, se non fami, sed famæ, & utilitati, sibi quamvis noxiæ, & Reipublicæ Literariæ potissimum, inserviisse. Vixerant etiam Venetiis, *Dominicus Ba-*

A 5

sanus,

sanus, Bernhardus Junta, Bernhardus Picior, Erhartus Ratdold de Augusta, quorum libri impressi nitidissimi sunt, & *Lazarus de Soardis.* Quanquam habeam *Guilhelmi Verrilongii* super quatuor libros sententiarum Lombardi Commentarium, impressum Venetiis, Anno 1496. ubi in fine hæc adjecta sunt verba : *Venetiis per Jacobum de Leuchs, impensis vero Lazari de Soardis.* Unde concludo, non nisi Soardum sumtus procurasse, ut nostri Bibliopolæ solent, atque ideo inter Typographos forte ipsos, referendum non esse. Quæ utcunque sint, optima de reliquo, & densa utitur charta, ac nimis abundat notis, seu abbreviaturis ut vocant, Syllabarum. Nec sollicitè capita invenio distincta, atque eo proinde loco, quo Manutii & Bombergius, vix habendus erit. Romæ claruere Paulo IV. P. R. *Paulus Manutius, & Aldus* filius ejus, uterque magna auri summa conducti, ut & imprimerent, & publice simul docerent. Ipsa autem officina quam acceperant, Vaticana audiebat, & Pontificis summi

furnini autoritate , nummisque mun-
nita, non nisi egregia proferebat. Flo-
rentiis artem hanc, præter alios, exer-
cuerunt Junta, quorum nomen & codi-
ces Clarissimum olim Germanorum in
Belgio decus, *Grævius*, ita quidem ama-
vit , ut , cum Scriptores suos ederet
Latinos, Classicos vocant, Juntarum,
ubi potuit , editiones inprimis consu-
luerit. Ex Italia felicissima, amoenissi-
maque Europæ Provincia in Galliam
migranti offerunt se certatim viri Eru-
ditissimi, quibus vix hodie pares vi-
vunt. Quosdam horum & celebri-
ores nominabo , ceteris omissis. Quis
enim est, cui *Stephanorum* nomen no-
rum non sit. Ecce, benevole Lector,
Genealogicam Tabulam familiæ Ste-
phanicæ celebratissimæ, in qua

Henri-

Henricus I.

Robertus I.	Franciscus I.	Carolus
Henricus II.	Robertus II.	Doct. Med. Typ. Reg.
Paulus, Dionysia, If. Calauboni	Robertus III, Henricus, Aulicus Regius.	Nicolaina, Joh. Libaut Med. D. uxor.
Antonius, Iosephus Typ. R. Catho- licus,	uxor. Johannes, Mericus,	Robertus IV. Advoc, Parlam,
		Henricus, Sieur des Poëtez.

Omnes de Typographia , aut plerique certe , meritissimi. Cum his conjungendierunt, *Adrianus Turnebus*, Græcæ linguæ Professor Parisinus, & Typogr. Regius, qui obiit Anno 1565. vir toto orbe clarissimus, & cujus codices rariuscule apud nos reperiuntur, signique loco gerunt, Thyrsum Lauri & serpentibus circumdatum: *Guilhelmus Patisonius*, *Guilhelmus*, *Johannes*, *Fridericus* & *Claudius* omnes nomine *Morelliorum* insignes: *Sebastian* & *Gabriel Cramoissi*, Typographi Regii: *Michael Vascovanus*, Roberti Stephani Socer, & *Simon Colineus*, Roberti Senioris Vitricus: Viri eruditi pariter & Seduli, nullisque parentibus, ut gentis gloriam in ornanda arte Typographica acquisitam, conservarent, occupati. Antequam Gallia excedamus, alios silentio prætereuntes, Lugdunum visitabimus; accurrent illic *Jodocus Badius*, *Andreas Sebastian Gryphii* Germani, & *Stephanus Doletus*, infelix ille Typotheta, i Atheismi suspectus, vivus combustus est. Mittimus *Rovillium*, aliosque
brevi-

brevitatis studio , atque sic tandem in Germaniam pedem promovemus. Poterit hæc cum Gallis de multitudine Doctorum Typogr. in certamen descendere ; tot enim numerare possum Viros & Principes literarum , quos Gallia se habuisse , gloriatur ; sed nolo Civibus meis assentiri , ne partium videar esse studiosus. Reperies autem Basileæ viros doctissimos, nudo nomine audito omnibus venerabiles: In quibus excellunt *Johannes Amerbachius* cum filiis : *Johannes Frobenius* : *Johannes Oporinus* : *Nicolaus Episcopius* : *Antonius Winterus* : *Henricus Petri* : *Johannes Hervagius* : *Ludov. Regius* : *Petrus Perna* : *Andreas Cratander*, & alii plures, quos vide sub finem *Bibliothecæ Latine* a celeberrimo *J. A. Fabritio* conscriptæ. Basiliensibus ob viciniam addi merentur Tigurini & Genevenses cum Helvetiis , quorum illi nobis imprimis *Christoph. Froschöverum* ; hi vero *Wiederholdum* , *Jacobum Chovetum* & *Jac. Stœrlium* sistunt. Heidelbergæ præla exercuit , idque fama nominis præ-

eclarissimus *Hieronymus Commelinus*,
 tione Gallus. Marpurgi *Paulus Ege-*
phus, a quo Francofurtensis Chri-
 minus Egenolphus discernendus est;
dreas Wechelinus & ejus Hæredes,
 i & Hanoviæ sedes fixerant suas:
ürerii Argentorati claruerunt; Lip-
 m vero ornavit *Ernestus Voegelinus*,
 tria Constantiensis, qui meliori fato
 gnior inde ob notissimum partium
 idium expulsus, in maxima egestate
 ortuus est, Cujus postea typis & signo
 quando usus est *Johannes Steinmann*.
 oribergæ varii fuere, eminent ex his
hannes Petreus, qui diu & ipse literis
 eram dederat, & hoc antiquior *An-*
nius Koburgerus, vir notissimus, qui
 r omnes Germaniæ urbes, imo & in
 illia suas habuit negotiationes, & ta-
 rnas: Singulis diebus vel centum in
 is laborabant officina viri, qui statis
 ris laboribus abeuntes, & iterum si-
 ul redire consueverant, ita quidem
 nulli horum janua aperiretur, nisi
 stquam ad unum omnes convenis-
 it; unde horis pomeridianis per
 cumu-

cumulos ad ostium Magistri stantes suos expectabant labores sibi adsignatos. Augustæ Vindelicorum Libri ad insigne Pinus celebrantur; Petri etiam S. Andreani occurrunt ibi excusi, quo nomine alias & *Commeliniani* appellantur, in certum an alii, an iidem, & Commelini sumtibus impressi. Coloniae *Gymnicus, Mylius, Birkmannus, Quentelius* & alii, sicuti Francofurti supra memoratus *Egenolphus, Sigismundus Feyerabend, Schönvvetterus, Petrus Koppius, Johannes Spies*, ceteris præferuntur. Wittenbergæ *Johannes Lufft, Mathias Rhau*, & alii caput extollerunt. In Belgium nunc progredior, ubi *Christophorus Plantinus* tanta luce splendet, ut primus Jure merito nobis occurrat, ut qui & nitidissime omnium & libros centum linguis procudisse dicitur Antwerpiae & Lugduni Bat.; Cui subjiuntur *Johannes & Balthasar Moreti, & Franciscus Raphelengius* Socer, Plantini Successores; itemque *Hubertus Golzius* & similes quam plurimi. Ad horum etiam aetatem referendi sunt, *Bona-*
ventura,

ventura, *Abrahamus*, *Ludovicus*, & cum-
primis *Daniel*, *Elzevirii* omnes, qui
tamen ad posteriora tempora magis
referendi videntur. Atque inter hos
omnes Bombergium & Plantinum ex-
celluisse caractere Hebraico, Frofcho-
verum Germanico, Stephanos Græco,
reliquos Latino, Eruditi credunt. Multi
etiam ex his ad angustias vitæ maximas,
& divitiarum jacturam prolapsi sunt,
ut Oporinus, Henricus Stephanus,
Bombergius, & forte plures. Quo-
quot autem hucusque enumeravimus,
fixerunt universi prope, Seculo XVI.
quæ tempora aurea Typographicæ ar-
tis nominari poterunt; nam sequenti-
us annis inclinare iterum cœpit for-
ma hujus artificii. Non tamen cre-
endum, nullos fuisse ista tempestate
ypographos indoctos rudesque. Mul-
certe fuere negligenter & levissimi-
mi viri, qui non famæ sed fami in-
abant; unde Henricus Stephani tan-
pere invehere in eos solebat. Isti
non omnes contenti in quisquiliis
fabantur, & nihil, nisi inutilia & fri-

B

vola

vola excudebant. Imo quod magis mirum Anno circiter 1464. in totis Baltici littoris confiniis una solummodo officina unico prelo & typis Latinis Græcisque mediocriter instructa, fuit reperta, ita quidem, ut Typographiæ Princeps & impressoris & Collocatoris officio fungi debuerit. Unde Argentina sumtibus itineris & aliis emolumentis promissis hujusmodi accersendus erat, id quod David Chytræus in Epistola quadam ad Marbachium data abunde testatur. Sed ad recentiora procedemus tempora, eaque breviter exponenda. Nempe sublata erat in altum Ars omnium Artium conservatrix præstantissima, lapsu tamen gravi Seculo XVII. iterum ruere cœpit. Et quidem ad summum posteaquam evecta fuit, Genevenses ut accusantur, & etiam nunc sæpius solent, primi erant, qui operas istas corruperunt: Invidia enim ducti, carius paululum vendi libros ab aliis cernentes, pretio viliori sua exposuere venalia. Ne vero damnum paterentur, charta nigra lite-

ris minus acutis , præcipue vero rudi-
bus in omni genere doctrinæ Corre-
ctoribus usi sunt; Hæc alii secuti , non
literato amplius orbi , sed opibus quæ-
rendis inhiantes , lucri cupidi , deprava-
tissimos luci publicæ dedere codices.
Sic autem fieri aliter non potuit , quam
ut successu temporis illustre inventum
ad ruinas propenderet , & ad sordes
redigeretur ; id quod factum fuisset , ni
in Belgio quidam inventi fuissent , qui
pristinum tuerentur nitorem. Ipse ce-
leberrimus *Scaliger* , quamvis ea ætate
vixerit , quæ Argentea vocari potuit ,
cum tamen decrementa Artis conspi-
ceret , hunc in modum conquestus in
Epistola quadam ad amicum scripta ,
egitur. *Nunquam* , ait , *otiosi sumus* ,
etque utinam , votorum nostrorum vela
errent Typographi. Sed ab iis ventus nos
ferit , *quo minus ad portus nostros vela*
accere possimus : Aut enim recusant edere ,
et si excadant , suo commodo excidunt ,
interea nos torquent expectatione ;
et ipsi res suas agunt , nostras negligunt.
Templo nobis sunt Elzevirii antea

laudati, diligentique ac solerti industria non postremi; Et tamen de his causam se habuisse *Ericus Puteanus*, cur querelas ferret, credidit. Sic enim *ad Dan. Heinsium in Ep.* quadam occurrente p. 129. ed. 120. Lugd. Bat. scribit: *Benigne de studiis tanquam communibus delitiis inquiris: Sed satis frigide ea tracto, ut tempora sunt ingeniis & elegantis infesta, imo ut homines sunt, nescio qua pertinacia ab omni cultu meliori alieni. Exiguum aliquid de Nundinis Romanis paraveram, illud fortassis ad Elzevirios missurus sum. Nitidissimus ille est; sed famam tam exilitas characterum non parum retardat. Et paulo post: Morbum seculi accuso: quid agas? Lucrum magis, quam famam querunt Typographi, ideo enim Typographi sunt. Atque huiusmodi erant temporum fata, multo tamen meliora, quam nostra. Interim nec diffiteri possum, injuriâ sæpius questos fuisse viros doctos, nec Typographos accusandos, sed multo magis eos, qui literatorum nomen affectant: Hi enim vel nimis delicatuli sunt in*
coëmen-

eoẽmendis legendisque scriptis, ut facile habeant, quæ non placent, ideoque respuant: Vel nimis sunt rudes, ut nugæ potius quam bona ament scripta, & ideo erudita volumina, captum suum transcendentia, rejiciant, nisi forte furore librærum corradendorum, & gloriæ Nominis inde consequendæ causa, compareant. Hinc igitur, ne sumtibus, quos codicibus imprimendis impenderunt, priventur Typographi, ad libidinem plebis, & studiis vulgi se attemperantes, quasi quodam torrente abrepti, excudunt, quæ vendibilia sunt. Accedit, quod prioribus temporibus scripta egregia typis subjecta plerumque fuerint; talia certe videbantur, atque hinc emtoribus salivam movebant: Manuscripta enim tam Scriptorum Ecclesiasticorum, quam profanorum ex latibulis protracta fere omnia cum applausu suscipiebantur, qua vix centesimus quisque exemplar aliquod antea conspexerat. Posteriori vero ævo, Libris necessariis jam magna copia extantibus, & super eos nonnisi obser-

vationibus Criticis, aliisque lucubrationibus non indoctis quidem, sed non omnibus peræque gratis, prodeuntibus, factum est, ut emtores, nausea quadam laborantes, ipsimet Typographorum res eo deduxerint, ut non nisi occasio querulandi viris Eruditis subministrata sit. Interim tamen & hi meliori adhuc usi sunt fortuna, quam nos nunc utimur, ubi mali libri quærentur a Typographis omni studio & contentione: boni vero Typographos frustra ambiunt; & tanquam orphani oberrant. Merito igitur *Clarissimus Crenius in Miscellaneis suis Philologicis* inquit: *Rem literariam non melius hoc nostro tempore, sed deterius sese habere, ac pejus. Paucissimos inveniri libros, quos non Typographorum avaritia, pertinacia, & stulta prudentia persuasio corrumpit.* Neque hæc labes pallianda est, sed scapham appellare scapham decet. Perlustret saltem, cuicunque vacat, omnes Germaniæ, ut de hac saltem loquar, Civitates, & Musarum potissimum sedes, quas Academias vocant;

Augiæ

Augiæ reperiet stabulum ; tantæ enim stupiditatis passim obvios habebit Typographos, qui vix hoc digni sunt nomine , & spurii, quam genuini Veterum dicendi filii. Nec desunt Academicarum haud infrequentium Typothetæ, qui ne quidem absque vitiis Germanicè pingere poterunt, multo minus idiomate peregrino, tantum abest, ut literati dici possint. Imo vero, si quis saltem Syllabas cōlligere sciat, artis de reliquo addiscendæ cupidus, suscipietur, quicumque demum fuerit, & quicquid de reliquo calleat. Quid? quod tantopere dissoluta artis compages, ut alii sint, qui exprimant, alii, qui typos componant, ita rudes, ut utroque simul labore defungi vix valeant, sed alterutrum addidicisse satis putent. Horum tamen fidei, scripta maxima sedulitate, multoque sudore confecta, committere, nihil aliud est, quam ut Clarissimus Henricus Stephanus loquitur: Furiosis hominibus gladios in manus tradere. Nec pauci hujus farinae sunt, sed longe plurimi ; Absit tamen,

ut omnes ac singulos in recensum hunc venire dicam; Non solum enim quidam dantur, ut lusi inter cæcos regnantes, verum reperiēs, quamvis rariores, nantes in gurgite vasto, ad veterum diligentiam, qui contendant, propiusque accedant. *Huguetani* in Belgio, *Wettstenii* Amstelodami: quorum & præcipue Henrici Laudes unico saltem demonstrabo testimonio; sic enim ipso in præfatione Novi foederis, editioni Græcum locis variantium ad modum Millianæ editionis præmissa, scripsit: *Reliqua, quæ opusculo huic adjeci, videbis in Indiculo sequenti. Nec præter hæc quicquam adderem, nisi laudanda hic veniret exactissima accuratio atque diligentia virorum clarissimorum Græcesque doctissimorum, quæ laborem meum in corrigendo hoc opusculo adjuvare voluerunt. Eam vero talem, credo, reperiēs, quæ major nulla desiderari possit.* Typograph. Roman. Collegii de propaganda fide, quam intrantibus scheda sexaginta linguarum characteribus splendida exhibetur: Oxonienses & Cantabrigienses in
Thea.

Theatris & Collegiis aliquot officinæ:
Bullifonius Neapolitanus, & in Germania
 nostra, *Fritschii* cum *Gleditschiis*, Bi-
 bliopolis, & forte etiam Orphanotro-
 phium Halense, nomina sunt, quæ em-
 toribus, vel in titulis præscripta, hodie in
 pretio esse solent, utpote de quorum
 studio, consiliis, impensisque in im-
 primendis libris factis, omnibus constat.
 Hujus rei, quod *Gleditschium* attinet,
 veritati fidem facturus, Corpus Juris Ci-
 vilis Rom. in 4to majori 1705. exc. in
 Scenam producarn, in quo emendate
 imprimendo ita sumtuum haud peper-
 cit laudatus vir, ut plurimas Germaniæ
 Academies, in singulas novem miserit
 plagulas, ut Doctores inspicerent, &
 quæ restituenda putarent, restituerent.
 Illi vero, qui Lipsiæ operis ipsius Corre-
 cturam gessit, qui jam provectiori atate
 vir est, Imperialem pro singulis schedis
 exhibitum fuisse, non incerto nitor
 fundamento. Eminent tamen ex his
 omnibus Anglicani & Belgici codices,
 charta alba, typisque purioribus gau-
 dentes, quamvis etiam Batavorum co-

doctissimus ineptissimo, quid intersit, qui color, nitor, ornatus vetustis erat illis Athenarum Latinisque scriptoribus: cum prodirent ex officinis, ubi elegantissimis ipsorum operibus typorum munditiam, obscuris lucem, depravatis sensum, vagis locum, confusis ordinem, dubiis veritatem, artifice manu accurata lectione, felici conjectura, solerti ingenio, certa methodo, sagaci censura dabat idem Interpretes & Typographus. At contra quam insignem accipiunt jacturam venerabilia antiquitatis docta monumenta, cum in ea involent illotis manibus Typotheta & Correctores, qui vix aliud, nisi album & nigrum norunt; multumque sibi pra ceteris sapere videntur, si Græca a Latinis, Hebraica a Græcis possunt discernere. Inter ea quicquid delirant Typographi, optimè plectuntur Auctores, in quibus tot eduntur monstra, ut dubites, Censore ne an Haruspice opus sit. Artis autem Typographica usus non corrumpitur tantum, si scripta bona excudantur male, sed etiam si bene mala, quæque a flamma potius, quam prælo lucem accipere meruerint.

Vide-

Viderint igitur bonarum literarum Vindices ac Patroni, quibus datum est licentia frana injicere; ne, Typographia, qua artium liberalium familiaris fuit semper ac necessaria, dignitas prorsus evilescat, ne eam barbariem, quam olim introducta & culta fugaverat, reducat neglecta & violata.

Lacrymis vobis deploranda est, Musarum Principes, hæc miseria: omnes vestrae intendendæ vires, ut barbaries ista tollatur, omnibus eo nitendum, ut in meliorem statum hic corruptissimus mutetur. Bibliopolæ, qui hodie non nisi Titulos librorum norunt & pretium, reliqua negligentes, & Typographi ipsi, Musis strenue operam navent necesse est; neque assumendus quisquam ad cognoscendam artem, ni præcipua, aut Humanitatis certe notitia probe imbutus fuerit. Lucri bonus odor, non sit illis ex libro quolibet. Omnium autem maxime Correctores, qui omnem fere ducunt lineam, præfiantur officinis Eruditi, & linguarum, earumque iadolis inprimis

mis periti. Sic Deo favente felicius impositum omnia successura credo, ac inventum hoc splendidissimum, ad pristinum reditum esse decus, penitus confido. Non possum, quin, memor consilii, a viro Clarissimo mecum communicati, illud paucis commemorarem. Devolvebat ille omnem curam in Magistratum cujusque Civitatis. Exstruendæ illi videbantur officinæ publicæ; congerendi ab eo typi; comparandæ plagulæ, idque totius Reipublicæ sumptibus. Ad hæc, frequenter visitandæ: Censores constituendi, dicebantur, probi & Eruditi: Pretium laboribus definiendum, ne lucri cupido rem destruat: Alendi, id quod maximum, viri ad officia pro ratione Artis subeunda, idonei, ii omni Eruditione referti, qui attente corrigerent codices, & toti officinæ gubernandæ præessent, iidemque Theologi, Juris periti, Medici & Philosophi omnium artium Doctores, facile, data pecuniâ, comparandi. Sed amplius putaverat ille, juramento solemni a Magistratu obstringendos esse,
de

de servandis legibus, & totius Imperii Germanici, & singularum Civitatum: Nam id olim etiam in describendis codicibus, uno dictante, reliquis calamo excipientibus, unde postea tot variae lectiones ortæ sunt, observatum fuisse in *Paschii Nov-Inventis* legisse memini. Commoda, quæ si ita, uti animo conceperat, expedirentur, spondebat, consilium ob multas causas vix implendum, permulta secutura esse. Fore enim, ut plures libri, ob voluminum multitudinem conspicui, lucem visuri sint publicam, Magistratu pecuniam prænumerante, cum alias Typographis, privatae conditionis tantam auri vim uni operi haud impendentibus, in scriniis delitescerent. Adde, quod ea valeat Magistratus autoritate, qua, ne quis dolose editiones repetere possit, impediatur; quibus alioqui de causis non raro mediocris fortunæ homines, impendii sui fructu destituuntur, imo penitus ad interitum rediguntur. Tot fuit præterea, & nullius pretii plagula orbi erudito non obtruderentur;

nulli

nulli enim libri prelis mandandi essent, nisi Correctoris & Censoris, Magistratus decreto publico constitutorum, approbatione muniti : Neque ipsa denique Bibliopolia scaterent tot Amatoriis, aliisque vilissimi argumenti scriptis. Præcipue omnium vero concessa Correctoribus ea potestate emendandi ac castigandi & typos, & res ipsas, verbis significatas, tot novæ opiniones, tot jurgia, tot altercationes cessarent; exterminatis in primis illis, ut loqui amant, putidis personarum insectationibus : Turpe utique lectu, quanta sæpius animi contentione Lumina ac Principe Eruditorum, Theologi, etiam ii, qui præ aliis pii videri cupiunt, & alii, magno cum Lectorum scandalo, sibi invicem vitia exprobraverint, ac morum minus probatorum objectione toti literato orbi facta, famam nominum, Eruditionis, modestiæque gravissime læserint. Possem his alia addere emolumenta inde fluentia; sed nihil ulterius, nisi illud urgeo : Ipsas Imperii Germanici ordinationes & Leges, ea a
Typo-

Typographis jam dudum requisivisse:
 Sic enim in *Additionibus ordinationum
 Politicarum de Anno 1527. ad 1535.*
 publica Ordinum autoritate consti-
 tutum est: Es soll keinem Buch-
 drucker zugelassen werden / der nicht
 zuvorhin von seiner Obrigkeit / da er
 häufiglich sihet / darzu redlich / erbar
 (utinam adderetur gelehrt) und allers-
 dings tüglich erkennet / auch daselbst
 mit sonderbahrem leiblichen Eid be-
 laden / in seinen Trucken / jehigen und
 andern Reichs- Abschieden gemäß zu
 verhalten. Ferner sollen einem je-
 den allerley lästerliche Bücher /
 Schrifften / Carten / und Gedicht in
 Truck zu geben / oder zu trucken /
 durchaus bey hoher Straff / so wohl
 Verlust der Bücher als Truckereyen/
 verboten seyn. Es soll auch keiner
 etwas zu trucken Macht haben /
 das nicht zuvor von seiner Obrig-
 keit ersehen / und also zu trucken ihm
 erlaubt wäre. Es soll derselbe auch
 des Richters oder Autoris gleichfalls
 seinen Namen und Zunamen / die
 Stadt

Stadt und Jahr: Zahl darzu setzen /
 da aber deren Dingen eins oder mehrs
 unterlassen / sollen nicht allein die ge-
 druckten Bücher / Schrifften und
 Carten von der Obrigkeit confiscirt /
 sondern auch der Truckler / und bey
 weme die zu kauffen / oder sonst aus-
 zubieten begriffen / an Gut / oder sonst
 nach Gefallen / und vermög gemei-
 ner Rechte / unnachlässig gestrafft
 werden / *ic.* Si hæc observarentur me-
 lius utique res nostræ se haberent ; sed
 quot Anonyma scripta ? Quot impudi-
 ca carmina ? etiam iis voluminibus
 immixta , quæ bona alia & a magnis
 profecta viris videntur ? Quot plagulæ
 invectionum & injuriarum plenæ pro-
 pelluntur ? Quot impia dogmata fo-
 ventur & incrustantur ? idque fit præ-
 textu relinquendæ conscientiarum li-
 bertatis ; hoc est , ut quod res est , dica-
 mus : Scriptori concedendum esse , ut
 scribat , quicquid placeat. Optime
 igitur Magistratum facere judicamus ,
 quem harum rerum sollicitudo tenet , si
 suo satis facit officio , sic enim & sibi
 sua-

suæque tranquillitati, & quieti Rerum
publicarum non minus quam Ecclesiæ
consulet. Sed hæc hæctenus; ad ipsos
enim Correctores tandem cura nostra
convertenda est. Verum cum & hic
discrimen maximum appareat inter
vetustiores & recentiores, paullulum
adhuc disquisitioni hujus negotii erit in-
sistendum. Habuerunt Veteres suos
Bibliopolas; habuerunt Scriptores Li-
brorum; Habuerunt Correctores. Illi
tales non raro erant, quales apud nos
certatim habentur, ut *Lucianus* de iis
testatur, cujus verba *Clar. Schoëttgenius*
in dissertatione erudita de Bibliopolis &
Librariis Veterum, latine hunc in mo-
dum reddidit: *Quis autem cum Biblio-*
polis de Eruditione certabit, qui tot libros
habent & vendunt? Sed si forte me-
cum disputare velis (quare Tibi hos
objiciam) videbis; eos, quod Eruditionem
spectat, Te non multo esse meliores, sed
barbare eos loqui, sicut Tu quoque soles, & ni-
hil plane intelligere, quales illi sunt, qui
nihil boni aut mali unquam cognoverunt.
Conveniunt etiam isti in aliis vitiorum

generibus , cariori sua vendebant pretio , laudabant Scriptores , ut venales protrudere possent , quamvis nulla interdum laude dignos , unde *Martialis* L. XIV. Ep. 194.

Sunt quidam , qui me dicunt , non esse Poëtam ,

Sed qui me vendit , Bibliopola putat.

Quod Scriptores attinet , ranciora primis Seculis fuisse scripta , crediderim , & cariora , quam recentioribus. Nam ordinibus Monachorum ortis , ignavi isti homines nihil , quod agerent , habebant , nisi ut de scribendis codicibus , modo antea jam indicato , vacarent. Nec tamen Correctores deerant a quorum fide & industria codices commendabantur ; Eum vero laborem vel Autor ipsius libelli , vel alii mercede ad id conducti fuscipiebant , a quibus etiam Indices adjici solebant. Unde *Sidonius* L. V. c. XV. ad *Ruricium* citante *Schoëttgenio* : *Librum igitur , ait , Heptateuchi scriptum velocitate summâ , summo nitore , quanquam & nobis relectum & retractum. Desert & volumen Prophetarum , licet me absente*

*absente decursum, sua tamen cura manu-
que de supervacuis sententiis erudera-
tum; nec semper illo contra legente, qui
promiserat operam suam: Credo, quia in-
firmitas fuerit impedimento, quo minus
pollicita compleret.* Observat præterea
laudatus Schoëttgenius Bibliopolas lau-
dasse merces suas, nonnunquam in
emendatos libros pro emendatissimis
in scio Lectori vendendo, exemplum-
que ex Gellio L. V. c. 4. adducit. Gram-
maticum quempiam e nobilioribus ab
emendatore ad spectandos libros adhibitum,
repperisse unum in libro mendum: Sed
Librarium in quodvis vocasse pignus,
si in una uspiam litera delictum esset.
Et ego mihi facile persuadeo, iis tempo-
ribus, quibus adhuc literæ valebant,
& Bibliopolas & Scriptores & Corre-
ctores excelluisse; nec tamen id ne-
gandum, imminente post quartum, imo
tertium, seculum barbarie, omnia ivisse
in pejus: Ipsi enim, qui Eruditi vocari
cupiebant, Bardi erant, & vix primis
tincti literis Seculis præcipue IIX. IX. X.
XI. XII. seqq. Quid igitur de reliquis

rit tunc temporis Ars Critica habita ,
 haud obscure patet. Quæ tamen suc-
 cessu annorum , cum ejus ufus adeo
 insignis non amplius esset, fere iterum
 expiravit, aut in nãnias nugasque inu-
 tiles abiit , unde etiam Correctores re-
 centiorum temporum ea doctrinæ vi
 non inclaruere , ut isti. Interim ta-
 men dolendum ita evanuisse & artem
 ipsam & reliqua ejus ornamenta. Un-
 de jam *Thom. Garzonis in Piazza Uni-*
versali discursf. 128. vertente sic *Ahaf-*
vero Fritschio, piissimo Juris-Consulto,
in Schediasmate de Juribus Typogra-
phiarum, scripsit: **Bei dem Trucken**
hat man heutiges Tages keinen son-
derlichen Mangel / als daß sie bißwei-
len um der Woffeilung willen einen
schlimmen Vocativum zum Correctore
nehmen / der in geringen Sachen mehr
Fleiß anwendet / als in was recht-
schaffenes. Melius vero vera hæc
exprimit Pius & Beatus Mengerings in
Scrutinio Conscientia: Es wollen die
 Buchdrucker oftmals nicht etwas
 spendiren / und aufwenden / daß sie
 einen

einen verständigen und gelehrten
 Correctorem in den Druckerereyen hät-
 ten / und hielten / der die Materie cum
 iudicio revidiren / und corrigiren thä-
 te / sondern Stümpler und Stümpler/
 halbwächfige Studenten / Penäle und
 Pedanten / die nehmen quid pro quo,
 und schauen aus Unverstand oben
 hin / daß oft die Correctur eben tang/
 wann ein Opus publicirt worden.
 Optime sane iudicavit vir candidissi-
 mus, cum quo consentire videtur Ce-
 leberrimus Caveus in Prolegomenis Scri-
 ptorum Ecclesiasticorum ed. Genev. fol.
 1693. §. V. scribens: *Alii sunt, qui Ty-
 pographia quidem sua Curatores ac Cor-
 rectores admovent, virosque alunt libris
 prelo parandis invigilaturos, sed vilis
 pretio conductos, ignaros nempe & igna-
 vos Monachos, qui levi, quod ajunt, digito,
 rem suam oscitanter agunt, & pro uno
 vitio sublato, immenso mendarum cumulo
 libros augere solent: ut de prelis Lugdu-
 nensibus aliisque nonnullis, non infime
 nota viros conquerentes non semel audivi.*
 Meditare saltem, benevole Lector, &

perpende quæso, quot hodie invenire possis Correctores doctos? perpauci sane erunt, idque ideo, quoniam nonnulli, aut latent, aut latere ipsi ultro cupiunt, cum vana persuasione labores istos sua gravitate & doctrina indignos censeant, alii vero minus ambitiosi, ut non vereantur innotescere, tanta tamen vulgarium hominum copia quodammodo opprimuntur, ut juxta cum illis in tenebris delitecant: Plerique vero fungi sunt, & ea indole, qua Mengeringius antea depinxerat. Quibus rebus fieri solet, ut plurimi Scriptores in Academiis præcipue, suos foetus in lucem emittendos purgare & ipsi necesse habeant; quo labore a reliquis negotiis promte agendis non solum avocantur, sed etiam, ubi se absentibus quid excudendum sit, longa opus habeant mendorum Typogr. deprecatione. Non desunt quidem in quibusdam locis Magistratum mandata, & *Petrus Rebuffus tractatu de Privilegiis Universitatum* scripsit: *Ob id bonum esset, serenissimum Regem statuere, neminem*

nem posse imprimere, nisi haberet Corre-
ctores doctissimos, & paulo post : Scio,
quod hac Parisiensis Universitas suis Li-
brariis juratis precipiat, ut Correctores
idoneos haberent, sub pœna privationis.
Gedanenses certe prudenti admodum
consilio Typographis injungebant, si
pagina tria vel quatuor ostenderet vi-
tia, recudendam esse, si efflagitaret Au-
tor, sine hujus impensis. Optaverat
jam hujusmodi *Cel. Lipsius*, de quo
Beyerlinckius in Theatro Vita Humana
refert, dixisse : Correctores hoc difficillimo
rei Literariæ tempore, utiles necessariique
sunt, non ii tamen promiscui, non indocti,
rapaces Petrones, sed qui consilio reque
apse juvare scriptores possint. Rober-
tum Stephanum decem aluisse hujus-
modi viros in ædibus suis, certis monu-
menti constat; ipsum vero etiam
omnia revidisse, & in plateis paginas
suspendisse, pollicitumque pretium cer-
tum pro singulis erroribus Typogra-
phicis, relatum habemus. Id si fieret
a nostris Typothesis, Iro pauperiores
brevis omnes crediderim futuros. Do-
lenda

lenda hæc sunt , & optanda meliora fata. Nos interim non male actum fore judicamus , eos plagulis quibusdam recensere , & merita extollere , qui in hujusmodi laboribus defudarunt. Quorum adeo Centuriam ab aliquo collegimus tempore , & nunc etiam exhibemus. Equidem videbis B. L. nonnullos non comparere in hoc indice , quos vel Tu , vel alii intulissent. Sunt vero *Conradus Goëdenhusen* Juris-Consultus , & *Cornelius Schrevelius* Medicinæ Doctor & Gymnasii Lugd. Rector , quorum ille Amstelodami , hic Lugduni in Belgio emendationis curam habuere Corporis Juris Justiniani , cum notis integris *Dionys. Gothofredi* , opera & studio *Simonis van Leeuwen* / Juris-Consulti Lugd. editi fol. 1663. ita quidem , ut Goëdenhusius Codicis Novellarum , & quæ has sequuntur capitum , rationem habuerit ; Schrevelius vero Institutiones & Pandectas correxerit : uterque ob eos labores non satis laudandi. Similiter *Dan. Guil. Mollerus* , Posoniensis Hungarus , Prof. Metaph. & Hi-

& Historiarum Altdorfinus, ante aliquot annos mortuus, ex Itinere Italico red-
 uxor Argentorati aliquamdiu subsistens
B. Dorfchei Biblia Numerata sub prelis
 sudantia erroribus liberavit Typograph.
David Clodius, Celeberrimus Gifensium
 Prof. curam gessit Lexici Arabici a *Clar.*
Golio conscripti & in fol. editi. *Hippo-*
meneus Trapezuntius, Eruditus Græcus,
 Constantinopoli Venetias missus est,
 ut Correcturam Lexici s. Thesauri uni-
 versi Græcæ linguæ ageret, *Varini*
Phavorini Camertis Nucerini Episcopi
 editi 1711. fol. recus. Lips. apud Gle-
 ditschium & Weidmannum, de quo
 conferatur *Bücher. Snal* P. XXV. p. 2.
 ut nihil dicam de veteribus quibusdam,
Johanne Sybero, Germano, qui floruit
 Anno 1548. in Italia. *Thoma Genuensi*
de Valerana Correctore Venetiano An.
 1561. quem laborem exhibuit in Cornu
 Copiæ emisso & emendato a *Benedicto*
Brugnolo. Taceo item *de Hieron. Salio*
Faventino, & *Georg. de Rusconibus*, quo-
 rum ille Bononiæ Anno 1488. alter ve-
 ro Venetiis hujusmodi curas suscepe-
 rant.

rant. Prætereo etiam *Franciscum Gar-*
siam, Professore Theol. in *Tarraconensi*
Academia, *Matth. Moretum*, *Brixiensem*,
Johannem Santonum de Bassonis, Med.
 Doctores; *Petrum Loslein de Langen-*
zen, qui *Appianum* pulcherrimis typis
Venetis Anno 1477. correxit. *Johan-*
nem & Gregorium de Gregoriis itidem
Venetis clarescentes. *M. Jacobum*
Merlinum officinæ *Ascensianæ* Præfe-
 ctum, & alios forsitan in *Centuria* altera
 memorandos. Et quis omnes noris,
 qui pauca & non nisi singula scripta
 fidei suæ commendata habuere, quos
 siceo transire pede constitui. Omisi
 etiam eos, qui non nisi sua volumina
 emendarunt. Ideo anxius diu hære-
 bam, memorarem ne aliquid, vel file-
 rem, de viro apud *Remonstrantes*
 splendidissimo, & undiquaque celebra-
 tissimo, *Johanne Clerico: Burmanni* ve-
 stigii si placuisset insistere, utique in
 numerum *Correctorum* cum retulif-
 sem: Ille enim inter alia objecit *Clerico*,
 quod, antequam ad officium publi-
 ci promotus fuerit, corrigendis co-
 dicibus

dicibus Amstelodami operam navarit. Et quod maximum, cum in emendando apud Huguetanos Hesiodo, Clarissimo Gräbio curante, in lucem emittendo, insolentem egisse Correctorem affirmat, ea, quæ Gräbii fuerant, sibi tribuendo, mutatoque titulo, ex recensione Gräbii, fraudulenter supponendo, ex recensione Clerici. Quo dolo comperto, Gräbium vix eo redigere rem potius se, ut nomen & Exemplaria ita excusa restituerentur. (Præter hæc ignorantiam in Græcis, animum maledicum, in eos præcipue qui mortui, & quos vivos veneratus admodum fuerat, objecit. Addidit genium viri in scripturis interpretandis nimis solutum & liberiolem, uxoris etiam Polygraphi isti *Greg. Leti* filiæ Magnificentiam, Luxum & Opulentiam.) Hæc & alia a Perizonio & Burmanno aliisque Clerico exprobrata, quibus vero audacter semper restitit, repetenda fuissent. De quibus cum meum non sit judicare, illud saltem moneo, quod ipsum attinet Burmanni effatum de curis Clerici

Typogr.

generibus , cariori sua vendebant pretio , laudabant Scriptores , ut venales protrudere possent , quamvis nulla interdum laude dignos , unde *Martialis* L. XIV. Ep. 194.

Sunt quidam , qui me dicunt , non esse Poëtam ,

Sed qui me vendit , Bibliopola putat.

Quod Scriptores attinet , ranciora primis Seculis fuisse scripta , crediderim , & cariora , quam recentioribus. Nam ordinibus Monachorum ortis , ignavi isti homines nihil , quod agerent , habebant , nisi ut de scribendis codicibus , modo antea jam indicato , vacarent. Nec tamen Correctores deerant a quorum fide & industria codices commendabantur ; Eum vero laborem vel Autor ipsius libelli , vel alii mercede ad id conducti suscipiebant , a quibus etiam Indices adjici solebant. Unde *Sidonius* L. V. c. XV. ad *Ruricium* citante *Schoëttgenio* : *Librum igitur , ait , Heptateuchâ scriptum velocitate summâ , summo nitore , quanquam & nobis relectum & retractum. Desert & volumen Prophetarum , licet me absente*

*absente decursum, sua tamen cura manu-
que de supervacuis sententiis erudera-
tum; nec semper illo contra legente, qui
promiserat operam suam: Credo, quia in-
firmitas fuerit impedimento, quo minus
pollicita compleret.* Observat præterea
laudatus Schoëttgenius Bibliopolas lau-
dasse merces suas, nonnunquam in
emendatos libros pro emendatissimis
in scio Lectori vendendo, exemplum-
que ex Gellio L. V. c. 4. adducit. Gram-
maticum quempiam e nobilioribus ab
emitore ad spectandos libros adhibitum,
reperisse unum in libro mendum: Sed
Librarium in quodvis vocasse pignus,
si in una uspiam litera delictum esset.
Et ego mihi facile persuadeo, iis tempo-
ribus, quibus adhuc literæ valebant,
& Bibliopolas & Scriptores & Corre-
ctores excelluisse; nec tamen id ne-
gandum, imminente post quartum, imo
tertium, seculum barbarie, omnia ivisse
in pejus: Ipsi enim, qui Eruditi vocari
cupiebant, Bardi erant, & vix primis
tincti literis Seculis præcipue IIX. IX. X.
XI. XII. seqq. Quid igitur de reliquis

boni exspectari potuerit non video. Remittente vero Sec. XV, immani ista studiorum barbarie, & reliqua cessura videbantur mala. Nam arte Typographica inventa, aderant non nisi scripta, manu pessime picta. His autem ut genuinus sensus, quem Autores indigitaverant, restitueretur, non inepti, & pingui Minerva ludentes idonei erant viri, verum doctrina varia liberaliter instructi. Tales proinde plurimi fuerunt, qui in recensu mox instituendo occurrent, Græce, Hebraice & Latine bene docti. Nam Patrum scripta Voluminaque, quæ & quanta sint, quis ignoret? & quanti labores fuerint in restituendis istis, quis non miretur? Interim tamen plenaria utebantur potestate, quidlibet mutandi corrigendique, unde Patres S. ita castigatos in Locis Romanæ Ecclesiæ adjectis Correctorum culpa prodiisse constat. Quidam autem vel in ipsis Typographorum ædibus has navabant operas, quidam vero per scripta consulebantur; Cujus rei fidem facturus exhi-

exhibebo literas , a *Johanne Amerbachio* ad *Reuchlinum* missas , & a *Venerabili Majo Vita* ejusdem 8. editæ p. 71. insertas , quibus loca quædam *Hieronymi* explananda cupit. *Sunt enim*, scribit, *Vocabula in antiquis libris ita corrupte scripta*, quod literas quoque non cognosco. Quapropter ea *Vocabula Græca*, qua non intelligo , quaternionibus quibusdam depinxi, eo modo , quo potui ex antiquis libris , & eis breves sententias ex *Commentariis præmissi*, dedique ea omnia religioso viro *Conrado Leontario* , tibi , ut ait , notissimo , ad Te deferenda , qui & mihi affirmavit , rem meam apud Te promoveri , & instare , ut operam des illorum emendationi & Correctioni. Quod & ego ea instantia , qua possum , peto , & pro laboribus quicquid petieris , libentissime dabo. Si autem me derelinquis , neminem scio in *Alemannia*, qui me juvare possit. Paria etiam præstitit , celeberrimus *Altdorfsium Polyhistor*, *Conradus Rittershusius*, qui sæpius in consilium a *Typographis* vocatus , lubens & strenue eos juvare solebat. Unde, quantifue-

rit tunc temporis Ars Critica habita, haud obscure patet. Quæ tamen successu annorum, cum ejus usus adeo insignis non amplius esset, fere iterum expiravit, aut in nœnias nugasque inutiles abiit, unde etiam Correctores recentiorum temporum ea doctrinæ vi non inclaruere, ut isti. Interim tamen dolendum ita evanuisse & artem ipsam & reliqua ejus ornamenta. Unde jam *Thom. Garzonis in Piazza Universalis discurs.* 128. vertente sic *Ahasvero Fritschio*, piissimo Juris-Consulto, in *Schediasmate de Juribus Typographiarum*, scripsit: **Bei dem Trucken hat man heutiges Tages keinen sonderlichen Mangel / als daß sie bißweilen um der Woffeilung willen einen schlimmen Vocativum zum Correctore nehmen / der in geringen Sachen mehr Fleiß anwendet / als in was recht-schaffenees.** Melius vero vera hæc exprimit *Pius & Beatus Mengerius in Scrutinio Conscientia*: **Es wollen die Buchdrucker oftmals nicht etwas spendiren / und aufwenden / daß sie einen**

einen verständigen und gelehrten
Correctorem in den Druckerereyen hät-
ten / und hielten / der die Materie cum
judicio revidiren / und corrigiren thä-
te / sondern Stümpler und Stümpler /
halbwächfige Studenten / Penäle und
Pedanten / die nehmen quid pro quo,
und schauen aus Unverstand oben
hin / daß oft die Correctur eben lang/
wann ein Opus publicirt worden.
Optime sane judicavit vir candidissi-
mus, cum quo consentire videtur Ce-
leberrimus Caveus in Prolegomenis Scri-
ptorum Ecclesiasticorum ed. Genev. fol.
1693. §. V. scribens: Alii sunt, qui Ty-
pographia quidem suae Curatores ac Cor-
rectores admovent, virosque alunt libris
prelo parandis invigilaturos, sed vilis
pretio conductos, ignaros nempe & igna-
vos Monachos, qui levi, quod ajunt, digito,
rem suam oscitanter agunt, & pro uno
vitio sublato, immenso mendarum cumulo
libros augere solent: ut de prelis Lugdu-
nensibus aliisque nonnullis, non infima
nota viros conquerentes non semel audiui.
Meditare saltem, benevole Lector, &

C s

per-

perpende quaeso, quot hodie invenire possis Correctores doctos? perpauci sane erunt, idque ideo, quoniam nonnulli, aut latent, aut latere ipsi ultro cupiunt, cum vana persuasione labores istos sua gravitate & doctrina indignos censeant, alii vero minus ambitiosi, ut non vereantur innotescere, tanta tamen vulgarium hominum copia quodammodo opprimuntur, ut juxta cum illis in tenebris delitecant: Plerique vero fungi sunt, & ea indole, qua Mengerius antea depinxerat. Quibus rebus fieri solet, ut plurimi Scriptores in Academiis praecipue, suos foetus in lucem emittendos purgare & ipsi necesse habeant; quo labore a reliquis negotiis promte agendis non solum avocantur, sed etiam, ubi se absentibus quid excudendum sit, longa opus habeant mendorum Typogr. deprecatione. Non desunt quidem in quibusdam locis Magistratum mandata, & *Petrus Rebuffus tractatu de Privilegiis Universitatum* scripsit: *Ob id bonum esset, serenissimum Regem statuere, nemi-*
nem

nem posse imprimere, nisi haberet Correctores doctissimos, & paulo post : Scio, quod hac Parisiensis Universitas suis Librariis juratis precipiat, ut Correctores idoneos haberent, sub pœna privationis. Gedanenses certe prudenti admodum consilio Typographis injungebant, si pagina tria vel quatuor ostenderet vitia, recudendam esse, si efflagitaret Auctor, sine hujus impensis. Optaverat jam hujuscemodi *Cel. Lipsius*, de quo *Beyerlinckius in Theatro Vita Humana* refert, dixisse; Correctores hoc difficillimo rei Literariæ tempore, utiles necessariique sunt, non ii tamen promiscui, non indocti, rapaces Petrones, sed qui consilio reque apse juvare scriptores possint. Robertum Stephanum decem aluisse hujusmodi viros in ædibus suis, certis monumentis constat; ipsum vero etiam omnia revidisse, & in plateis paginas suspendisse, pollicitumque pretium certum pro singulis erroribus Typographicis, relatum habemus. Id si fieret a nostris Typothesis, Iro pauperiores brevi omnes crediderim futuros. Do-
lenda

lenda hæc sunt , & optanda meliora fata. Nos interim non male actum fore judicamus , eos plagulis quibusdam recensere , & merita extollere , qui in hujusmodi laboribus desudarunt. Quorum adeo Centuriam ab aliquo collegimus tempore , & nunc etiam exhibemus. Equidem videbis B. L. nonnullos non comparere in hoc indice , quos vel Tu , vel alii intulissent. Sunt vero *Conradus Goëdenhusen* Juris-Consultus , & *Cornelius Schrevelius* Medicinæ Doctor & Gymnasii Lugd. Rector , quorum ille Amstelodami , hic Lugduni in Belgio emendationis curam habuere Corporis Juris Justiniani , cum notis integris *Dionys. Gothofredi* , opera & studio *Simonis van Eeuvwen* / Juris-Consulti Lugd. editi fol. 1663. ita quidem , ut Goëdenhusius Codicis Novellarum ; & quæ has sequuntur capitum , rationem habuerit ; Schrevelius vero Institutiones & Pandectas correxerit : uterque ob eos labores non satis laudandi. Similiter *Dan. Guil. Mollerus* , Posoniensis Hungarus , Prof. Metaph. & Hi-

& Historiarum Altdorfinus, ante aliquot annos mortuus, ex Itinere Italico red-
 uxor Argentorati aliquamdiu subsistens
B. Dorschei Biblia Numerata sub prelis
 sudantia erroribus liberavit Typograph.
David Clodius, Celeberrimus Gifensium
 Prof. curam gessit Lexici Arabici a *Clar.*
Golio conscripti & in fol. editi. *Hippo-*
meneus Trapezuntius, Eruditus Græcus,
 Constantinopoli Venetias missus est,
 ut Correcturam Lexici s. Thesauri uni-
 versi Græcæ linguæ ageret, *Varinæ*
Phavorini Camertis Nucerini Episcopi
 editi 1711. fol. recus. Lips. apud Gle-
 ditschium & Weidmannum, de quo
 conferatur *Bücher. Saal* P. XXV. p. 2.
 ut nihil dicam de veteribus quibusdam,
Johanne Sybero, Germano, qui floruit
 Anno 1548. in Italia. *Thoma Genuensi*
de Valerana Correctore Venetiano An.
 1561. quem laborem exhibuit in Cornu
 Copiæ emisso & emendato a *Benedicto*
Brugnolo. Taceo item de *Hieron. Salio*
Faventino, & *Georg. de Rusconibus*, quo-
 rum ille Bononiæ Anno 1488. alter ve-
 ro Venetiis hujusmodi curas suscepe-
 rant.

rant. Prætereo etiam *Franciscum Gar-*
siam, Professore Theol. in Tarraconensi
Academia, *Matth. Moretum*, *Brixiensem*,
Johannem Santonum de Bassonis, Med.
Doctores; Petrum Loslein de Langen-
zen, qui Appianum pulcherrimis typis
Venetiis Anno 1477. correxit. Johan-
nem & Gregorium de Gregoriis itidem
Venetiis clarescentes. M. Jacobum
Merlinum officinæ Ascensianæ Præfe-
ctum, & alios forsitan in Centuria altera
memorandos. Et quis omnes noris,
qui pauca & non nisi singula scripta
fidei suæ commendata habuere, quos
siceo transire pede constitui. Omisi
etiam eos, qui non nisi sua volumina
emendarunt. Ideo anxius diu hære-
bam, memorarem ne aliquid, vel file-
rem, de viro apud Remonstrantes
splendidissimo, & undiquaque celebra-
tissimo, *Johanne Clerico: Burmanni* ve-
stigiis si placuisset insistere, utique in
numerum Correctorum eum retulif-
sem: Ille enim inter alia objecit Clerico,
quod, antequam ad officium publi-
cum promotus fuerit, corrigendis co-
dicibus

dicibus Amstelodami operam navavit. Et quod maximum, cum in emendando apud Huguetanos Hesiodo, Clarissimo Gräffio curante, in lucem emittendo, insolentem egisse Correctorem affirmat, ea, quæ Gräffii fuerant, sibi tribuendo, mutatoque titulo, ex recensione Gräffii, fraudulenter supponendo, ex recensione Clerici. Quo dolo comperto, Gräffium vix eo redigere rem potius se, ut nomen & Exemplaria ita excusa restituerentur. (Præter hæc ignorantiam in Græcis, animum maledicum, in eos præcipue qui mortui, & quos vivos veneratus admodum fuerat, objecit. Addidit genium viri in scripturis interpretandis nimis solum & liberiores, uxoris etiam Polygraphi isti *Greg. Leti* filia Magnificentiam, Luxum & Opulentiam.) Hæc & alia a Perizonio & Burmanno aliisque Clerico exprobrata, quibus vero audacter semper restitit, repetenda fuissent. De quibus cum meum non sit judicare, illud saltem moneo, quod ipsum attinet Burmanni effatum de curis Clerici
Typogr.

Typogr. acriter etiam huic imputationi contradixisse novi, per calumniam & maledicentiam hæc tradi contententem indignumque hoc opus sua doctrina & gravitate existimantem. Ut ut illud nunquam negaverit, quod in suis scriptis impressis & recusis talem præstiterit operam. Hac igitur de Causa omisi Clericum, & hoc loco paucis mentionem ejus litigii fecisse sufficere arbitratus sum. Pari modo transire lubuit, *Marcum Meibomium*, qui una cum Clerico editionis nobilissimæ in Belgio excusæ, *Diogenis Laërtii Vitarum Philosophorum* ejusque correctioni præfuisse dicitur. Neque etiam præter *Plantinum*, *Henricum Stephanum*, *Frobenium*, *Oporinum*, & *Golzium* mentionem de aliis Typographis feci, qui libros ex officinis suis prodeuntes restituerunt; nam hoc modo omnes Eruditi Typogr. de quibus hæc peregisse probabile est, in Catalogum meum referendi fuissent. Eos autem, quos hic vides B. L. breviter recensui, addidi tamen, ex fide dignis Biographis

vitzæ

vitæ fata paucissimis , & qua brevitate potui , delineata. Libros vero ipsos , quos singuli emendarunt enumerare nolui , quin etiam si voluissem , fateor , non potuissem. Nam quod vetustiores spectat , vel prorsus iis latent , vel obscurius nobis innotuere , & ut Chronologiæ parum respondeat. Quod ad recentiores vero attinet , paucis interdum eosdem tetigi vel ad annum impressionis respicere jussi. Ipsum vero hoc negotium exactius peragendum , quamvis utilissimum foret , & ad notitiam librorum , eorumque nobilem præ aliis prærogativam apprime faceret , meis tamen humeris grave nimis onus judicavi ; relinquendam igitur aliis in hoc mari literario magis versatis duxi , quibus non erit arduum & molestum ad nostram qualemcunque opellam subinde observata , ut fieri solet , fundamentis positis , addere. Neque etiam , si quæ a nobis animadvertentur accuratiora , cum B. L. ea communicare imposterum dedignabimur. De reliquo ordine Alphabetico prima

D hæcce

hæcce lineamenta a nobis ducta, benevolentiae & æquitati Lectorum iterum iterumque commendamus agnitaeque tenuitate nostra, si quando hallucinatissimus, modestæ & ex amore veritatis profectæ correptioni lubentissime cedemus. Si vero viderimus gratas has primitias viris bonis & acceptas esse, de Momis parum solliciti opella quadam haud dissimili *de Typographiis Privatis* ulteriorem favorem nobis conciliare annitemur. Quibus præmissis jam primus esto in Elemento

Petrus Alcyonius,

Magnæ Seculo XVI. celebritatis vir, ac literarum Latinarum pariter ac Græcarum Anno præcipue a Nativitate Christi 1530, lumen Italiæ fulgentissimum: quodque eo clarius præ aliis cinicare potuit, quo præstantiora certatim quasi tunc temporis studia elegantiora sectantia extitere alia. Erat autem cum primis publice literas providendi facultate clarus ac Florentiæ maximam

ximam de se concitaverat expectationem, quamquam abreptus sæpissime laboribus aliis apud Venetos suscipiendis fuerit, quibus multos & elegantes peperit, aut si mavis aliorum in partu adjuvit foetus. Siquidem apud celeberrimum Aldum Manutium, omnium Typographorum facile Principem, officinæ chalcographicæ, corrigendis typorum erroribus operam navavit, mercede menstrua constituta, & cum *Galen*i *librum de Animalium partibus* ex Græco in Latinum transtulisset sermonem, præter fixum præmium, decem amplius in singulos menses aureos obtinuit nummos, ex liberali donatione Cardinalis Medicei. Hoc in Pontificem electo, majora fortunæ suæ incrementa sibi imaginatus, primo quoque tempore ipsum Romam, nemine tamen invito, adire laboravit. Sed a Florentinis detentus, nec dimissus est, nisi postquam alius Vir Eruditus inventus erat, qui locum Alcyonii occuparet, & pro muneris ratione, ea, quæ desiderabantur, præstiturus esset. Quod cum

difficulter procederet, abiit tandem nemine sciente excessitque cunctis ignorantibus, atque Romam evasit. Obtinuit tamen mercedem desertione ista promeritam, ut ut nihil eorum inveniret, quæ sibi erat pollicitus, Medico quippe ex Purpurati dignitate ad Papalem evecto, mutatoque longe ab illo familiari Alcyonii, qui quondam erat. Multis tamen annorum interval-
lis præterlapsis, postquam Romæ etiam corrigendo sudaverat, tandem non deerat illic provincia, cui præficeretur nova, quam etiam publice, docendo non sine magna Auditorum frequentia, omni studio omnique diligentia & conatu administrabat. Sed hæc temporum tranquilla facies turbulentis motibus inter Columnenses atque Pontificem exortis, fœde turbabatur: Cæsaris enim Caroli V. copiis Romam armata vi expugnantibus, Alcyonius, arcem Æliam, quam & Molem Hadriani dicunt, fuga salutem quæsiturus, vulnere in brachio accepto, ingressus est; quæ incommoda duabus postea orationibus
bus

bus, quibus de crudelitate militum Cæ-
 faris querelas effudit, se satis ultum
 esse putavit. Nihilominus deinde Cle-
 mentis partibus desertis ad Pompejum
 Columnam transiit, ejusque & Impe-
 ratoris facta omni studio defendit;
 nec non paulo post vitæ finem homine
 literatissimo indignum, est consecutus.
 De reliquo, si *Jovio* fides habenda,
fuit neglecti vitæ generis, non ingenuis
sed sordidis præditus moribus, impudens,
Gule mancipium, ut eodem sæpe die ter,
imo sæpius, cænitaret. Hæc autem Jo-
 vium infensissimo, pessimoque, & ut
 dicam, quod res est, invido scripsisse
 animo, non pauci sunt, qui tradunt,
 Alcyoniumque defendunt. In eo *Pie-*
rius Valerianus L. de infelicitate Litera-
torum, cum *Jovio* consentit, quod mul-
 tum semper sibi arrogaverit; de omnibus
Eruditis malefertiens dicacissima omnes la-
ceratione, detrectaverit; cunctorumque,
tam doctorum, quam imperitorum odium
in se concitaverit. De varia ejus men-
 te & perfida satis certe testatur deser-
 tio, officii Florentiæ, laborum Aldo

conquisitus cura, neutiquam est inventus. Nemini dubium fuit, quin Petrus Alcyonius, cui Moniales Medico suo tractanda Monasterii Bibliotheca potestatem fecerant, homo improbus furto auerterit. Et sane in ejus opusculo de Exilio, adpersa nonnulla deprehenduntur, quæ non olere Alcyonium autorem, sed præstantiorem artificem videantur. His accedit, ut solet, Jovius Elogior. p. m. 267. & alii plures. At defendit eum, & ab hac contumelia purgavit laudatissimus Menckenius, Rich. Bentleji Angli celeberrimi nixus testimonio, quem conferre poteris. Ne nimis vero longus in his, quæ jam cuivis nota sunt, videar, meminisse saltem juvabit, Versionum ex Græco in Lat. variarum: Isocratis & Demosthenis, variorum etiam Scriptorum Aristotelis, ita quidem, ut ab Erasmo & aliis non satis abunde potuerit. Videatur Bælius in Lexico Historico Critico Ed. Nov. T. I. p. 152. Pierius Valerianus Ed. Lips. p. 342. & præfatio in primis Menckeniana. Morerius in Lexico Univerf. &c. Pergimus ad alterum

Adria-

Adrianum Albinum.

Parens ille Studiorum atque Do-
ctorum optimus natus est Laubani,
oppido Lusatiae superioris fatis venusto,
Anno Christi post Millesimum & quin-
gentesimum, decimotertio, duodeci-
mo Calendarum Novembris. Nomen
quidem a Patre Gregorio adeptus fue-
rat Weiffii, id vero nota sub id tempus
inter Literatos κακοζηλία in Albinum
transiit. Fundamentis studiorum in
ludo Patriae & Svidnizensi, positis, al-
tiora & graviora degustaturus, Poloniae
Civitatem nobilissimam, & Musarum
sedem ea tempestate celeberrimam
Cracoviam adiit, literis ibidem elegan-
tioribus operam indefesso studio nava-
turus. His igitur sese abdidit totum,
ac praecipue carminibus exquisitius
conficiendis studuit, eo quidem suc-
cessu, ut omnium favorem consecu-
tus, paulo post honores sibi debitos ac-
quisiverit. His autem posthæc labo-
ribus non quidem abdicatis penitus ad
tempus tamen sepositis in cognitionem

D 5

Juris

defectis viribus præfuit. Quo tempore variis, iisdemque etiam negotiis publicis implicitus, aliquot subiit legationes, ac Principibus & Ferdinando Imperatori Augustissimo, ad Transactionem Passaviensem missus, fuisse dicitur charissimus, ut etiam Elogio splendido, & Nobilitatis honoribus ab eo donaretur. Qualem & Cæsaris Maximiliani II. benevolentiam meruit, ut clementiorem optare sibi vix potuisset. Tandem duplici quidem matrimonio contracto, at nulla prole hærede relicta, obiit. Post fata Mæcenatis Literatorum laudem maectatus. E vivis autem excessit A.S.R. 1590. ætatis septuagesimo septimo, inter alia maximum sui desiderium variorum Principum virorum, inprimis *Georgii Friderici* Marchionis Brandenb. reliquit, qui in lectulo Fatali decumbentem invisit, & lacrymis etiam fufis fidum suum ac candidum Albinum, cui similem inter Principes isthæc ætas non conspexisse ferebat, deploravit, hoc ipso amorem, quo prosecutus cum fuisset aperte ostendens. Sepultus est
in

in æde sacra Cüstrinensium, monumentumque sibi positum promeruit Encomiis eximium: Quod legere si vis, poteris in Clarissimi Becmanni Notitia Universitatis Francofurtanæ fol. 1707. Ed. p. 187. ex cujus vita Albini excerpta hæc me accepisse, gratus profiteor. Sequuntur

Bruno & Basilius Ammerbachii Fratres.

Celeberrimus *Autor* des Versuches zur Einleitung in die Historiam Literariam derer Teutschen / P. III. c. I. p. 231. tractans de Typographis fama industriæ & Eruditionis claris, aliquot simul inspersos eorum Correctores mihi, quod fateor lubens, suppeditavit. Occurrunt autem inter alios, quos recenset, Typographos, *Johannes Frobenius*: Huic cum aliis in corrigendi opere Johannem & Vitum Ammerbachium dedisse operam clarissimus Autor tradit: Verum, cum quædam circa horum virorum labores mihi venerint in mentem dubia, ea explicanti, ut condonet, mode-

modeste rogo. Fuit Johannes Ammerbachius inter primos, qui artem excudendorum librorum Basileæ exercuit; pater trium filiorum, Bonifacii Juris-Consulti famigeratissimi, Basilii. & Brunonis, claruitque maxime sub initium Seculi XVI. Vitus vero Ammerbachius patria Vedingensis, in Schola Lutheri & Melanchthonis formatus, Professor postea Ingolstadiensis creatus est, de quo nusquam, tale quid egisse, meminisse me legisse. Neque etiam Johannes ille, Frobenio libros emendasse mihi videtur: Siquidem prior ætate & tempore Frobenio erat: quin imo constat, rem Typographicam eum jam tractasse, cum Frobenius se illi tradere incepisset. Præterea etiam Frobenium potius Ammerbachio adfuisse in hujusmodi laboribus, exploratum habemus, & jure optimo tuemur. Ea, ut confirmemus, adducenda erunt, quæ in Vita Frobenii, a me, & quidem, ex *Adami vitis Philosophorum* repetentur. *Erat Frobenius*, inquit ille, *ex Hamelburgo Franconiae oppido, una cum Adamo Petri,*

Petri, ex Langendorf, propinquo loco, Basileam vocatus, ab ipso Johanne de Ammerbach, & Johanne Petri, Typographis Basileensibus; Hisce, cum præclaram operam navarent, postea successerunt, & ad artem illam, ea in urbe, accessionis non parum attulerunt. Quid clarius dici potuerit non video: illud certe mihi vix persuadere possum, Johannem Ammerbachium jam decrepitum & Seniore, Frobenio juniore, imo post fata hujus inclarescenti, corrigendo operam locasse, præcipue cum hunc ab illo emerito, officinam accepisse Beyerlinckius, ut rem abs dubio tradat, in *Theatro Vitæ Hum.* Tom. VII. L. T. p. 238. ed. Lugd. ap. Huguetanos 1555. fol. Addam, ut major sit fides dictis, & tandem, quinam isti Ammerbachii Correctores fuerint, emineat, alia adhuc verbo laudati Adami, in vita Erasmi obvia, quorum cum singula excipere noluerim, sententiam tantummodo explicabo. Erasmus nempe officinæ diligentioris Frobenianæ motum, Basileam profectum, præcipue cum audi-

audivisset, Hieronymi opera prela illius fatigatura esse, huic operi commoda quædam se præstiturum putasse. Nec vana etiam spe fuisse deceptum; siquidem, jampridem Johannes Ammerbachius, Ambrosii & Augustini libris absolutis, hoc opus fuerat molitus, conductis hinc inde viris doctissimis, in quibus eminent Joh. Reichlinus, & Johannes Cono, qui ex vetustis Manuscriptis, integra Hieronymi restituerent scripta. Verum Ammerbachio evivis erepto, opus illud ad Frobenium est delatum. Id cum audivisset Erasmus Basileam venit, ac *novo hospiti, statim in ades Frobenianas recepto, placuit editionis nitor, sed inprimis Ammerbachiorum fratrum in castigando sedula diligentia &c.* Patet sane ex his dictis, Ammerbachios quidem vacasse apud Frobenium conjunctis viribus & typis horum operum castigationibus & emendationibus; Eos tamen non fuisse Johannem & Vitum, sed Basilium & Brunonem, Johannis filios, qui in patris mortui officina mansisse, & cum ipsi suis sumtibus
operi

operi satisfacere non potuissent, concedentes Frobenio prela corrigendo, aliisque laboribus adstitisse, credendi sint. Huic vero negotio immortui ne id, quod verisimile videtur, an aliorum devenerint, compertum non habemus. Sufficiat hæc monuisse, circa ea, quæ a laudatissimo *Autore Historia Literaria Germanorum* dicta sunt. Equidem non dubito, quin & suis non destitutus fuerit fundamentis, & assertorum rationibus, quibus etiam expositis, facile me errasse profitebor. Conf. *Adami Vitas Philosophorum* ed. 1663. Francofurti 8. 92. & 95. His adjungendus venit

Johannes Andrea.

Celebris in primis apud Pontificios & nominis & honoris vir, quem alii appellant, Johannem Andreæ, h. e. Andreæ filium, alii Johannem Andream. Claruit quam maxime, Anno recuperatæ a Christo salutis Nonagesimo supra millesimum & quadringentesimum. Juris Ecclesiastici sacri, ut

E

vocant

difficulter procederet, abiit tandem nemine sciente excessitque cunctis ignorantibus, atque Romam evasit. Obtinuit tamen mercedem desertione ista promeritam, ut ut nihil eorum inveniret, quæ sibi erat pollicitus, Médico quippe ex Purpurati dignitate ad Papalem evecto, mutatoque longe ab illo familiari Alcyonii, qui quondam erat. Multis tamen annorum interval-
lis præterlapsis, postquam Romæ etiam corrigendo sudaverat, tandem non deerat illic provincia, cui præficeretur nova, quam etiam publice, docendo non sine magna Auditorum frequentia, omni studio omnique diligentia & conatu administrabat. Sed hæc temporum tranquilla facies turbulentis motibus inter Columnenses atque Pontificem exortis, foede turbabatur: Cæsaris enim Caroli V. copiis Romam armata vi expugnantibus, Alcyonius, arcem Æliam, quam & Molem Hadriani dicunt, fuga salutem quæsiturus, vulnere in brachio accepto, ingressus est; quæ incommoda duabus postea orationibus

bus, quibus de crudelitate militum Cæsaris querelas effudit, se satis ultum esse putavit. Nihilominus deinde Clementis partibus desertis ad Pompejum Columnam transiit, ejusque & Imperatoris facta omni studio defendit; necnon paulo post vitæ finem homine literatissimo indignum, est consecutus. De reliquo, si *Jovio* fides habenda, fuit neglecti vitæ generis, non ingenuis sed sordidis præditus moribus, impudens, Gulæ mancipium, ut eodem sæpe die ter, imo sæpius, cœnitaret. Hæc autem *Jovium* insensissimo, pessimoque, & ut dicam, quod res est, invido scripsisse animo, non pauci sunt, qui tradunt, *Alcyoniumque* defendunt. In eo *Pierius Valerianus L. de infelicitate Literatorum*, cum *Jovio* consentit, quod multum semper sibi arrogaverit; de omnibus *Eruditis* male sentiens dicacissima omnes laceratione, detrectaverit; cunctorumque, tam doctorum, quam imperitorum odium in se concitaverit. De varia ejus mente & perfida satis certe testatur desertio, officii Florentiæ, laborum Aldo

præstitorum, quæ ad finem se continuaturum promiserat, & derelictio denique partium Pontificis, qui antè cum foverat & defenderat, id quod in peiorem partem nemo non ei interpretabitur. Ex *scriptis*, quæ nobis reliquit, eminent *Commentarius in Aristotelem*, in quo cum perperam insolenterque quadam vertisset, Sepulveda, vir Hispanus, egregiè de literis meritus, edito volumine, peracuta in eum contorsit jacula, tantis quidem *Literatorum* plausibus, ut *Alcyonius* ignominie dolore misere consternatus, *Hispani* hostis libros, in *Tabernis* gravi pretio conquisitos, publice igni concremare necesse habuerit. Audiamus *Longolium*, qui Ep. ult. L. III. Epp. eleganter satis hanc iram *Alcyonii* depinxit, ut hominis, scribens, ad tantæ contumeliæ nuntium vultum videas, quod unum sane spectaculum tibi magnopere invideo: Nunquam enim is ex oculis laborabit, qui tum ejus frontem spectavit. Commentario huic adjungo libellum elegantissimum de *Exilio* sive de *Legato Medices Venetiis* apud *Aldum*. An-

no

no 1522. quam editionem ipse correxit, sicut & alia plura circa ea tempora in hac officina excusa. Prodierat hic liber etiam Anno 1624. Aureliopoli, & Basil. 1546. quem quoniam rarissimus & carissimus factus, inque paucorum extiterat manibus, non ita pridem recudi curavit, & utilissimo instituto cum *Pierio Valeriano* de Infelicitate Literatorum, *Cornelio Tollio*, de simili argumento *Josephoque Barberio* de Miseria Poëtarum conjunxit celeberrimus *Joh. Burch. Menckenius* Lips. 1707. 12°. Verum hoc etiam opusculo partam Alcyonio gloriam suffurari denuo quidam ausi sunt, præeunte nequissimi Elogii, ut *Clar. Menckenius* vocat, scriptore Jovio; In quibus eminet *Paulus Manutius* in Epp. ubi, *Librum*, scribit, *Tibi celeriter mittam de gloria: qui (duos enim Cicero scripsit) usque ad Patrum nostrorum atatem pervenerunt; Nam Bernh. Justinianus in Indice librorum suorum nominat Ciceronem de Gloria. Is liber postea cum universam Bibliothecam Monacharum Monasterio legasset, magna*

conquisitus cura, neutiquam est inventus. Nemini dubium fuit, quin Petrus Alcyonius, cui Moniales Medico suo tractanda Monasterii Bibliotheca potestatem fecerant, homo improbus furto averterit. Et sane in ejus opusculo de Exilio, adpersa nonnulla deprehenduntur, quæ non olere Alcyonium autorem, sed præstantiorem artificem videantur. His accedit, ut solet, Jovius Elogior. p. m. 267. & aliæ plures. At defendit eum, & ab hac contumelia purgavit laudatissimus Menckenius, Rich. Bentleji Angli celeberrimi nixus testimonio, quem conferre poteris. Ne nimis vero longus in his, quæ jam cuivis nota sunt, videar, meminisse saltem juvabit, Versionum ex Græco in Lat. variarum: Isocratis & Demosthenis, variorum etiam Scriptorum Aristotelis, ita quidem, ut ab Erasmo & aliis non satis abunde potuerit. Videatur Bælius in Lexico Historico Critico Ed. Nov. T. I. p. 152. Pierius Valerianus Ed. Lips. p. 342. & præfatio in primis Menckeniana. Morerius in Lexico Univers. &c. Pergimus ad alterum

Adria-

Adrianum Albinum.

PArens ille Studiorum atque Do-
ctorum optimus natus est Laubani,
oppido Lusatiae superioris satis venusto,
Anno Christi post Millesimum & quin-
gentesimum, decimotertio, duodeci-
mo Calendarum Novembris. Nomen
quidem a Patre Gregorio adeptus fue-
rat Weisii, id vero nota sub id tempus
inter Literatos κακοζηλία in Albinum
transtulit. Fundamentis studiorum in
ludo Patriae & Svidnizensi, positis, al-
tiora & graviora degustaturus, Poloniae
Civitatem nobilissimam, & Musarum
sedem ea tempestate celeberrimam
Cracoviam adiit, literis ibidem elegan-
tioribus operam indefesso studio nava-
turus. His igitur sese abdidit totum,
ac praecipue carminibus exquisitis
conficiendis studuit, eo quidem suc-
cessu, ut omnium favorem consecu-
tus, paulo post honores sibi debitos ac-
quisiverit. His autem posthæc labo-
ribus non quidem abdicatis penitus ad
tempus tamen sepositis in cognitionem

D 5.

Juris

Juris profundiore, vires intendit suas quam etiam non vulgarem brevi temporis decursu est adeptus. Abhinc a Senatu illustri Wratislaviensi ad officium Con-Rectoris in Gymnasio S. Elisabethæ sacro p̄titus, *Andrea Wincklero*, viro admodum conspicuo operarum Scholasticarum fuit Collega. Muneri huic fidelem sese atque industrium præstitit, omnium favore in se concitato, ita quidem, ut Capitanei urbis, *Johannis Mezeleri* filio, cum Academica aggrederetur studia, vitæ doctrinæque moderator fuerit datus. Eo Vittenbergam in Saxonibus deducto, *Megalandro* illic *Luthero* & *Melanchthoni* ob doctrinam & vitæ probitatem fuit commendatissimus: quorum etiam opera in officina Typographica *Rhauiana* & aliorum, Librorum exprimendorum curam & Correctionem sibi creditam habuit, istoque labore utilissimo non exigua simul studiorum suorum fecit incrementa. Nunquam certe poenuisse eum hujus operæ constat, quin potius incitamenta & adminicula ad
crudi-

eruditionem in foro etiam Theologico
pervenienti sibi fuisse ipse tradidit;
præcipue cum studiis juridicis non
posthabitis simul satisfecerit quam cu-
mulatissime. His laboribus tamen &
Civitati ipsi postea valedixit, & in Ita-
liam peregrinatione facta, Mezelero,
incertum quo morbo, Bononiæ defun-
cto, acceptis illic Doctoris Privilegiis &
honoribus, per Galliam paravit redi-
tum; atque eo non sine fructu in Ger-
maniam, doctrina instructus multifa-
ria, ex Juris-Consultorum, præcipue
Ansovini de Medicis ore hausta, felix
faustisque avibus reversus, Lipsiæ do-
cendo mox inclaruit. Factum deinde,
ut a Joachimo II. Anno 1543. Franco-
furtum ad Oderam desideratus fuerit,
& Jura summis omnium laudibus do-
cuerit. Ad majora tamen a DEO ser-
vatus, paulo post a Marchione Johan-
ne ad Consilarii, & Cancellarii in No-
va Marchia munus fuit evectus: Cui
magno & honorum & negotiorum
officio, quamvis renitens primum per
annos complures maxima fide, ac in-
defessis

defectis viribus præfuit. Quo tempore variis, iisdemque etiam negotiis publicis implicitus, aliquot subiit legationes, ac Principibus & Ferdinando Imperatori Augustissimo, ad Transactionem Passaviensem missus, fuisse dicitur charissimus, ut etiam Elogio splendido, & Nobilitatis honoribus ab eo donaretur. Qualem & Cæsaris Maximiliani II. benevolentiam meruit, ut clementiorem optare sibi vix potuisset. Tandem duplici quidem matrimonio contracto, ac nulla prole hærede relicta, obiit. Post fata Mæcenatis Literatorum laudè maectatus. E vivis autem excessit A.S.R. 1590. ætatis septuagesimo septimo, inter alia maximum sui desiderium variorum Principum virorum, inprimis *Georgii Friderici* Marchionis Brandenb. reliquit, qui in lectulo Fatali decumbentem invisit, & lacrymis etiam fufis fidum suum ac candidum Albinum, cui similem inter Principes isthæc ætas non conspexisse ferebat, deploravit, hoc ipso amorem, quo prosecutus cum fuisset aperte ostendens. Sepultus est
in

in æde sacra Cültrinenſium, monu-
mentumque ſibi poſitum promeruit
Encomiis eximium: Quod legere ſi vis,
poteris in Clariffimi Becmanni Notitia
Univerſitatis Francofurtanæ fol. 1707.
Ed. p. 187. ex cujus vita Albini excerpta
hæc me accepiffe, gratus profiteor.
Sequuntur

*Bruno & Baſilius Ammerba-
chii Fratres.*

Celeberrimus *Autor* des *Versuches*
zur *Einführung in die Historiam*
Literariam derer Teutſchen / P. III. c. I.
p. 231. tractans de *Typographis* fama
induftriæ & Eruditionis claris, aliquot
ſimul inſperſos eorum *Correctores* mi-
hi, quod fateor lubens, ſuppeditavit.
Occurrunt autem inter alios, quos re-
cenſet, *Typographos*, *Johannes Frobe-
nius*: Huic cum aliis in corrigendi ope-
re *Johannem & Vitum Ammerbachium*
dediſſe operam clariffimus *Autor* tra-
dit: Verum, cum quædam circa horum
viro-
rum labores mihi venerint in men-
tem dubia, ea explicanti, ut condonet,
mode-

modeste rogo. Fuit Johannes Ammerbachius inter primos, qui artem excudendorum librorum Basileæ exercuit; pater trium filiorum, Bonifacii Juris-Consulti famigeratissimi, Basilii. & Brunonis, claruitque maxime sub initium Seculi XVI. Vitus vero Ammerbachius patria Vedingensis, in Schola Lutheri & Melanchthonis formatus, Professor postea Ingolstadiensis creatus est, de quo nusquam, tale quid egisse, memini me legisse. Neque etiam Johannes ille, Frobenio libros emendasse mihi videtur: Siquidem prior ætate & tempore Frobenio erat: quin imo constat, rem Typographicam eum jam tractasse, cum Frobenius se illi tradere incepisset. Præterea etiam Frobenium potius Ammerbachio adfuisse in hujusmodi laboribus, exploratum habemus, & jure optimo tuemur. Ea, ut confirmemus, adducenda erunt, quæ in Vita Frobenii, a me, & quidem, ex *Adami vitis Philosophorum* repetentur. *Erat Frobenius, inquit ille, ex Hamelburgo Franconiae oppido, una cum Adamo Petri,*

Petri, ex Langendorf, propinquo loco, Basileam vocatus, ab ipso Johanne de Ammerbach, & Johanne Petri, Typographis Basileensibus; Hisce, cum præclaram operam navarent, postea successerunt, & ad artem illam, ea in urbe, accessionis non parum attulerunt. Quid clarius dici potuerit non video: illud certe mihi vix persuadere possum, Johannem Ammerbachium jam decrepitum & Seniore, Frobenio juniore, imo post fata hujus inclarescenti, corrigendo operam locasse, præcipue cum hunc ab illo emerito, officinam accepisse Beyerlinckius, ut rem abs dubio tradat, in *Theatro Vitæ Hum.* Tom. VII. L. T. p. 238. ed. Lugd. ap. Huguetanos 1555. fol. Addam, ut major sit fides dictis, & tandem, quinam isti Ammerbachii Correctores fuerint, emineat, alia adhuc verbo laudati Adami, in vita Erasmi obvia, quorum cum singula describere noluerim, sententiam tantummodo explicabo. Erasmus nempe officinæ diligentioris Frobenianæ motum, Basileam profectum, præcipue cum audi-

audivisset, Hieronymi opera prela-
 lius fatigatura esse, huic operi com-
 moda quædam se præstiturum putasse.
 Nec vana etiam spe fuisse deceptum;
 siquidem, jampridem Johannes Am-
 merbachius, Ambrosii & Augustini li-
 bris absolutis, hoc opus fuerat molitus,
 conductis hinc inde viris doctissimis,
 in quibus eminent Joh. Reichlinus, &
 Johannes Cono, qui ex vetustis Manu-
 scriptis, integra Hieronymi restitue-
 rent scripta. Verum Ammerbachio
 evivis erepto, opus illud ad Frobenium
 est delatum. Id cum audivisset Erasmus
 Basileam venit, ac *novo hospiti, statim in
 ades Frobenianas recepto, placuit editio-
 nis nitor, sed inprimis Ammerbachiorum
 fratrum in castigando sedula diligentia &c.*
 Patet sane ex his dictis, Ammerbachios
 quidem vacasse apud Frobenium con-
 junctis viribus & typis horum operum
 castigationibus & emendationibus;
 Eos tamen non fuisse Johannem & Vi-
 tum, sed Basilium & Brunonem, Jo-
 hannis filios, qui in patris mortui offi-
 cina mansisse, & cum ipsi suis sumtibus
 operi

operi satisfacere non potuissent, concedentes Frobenio prela corrigendo, aliisque laboribus adstitisse, credendi sint. Huic vero negotio immortui ne id, quod verisimile videtur, an aliorum devenerint, compertum non habemus. Sufficiat hæc monuisse, circa ea, quæ a laudatissimo *Autore Historia Literaria Germanorum* dicta sunt. Equidem non dubito, quin & suis non destitutus fuerit fundamentis, & assertorum rationibus, quibus etiam expositis, facile me errasse profitebor. Conf. Adami *Vitas Philosophorum* ed. 1663, Francofurti 8. 92. & 95. His adjungendus venit

Johannes Andrea.

Celebris in primis apud Pontificios & nominis & honoris vir, quem alii appellant, Johannem Andreæ, h. e. Andreæ filium, alii Johannem Andreæm. Claruit quam maxime, Anno recuperatæ a Christo salutis Nonagesimo supra millesimum & quadringentesimum. Juris Ecclesiastici sacri, ut

E Vocant

vocant, itemque Civilis, peritissimus, & a Nicolai Cusani, Theologi eximii, Decani ad S. Florianum, Archi-Diaco- ni Templi Cathedralis Leodinenfis, Protonotarii Apostolici, & tandem beneficio Nicolai V. P. R. Cardinalis ti- tulo insigniti, familiaritate valde cla- rus, ejus quippe fuerat contubernalis, qui amice alius inter se vivere solent. Hac igitur ex causa cum istius fortuna, suarum quoque rerum feliciora sensie incrementa: Nam ad Purpuratum digni- tates illo elato, Apostolicæ Bibliothecæ Secretarius & ipse creatus fuit, ac tan- dem Episcopus, sive ut alii loqui amant, Præsul, & ex mente *Freheri in vita Cu- sani*, nescio vero, quibus fundamentis, aut quo sensu, Cardinalis, Aleriensis evasit. Quæ bene facta noster Andreas vix aliter compensare poterat, quam ut Nicolaum suum pro rostris publice elogiis meritis extolleret. De labori- bus vero ejus Typographicis mentio- nem fecit *Marvillius in Melanges d'Hi- stoire & de Literature Roterodami* 1700. 8. excusis, ubi meminit, quod in Conra-

Conradi Schweinheim , & Arnoldi Pannarzii Librariis Tabernis Correctorem agere non fuerit dedignatus. Primi isti erant , ut in præfatione monitum est , qui Romæ excudebant ; & cum Germani essent , utique necesse erat , ut Correctores haberent Eruditos , & quibus lingua Italica vernacula esset. Ipsi enim gente Germani tantam notitiam hujus & aliarum linguarum vix habuisse creduntur , quæ ad libros correctissime edendos desiderabatur. Bene igitur fecit Johannes Andreæ istos juvando viros , sic enim immortalia suo modo sibi in orbem literatum peperit merita , quæ eo illustria sunt , qua majorem laborem & doctrinam tunc ad hujusmodi operam requisitam fuisse , certi sumus. Obiit tandem septuagenarius fere. Ex operibus , quæ *correx*it eminent *Biblia latina cum opusculo Aristæ* Anno 1471. exc. II. Voll. fol. cui priori Epistolam præmisit ad Paulum I. Pontificem Rom. scriptam d. 16. Martii 1471. ubi in fine sequentes inveniuntur versus ab eo conscripti :

E 2

Aspicias

*Aspicias Illustris Lector quicumque li-
bellos,*

*Si cupis Artificum nomina nosse,
lege.*

*Aspera ridebis cognomina Teutona :
forsan*

*mitiget Ars Musis inscia verba vi-
rum*

*Conradus Surveinheim : Arnoldus Pannaz-
que, Magistri*

*Romæ impresserunt talia multa simul.
Petrus, cum fratre Francisco, Maximus
ambo*

*Huic operi optatam contribuere do-
mum.*

Curavit etiam noster imprimi Livii
Libros Historiæ Rom. ex Manuscripto
Romæ servato Anno 1470. apud eos-
dem Typographicos & pari sua Sedu-
litate ornatos. Ipse vero edidit Com-
mentaria in Librum IV. V. & VI. De-
cretalium, quibus jura Pontificiarum
Regularum continentur, Romæ pri-
mum, deinde Venetiis 1583. edita.
*Scrpsit etiam de usu Feudorum. De Ap-
pellationibus : De Sponsalibus & Matri-
monio :*

monio: Additiones ad Guilhelmi Durandæ Speculum Rom: Extat etiam Volumen Epistolarum, quod rarissimum est, ad diversos scriptarum, Venetiis excusum. Videantur Excerpta ex Laudato Marvillio, in denen monatlichen Auszügen von neuen Büchern/ Hanoveræ 8. 1702. in Mart.

Johannes Ludovicus Apin.

Medicus ex ævo recentiori clarissimus, & multis honorandus nominibus. Ille editus est in lucem Oehringæ Francorum oppido, Hohenloicæ ditionis, Anno post Christum natum cō lō LXVIII. duodecimo Calend. Decembris, Parentes nactus est bonos, & morum æque ac officii sanctitate conspicuos. Pater erat *Johannes Fredericus Apin*, Sacerdos Oehringensis, de Ecclesia puriori istius loci meritissimus. Ab his igitur bonis artibus innutritus & moribus, cum præcoci indole excelleret *Magistro* tandem usus præ Parentem in Schola *Joh. Jacobo Ludovico* Illustris Gymnasii Oehringensis Moderatore.

tore. Postquam vero Parens è vivis his excesserat, laudatus ille Præceptor solus autor suæque , ne a studiis retraheretur, fuit, quem mater ejus secuta, filium, editis domi speciminibus egregiis in Academias mittere constituit. Altdorfium igitur, nobilem Musarum eligens, auspicato petiit. Atque his locis cum in studiis progressus facere felices pæne prohiberet res angusta domi, & quæ a matre vidua subinde acceperat, pauca essent, ut tantam inopiam, qua premebatur, levarent. *Henrico* igitur *Meyero*, Typographo Altdorfino, pro certo pretio, quæcunque excuderentur, mendis repurgare diutissime consuevit. Eoq; labore nominatim defunctus est in *Lexico MedicoCastello Brunoniano*, quo tum dicti Meyeri fatigabat prela, & aliis pluribus. Nec tamen his negotiis impediri se passus est, quo minus strenue in studiis literarum pergeret; *Roëtenbecci* nempe & *Sturmiæ* Philosophorum Clarissimorum imprimis amicitia usus, ex eorum Scholis plurimum profecit. Postquam igitur in

in Campo Philosophico fatis mentem exercuerat, ad Castra Medicorum transiit, Doctoribus *Jacobo Pancratio Brunone & Joh. Maur. Hoffmanno* potissimum operam dedit. Sed ea egestas, qua olim laboraverat, adhuc aderat, quam inde etiam colligere L. B. poterit, quod, cum honores pro Eruditione non vulgari capefferet, prima vice tunica indutus fuerit ex panno confecta, antea vero non nisi tenuioribus usus est fundamentis, id quod suis ipsum sapius narraſſe ex filio, paternarum virtutum haerede, cognovi. Patriam posthæc repetens, ita Comiti suo probavit doctrinam, ut provinciam ordinariam Medici nullo negotio domi impe- trasset, nisi bello interveniente in Noricas retrogressus terras, ibidem spar- tam eandem ornandam obtinuiſſet, honores postquam Doctorales, *disputa- tione publica de Syncope* præmiſſa, ſu- ſceperat: Nam ab Illuſtri Senatu hujus Reipublicæ oppidum Herzbruccenſe, curæ ſuæ commiſſum accepit. Huic mu- neri per annos undecim magna laude

& felici successu ita præfuit, ut exteris quoque innotesceret, & *Luca* præcipue *Schroeckii*, Medico Augustano, & Præsidi quondam Collegii Naturæ Curiosorum celeberrimo inprimis charus esset, a quo in Societatem laudatam ultro receptus est, *Nonique cognomentum* (qui floruit Medicus sub Constantino Duca circa annum 959.) inditum gessit. Orbi Erudito suam probavit Experientiam tractatu potissimum emissio *de Feбри Epidemica* Anno 1694. & 1695. in Noricæ ditionis oppido Herzbruccensi, & vicino tractu grassante, qui Anno 1697. Svobaci excusus prostat, & a Celebb. Collectoribus A. E. L. Anno 1697. mens. Januar. p. 25. non sine encomio recensetur, quo etiam Anno nonster *Archiater Principis Solisbacensis* factus erat. Nonagesimo vero nono in Societatem Medicam Noribergæ florentem; Anno vero 1702. Altdorfum, evocatus est, quo posteriori loco Physiologiæ & Chirurgiæ Doctor publicus constitutus est. Quam functionem oratione *de Temperamentis* habita, ala-

cri

cri animo quidem accessit, sed non diu, neque ultra sesqui annum & menses tres in ea administranda desudavit, ad immortalem siquidem vitam acuta febris, catarrhali, ut vocant, d. XX. Octobris correptus Anno 1703. placide obdormivit. Quod ad scripta attinet, præter supra citatam Historicam relationem & aliquot *disputationes de Principio vitali*, quas Altdorfi quinque habuit nihil adhuc nobis innotuit. Paratum verò etiam habet Filius prælo, tractatum *de morbis, qui dum vixerat curandi ei obtigerunt, eorumque causis & medelis*. Vid. Programma funebre. Supereft in Elemento A.

Dionysius Atanagus.

POëta Italiæ Seculi XVI. Clarissimus, ob Eruditionem & ingenii bonitatem, animique dona illustris & propterea suis Civibus, quin & exteris commendatissimus, & ab omnibus, qui literas elegantiores amant, maximo semper habitus in pretio. Id quod maximopere meruit: Erat enim ingenio

nio promptissimo, &, quale studia Poëtica postulant, excitatissimo. Non ubiq; tamen fortuna prospera est usus; multum enim diuque in patria versatus, non tamen ad munus aliquod publice gerendum eniti potuit, id quod vel ex obrectatorum malitia, vel quod in reliquis artibus uti in Poëticis non ita excelleret, ortum suum traxisse credidero. Unde vitæ suæ sustentationi ut consuleretur cum non haberet, factum, ut, egestate attritus, aliud quoddam vitæ genus, alimenta sibi quærens, circumspexerit. Pauca enim, imo nulla erant, quæ ipse possidebat; Poëtæ autem, ut qui magis excellunt ingenii, quam iudicii, viribus, rarissime rebus suis solent prospicere, sed sanguineo quam maxime gaudentes temperamento, varia amant studia, computationes, amores, ludos, quibus tamen omnibus non augentur divitiæ, sed dilapidantur, maximo cum dispendio & vitæ & famæ, eorum præcipue, qui ex munere aliquo publico sumtus istos suppeditatos sibi non habent. Pari igitur in miseria
noster

noſter poſitus Atanagus , prelo Typo-
graphorum inſervire cœpit, quem la-
borem, viro erudito haud indignum,
deinceps ita adamavit, ut vix abduci
poſtmodum ab eo potuerit : Conduce-
re enim id videbatur pariter fami de-
pellendæ, & occaſionem largam magis
magisque in Literis proficiendi , ſub-
miniſtrabat. Quibus vero officinis
præſuerit, cognitum & exploratum
nondum habemus, neque etiam con-
ſtat, quot codices a mendis expurga-
verit, quippe ut ſæpius jam monitum
eſt, & impoſterum monebitur, altioris
indaginis eſt, & nonniſi a viro, cui
commercium Literarum cum Italis
Eruditis intercedit, vel paullatim in-
quirendo expectare licebit. Clauit
autem quam maxime Atanagus Anno
1567. & reliquit *opus Poëmatum* Anno
1565. editum, & quod elegantiffimum,
facetiis ſque inſperſis lectu jucundiſſi-
mum utiliſſimumque vocat *Marcus*
Creſcimbenius, quem vide in Commen-
tario ad Hiſtoriam Poëſeos Italicæ Voll.
II. L. I. p. 252. Nunc progredimur ad
literam B. ubi primus erit *Jodo-*

Jodocus Badius,

AScensius cognominatus: Patriam enim habuit Assenum, urbem quandam minorem Ducatus Brabantiae Anno 1462. Eruditus est in ludo patriae, postea Gandavi expolitus, ac tandem sua perfecit studia Ferrariae in Italia, ubi sub disciplina *Baptista Guarini* maximos in Graecis Literis fecit progressus. Ab hinc igitur onustus omnibus Humanioris Literaturae scientiis Lugdunum, ipse nunc alios optimas artes educturus pervenit. Neque Spes ejus consilii inanis fuit: Siquidem acceptissimus ob Graecam & Latinam linguas, quas profitebatur, clauitque in ea urbe publicus artium Doctor. At praeter hos labores, & alios illic suscepit, minus quidem utiles, suo tamen studio admodum idoneas. *Johannem* nempe *Trechselium Typographum* istius loci non incelebrem, juuabat in rebus Typographicis, praecipue vero in expungendorum mendorum negotio: in quo aliquot annos non sine incrementis & famae

famæ suæ, & Divitiarum laudati Trech-
selii defudavit. Tandem vero & ipse
hujus artis amore, Eruditis tunc haud
raro, captus, officinam instructurus
Parisiis migravit. Omnibus hic curis
studiisque suo satis fecit desiderio, eo
successu, ut non multo post & ipse no-
minis celebritatem juxta consecutus
fuerit. Namque non nisi optima quæ-
que doctorum virorum scripta eaque
bene & eleganter procudisse fertur.
Quod tamen de plerisque affirmari
possit, de cunctis tamen non ausim as-
severanter defendere: Quidam enim
mihi visi sunt codices ab eo exscripti,
qui, si delectasse oculorum aciem di-
xero, a vero me ipsum aberrare credi-
derim. Edidit vero ut plurimum *Au-
tores*, quos vocant, sive scriptores *Clas-
ficos*, Eum notis a se adjectis, & recen-
tiorum quorundam opera, ut *Petrar-
che*, *Politiani*, *Laurentii Valla*, *Baptiste
Mantuan*i & aliorum opuscula. Hæc
omnia ipse summo cum studio vidit
reviditque & a suis nævis purgata Luci
publicæ exhibuit emendatissima. Tan-

cus

rus ejus de reliquo in studia erat affectus, ut filias suas tres (quæ per errorem in *Dictionary Buddeano* Sorores ejus vocantur) ipse linguam latinam docuerit, in quibus una fuit, quæ Roberto Stephano nupserat : Eademque sine dubio erat, de qua *Henricus Stephanus* filio suo Paulo scripserat : *Avia Tua eorum, quæ latine dicebantur (nisi rarius aliquod vocabulum intermiseretur)* haud multo difficilior erat Intellectus, quam si dicta *Sermone Gallico* fuissent. Obiit Ascensius tandem Anno 1534. relinquens, uti diximus, *Notas* varias in Scriptores nonnullos veteres, sensum Autorum exprimentes: *Silvas Morales* : *Librum unum Epigrammatum* : *Naviculam Stultarum mulierum*. *Vitam Thomæ a Kempis*, & alia His dictum Epigrammum ejus non nisi unicum adjiciam : *Hac tumulatus Humo, sibi qui, jam*
fessus ab annis

Sponte Typographicum congeminavit
onus :

Luci dum libros, libris ferentia lucem
Scripta sui fœtus tradidit ingenii.

Quæ

Qua digna esse sua nobis, est laude fatendum,

Digna suo ut Seclo nemo negare potest.

Vid. Almeloveenius in Vitis Steph. p. 28.
Cl. Buddei Lexicon. p. 261. Maitterii
Histor. Stephanorum. p. 168. Hunc
excipit

Johannes Antonius Bergellanus.

VIr, ut creditur, doctissimus, qui
Seculi XVI. nomins claritatem consecutus,
mihi vero nonnisi ex *Mallinkrotio, de Inventione Typographica Artis,*
cognitus est: Ille enim Basileæ eum vixisse,
& Typographos hujus loci opera sua juvasse,
corrigendo nimirum eorum opera, affirmavit.
Ex qua re non rudem, sed eruditum eum fuisse non
sine causa judico; eo siquidem tempore
libri imprimendi ad fidem Manuscriptorum
vetustissimorum restituendi erant, qui vero labor
Criticus non bardum, ut in præfamine jam monui,
& impoliticum hominem, sed doctissimos

mos quosque requirebat viros. Fidem his dictis facturus, accipiat vel unicam plagulam Seculo XII. & seqq. Latino vel Græco idiomate scriptam, & pessime ob abbreviaturas, quibus Monachi compendii gratia nimium quantum indulserant, pictam, investigaturus Scriptoris sensum genuinum, & experiretur, quam sit sudandum, millies abjecturum cum Schedam, credo, priusquam unicæ paginæ sensum habebit verum. Tales vero sub id tempus codices Typographi Basileenses omni labore & sumtu conquirebant, edebantque tanto lubentius Bergellano locum inter Eruditos dare, voluimus. Non sine laudibus igitur ejus meminisse juvabit, utpote cujus fidei & doctrinæ plurima volumina nitide & accurate impressa debere, nos minime dubitamus: quamvis quæ quantaque sine ignoremus. Ceterum extat ejus *Carmen de Chalcographia inventionem*, ex quo, quamquam rarissimo, tanquam ex ungue Leonem L. B. cognoscere poterit.

Johan-

*Johannes Christophorus
Beer.*

HIC DEI beneficio procreatus est Norimbergæ Anno 1638. d. 17. Septembris, *Patre Dominico Beerio* Diacono Seniore, ædis primariæ Laurentio sacratæ. Ab hoc ad meliorem mentem educatus, totusque literis involutus, *Præceptoribus Schroedero, Riednero, Albino* & aliis mirum quantum profecit. Præter hæc Musicam didicit artem, & doctrinas altiores hauriens, *Dilherrum, Wülferm, Martinum Beerium & Arnoldum* audivit, quos tum Norimberga venerabatur Professores. Antequam Academias petebat, Latino & Græco sermone Orationes duas in Auditorio *Ægidiano* recitavit, illa de *Cecropia Arce Atheniensium*, hac de *Fratricidio Caini* disserens. Migravit exinde annos natus XVIII. Altdorfium, ibique Ductoribus usus est *Weinmanno, Reinharto, Dürrio, Felvvingero, Trevvio, Hackspanio & Kænigio*, viris celeberrimis doctissimisque. Hinc postea non

F fine

sine publico diligentia suæ edito specimine discessurus, *de Ministerio Ecclesiastico*, Præside Dürrio; *De Hæreticis* sub regimine Reinharti docte & cum applausu disseruit. Nobilem posthæc ad Salam Academiam petiit, ubi Musæi, Chemnitii & aliorum doctrinis imbutus longius progressus est. Vivebat tunc temporis celeberrimus Altorfensium Philosophus *Beatus* nunc *Sturmius* in illustri Salana, Philosophorum ordini adjunctus & clarus. Hujus igitur consuetudine sibi conciliata, *de Consequentibus Syllogisticis* publice cum Eruditis conflavit. At casu quodam infelici, maxilla sinistra disrupta, maleque restituta, in patriam rediit, & meliori successu, exemptis ossibus, sanatus privatam egit vitam, & studiorum suorum fructus colligens, multa inter alia Literatorum variorum curricula concinnavit, quæ postea *Theatro Freheriano* inseruit. Illud siquidem opus a *Johanne Hoffmanno*, Bibliopola, Beerio nostro ad revidendum corrigendumque traditum fuerat. Præterea in
Cath-

Catechismo Ecclesiæ Noricæ cuique lectioni, versiculos summam rei continentes, adjecit, in iis præcipue exemplaribus, quæ sumtibus *Eberhardi Felseckeri* & posterorum ejusdem prodierunt in lucem. Vitæ sustentandæ interim dum consulturus pueros etiam docuit, privatasque horas, quicquid ad Literarum emolumenta conferre poterat, studiis consecravit. Atque adeo sacra etiam, quibus operam dedit in Academiis, non omnino neglecturus, concionibus habendis haud raro vacavit; unde in Seminarium Candidatorum Theologiæ receptus in aedibus Salvatori nostro dicatis, primum ex cathedra concionantium publica ad populum verba fecit, explicandum sibi sumens dictum *Psalmi XL. v. 10.* Qui postea sermo Rotenburgi ad Tubarim Anno 1667. 8. excusus est, cui ipse adjecit *Analysin verborum Pauli I. Cor. XIII. 1--7.* Ibidem etiam locorum Anno 1668. imprimi curavit *explicationem v. 4. & 5. capitis 18. Apocalypf. Johannis*, adjectis in fine versibus,

F 2 quibus

quibus nomen dederat : Poëtische Gedanken. Hac occasione *Joh. Ludov. Hartmanni* Superintendentis Rotenburg. amicitiam & patrocinium sibi conciliavit , cujus etiam suasu Sermones isti publicabantur. Edendorum vero hæc erat occasio : Accusabatur Frater nostri Wolfgangus Dominicus ab Inspectore Candidatorum de erroribus dogmaticis in iis commissis. Ut se igitur sanos esse monstrarent , omnium iudicio sermones illos exposituri typis subjecere , verum magno exinde contracto odio , alter Solisbacum & in Hollandiam , postea Hamburgum abiit , ibidemque mortuus est , postquam ediderat : Zwölff Klagen über das ärgste unchristliche Christenthum / so von unterschiedlichen Lehrern Sec. XVII. geführt worden. It. Christliche Gedanken über etliche Sprüche der Bibel. Noster vero postquam duos integros annos Rotenburgi moratus fuerat , Noricam repetiit civitatem , ac vertendis præterea ex Gallico Italicoq; idiomatibus in vernaculam nostram incubuit.

cubuit. Juxta hæc Correctorium opus in Typographicis Endterianis ex Felscherianis suscipiens, multa & præclara in hac functione egit; præcipue vero Libris imprimendis adjecit indices copiosissimos, quibus hodie cum fructu Lectores utuntur insigni. His laboribus vacuavit ad ultima Vitæ tempora, qua fuere Anno 1712. d. 25. Decembris Annorum 24. Dignus de reliquo repertus, cujus imagini ari incisæ sequentia apponderentur verba:

*Inter defunctos pars præterit optima
Vita;*

*Fama proinde Virum viva per ora
volat;*

*Perpetua quoniam scribit dignissima,
vitâ.*

*Dignus, & ipse Viri Vultus in ære
placet.*

Scripta ejus quam plura sunt, qua tamen omnia recensere angustia chartæ non concedit. Numerum eorum Catalogus impressus accurate quidem non recenset, sunt tamen 72. Eminent Dapperi Mesopotamiten und Arabten.

ex Belgico in German. fol. Ejusdem Persien und Groß-Mogols Land fol. cum Figg. Beschreibung von Groß-Britannien / cum Fig. 4. Der Durchl. Erb. Herzogen von Oesterreich Leben / Regierung und Groß-Thaten / 4. Fischers Land und Hauss-Buch vermehrt / 4. Beschreibung des Königsreichs Hungarn / cum Chronico & Continuationibus, 8. Historische Erquick-Stunden / 8. Eichhorn verbesserte geistliche Küst- und Schatz-Kammer / cum Fig. 8. & 12. Die andächtige Jungfer. Der andächtige Handels-Bediente. Leben der Könige in Spanien: Hungarn: Schweden: Dennemarck: Böhmen / 12. Du Val Geographia II. Voll. 12. ex lat. Beschreibung Stebenbürgens: Tyrols: Des Bayrischen Craises: Des Schwäbischen: Des Fränckischen / 12. Der verunrubigte Edw / Partibus XII. Das allarte Teutschland / P. P. VIII. Memoria Gloriosa Regiæ Stirpis Habsburgicæ. Das neue der Zeit / P. P. VIII. 12. &c. &c. sequitur

Stepha-

Stephanus Bergler.

COrona Transylvanus, vir ut solertissimus, sic longe doctissimus, mediocris fortunæ & conditionis Parentibus procreatus. Ab iis tamen omnistudio & pietate educatus humanioribus disciplinis a puero innutritus est. Paululum tamen, ætate crescente, ad exteros evolaturus, patrias sedes reliquit, Lipsiamque devenit. Hæc, cum maxime, ut omnibus solet, arrideret, ibidem, ut in Celeberrimo Musarum foro, mroari constituit. Mox tamen cum esset curta suppellex foras iterum ire, alio concessurus unde vitam toleraret, necessitatem sibi impositam cernebat. Accepto igitur a Clar. *Th. Fritschio* literis commendatitiis, Amstelodamum migravit, ibidemque vitiis ex codicibus imprimendis tollendis & reliquis studiis operam navavit. In *editione* cum primis ista *Homeri Belgica* multum negotii sibi faciens, & præclare non paucalimans, politiusque exornans, quæ in perniciem Editoris, & contemptum

libri intacta alioquin mansissent. Simili labore perfunctus est, cum *Onomasticon Julii Pollucis* impressum fuit, cui editionis pulcherrimæ & nitidissimæ, quatuor addidit Indices plenissimos, curamque correctionis impenfissimi operis habuit. Hinc postea migravit Hamburgum, ubi locorum tum in conficienda Bibliotheca Græca gravi perfungebatur opere celeberrimus *Joh. Albert. Fabricius*: Hujus igitur amicitiam maximam expertus, eidem in hoc opere utilissimo socius adjutorque extitit. Quibus rebus feliciter confectis a *Fritschio* repetitus, ut Aristophani typis mandando præsidium ferret, Lipsiam reversus, acceptus gratusque venit. Magno etiam post modum studio, industria, omni doctrina, præsertim Græca excellens literatura, laudatissimis his conatibus adfuit, ut a prelis & negotii gravitate haud fatigatus robustior magis, & doctior factus sit. In vivis superest Patriæ suæ decus in nobili ad Pleissam Musarum sede, & quidem in ædibus Domini *Fritschii*, viri de
 Repub-

Republica Literaria meritissimi, & quotidie merentis. Atque in hujus familia degit noster Stephanus vitam suam in abditis & penetralibus ædium partibus altissimis, sui ipsius tamen arbitrio: Cujus rei causam singulare temperamentum viri optimi esse credimus, quæ causa est, quod & consuetudinem aliorum averfatus raro, in Societatibus conspicitur, etiam Eruditorum, quamvis accersitis. Interim tamen, ne siquidem Rei literariæ ejusque emolumento, studia sua invidiose subtrahit: ut potius hinc inde non paucis ex Eruditorum cœtu in perscrutandis Græcorum præcipue monumentis antiquis diligentia sua subveniat. Grave ejusmodi munus suscepit in Manuscripto quodam Codice Homeri ejusque Scholiastæ. Posterior enim, quem Celeberrimus Lipsiensium Theologus *Boernerus* inspiciendum mihi tradidit, literis pessime pictis exaratus est, ut exercitatissimo in eo lustrando oculus harere possit. Cui tamen malo crebro regustatis literis Berglerus medicinam paravit,

F s

clavem.

clavemque invenit , ita nunc melius procedendum in explanatione mentis istius Scholiastis sit. Factum exinde Spes est, fructus hujus laboris ad alios aliquando etiam redundaturos , siquidem prælo committendum codicem fore , non ex vano rumore nobis persuademus. Qui si prodierit, præcipuas Berglero doctissimo pro hoc labore deberi laudes Doctores, harumque rerum gnari non denegabunt. Animum interim, quem hætenus experti sumus literis inserviendi promptissimum , ut ulterius ferveret officiose petimus , viresque divinitus largissime concedendas pie aprecamur.

Arnoldus Bootius.

EQuidem dubitarem virum hunc inter Eruditos Correctores referre , ni Celeberrimus *Ludovicus Capellus* tam strenue & constanter semper id affirmasset. Est quidem fateor cuique de suis rebus testimonium perhibenti fides facienda; verum cum interdum & non raro quidem Eruditi in odiosis quæ-

quædam negare, aut tergiversari soleant, idcirco non video, cur idem in præsentî negotio ab Arnol'do nostro fieri haud potuerit. Utcunque comparatum sit, mendacium certe foedum illud dixerat, quando Capellus tradidit, quod in Typographicis officinis Correctoris muneri studia sua impendisset. Sic enim in *Capult. Vindiciarum sive Apodixeos Apologetica pro Hebraea Veritate* disserit: *Mendacium bigeminum est, Namque & illud Grotii opus Annotationum in V. T. in hac urbe excusum, atque ad finem perductum fuit, jam diu antea, quam ego pedem in eam inferrem. Et neque Grotio neque illud mortalium unquam operam meam collocavi in corrigendis mercede erratis Typothetarum. Tametsi enim ingens illa ac crudelissima a feris & sanguinariis Hibernis calamitas, qua in numeros omnis generis homines, partim omnibus facultatibus momento evertit, mihi quoque haud exiguum damnum dedit, magnam opum mearum partem abstulit. Superfuerunt tamen, Deo gratias, quæ mihi meisque honeste sustentandis*
suffi-

sufficerent, ut ad talia parandi victus subsidia recurrendum nequaquam habuerim: Id quod si fuisset factum, minime id mihi probrosum ducerem, & ne dissimulare quidem, multo minus negare vellem. Verum si omnino aliquod huiusmodi ab industria mea praesidium rei familiaris mutuari opus habuisssem, non ad illum sterilem haud minus, quam ignobilem corrigendi libros laborem confugissem potius, quam ad propriam professionem, atque ad Medicina praxin, quam ante hac Londini & Dublini, magno cum successu utilitatis aequae ac honoris plenissimo per Annos XIV. continuos exercueram. Attamen ne ex illa quidem illum magnopere fructum capere studui aut curavi per hos novem quibus hic Parisiis sum. Non quod etiam dedigner hunc, aut quod illis, magnis parvisque opem meam efflagitantibus eam denegare sustineam; Sed quod cupido quietis, otii in bonas literas, praecipueque sacras collocandi me compellit, ut, quantum possum, me ab aliis occupationibus custodiam immunem. Hæc verbosius de se ipse Bootius: Judicet nunc ex his bene-

benevolus Lector, an labor iste in emendandis libris adhibitus viro huic sit adscribendus, nec ne. Ego unicum in eo desidero, quod nimirum corrigendi operam sterilem & ignobilem (id quod tamen minime probrosum ducere vellet, si factum esset, paulo ante dixerat) appellare non veritus est. Cuicumque autem animus Arnoldi interdum supercilio aliquo elatus, cognitus est, facile opinari posset, id eo tantum, quicquid dissimulet, negasse Bootium illum a se peractum negotium, quoniam illud haud suæ gravitati, doctrinæque convenire vanissima persuasione sibi imaginatus fuerit. Ut sit, in eo hallucinatum fuisse credo, dum sterilem & ignominiosum vocavit laborem, in quo tamen multi eruditissimi, & doctrina præstantiores Bootio desudarunt. De quo Clarissimus Mettairius in sua *Stephanorum Historia* p. 168. optime scribit: *Non est, quod quemquam pudeat hujus muneris, quo multos, tum illustri loco natos, tum ad amplissimos honores evectus accipimus*

non

nonnunquam functos fuisse. De cetero floruit Bootius noster An. 1646. natusque est in Belgio, & vel Arnoldus de Boot, vel etiam Bootius scribi voluit. Fratrem habuit *Gerardum* itidem Medicum: de reliquis enim cognatis aliquid addere prærium non est. Quod superest, erat noster, quod nemo negabit, linguarum Lat. & Græc. peritissimus, & Medicus experientissimus, & quidem Pro-Regis, ordinum atque exercituum Hybernæ Archiatri munus obiit, at postea tumultibus bellicis sibi haud amicis in Gallias secessit, ibidemque artem Medicam professus est. Tandem Anno 1650. e vita excessit. Excludi fecit, dum adhuc viveret, præter supra citatum opusculum contra Capellum, *Epitomen Concordantiarum Græcarum Kircheri*: It. *Observationes Medicas de affectibus* ab aliis Doctoribus omis- sis; ut de *Abscessu Hypocraneo*, de *Vomica Hypocranea* nihil dicamus, &c. Lond. ap. Thom. Whitaker & Thom. Neucomb, 1649. 12. recus. cum præfatione *Meibomii* Helmst. 1664. 4. Extat etiam cum
Petræ

Petri Borelli Historicarum & Observationum Medico - Physicarum Centuriis IV. Francofurti & Lipsiæ 1676. 8. Vid. *Lindenium Renovatum* 4. Norimb. p. 88. adde *Crenium in Animadv. Philoll. P. V. p. 102. Claudat hoc agmen*

Casparus Bruschius.

VIr in eruendis antiquitatum seriniis ut laboriosissimus, sic felicissimus. Susceptus in lucem An. Chr. 1518. d. 19. Augusti Egræ Variscorum, aut si malueris Bohemorum, secundum mentem *Adami, Pantaleonem*, qui Gandavi Flandriæ natum tradidit, confutantis. Majores hujus viri nunquam Bruschiorum nomine, sed *Peiseros* ajunt dictos. Proavum vero ob pinguedinem ventris German. Vocabulo *Brust / Brustium* vocatum, occasionem dedisse, ut ex eo tempore posteris hujus familiæ nomen Bruschii adhæserit: Ad nostrum Casparum ut accedamus, ad literarum studia ille natus videbatur, iisque innutritus, ita profecit, ut in Poësi eum primis extempore ingenii sui vim & alacritatem

tem sæpiissime commonstraret. Pro-
meritam exinde lauream non sine ac-
clamationibus & plausu Eruditorum
obtinuit, & succedente tempore opti-
mus ejus ævi carminum struendorum
artifex censebatur, mollissimaque Poë-
matum dulcedine memorabilis. Anno
ætatis suæ 48. Germania relicta, Italiæ
terras amœnissimas petiit, sed Alpium
raro amore captus, diu in istis locis se-
des habuit fixas. Præcipue Monasterii
Lacziensis sive Coxienſis in Tumiliaſca
superioris Rhetiæ, originem & incre-
menta, ut solebat, conscripturus, ho-
spitium per aliquod tempus in eo inve-
nit jucundissimum. Abbatissæ, quæ
fuerat *Catharina de Marmoribus*, tam ac-
ceptus hospes, ut sæpius saltationem
amicam cum ea exercuerit; abiit au-
tem denique muneribus, monumen-
tisquæ Monasterii oneratus Basileam.
Studio ibidem juvandarum literarum
captus, non otatus est, sed desiderio
suo satisfactorius, confestim *Oporini* of-
ficinam Typographicam adiit. Habi-
tabat Vir iste celeberrimus in excelsa
Civi-

Divitatis loco , unde ædes ejus vulgo
 Arx vocabantur, Hanc arcem ingres-
 ſus quid a se sperare posset Oporinus,
 Bruschius exposuit. Scriptis igitur,
 agnita viri doctrina, tunc sub prelo su-
 dantibus emendandis præfectus est,
 quibus magna cum laude & eruditionis
 & patientiæ prospiciens, desideria ac-
 curatissimi Typographi explevit. At
 præterquam quod victum & amictum
 Bruschio labor iste afferret, simul con-
 sultum fuit, rei literariæ, cui optimos
 codices hoc modo paravit. Ipse vero
 etiam, ex necessaria attentaque libro-
 rum imprimendorum lectione, Thesau-
 rum doctrinæ suæ non mediocriter au-
 xit. Atque hic non prætermittendum
 duco, quod viro huic aliquando con-
 tigisse Biographi quidem vulgo tra-
 dunt, sed occasionem & miseriæ cau-
 sam reticent. Factum nempe perhi-
 betur, ut laboriosissimus ille vir, pecu-
 niæ pondere pro laboribus factis, ac-
 cepto, novo præterea vestitu compa-
 rato, magnus quasi Apollo in plateis
 ambularet. Omnibus autem e præci-

G

puis

puis & honoratioribus Civitatis cum
 esse existimantibus, capiteque nudato
 salutantibus, domum reversum pallio-
 lum suum sordidum induisse iterum-
 que in vulgum prodiisse: Nemine eo
 habitu honorem exhibente, iratum,
 togam novam discerpisse, cultello,
 improba mancipia, gloriæ & honoris
 humani eam appellitantem. Eandem
 Historiam de Hermanno Buschio, Pro-
 fessore Heidelbergensi, circumferunt li-
 terati. Facile autem cuivis subolebit,
 quod ab uno ex his factum, per erro-
 rem nominis duobus perperam tribui.
 Lubentius quippe a nostro id admissum
 crediderim, quem ob raritatem num-
 morum male vestitum procesisse, &
 non raro aliquantulum desipuisse aliun-
 de constat. Tandemque denique ge-
 nere inortis hoc viro indigno subla-
 tus est, siquidem in silva Rotenbur-
 gum ad Tubar. & Winsheimium inter-
 jacente, quam *Schltingenbachischen
 Wald* / vocant, per insidias sine dubio
 in eam pellectus, a nobilibus quibusdam
 misere Anno 1559. peremptus est. Cu-
 jus

Ius cædis causam fuisse, quidam opinati sunt, quod scriptum quoddam contra eos se editurum esse imprudens paullo ante comminatus erat Libri, quos emendavit ex Oporiniano Catalogo, qui prostat impressus, cognosci quidem posset, verum cum anni actæ apud Oporinum vitæ non satis accurate constent, & præterea Typographos hic alios simul habuerit Correctores, difficillimum erit, seligere libro, quorum splendor huic vel isti debeat. At quos ipse scripsit nomine tenus indicandi erunt: *Descriptio Montis Pinniferi, Sichelberg / Witteb. 1640. 4. De Laureaco & de Patavio Germ. ac utriusque loci Episcopatibus & Archi-Ep. Basil. 1653. 8. apud Oporin. cui vero scripti occasione a Wolsfg. Lazio in Comment. de Republ. Rom. plagii accusatur, qui ex suo tr. de Laureaco Veteri dolo pessimo plurima desumpta esse, perhibuit, de qua re Lambecius legendus erit in Comment. Biblioth. Viennensis Tom. II. c. VIII. p. 638. De Episcopatibus & Archi-Epp. Germaniæ, quod tamen opus imperfe-*

Etum, quippe cujus Tomus non nisi primus excusus est. Basil. it. Norib. fol. 1649. & Solisbaci 1682. 8. *De Monasteriis omnibus Germania Illustribus*, opus nimis concise & breviter exaratum, nec semper, uti nonnulli judicant optimis certæ fidei constructum monumentis, id quod vel unico demonstrabo exemplo Regularium Benedictinorum Weissenoenſium, quorum unum ex Patribus laudati Monasterii conquestum esse meminimus: Nec omnia nec vera satis, Bruschiū, ut de aliis sic & de suo scripsisse Sacratio, quæ qualia sint, nunc non est exponendi locus, extat fol. Basil. 1553. ap. Oporin. continuandum hunc laborem sibi sumſerat *Nesselius*, sed, quod ego quidem scio progressus fecit exiguos. Ejus etiam est *Carmen gratulatorium* in Imperatoris *Maximiliani I.* ex terris Hispanorum reditum 4. Manuscr. de quo videatur *Lambecius loco citato* p. 974. Ita ejusdem nomen gerunt: *Elogia de Mulda flumine, & circumjacentibus locis.* Lipſ. 8. Vid. Adami in vitis Philosoph. p. 182. edit. 8. Buddeus in Lexico Univers. Tom.



Tom. I. p. 478. Morerius in Lexico
p. 509.

*Johannes Antonius Cam-
panus.*

Obscurissimis natus initiis ; a matre
siquidem Rustica , opus agreste
tractante, sub dio non procul a Capua
sub lauru in lucem editus est. Hac
nativitate vix melior fuit educatio;
multis enim hinc inde circumseptus
miseriis, in artus & corpus excrevit.
Hoc igitur admodum , ut videbatur,
robusto , pecuariam artem tractare
coactus fuit , quo aliquando Magister
pecudum evadere posset. Verum enim
vero , sicut, quod vulgo dicitur , urit
mature, quod vult urtica fieri, ita inge-
nii in adolescentulo viribus cognitis a
Pastore quodam Animarum in pago
vicino ad servitia sibi præstanda in fa-
mulitium susceptus est. *Paulus Jovius*
vero , ædituo a matre traditum pue-
rum fuisse affirmat, contrarium tamen
Balio statuente. Nos cum posteriore
faciemus, utpote ad erudiendum pue-
rum

rum magis idoneo, in quo tamen am-
bo conveniunt. Quisquis autem ille
fuerit, perspecta sagacitate Campani,
bonis omnibus eruditus fuit literis. Ma-
jor postea ætate atque doctrina viatico
instructus, Neapolim discessit, Præce-
ptorem domesticum Nobilium quo-
rundam juvenum acturus, qua occa-
sione accepta, ipse docendo magis ma-
gisque perfecit. Interim vero non
ignorans, quantum sit, quod ne-
sciamus ex *Laurentii Valle* ore do-
ctrinas porro hausit, ac sedulitate sua
industriæque post quinque annorum
decursum, ut Perusium ad munus do-
cendi publicum suscipiendum vocaretur,
effecit. Inde in Italiam remi-
grans, orationes quasdam concinna-
vit elegantes, *Vitum Brati, inclyti Du-
cis*, stilo terfo admodum ac concinno
scriptam continentes. Postea a *Calixto*
P. R. in urbium Reginam, Romam puta
acceritus, Amanuensis ejusdem fuit;
mortuo tamen ipso, spe omni melio-
ris conditionis fere sublata, successo-
rem Pium II. paulatim sibi conciliavit.

Cujus

Cujus favore parato, factum, ut rebus
Oeconomicis Purpurati de Saxo ferrato
propositus fuerit. Tandem denique
Episcopus Colonensis, ac Teramensis,
immo ut *Gesnerus* habet, Aretinus evasit.
Quibus honoribus postmodum acces-
sit officium Archi-Presbyteriatus
ædium Sacrarum S. Eustachii. Sic igitur
sublatus in altum, vah! quanto
deinceps noster lapsu iterum in præ-
ceps ruit: Paulo enim P. R. ex vivis
sublato, Sexto IV. in ejus locum surro-
gato, seditiosi quidam in Provincia,
cujus cura Campano tradita erat, tu-
multus excitabant. Horum Dux &
Autor ille habitus, terris ad ditionem
Romanæ Sedis pertinentibus excedere
jussus est, ita ut nunquam, in gratiam,
quamvis multis interpositis supplicatio-
nibus, redire potuerit. Fata post hæc
cognoscens sua minus fausta, totum
studiis se sacrauit. Tandem mortuus
est, Anno æt. 50. Siennæ d. 15. Julii
1477. Sed quo præcipitor? Dicendum
enim erit, quam ob rem Correctori-
bus adjungendus veniat. Testis est

miserat , ne quidem interquiescere af-
fiduis emendationibus potuisse , in-
quiens. Incubuit autem sine dubio
his laboribus noster Calixto P. R. mor-
tuo , cum non quibus se sustentaret,
haberet : Magister enim rerum dome-
sticarum Cardinalis de Saxo ferrato vix
hujusmodi rebus vacare potuisse mihi
videtur. Meruit autem ob hanc sedu-
litate & doctrinam sequens Epita-
phium ex affectu amicorum prola-
tum :

*Campanus jacet hic humili contextus sub
urna,*

*Qui vaga dum vixit sidera tran-
siliit.*

*Historicus scripsit : dixit : cecinitque nec
alter*

Philosophus toto clarior in Latio.

*Nihil majus natura tulit , miraculi
cæli*

Hujus in ingenio cuncta stetere viro.

Deserto lugent Parnassi fonte Sorores

*Et tumulus refugas , lucis hic unus
habet.*

G 5

Vos

Vos quibus ingenium est, en! quo con-
tendimus omnes,

Virtutis sola est gloria quæ superest.

Reliquit scripta varia maxime moralia. De fugienda ingratitude; De dignitate matrimonii: Extat etiam *Oratio Inauguralis officii Perusini: Libri IX. Epistolarum*, quas in Germaniam transtulit *Daumius*, atque cum scriptis *Textoris* exprimi fecit: *L. II. Elegiarum & Epigr.* Epistola Interamnensis de regendo Magistratu; *Oratio Cinericia Romæ dicta cum præfatione Joh. Costeri* 8. Lovanii 1548. Debetur etiam ei editio *Livii*, quæ ex primis est *Romæ* 1471. & 1472. quam correxit ipse, adjunctus opera *Joh. Andreæ*, de quo antea, apud *Conr. Schweinheim &c.* Opera conjunctim prodire Romæ fol. 1494. studio *Michael. Ferni.* vide *Bælium* in *Lexico* Tom. I. p. 837. *Chevallerium* in tr. Gallice 4. scripto de *Arte Typographica* p. 194. Hunc sequitur

Isaacus Casaubonus,

Vir omni laude major, gente Gallus,
nec stirpe satis splendida oriundus.
Geni-

Genitus siquidem Anno 1559. parentibus egenis admodum , & inferiori conditione hominum positus. Incensus vero a puero discendi cupiditate , superatis omnibus incommodis , ad supremam tandem eruditi ingenii laudem pervenit, ita ut nemo suæ tempestatis, augustiore literaturæ fama præfulserit. Unde etiam officia publica splendida satis non defuere. Mox enim docendo munus in Genevensi urbe ei fuit demandatum, & deinde Henrico IV. Gallorum Regi a Bibliotheca fuit , postquam odia Papicolarum evitaturus diu istos declinaverat honores. Sic longe multumque in literis proventus , ex mandatis Principum , sub Examen *Baroni Annales* vocavit , quo tamen opere filo quodammodo ducto iterum abstinuit. *Cum Peronio S. J. de Veritate Religionis* Pontificiæ disputatoris contulit Sermones, verum non ea laude discessit, quam sibi Henricus IV. promiserat , titulumque *Pediculosi* (sit venia verbo) reportavit Grammatici. Variis postmodum modis ab
hosti-

hostibus suis vexatus, tandem Londinum a Rege Jacobo I. accersitus abiit, ibidemque Consilarii Regii titulum, & stipendium largissimum obtinuit. Atque hic locorum humane admodum Georgium nostrum Calixtum in itinere, quod obiter notamus, excepit, amicitiaeque vinculo sibi eum obstrinxit. Ne vero otio dato vilesceret, de uno Baronium examinandum sibi sumsit, cui tamen operi postea est immortuus. Sic paucis delineato vitae decursu tanti viri, exspectabis sine dubio, Lector Benevole, ut Correctorem Typographicum Causabonum fuisse probemus. Id ergo peracturus, brevissime conjungendum hac in parte cum esse cum Bootio supra memorato dixerim, quoniam neutiquam talia se in Typographiis fecisse negotia fassus est. Imo vero acriter restitit illis, a quibus sibi talia tribui non ignorabat. Scribens in *Exercitatione ad Apparatum in Annales Baronii* ed. Lond. fol. 1614. n. IV. p. 42. Ego vero, si ita esset, laudi id mihi vertendum contenderem. Nam ex illa domo
(Ste-

(Stephani puto) ceu ex equo Trojano multos prodiisse excellentes doctrina viros facile possem probare. Sed mentitur Cretensis; nam ego juventutem meam non in corrigendis chartis Typographicis exegi, sed bonis artibus discendis, & omnis generis autoribus diurna; nocturnaue manu pervolutandis. Quid igitur judicandum! Multi sunt iisdemque viri fide valde digni, qui id constanter affirmant. Casaubono contra idem etiam strenue negante, atque id saltem Isaacum nostrum inficiare dicendum, quod annos juventutis sua in iis consumpsisse rebus Eudæmon & alii perhibere. Verum Autores infra citandi, de ætate Casauboni loquuntur, qua juvenis non amplius appellandus veniebat: Ajunt enim communi consensu vixisse cum in familia Henrici Stephani cujus filiam Florentiam in matrimonium duxerat, eidemque operam non raro & nonnisi per aliquot annos in emendandis Schedis præstitisse; Id quod cum abnuisse nondum exploratum habui. His paucis addo hujus
viri

viri scripta *Exercitationes* ad Cardinalis
 Baronii Prolegomena, & primum eo-
 rum partem Londini 1614. excusam.
 Sed notum est, nonnisi ad annum tri-
 gesimum quintum id opus productum
 esse, *Samuel* quidem *Basnagius* idem
 continuavit, sed & hic ad annum 45.
 delatus, quievit, quoniam multi con-
 volarant in Casaubonum hostes, *Julius*
Cesar *Bulenger*, *Eudamon*, *Heribertus*
Rosvveydus, *Petrus* *Lanselius* & alii; Illis
 obviam *Isaacum* defensuri iverunt:
Jacobus *Capellus* in *Vindiciis Casaubonia-*
nis contra Rosvveydum Sedani 1619. im-
 pressis. Item *Rich. Montacutius* & *Joh.*
Prideaux. Equidem & inter nostros
 continuatae sunt *Exercitationes* hae a
Tribbechovio, in *dogmatica Baronii in-*
quirente, quae prodierunt Kiloni 1666.
 & Hamburg. 8. 1708. ex ed. *Korlholdi*,
 qui & ipse *Disquisitiones Anti-Baronica-*
nas 4. Kiloni 1667. ediderat. Sed non
 est, cur Casauboniano labori æquipa-
 rentur, multoque minus, in hunc lo-
 cum, ut examinentur convenit: *Scriptis*
 etiam Casaubonus *Librum de Libertate*
Eccles.

Eccles. fol. 4. 1612. Haagæ 1638. & Francof. auctim curante *Gräſio*, *Commentarium* in *Hiſtoriæ Auguſtæ Scriptores*: Item in *Perſium*: *Diogenem Laërtium*: *Athenæum*: *Theocritum*: *Theophraſti Characteres*: & alia. Sed hæc parum ad nos, conferantur tamen de la Ceille *Hiſtoire de l'Imprimerie* p. 136. *Struvius* in *Introduct.* ad *H. Lit.* cap. V. §. 36. *Teiſſerius* in *additionibus* ad *Elogia* p. 420. quos citat *Almeloveenius* p. 6. adde *Thom. Crenium* in *Animadverſionibus Philoll.* P. V. p. 109. *Clarmund.* P. I. p. 61. P. VIII. p. 87. *Pedem* his miſſis proferenti occurrit

Petrus Caſtellanus.

Natus perantiqua ac genere nobili Hauverderiorum familia, multumque naturæ dotibus & meritis in Patriam illuſtris fuit. Floruit per totum regnum Gallicum Virtutum ac doctrinæ laudibus. Pater nomen *Quintini Caſtellani* geſſit, a quo, matre ex hac vita diſcedente 12. annorum puer *Divionem Burgundorum* ad ſtudia

dia Scholastica tractanda missus est. In his exercitiis ita se gessit, ut Magistris & Condiscipulis suis miraculo similis visus fuerit, ita ut habeant perpetuo, quem laudarent Præceptores & rudioribus præficerent, alii quem imitarentur. Posthæc exterarum terrarum visendarum gratia illinc profectus, & fama nominis magni Erasmi Literatorum Principis, Basileam invitatus, citato itineris cursu eo devectus est. Amicitiam igitur ejusdem, ut sperabat sibi conciliaturus, illico cum eo collocatus, mirum quantum ejus irrepsit animum suppetias ea tempestate ferebat Frobenio Erasmus in Emendationibus quorundam librorum, qui sub prelis sudabant. Par itaque munus, ut subiret, Castellano persuasit ille, Frobenioque eum commendavit, ac amplissimas condiciones non abnuenti impetravit. Fortiter igitur Græcis Latinisque scriptis, restituendis, emendandisque operam suam collocabat, non in umbratili pulvere, sed palæstra ampla se versari persuasissimus. Quid multis juvenis ille
noster

noſter æmulatione & cavillationibus
Eraſmi, quod Galli ignorent, quæ Græ-
ci ſciant, incenſus, tantum profecit in
Theologico Literaturæ genere, ac in
ſtudiis, ut mox Eraſmum præcipitan-
ter non raro agentem commentantem
ac vertentem correxerit, & in quo erra-
verat, demonſtravit; nec malè id Era-
ſmo ferente, quin mirante potius Caſtel-
lani ſtudium ac fervorem, omnibusque
modis promovente. Poſtquam igitur
aliquot annos huic officio Correcto-
ris nempe ſe tradiderat, ad patrios ite-
rum Lares reſeſſit, ibidemque nobi-
lium quorundam Juvenum moderator
ſtudiorum ac morum conſtitutus eſt.
Quo itinere ſuſcepto, blanditiis puellæ
cujusdam, ut videri volebat, pudiciſſi-
mæ viſto, mirum omnibus tanto huic
viro accidit; Nam gravidâ ab eo, amo-
ris venerei alia hoſte, factâ, poſt an-
num præterlapſum conſcientiæ mor-
ſibus ductus, in matrimonium, neſcien-
tibus cunctis, quid contigerit, tanquam
virginem illibatæ pudicitia, recepit. His
ita factis, cum Legato Regis Gallia Ro-

H

mam

man & Venetias inque Cyprum etiam abiit, litterasque ibidem accepto annuo 200. Imperialium stipendio, docuit. Hinc in Ægyptum penetrans, Constantinopolin demum delatus, aliquot menses, & duos præcipue etiam Hierosolymæ vixit. Tandem in patrium domicilium, quod hucusque deseruerat, remigravit, incrementa fortunæ suæ domi firmaturus, aucturusque. Id quod feliciter factum: In aula enim, Francisci I. favorem ita sibi conciliavit, ut (*Gallandi* verbis utor) prandenti Regi solus fere semper adstiterit, percontantique de variis rebus responsa ut docta, sic pia, dediderit. Conjecere adeo, his ita se habentibus, omnes aulici defixos in eum oculos, ob lenitatem vocis, ingenium summum, vultusque & gestuum compositum decus, sermonis elegantiam, & gratiam propemodum obstupefacti. Et quod maximum, ita captaverat amorem Regis Castellanus, ut cum cubitum eunte Principe sæpius conferre, necesse habuerit, in quibus audiendis non raro ipse Rex
ob

obdormivit. Docuit etiam Regiam Principem *Margaretham*, atque Regi Spiritum emittenti precibus & solatiis suppeditatis adfuit. Erga quem, ut Pietatem post fata etiam ostenderet, sermone post funera ejus habito, incredibili Eloquentia virtutes, laudesque Principis prædicavit. Excessit posthæc aulicis turbis, at revocatus ab Henrico II. magnique Eleemosynarii officio præfectus, & amore Regis adjutus, Pietate firmatus, omnes Regni terminos circumibat, visitans turbam sacerdotum. Qua facta potestate expulit alios, alios vero melioris commatis retinuit; Tanta quidem solertia, ut cum Abbatisa quædam, quam ab Impietate retrahere laborabat, duos integros consumeret annos. Tantus de reliquo in docendo fervor eum tenuit, ut non raro ipse Lacrymas inter perorandum profuderit, verum etiam & alios ad paria doloris signa exhibenda coëgerit. Atque inde etiam sine dubio factum, ut cum Aureliis aliquando acriter nimis differeret, Apoplexia correptus, perbre-

vi tempore interjecto ex hac vita migraverit. Ex antiqua sine dubio Typographici laboris procuratione fuit, quod Stephanorum Typographorum Patronus optimus ac maximus, quos alebat, fovebat, & contra clericorum demenciam tuebatur, extitit. Quamquam & Mæcenas omnium Eruditorum audiat, quem animum præcipue demonstravit, dum Regi de Collegio Eruditorum Lutetiis instaurando suasor autorque erat. Scripta vel nulla, vel quæ sunt exigui momenti, reliquit. Tribuitur ei *Epistola* a Erancisco I. emissa, quæ in Carolum V. investiva est, inque lucem prodit 1543. Distinguendus demum est a *Petro Castellano* Prof. Græcæ literaturæ in Academiâ Lipsiensi, qui Anno 1558. vitas Illustrum Medicorum edidit, aliisque, qui prænominibus a nostro facillime discernuntur. De hoc videatur Bælius in Diction. qui ex Gallando, ut ego ex Bælio, sua desumerat: addi & poterit Pauli Colomesii Gallia orientalis ex editione Fabritii, in Quarto; Hamburgi. 1709. p. 12.

Frideri-

Fridericus Albertus Christiani.

Patre Matreque Judæis oriundus, & Prostitiæ in Moravia natus, illo Mo-
se, hac Sara dictis. * Ab his Parentibus
suis noster ut genitus natusque, sic in su-
perstitione etiam educatus fuit, atque
omnibus Judæorum ceremoniis innu-
tritus est. Circumcissus, Baruchi nomen
in sacris hisce Initiationis suæ gentis ac-
cepit. Postea a teneris ab ipso Patre, He-
brææ linguæ & Talmudicarum doctri-
narum peritissimo, fideliter admodum
in Rabbiorum scriptis versandis edo-
ctus, ita profecit, ut postmodum ad vis-
cera Eruditionis Talmudicæ scrutanda,
eruendaque, Posnoniæ Polonorum
missus fuerit, ita quidem, ut cum disce-
deret, Biblia in fontibus cum Com-
mentariis Doctorum expedite legere &
interpretari potuerit. Puerilibus igitur
annis ibidem transactis, anno ætatis de-
cimo sexto ad paternos reversus lares,
per biennium in familia Parentum de-
git, usque dum Bruchsalium urbem ad
flumen Rheni sitam Præcentorem (Chaf-
san vocant) acturus e patria abiit. Sin-

gulari igitur Sapientia & bonitate divina factum, ut Anno 1666. rumor de Messia, qui subito adventaverat, iterumque mox evanuerat, sparsus fuerit. Hac occasione delusus cum aliis noster Baruchus, primum subinde cespitando, aut fluctuando dubitare de salute sua, & religione vera cœpit. Scrutatus igitur Scripturas ex Malach. III. 1. Jerem. XXIII. 6. Ps. CX. toto Es. LIII. 11. Hos. XIII. 14. Mich. V. 2. &c. luculam quandam conspici cœpit, quam secutus postmodum ad Lucem Evangelii de Jesu Christo Dei gratia perductus est. Vivebat vero ea tempestate in cohorte Papicolarum, & horum præpostero cultu Sanctorum atque reliquiarum, quem dæmone pejus & angue fugere solent Judæi, fere a conatibus deterritus, & prope factum, ut a laudabili studio, in quo Spiritu S. manuduceente magis magisque progressus erat, Satanæ insidijs retractus fuisset. Vacillans igitur fide, Tonforis tandem alicujus industria, Pietate ac doctrinis in viam reductus, majori animi alacritate, spirituque ferventi

venti opus Dei tractare incepit. Atque sic ab aliis accepto codice Novi fœderis, eoque diligenter perlustrato, commotus animo in eo fere statu positus, quo illi Hierosolymis Aëtor. II. dixerant: *Τί ποιήσμεν ἄνδρες ἀδελφοί*; Lumen veritatis illucescens, sentiebat, nec tamen, quo se verteret, habebat. Tandem simulando se Musarum quoq; filium Argentoratum profectus est. Audito ibidem sermone ex suggestu sacro a *Friderico Salzmanno*, quo Psalmum centesimum explanabat, confirmatus in bono instituto *Sebastianum* conveniebat *Schmidium*. Ab hoc, ut sincere neque more recepto Sociorum ageret, admonitus, curæ *Dan. Rauchii* Diaconi ad D. Petri commissus est. Heic fundamentis doctrinæ & confessionis nostræ haustis, denique d. 18. Novemb. Anno 1674. sacro baptismatis lavacro accepto, publice Christianam professus est fidem. Atque inde multis comparatis beneficiis, in alias migravit terras, Lipsiamque devectus, docuit ibidem Academiæ Curatorum indultu linguam He-

braicam, ita quidem, ut ab omnibus magni haberetur & amaretur. Atque illic etiam, ut ad scopum propius accedamus nostrum, Typographis operam exhibuit suam, sphalmata in libris, præcipue Hebraico Elemento excudendis corrigendo maxima industria. Eaque laude doctrinæ & sedulitatis ad annum usque 1695. mactatus est. Quo nemine opinante, pecuniæ summa mediocri tamen accepta, una cum filia sua evasit, erupit, non sine suspitione cum ea commissi incestus. Utrum hoc factio resiliuerit ad Judaïsmum, hætenus non compertum habemus. Multi sunt, qui id credunt, Hamburgum nempe venisse & in alias etiam ab hinc migrasse terras. Nos vero, quæ optima sperat, charitate nifus, meliora. Edidit de reliquo Abarbanelis Commentar. in Prophetas V. priores Lipsi. 1686. fol. cui & המגיה הקדמה hoc est, præfationem Correctoris, variasque subinde observationes adjecit, cum Indice subjecto. *Augustus Pfeifferus in Præloquio* hunc in modum de eo disserit: *Ceterum non fraudan-*

*fraudandus est sua laude eximius Dominus
Frider. Albertus Christiani, Vir in hac
Palæstra exercitatissimus. Is enim Cor-
rectioni præfuit, textum distinxit, ci-
tationes incredibili studio investigavit.
Cui adeo benevolus Lector acceptum feret,
quod nova editione commode, & citra la-
borem, uti fruique possit. Et dolendum
omnino, quod res accisior non sinat emer-
gere virum optimum, qui quid in aliis
præstare queat, vel in hoc opere ostendit,
unde omnium bonorum favore, & Patro-
norum beneficentia imposterum dignissi-
mus erit. Præter ea, quæ in hoc opere
fecit, ea & præstitit in aliis eodem stu-
dio, eodemque successu: Epistolam
enim Pauli ad Hebr. in Hebraicum trans-
tulit idioma, ut usui Judæorum infer-
vire magis possit. Habemus præter
ea Dialogum Rabbinorum de ludis, in
German. linguam accuratissime trans-
latum. Emisit etiam M. Christian. Rei-
neccius, tamen ab eo conscriptum,
der Juden: Glaub und Aberglaub
Lipf. 1705. Oct. ex cujus præfatione
& ipsius Christiani annexa narratione*

H 5

plera-

pleraque me desumsisse, Lector facile subolebit. Sequitur nunc

Johannes Cono.

HUnc per errorem Clarissimus *Reimannus* vocat: *Einen gelehrten Destretcher* / quo jure id fecerit, nescio, injuria autem virum sedulum id scripsisse sum persuasissimus. Certo enim compertum habeo, ex fontibus infra citandis, Norimbergam ad cives suos hunc virum posse referre. Susceptus autem est in hunc Mundum Sec. XV. Anno 1463. Studiis se tradidit non invitus, unde non parum in illis processit, ingeniique bonitate multa præclara consecutus est. Sed Deo firmiter totum consecraturus in Cœnobium, more istorum temporum, sese abdidit, ac Dominicanorum ordini adscriptus est. Paduam autem ad promovenda sua studia aptam idoneamque ratus, illico isthuc profectus, *Marcum Musurum* & *Scipionem Cartheromachum* viros eo ævo fama nominis & doctrinæ maxime conspicuos, audivit; melior inde doctiorque

que indies evasit. Græcam autem præfertim Literaturam ita adamavit, ut ad summa culmina istius linguæ procedens, mirum quantum in ea cognoscenda effecerit. Horum suorum autem laborum fructus capessendi mox occasio fuit subministrata. *Johannes enim Ammerbachius* S. Hieronymi Scripta typis suis evulgaturus erat. Hæc igitur ut correctiora, & emendatiora, ex Manuscriptis siquidem male pictis deprompta, prodirent, vir iste laboriosissimos eos circumspexit, quos sibi in hoc negotio quam maxime idoneos & necessarios fore, bene noverat. Forte fortuna Padua *Cono* hic Basileam delatus erat, cui mercede conducto, & in ædes suas recepto curam librorum edendorum *Ammerbachius* commisit. Nec defuit invitatus, quin potius omni studio & conatu fidei suæ commissa perfecit. Maxima certe cum laude *Erasmus* hujus viri meminit in vita ejus apud Batesium p. 202. Pridem, scribens, *Johannes Ammerbachius*, totum se comparaverat ad castigationem Voluminum *Hieronymi*; undique

que conquisitis vetustis Exemplaribus, & doctis viris conductis, qui Græcæ dictiones passim restituerent, de quorum numero fuit Johannes Reuchlinus Ictus, qui ex Lexicis vacuas lacunas replere conabatur; Cui successit felicior Castigator Johannes Cono, Norimbergensis, Instituti Dominicani, qui meliorem viam secutus, e vestigiis antiquorum codicum, ea quæ vel deerant, vel erant depravata, diligenter reparabat. Idque poterat Homo propemodum Græce quam Latine doctior, versatus nimirum in optimis auctoribus aliquot annis, excellentissimorum in Italia Professorum Musuri & Scipionis, atque Joh. Cretenensis minime pœnitendus auditor. Præter hæc etiam scripta quædam Gregorii Nazianzeni & Nysseni Gregorii item Magni ex fontibus suis in Latium transtulit. Erasmo etiam in imprimendo Novo Testamento multum utilitatis præstitit. Quod vero tempus ab his laboribus relictum ei erat, illud, (ut Johannes Sturmius testatur) ad id impendebat, ut Bonifacium Ammerbachium & B. Rhenanum pueros adhuc scientiis augeret, cujus laboris

ris etiam in iis non poenitendos expertus est fructus : Ambo siquidem omnibus artibus instructi perpolitique claritatem & famam nominis sunt consecuti amplissimam. Tandem noster *Cono* non admodum longe proventus annis excessit. è vivis d. 13. Febr. An. Chr. 1513. Quo facto Rhenanus Pietatem suam in defunctum testaturus, Epitaphium Præceptori suo posuit:

ΤΟΤΕ, ΑΓΑΔΟΤΕ. ΚΑΙ ΘΑΝΟΝ-
ΤΑΣ, ΕΤΕΡΓΕΤΕΙΝ. ΔΕΙ.

D. O. M. Sacrum.

ASta Viator, si non molestum est legere. *Fr. Johanni Cononi*, Norimbergensi, Theologo, Græcæ linguæ callentissimo, singularique per omnem Vitam pietate prædito, qui spe juven- di meliores literas, ob immaturam mortem non nihil frustratus: *Beatus Rhenanus* Pietatis ergo Præceptori, B. M. de suo fecit. Vixit annos L. obiit Anno D. MDXIII. nono kal. Martias.

Vale & abi in rem Tuam.

Vid. Adami in Vita B. Rhenani. Urstius in Chronico Basil. ejusque Epitome.

me. p. 194. Le Grand Dictionaire Historiques fol. 1694. Tom. I. p. 239. & Omeisius in Diss. quibus immortalus est, de Claris Norimbergensibus. p. 23.

Milesius Coverdale.

Anglus gente, Eboraci honestis Parentibus genitus, honeste etiam educatus, & literis sacris præcipue; ab incunabilis fere imbutus, ad Episcopatum Excestriensem denique post alia officia minora evectus est. Sed incidit bonus ille vir in turbulenta Angliæ tempora, ut sæpius esse solent in eo regno, quibus *Henricus Octavus*, ob recusatam libertatem divortii a Pontifice, Reformationem in terris suis meditabatur. Reperti etiam non pauci, qui ex Doctoribus consilium isthoc adjuvarent; multos tamen etiam habuit, qui contradicerent, & adversarentur. Mortuo *Henrico* filius sceptrum gerenda suscipiebat *Eduardus VI.* dictus, incepta Patris persecuturus; qui vero postquam VI. regnaverat annos non sine suspitione veneni, diem suum obiit supremum.

Soror

Soror igitur major natu, regium adscendebat solium, timentibus ac trepidantibus omnibus, qui purioris doctrinæ incrementa promovere studebant. *Cranmerus* præcipue, *Petrus Martyr* alia multa mala ex hujus Reginæ Imperio vaticinabantur: Id quod factum; *Maria* enim Pontificia sacra per totum Regnum reductura, magna vi & crudelitate id effectum dare conabatur. Quibus rebus factum, ut alii docentium intra Regnum, manerent, & vitæ periculum subire haud abnuerent, in quibus *Cranmerus* Anno 1555. & alii flammis sublatis vitam amiserunt; alii vero fuga salutem sibi quæsituri, ex his malis, ut rubecula cito transitura, evaserunt. Donec mortua *Maria*, ab *Elisabetha* revocati in pace vitam domi exigere liceret. In his igitur & *Coverdallius* noster fuit, equidem jam sub *Henrico* apud exteros vivebat. Cum enim *Wilhelmus Tyndallus*, annuente Rege & operam ferentibus *Joyo* & *Constantino*, Novum Testamentum Nostri Salvatoris, ad facilitandum Reformationis negotium

gorium in vernaculam suam transtulisset, & Hamburgi vel Antvverpiæ excudi curasset, *Wolfei* & aliorum Episcoporum Pontificiorum machinationibus factum, ut prohiberetur mandato Regis, ne promercialis fieret ille codex in Regno Angliæ. Quin etiam exemplaria omnia, quotquot obtineri potuerant igne sunt consumpta. Verum An. 1530. *Tyndallus* hanc suam interpretationem emendatam denuo typis mandavit, inque Angliam, ut divulgarentur misit patri suo & *Patmore* Mercatori cuidam. Verum enim vero recognita & Episcopo Londinensi significata, grandi poena isti affecti, & ignominiosa; schedis quippe multis amicti & inversa facie equis impositi, exempla universa, quæ inveniebantur, in rogam, quem in foro publico struxerant, projicere coacti sunt. Atque hoc animadversionis genus postea *Tyndallus* etiam subiit Anno 1535. quo & ipse in vincula conjectus igne combustus est. Hoc facto alius quidam *Job. Roger* sub *Thoma Mathæi* nomine latitans denuo recudifecit per Graff-

Grafftonum codicem sacrum , idque approbante Rege , verum ut eo tutius id negotium posset tractari , aliam editionem quidam purioris doctrinæ viri meditati sunt. Concessione igitur a Rege Galliæ impetrata, ut Parisiis id fieret, *Milesius* noster *Coverdale* in Galliam transiit , atque omnia direxit , ita quidem, ut totius operis Correctionem & emendationem suscepit. Verum postquam *Matthæus Orus* Generalis Inquisitor comperisset, opus prohibitum , & paginæ omnes, quæ jam impressæ erant, Vulcano sacratæ sunt. *Coverdalius* Corrector operis cum Typographo aufugit, & officinam omnem cum toto apparatu, Londinum postea deductum, reliquit. Attamen in Anglia denique idem opus absolutum est Anno 1535. fol. & vocatum Biblia Tyndaliano-Coverdaliana. Non solum autem in hoc opere, verum & in nonnullis aliis postea ita se gessit, ut ad Eruditos Correctores referri meruerit : Exul enim hinc inde vagabatur; Ex Anglia quippe denuo *Maria* Pontificiorum sacra in re-

I

gno

gorium in vernaculam suam transtulisset, & Hamburgi vel Antverpiæ excudicurrasset, *Wolfei* & aliorum Episcoporum Pontificiorum machinationibus factum, ut prohiberetur mandato Regis, ne promercales fieret ille codex in Regno Angliæ. Quin etiam exemplaria omnia, quotquot obtineri potuerant igne sunt consumpta. Verum An. 1530. *Tyndallus* hanc suam interpretationem emendatam denuo typis mandavit, inque Angliam, ut divulgarentur misit patri suo & *Patmore* Mercatori cuidam. Verum enim vero recognita & Episcopo Londinensi significata, grandi poena isti affecti, & ignominiosa; schedis quippe multis amicti & inversa facie equis impositi, exempla universa, quæ inveniebantur, in rogam, quem in foro publico struxerant, projicere coacti sunt. Atque hoc animadversionis genus postea *Tyndallus* etiam subiit Anno 1535. quo & ipse in vincula conjectus igne combustus est. Hoc facto alius quidam *Joh. Roger* sub *Thoma Mathæi* nomine latitans denuo recudifecit per
Graff-

Grafftonum codicem sacrum , idque approbante Rege , verum ut eo tutius id negotium posset tractari , aliam editionem quidam purioris doctrinæ viri meditati sunt. Concessione igitur a Rege Galliæ impetrata, ut Parisiis id fieret, *Milesius* noster *Coverdale* in Galliam transiit , atque omnia direxit , ita quidem, ut totius operis Correctionem & emendationem suscepit. Verum postquam *Matthæus Orus* Generalis Inquisitor comperisset, opus prohibitum , & paginæ omnes, quæ jam impressæ erant, Vulcano sacratæ sunt. *Coverdalius* Corrector operis cum Typographo aufugit, & officinam omnem cum toto apparatu, Londinum postea deductum, reliquit. Attamen in Anglia denique idem opus absolutum est Anno 1535. fol. & vocatum Biblia Tyndaliano-Coverdaliana. Non solum autem in hoc opere, verum & in nonnullis aliis postea ita se gessit, ut ad Eruditos Correctores referri meruerit : Exul enim hinc inde vagabatur ; Ex Anglia quippe denuo *Maria* Pontificiorum sacra in re-

gno restaurante fuga abierat , & cum
 eo *William Wittingam* , *Andr. Gilbus* ,
Thom. Sampson , *Guilh. Cole* & *Christ. Goodman* ,
 quorum alii Francofurti , alii Gene-
 væ vitam trahebant , usque dum , *Elisa-
 betha* Thronum occupante , restituti re-
 bus suis fuerunt. *Coverdale* interim non
 quievit , sed varias Bibliorum Anglico
 idiomate procuravit editiones : Anno
 1550. Quarto Londini per *Rich. Graff-
 ton* . it. 1553. fol. ibid. Itemque novam
 omnino versionem adjuvantibus Sociis
 jam nominatis ex fonte Hebræo & Græ-
 co concinnatam cum annotationibus
 marginalibus & Epistola præmissa ad
Elisabetham Reginam prælo submisit
 Anno 1561. fol. & Quarto. Novi Testa-
 menti , succedente Anno 1562. Ve-
 teri Genevæ , cui operi totum infumtum
 est biennium , & in quo corrigendo ,
 ut in aliis libris Anglico sermone Gene-
 væ excusis , admodum *Coverdalius* noster
 sudavit. Vid. Bibliothecam Bœrnerio-
 Longianam pag. 322. & A. E. L. Anno
 1694. p. 315. seqq. ubi & excerpta ex *Joh.
 Strype* Art. Mag. Historia Thom. Cran-
 meri

meri Archi Ep. Cantuariensis conspiciuntur.

Casparus Cruciger.

Natus Lipsiæ Anno 1504. d. 1. Januarii. In juventute pie a Patre & aliis Magistris institutus, gnaviter & meditatundus omnia gessit. Bonus proinde discipulus optimi Mosellani fuit, & æquales fere omnes sedulitate & profectibus anteivit. Exorta Evangelii luce & morbo Lipsiam infestante in vicinam Musarum Sedem Wittenbergam profectus est. Hic brevi tantum in Jurisprudentiæ sacrae studio profecit, ut mox linguarum cognitione imbutus, Magdeburgum ad regendam ibidem Scholam publicam obierit. Hic in ludo Johannitano, & aede divi Stephani, tanta cum doctrinæ existimatione docuit, ut etiam provectionis ætatis homines, imo & Clerici nonnulli eum convenerint, ita quidem, ut Conclavia numerum audientium non caperent, & coetus in aedes, Augustino dicatas, deducendus fuerit. Anno vero 1527. de-

nuo Wittenbergam, expetitus quidem, migravit, ibidemque Interpretationibus Bibliorum, & concionibus in templo, ad arcem fido, vacavit: Præterea in Castra Medicorum delatus, non ut transfuga, sed ut explorator, si cum Senecæ loquulicer, herbas et frutices nosse didicit, tanta ejus erat in discendo aviditas. In primis vero magno nostro *Luthero* adjutor fuit in translationibus S. codicis, paresque labores cum *Melanchthone*, *Forstero*, & *M. Auro Gallo* subeundo, & præterea mendarum a prælo commissarum rationem habendo, una cum *Georgio Rorario* & *Christoph. Walthero*, de quibus postea dicendi locus erit, strenue elaboravit. Quorum posterior affirmat verbis in præfatione ad librum in ejus vita citandum disertis, per viginti annos primum quidem cum *Crucigero* & *Rorario* in Typographiis se vixisse, & sphalmata ex libris expunxisse. Paria affirmat manus Anonymi cujusdam in fronte Postillæ Ecclesiasticæ B. Lutheri, editionis A. 1530. eodem seculo scripta, conspicienda, quæ *Crucigerum* summum

num officinarum Librariarum Correc-
torem vocat, cumque vi sui officii in
laudata Postilla A. 1544. edita, quædam
immutasse meminit. Facta autem est
illa immutatio in verbis de Judæorum
conversione speranda, imo jam instan-
te, quum in primis Postillæ hujus editio-
nibus se sperare clarissimis verbis innu-
erat noster Megalander, inde etiam a B.
Spenero, ut testis veritatis hujus citan-
dus. Postquam vero cognita Judæorum
impietate Lutherus de gravitate loci
Paulini Rom. XI. conquestus, dubitare
de salute communi Judæorum cœperat,
imo in libello, Schem hamphoras dicto,
plane illam abnuerat, non poterat non
optimus Cruciger mutata sententia mu-
tare & ipsa verba: unde posteriores edi-
tiones Librorum Lutheri meliores cen-
sendos, & conciliationes locorum, quæ
interdum inter se pugnare videntur,
instituendas esse, eruditi statuere cœpe-
runt. Sed dum recurrimus ad *Cruci-*
gerum nostrum ad hoc quidem facien-
dum opus ille maxime idoneus videba-
tur, propter ταχυγραφίαν, quam inpri-

mis callebat, unde etiam facile promittitudo ejus in aliis hujuscemodi negotiis intelligi poterit. Certe usurpari de eo *Adami* in Vita ejus posse credidit, *Martialis* effatum:

Currant verba licet, manus est velocior illis

Nondum lingua suum dextra peregit opus.

Ob eamque adeo in scribendo alacritatem putaverim ego, Notarii manus in Colloquio Wormatiensi per celebri religionis causa instituto, ei fuisse delatum, ubi etiam incredibili pennæ volubilitate notavit cuncta, imo sæpe *Philippum*, si quæ omiserat, commonefecit optimo conatu, ut *Gravellanus* Praefes disputationis de eo diceret: *Lutheranos scribam habere omnibus Pontificiis doctiorem.* Excepit etiam calamo enarrationes & conciones permultas a *Megalandro* nostro recitatas, postmodum eodem ordine numero verborum & phrasium constructione repetendas & illustrandas; Cujus laboris fidem non solum *Luthero*, verum ipsi etiam *Rorario*, a quo interdum

terdum adjuvabatur, reapse fecit, si opus esset. Postmodum etiam tempus quoddam Mathematicis consecravit artibus, quarum eam consecutus peritiam, ut Instrumentis a semetipso fabre factis, varia notatu digna præstiterit. Atque ita inter rumores Belli Germaniæ crudelissimi, sibi Musisq; vivens, placidam, sed variis morbis expositam, vitam egit. Tandem laboribus & lucubrationibus exhaustus An. 1548., cum Rectoratum gereret, infirmiori uti cœpit valetudine: Eoque tempore nihil fere ex eo auditum ferunt, nisi hæc paucula, sed magni ponderis, verba:

Omnia prætereunt, præter amare Deum.
Ut invalescente morbo præsentiscens, sibi ex vita migrandum esse, de omnibus doctrinæ partibus, de miranda Ecclesiæ gubernatione, de Immortalitate & aliis cum suis collocutus, manibus complicatis, inter vota adstantium exspiraverit, aliis narratum est. Utrum, posteaquam chasina in cœlo conspectum fuisset, hoc prodigio Cruciger motus varia in orbe futura prædixerit, quæ Sacra miserum-

que Ecclesiæ statum respiciebant, aliis relinquo judicandum. Factum illud est An. 1548. d. 16. Nov. Filium reliquit non bene omnibus audientem, ad Castra *Crypto-Calvinorum* Saxoniorum transfugam, & propterea Wittenberga tandem excedere jussum, de qua Historia Form. Conc. frequens mentio apud *Hutterum* aliosq; occurret. Cujus non refricanda hic fuisset memoria, nisi primū eundem Correctoris munere functum esse, & mihi persuasum fuisset. Quod cum certo comperire nondum potuerimus industriis Historiæ superiorum seculorum scrutatoribus investigandum commendamus, hactenus in Patre subsistimus, cujus etiam scripta meliori sunt in pretio apud Eruditos: Sunt: Commentarii in Evang. *Johannis*. In Epistolam *Pauli ad Timoth. I.* In Psalmos *Davidis*: Enarrationes in duos Articulos symboli. *Nicæni &c.* Orationem de eo habuit *Erasmus Reinholdus*, quæ extat Tom. III. orationum *Melanchthonis*, ex qua *Adami* sua hausisse dicit, ut nos in multis vitula ejus arasse fatemur, collatis

tis tamen Consiliis Wittenbergenſibus
Francofurti fol. excuſis Tom. I. p. 9. ſeqq.
& *Majero* de verſionibus Bibliorum *Luth-*
theri diſſ. cap. IV. Huic adjungendus
venit recentior

Thomas Crenius.

Du incertus eram, quid agerem,
huc ne referrem, an auferrem, *Cren-*
nium e numero Correctorum Erudito-
rum. Fundamento enim nitebar im-
preſſo quidem typis, ſed ob partium
ſtudium & affectum autoris admodum
ſuſpecto. Prodiit nempe Epiſtola qua-
dam Amſtelodami ipſis Kalend. Aprilis
An. 1706. ſcripta & excuſa, autore *Seve-*
rino a Clamoribus ad Amicum quen-
dam Baronem, de ſtudiis, vita & mori-
bus *Crenii* latina. In his plagulis miſere
tractatur Vir laborioſiſſimus, ut libel-
lum in famam aliorum iniquiorem eo
uno, ſi falſa ſunt, quæ illic habentur ex-
cepto, vix legerim. Ignorantem enim
& omnis ſolidæ Eruditionis plane ru-
dem homuncionem appellat autor mæ-
ledicentiſſimus, & qui ſolus ſapere ve-
lit,

lit, describit : Et quæ sunt multa alia, quæ quandoquidem verane sint an falsa ignoramus, & in viri hujus contumeli- am hic repetere nolumus. Scimus, non omnes judicare Eruditos de *Crenio*, ut ille *Severus Severinus* a Clamoribus de moribus, studiis & scriptis ejus clamare audacter non est verecundatus. Ut ut sit, nobis id unum prætermittendum haud erit, quod inter alia eidem objecit : *Cum non habuisset, quæ suo uxorisque la- trantibus objiceret stomachis, inopia sua consulturus Correctoris manus apud Leersium obiisse, librosq; deinde scriptitasse, & quæ sunt hujusmodi similia.* Hujus igitur testis, tanquam firmo stare talo non ausus sum, donec ex amico quodam cognovi, qui ex istis terris ad nos vene- rat, non omnino falsa esse, quæ ille hac in parte scripserit, sed *Crenium* utiq; hos diu peregisse labores ; illud vero, utrum factum sit paupertatis sublevandæ gratia vel studio juvandarum literarum, juxta cum amico illo me ignorare profiteor, quamquam magis illud vero simile mi- hi videatur. Dereliquis idem interro- gatus,

gatus, vel filebat, vel meliora docebat. Concedet itaque clarissimus *Crenius*, si suo nomine percelebri numerum Correctorum illustriorem reddidimus. Non est, cur eum pudeat hujus operæ, juxta quam & adhuc amat studia, promovetque ea variis modis haud ignobilibus, & labores exantlavit, quorum Literatissimos olim viros non poenituit. Multoque adeo minus laudi & æstimationi ejus detraheretur, quin potius in majus excrescet, & emerget, si reapse refellet *Severinum* illum iniquissimum, qui superciliosum & sublatis animi esse scripserat, dum inferiora ad juvandas literas conducibilia negotia tractasse non erubuit. Quod superest de Patria, Germaniam ne & Lüneburgicum agrum, si ve quod *Schulzius* verosimillime affirmat, Marchicum eum genuisse hætenus a multis dubitatum est. *Carolus Arndtius* in Bibliotheca Politico-Heraldica Hungarum appellat, cum quo consentit Clar. Struvius in præfatione in libellum Guarini de ordine docendi & studendi, qui vero a laudato *Schulzio* tr. de Claris
Mar,

Marchicis p. 36. refellit ac Marchiam patriam habuisse ex Dedicatione Exercitiorum sacrorum MDCCV. 8. Lips. editorum, item ex Dedicatione Partis XIV. Animadv. Philol. multis cum viri Encomiis evincere contendit. Reliqua quæ fuerint *Crenii* doctissimi, nostris Germanis forte magis quam Belgis æstimati, fata transigant, quibus otium est, & certiora innotuerunt. Scripta vero idem *Schulzius* enarrat, quæ tamen repetuntur ab Autore des ausführlichen Berichts von neuen Büchern und andern Dingen Francofurti & Lips. 8. P. III. p. 299. Ex quibus sequentia eminent: Animadversiones Philologicæ & Historicæ Partibus XVIII. jam constantes. 8. Exercitationes de LL. Scriptorum optimis. Lugd. 8. De furibus Librariis Lugd. Bat. 1705. 8. Exercitia Sacra in priora quædam Musis Lips. Betrachtungen von Leiden Jesu Christi P. III. der anfangs erschrockene / zu lezt aber wohlgemuthete David / 8. 1708. De singularibus Scriptorum. Scripta aliorum, quæ emisit,
nunc

nunc non recensebo, utpote multis factis jam cognita & locis citatis recensita, ut sunt : opuscula ad Histor. & Philol. sacram spectantia : Analecta Philol. Critica : Museum Philol. & Histor : Methodi & Consilia studiorum etc. Sicco igitur pede properandi ad alios ultimus in Elemento C. occurrit

Stephanus Curcellaus

Celeberrimus hic Remonstrantium Doctor Genevam habuit patriam, natus ibidem VI. Nonarum Maji Anno 1581. Patre *Firmiano Curcellao* Ambienſi, qui in Laniena ista Parisienſi, quam sapientiores Pontificii ne ipsi quidem defendere audent, multa subiit pericula. In cella enim quadam Lugduni per tres dies noctesq; in occulto latuit, atque sic tandem salvus evasit. Ab eo igitur *Stephanus* noster probe educatus, feliciter edoctus, aliorumq; virorum doctrina curis traditus fuit. Non fraudavit etiam patrem spe sua eventus; erat enim judicii viribus admodum illustris, prudentiq; & limato ingenio præclare instru-

Marchicis p. 36. refellit ac Marchiam patriam habuisse ex Dedicatione Exercitiorum sacrorum MD CCV. 8. Lips. editorum, item ex Dedicatione Partis XIV. Animadv. Philol. multis cum viri Encomiis evincere contendit. Reliqua quæ fuerint *Grenii* doctissimi, nostris Germanis forte magis quam Belgis æstimati, fata transigant, quibus otium est, & certiora innotuerunt. Scripta vero idem *Schulzius* enarrat, quæ tamen repetuntur ab Autore des ausführlichen Berichts von neuen Büchern und andern Dingen Francofurti & Lips. 8. P. III. p. 299. Ex quibus sequentia eminent: Animadversiones Philologicæ & Historicæ Partibus XVIII. jam constantes. 8. Exercitationes de LL. Scriptorum optimis. Lugd. 8. De furibus Librariis Lugd. Bat. 1705. 8. Exercitia Sacra in priora quædam Musis Lips. Betrachtungen von Leiden Jesu Christi P. III. der anfangs erschrockene / zu letzt aber wohlgemuthete David / 8. 1708. De singularibus Scriptorum. Scripta aliorum, quæ emisit,
nunc

nunc non recensebo, utpote multis satis jam cognita & locis citatis recensita, ut sunt : opuscula ad Histor. & Philol. sacram spectantia : Analecta Philol. Critica : Museum Philol. & Histor : Methodi & Consilia studiorum etc. Sicco igitur pede properandi ad alios ultimus in Elemento C. occurrit

Stephanus Curcellaus

Celeberrimus hic Remonstrantium Doctor Genevam habuit patriam, natus ibidem VI. Nonarum Maji Anno 1581. Patre *Firmiano Curcellao* Ambienfi, qui in Laniena ista Parisiensi, quam sapientiores Pontificii ne ipsi quidem defendere audent, multa subiit pericula. In cella enim quadam Lugduni per tres dies noctesq; in occulto latuit, atque sic tandem salvus evasit. Ab eo igitur *Stephanus* noster probe educatus, feliciter edoctus, aliorumq; virorum doctrina curis traditus fuit. Non fraudavit etiam patrem spe sua eventus; erat enim judicii viribus admodum illustris, prudentiq; & limato ingenio præclare instructus.

structus. Ad hæc a pueritia in Magistrorum suorum placita se non jurasse, statim præ se tulit, nihilq; nisi firmissimis fundatum fuisset rationibus, credidit. Unde pæne luxus ingenii & in varios postmodum errores lapsus coortus est. Factum etiam narrant non raro, ut Præceptoribus obloqueretur, quando prima ætate omnium rerum exactam requirebat demonstrandirationem. Excusso Scholastico pulvere in Athenæum Genevensium susceptus, fervido ad Mathematicum impetu abreptus, omni contentatione illud agebat, ut nulla alia occupatio, ad iudicii vires firmandas, idonea institutum studiorum cursum retardaret. Ceteroquin nihil invita faciebat Minerva, ad omnia paratissimus promptissimûsq;. Astrologiam præcipue judiciariam, omnium artium, ut ipse postea affirmavit, vanissimam, ita atnavit; ut ab iis nugis vix abduci passus fuerit. Postea *Cartesii* hypothesebus Philosophicis deditus in iisdem tamen senescere recusans in forum Theologorum transiit, in quo versandum imo moriendum ratus. Sed

ne

ne hic quidem a Doctorum opinionibus
aut Personarum gravitate pependit,
quin sentiendi sua libertate retenta et-
iam *Calvino & Beza*, Dictatoribus quasi
Reformatorum, non raro publice con-
tradicare haud vereretur. Tandem Ge-
neva Basileam, abhinc peragratis variis
Germaniæ regionibus Coloniam & Hei-
delbergam delatus est. Miratus est hic
loci tenacissimam *Dionysii Gothofredi*
memoriam, quinquaginta & sexaginta
lineas aliorum scriptorum ex fidelissima
hac rerum custodia, memoria, recitan-
tis. In Gallias deinde reductus, mune-
ra publica petens Fontis primum Bella-
quei Pastor factus est; postea Am-
bianam in Picardia Ecclesiam curæ suæ
commisam habuit. In quo quidem
officio constitutus ad Arminii partes in-
cinans Synodum cœpit oppugnare Dor-
dracenam, & denique Instrumento in
Synodo alia de V. Prædestinationis Ca-
pitibus constructo subscribere recusans,
relictæ cœtu suo in pago quodam ali-
quandiu docuit. Evocatus tamen ex-
inde fuit, ut Ecclesiæ Urbicæ Vitriacen-

fi

si totius Campaniæ frequentissimæ &
 celeberrimæ prospiceret. Post decen-
 nium tamen anno ætatis 34. Gallos li-
 bertati suæ inopinando infestos timens,
 in Belgium abiit. Atque hî tandem in
 locis ea operatum esse memorandum
 nunc erit, quæ in recensum nostrum
 eum collocarunt. Verbis id faciam ex
 Vita operibus ejus præmissa mutuo
 acceptis, quæ hujus sunt tenoris. Re-
 fert non nemo ipsius inimicus (*Maresius*
 puta) quod in has terras ingressus Epi-
 scopio ad pedes sit provolutus; dein
 prolixè illud exagitat quod Canonibus
 Dordracenis subscripserit; deniq; ex-
 probrat, quod Typothesis ad prælum
 in libris emaculandis inservierit, atque
 hoc velut opificio se & familiam susten-
 taverit. Nescis, *Maresi*, nescis Inimice,
 pergit Vitæ Auctor, cum neque verum
 sit omne, quod dicis, & id, quod verum,
 non in contemptum, sed in laudem amici
 Tui cedat. Nego supplicem esse factum
 illum, cui in Auditorium hoc ingre-
 denti Episcopus ipse honoris gratia af-
 surrexit, suæque ei subsellia concedere
 voluit,

voluit, ut ipse habendæ disputationi præset. Unde existimare licet, dignatione quanta a D. Episcopo sit habitus, quamq; nihil necesse fuerit huic humanissimo viro se supplicem prosternere. Sed enim prælo noster inservit, & ad magnas angustias est redactus. Fecit ille hoc non spe lucri, sed in gratiam præstantium aliquot virorum, & quidem eorum rogatu Illustris *Hugonis Grotii inprimis*, cujus *annotata in quatuor Evangelia*, a mendis repurgavit. Vertit & Mathematica nonnulla, in linguas alias, quod nescio an homo inimicus præstare, possit, & in gratiam amicorum, an facere id posset, si velit. Descriptiones Geographicas, quarum Clarissimus *Barletus* nonnullas confecerat in opere magno *Blaurviano* persecutus est, atque contexuit etc. Ad hæc addimerentur verba Clarissimi *Benthamii* infra citandi: *Ober wol / scribit, auf geschehene Verwerffung des Arminianismi, wieseder angenommen wurde / lehrete er doch bald wieder zu solch*
K cher

cher Meinung/ und entwich nach Hol-
land / da er dann Anfangs sich mit der
Correctur in der Buchdruckerey des
Blaauwen zu Amsterdam sich erhalten
musste. Sed non diu admodum in his
Curcellaus hæsit ; Episcopio siquidem
e vivis sublato , in officium illud & lo-
cum sat splendidum est furrogatus, col-
legasq; habuit, *Carolus Niellium* , *Bar-
thold. Prævostium*, & *Albertum Hutte-
num*. Huic muneri ea Sedulitate ac fi-
de præfuit, ut in lectulo jam jam fatali
decumbens lectiones & colloquia di-
sputatoria habuerit. Sublatus tandem
est ex hoc mundo eodem die, quo nos
Christi gloriosam in cœlos ascensionem
sancta memoria lætabundi gloriamur.
A. 1669. Scripta reliquit plurima ex-
quibus eminent illa , quæ emisit, cum
inter *Mosen Amyraldum* & *P. Molinaum*
controversia exorta esset, in qua discer-
nenda priori magis, quam huic favit, po-
stea tamen ipse contra *Amyraldum* li-
brum edidit, de jure Dei in Creaturas,
quo se & *Arminium* strenue defendit.
Novum Testamentum ejus studio niti-
dissime

diffime excusum prostat, ex antiquis
codicibus emendatum, & Lectionibus
variantibus ornatum; quibus tamen
non semper cæca fides est habenda,
eamq; ob causam apud nostrates in tan-
to pretio non est, quantum apud Re-
monstrantes sibi acquisivit. Sub finem
deinde vitæ tr. typis concessit, de Esu
sanguinis, quo ut in V. T. abstinendum
esse judicat, quod ab *Heideggero* est op-
pugnatum. Susceperat etiam Historiam
Johannis Papise (qualem & nunc Cele-
berrimus *Leibnizius* meditatus est) eam-
que fabulam fuisse & esse monstraturus
erat contra *Maresium*, scripta posthuma
sunt: De vocibus Trinitatis, Personæ
etc.: de Peccato originis: De necessi-
tate cognitionis Christi? De Hominis
Justificatione coram Deo &c. Taceo de
plurimis præfaminibus, quæ variis hinc
inde præmisit operibus. Epistolæ ejus
reperiuntur in Epp. Remonstrantium 8.
primum postea vero fol. impressis 1684.
ap. *Wettstenium*: Opera conjunctim
prodiere Amstelod. apud *Elzevirios*
1675. fol. quibus oratio funebris *Arnoldi*

Poelenburgii præmissa est, quam vide
conf. *Crenii* Animadversiones Philoll.
P. V. p. 104. *Benthamii* *Holländischen*
Kirchen und Schulen Staat. &c.

*VV*olfgangus Christophorus
Deslerus

VIr Pius & varia Eruditione spectabi-
lis, natus in Imperiali urbe Nori-
berga, patre *Nicolao* mercaturam gem-
mis aliisque pretiosis rebus faciente,
matre *Margaretha Ræslina* Anno 1660
d. 11. Febr. uti a prima prope nativita-
tis hora fortunæ vices varias multiplici-
ter expertus, quippe qui in lucem vix
editus erat, ab Obstetrice pulvinaribus
tectus & suffocatus fere, periisset: Ita
etiam crescentibus annis vitæ pericula
alia non unius generis subiit, ex quibus
tamen singulari Dei bonitate salvus sem-
per evasit. Interim a pueris amore li-
terarum rapiebatur, eisque erudiri a vide
cupiebat: Verum parentum bonorum
facultatibus admodum attenuatis, mul-
tisque pretiosioribus mercibus hinc in-
de in aulis Principum divenditis, pro qui-

quibus solutionem obtinere haud poterant, invitus & non nisi pietate in Parentem ductus, Aurifabri fidei artique addiscendæ se passus est tradi. Sed cum nihil ominis aviditatem in libros retineret, & vix aliqua lætitia, nisi viso aliquo Erudito viro perfunderetur, factum, ut a Magistro suo dimissus alius generis munia in ædibus, quibus monetarum earumque valoris ratio habetur, itidem coactus susciperet: donec ad labores tenerior justo visus ad patrios reversus est lares. Otio igitur dato ingenii vires, cum alia re non posset, ingeniose fabre factis & ludicris rebus præclaram indolem prodidit. Unde Patri tandem amici persuaferunt, ut filium melioribus artibus expoliendum traderet. Curæ itaque & fidei Magistri *Joh. Georgii Brendelii* Conrectoris Scholæ ad Spir. S. traditus liberalis doctrinæ primis fundamentis instructus est. Hinc postmodum in inclytam Universitatem Noricam Altdorfium migravit, atque ibidem moderantibus *Rastenbeccio*, *Omeisso*, *Sturmio* & aliis avide omnia arripuit didicit-

que, cum qua industria raro exemplo Pietatem insignem probitatemque vitæ habebat semper conjunctissimam. Interim neque hic ab ærumnis liber sumtum raritate attritus, a laudabili conatu recedere fere coactus fuit, & ex mœore, ut visum, contracta febris hæctica oppressus est; At Dei beneficio pristinae sanitati restitutus res suas convalescere denuo vidit. Post hæc peregre abiturus, celeberrimum *D. Bebelium* affinitatis vinculo sibi junctum, invisere suscepit. Impeditus tamen & nummorum æque ac Sanitatis tenuitate, cui nimis fidendum non erat, in patria permansit, amicitiamque Clarissimi *Erasmi Francisci*, de quo suo loco exponemus arctissimam coluit. In hujus gratiam quædam subinde transtulit ex Italico idiomate sive in Latinam sive in German. linguam, nullum laboris pretium & præmium pactus, quam fidam laudatissimi Viri Instructionem, & benignam interdum manum, quam benevolentiam hucdum prædicat *Deslerus* noster. Cœperat interea aliquoties etiam ex Cathedra Ecclesia-

clesiastica ad populum sermones facere; cum vero voce nimis submissa & exili loqueretur, eamque attollendo sibi & valetudini timeret, aliorum consilio ab incepto destitit, totumque se emendationi librorum in Typographiis consecravit; Eum in finem linguas Italianam, Gallicam, Anglicam, Hispanicam & Belgicam docili hausit animo, ut & vertendis codicibus, si requireretur, operam navare posset. Intercedente igitur dicto *B. Erasmo* Francisci ex officinis *Knorzianis*, *Sperlingianis* & *Felseckerianis* paginas ad se missas omni studio restituit. Vertit etiam in nostram Germanicam linguam plurima scripta sibi tradita, quæ omnia hoc loco cum ipsis libris, quos immensa copia correxit, brevitati studentes, recensere operæ pretium esse vix ducimus. Sufficiat meminisse Illustris *Pufendorfiani* operis, quod *Commentarius de rebus Suecicis* 1695. fol. Germ. & Latin. & Gallicæ A. 1697. titulum gerit; Itemque *Florin Klugen und Rechtsverständigen Haus: Vatter*; & *Le Grand Historia*

Naturalis. Quæ scripta, cum a mendis, quod in se erat, purgaret, Impressor, infcio Correctore, nominata in Latina *Pufendorfi* editione dolose admodum egit. Mittebat scil. negligentissimus homo plagulas jam jam correctas, & ad revidendum traditas, atque interea nihilo secius haud cessabat in opere preli, atque sic multas imprimebat mendis admodum scatentes. Recepta vero charta, cui notata erant in scripta, tunc demum quod superesset corrigens, excudebat quædam meliora exemplaria. Eam turpem lucri cupidinem indigne *Deslerus* noster, utpote operis Corrector, cum semper tulerit, ita etiam nunc querelas non immerito fundit, & lectorem de causa sphalmatum monet. Quod reliquum est huic operi intentus immori eidem bono cum Deo constituerat; verum enim vero, cum ad docendum in Scholis in primis aptus videretur, moderante summo Numine, Con-Rector tandem Norimbergensis Ludi ad Spiritum S. electus est; quem nuncium singul-

ri le-

ri lectione de providentia DEI occupatus, uti insperato acceperat, ita in humeros suos laborem mandatum A. C. 1705. die Exaltationis Crucis suscepit, & cui huc usque cœlebs omni fide, Pietate, diligentia præest, & DEO insperante imposterum diu præerit felicissime: quod toto pectore aprecamur. Restat ut paucis de scriptis ejus mentionem faciamus, quæ non sunt aliis notata. Sunt vero illa: **Das alte und neue Morea**/ quem libellum ex Italico transtulit idiomate, ejusque adjecit *Boëthii Kriegs-Helm* / An. 1686. 4. Ex Gallica lingua vertit Primam partem Artamenis in Germ. L. Ascetia sunt: **Die Seelen-Lust**/ 1692. 8. **Andachts-Woche** / ex Gall. *Herz Moulins*, An. 1696. 8. **Blut- und Liebes-Rosen/ oder Passions-Andachten**/ 1695. 8. & nuper demum, **Herz-wallende und von heiliger Liebe erregte Funcken der Liebe Jesu** / 1712. 8. Susceperat etiam in vernaculam nostram transponere *Tratado de la Oracion ii Meditacion recopilado par el Pedro de Alcantara*, Madridi,

driti, 1612. excuso, quo vero opere certis ex causis iterum abstinuit. Præter hæc non dubito, quin & alia ab eo expectanda adhuc sint, quorum vim haud exiguam in cordibus Lectorum judicamus, quippe qui Autorem candido pectore, & in Christum amore sincero, nec fucata Pietate scribere, suæque vita ipsa confirmare plane cognitum habemus & scimus. Sed procedendum ad alios. Occurrit vero proximus à *Deslero*

Demetrius Chalcondyles.

Patria *Byzantinus*, qui, Constantino-
poli Græcis occupata, & durius
nimis Græcis illic tractantibus, una cum
aliis Popularibus, viris probis & Erudi-
tis patrium solium, dulce quamvis his
hominibus, relinquens, in Italiam, vici-
niorem sibi & studiis literarum aptio-
rem, contendit, Seculo post Christum
natum decimo quinto jam inclinante.
Florentiam itaque delatus, ubi factum
paulo ante erat, ut Civis ejus *Johannes*,
Argyropolus, qui Cosini Medicis benigna
libe-

liberalitate usus, & *Petro* filio, *Laurentioque* Nepoti illius Præfectus fuerat. Ob pestem istis terris imminentem, dum Romam aufugisset, fortunæ suæ initia invenit. Etenim hujus munus desertum favore Principis munitus ambire cœpit, sed mox æmulum nactus Angelum *Politianum* peracrem quidem & ambitiosum hominem, ut *Jovius* eum appellat, competitori cessit, ac lubens ei omnia reliquit. Ubi quidem maxime oberat nostro *Demetrio*, quod Latini sermonis mediocriter peritus, facillime a *Politiano* vincebatur, quamvis hunc Ciceronianum magis, quam Christianum hominem, ut accusant, alique excusant, Græco superaret idiomate. Quibus etiam rebus factum, ut rariuscule Auditores in Schola Chalcondylæ comparerent, Angelusque omnes suavitæ sermonis politi ad se alliceret. Discessit igitur noster Venetias, ibidemque apud *Aldum* Græcos codices sub prælo sudantes diu correxit, opere non contemnendo, & maxime utili, atque ad quod tunc temporis non nisi in Græcia

cia nati & Eruditione illustres requirebantur, viri. Id tamen factum est, non antequam Princeps Florentiæ obierat, neque *Demetrio* locus ibidem commorandi amplius supererat. Post hæc Mediolanum a *Ludovico Sfortia* accersitus, una cum uxore & liberis eo commigravit, ac non multo post Grammaticæ suæ rudimenta luci publicæ exposuit. Ex ea uxore prudentissima & castimoniam admodum perspicuam, tres filios genuit, filiamque non nisi unicam. De illis vero parum habuit, audivit, viditque, ob quæ lætari potuisset: Major enim natus *Theophilus* multum quidem profecerat in literis, ita, ut Ticini jam publica authoritate *Homerum* explicaret; Sed cum vir esset inquieti & turbulenti animi, factum, ut nocturno tempore congressus cum petulantibus quibusdam hominibus hostili modo, confossus, & obtruncatus occumberet. Quæ tamen filii fata mater sapientia spectabilis clam, Patre jam sene, semper habuit. *Basilus* alter, optima Patri de se expectandi spem fecerat quidem veram,

veram, hujus spei complementa daturus, Romam a *Leone* P. R. ut in Gymnasio doceret, vocatus, febrili morbo præmature fato vita excessit. *Seleucus* minimus inter fratres vix ex Ephebis progressus, diem obiit supremum: *Filia* vero *Jano Parrhasio* celebri ob Eruditionem viro in matrimonium concessa fuit. Denique & noster octogenario major Mediolani spiritum exhalavit. Quem de reliquo bene distinguendum esse a *Laonico Chalcondyla* Atheniensi, qui eadem ætate fere vixerat, monemus. De ejus Grammaticæ Rudimentis jam antea quædam dicta sunt. Erotemata ejus magnis laudibus celebrat P. *Danesius*, quæ edidit *Melchior Volmarus*, testante *Kœnigio*, in Biblioth. De ceteris; vide si placet *Jovium* in Elogiis p. m. 69. ed. 8. *Basil. Nicol. Reisneri* Icones T. I. p. m. 77. & *Morhofii* Polyhistorem P. I. L. IV. c. 11. §. 6. p. 6. & alios.

Johannes Michaël Dilherrus.

Hic Noribergensium præclarissimus Theologus multis nominibus Erudito

tiori quoque fortuna usus est. Wittenbergam igitur profectus; postquam aliquandiu ibi vixerat & pari sedulitate correxerat, Lipsiam reversus & Norimbergam hinc ab Amicis vocatus, cum gnatis eorum, suæ fidei creditis, Altdorfium abiit. Abhinc porro Jenam cum iisdem, qui curæ suæ commissi erant, devectus est. Atque hic tandem locorum munus, Eloquentiam publice docendi, demandatum accepit, ad quæ cum Historiam latifundia perspexisset, Poëscosque rationem gefisset, ad literas divinas explicandas accessit. Florente sic Nominis fama, Norimberga celeberrima Civitatum Imperii cum sibi vindicavit: Illustris enim Senatus inclytæ Reipubl. Professionem Theolog. in Gymnasio, & directione ejusdem it. Bibliothecarii & Inspectoris Alumnorum, cum spe splendidi stipendii obtulerunt. Qua conditione accepta Pastoris deinceps Primarii in æde Sebaldina officia subeunda illi fuere demandata. Quid multis? Tanta ejus fuit in laudata urbe æstimatio, & auctoritas, quanta, quanta vix ante,

aut

aut post eum, quemquam valuisse
hactenus compertum est. Imperatoris
quoque Leopoldi & Principum vario-
rum Imperii German. consecutus est
summam: Ad hæc Senatorum Civitatis
Populique favore usus, omnibus gratus
constanter vixit. In concionibus alta
& clara utebatur voce, ita ut quasi Elo-
quentia sua intonuerit, quam etiam vo-
cem sublatam, nequidem in ultimis Vi-
tæ diebus, quo beneficio & B. *Andream*
Mybldorfium nuper demum vita defun-
ctum, in officio post interjectos alios
successorem usum itidem fuisse Cives
Norici optime norunt. Obiit *Dilber-*
rus An. 1669. d. 8. April. Cujus libro-
rum Pars, jure ut vocant Testamenti.
Item Nummophylacium Collegio Ec-
clesiastico Sebaldino cessere, & in ædi-
bus Sebaldinis *Pfarrhof* asservantur;
Pars autem publicæ Sebald. ut vocatur
Bibliothecæ, quæ in Monasterio Do-
minicanorum conspicitur, tradita est.
Quarum utraque a Laurentiana probe
discernenda, uti enim illa copia libro-
rum, & eorum præcipue, qui inter

L

prima

prima Typographiæ inventæ tempora excusos numerantur abundat; ita Laurentiana ostentat Codices pretio claros & raritate spectabiles: Hujus autem Dilherri ultimæ voluntatis causa, sine dubio, fuit, quod uxorem duxerat ex plebe, id quod hodiernum ob cupidinem divitiarum explendam a Pastoribus pessime fieri solet. Eam vero non ita expertus est humilitate nempe conspicuam ut speraverat quidem. Huic igitur & cognatis ejusdem Librorum numerum utilem vix fore ratus publico usui destinasse creditur. De reliquo quotiescunque per occasionem liceret, eos, qui Ecclesiæ præesse contendebant, monuit, caveant, ne ex vulgo sibi uxores ducerent, ut quæ non raro superbire admodum soleant. Quod monitum certe etiam nostro nunc ævo variis conducere posse sum persuasissimus. Scripta, quæ de *Dilherro* hodiernum extant varia sunt, & ab omnibus Geographis jam descripta, ut Apparatus ejus Philol. Atrium linguæ sanctæ Eclogæ sacræ N. T. Syr. Gr. & Lat. Postilla & alia, in quibus

quibus non est, quod moremur. Conferantur Freherus, Witte, Uhseus, Clarmundus & alii. Misso igitur hoc sine cunctatione ad alios progredimur. Sequitur ergo

Augustinus Dodo.

PAUCA sunt, quæ de hoc viro explicari & colligere potui, nisi quod ex Frisia ortum traxisse communi consensu Eruditi & *Suvertius* imprimis tradunt. Postea vero studiorum causa hinc inde circumvagatum, ac denique Basileam, diribitorium fere tunc temporis Eruditorum venisse non obscuris documentis constat. Nobis in præsens sufficit monuisse Canonicum ibidem S. Leonhardi factum, & *Johannem Ammerbachium* in opere Typographico adjuvisse, emendando, quæ imprimebantur, restituendo veterem & genuinam codicum lectionem, & summaria libris totis atque Argumenta Capitibus singulis præmittendo An. 1504. Audiamus hac in re Adami verba, hæc in vita Pelicani tradentis: *Eodem anno Jo-*

hannes Ammerbachius Senior excudere typis omnia opera S. Augustini cepit. Ad hanc editionem contulit operam suam Augustinus Dodo, Canonicus ad Div. Leonhard. qui ceperat etiam scribere in singulos hujus operis libros argumenta. Antequam vero ad finem iste labor perductus fuerat, pestilentiali morbo Dodo correptus, diem obiit supremum. Reliquit alias Excerpta varia, quæ se typis excusa vidisse Gesnerus testatur, nobis autem nunquam conspecta sunt. Conf. Cl. Buddeus in Lexici T. II. p. 844. Reimannus P. III. des Versuche/ &c. p. 231. & Simlerus in continuationes Biblioth. Gesnerianæ, ubi ipsius Dodonis fit mentio. Cetera enim obscura sunt. Quare ad celebriorem pergimus.

Desiderius Erasmus.

IN arenam potius descendat, Syncretista ille famosissimus, Monachorum flagellum, & Erudita Bestia, ut a Pontificiis nominabatur. Cujus quando quidem omnes, quotquot fere extant Vitarum Scriptores, fecerant mentionem,

tionem , non satis causæ video , cur multis de eo in præsentî differere opus sit. Attamen, ut instituto nostro satis faciamus, paucissimis repetenda videntur singularia tanti viri fata. Genitus est, ut tradunt, furtivo concubitu, Patre *Gerardo Gerardi*, Matre *Margaretha Medici* cujusdam filia, & *Roterodami* quidem An. 1466. d. 2. Octobris, unde cognomen hæsit. Puer admodum in Schola *Daventriensi* a *Rudolpho Agricola* visus, his verbis dimissus est. *Tu eris aliquando Magnus.* A Tutoribus deinde in Monasterium *Emaus*, ad *Goudam* situm, detrusus, averfatus hoc vitæ genus, vestitu Monastico retento, in familiam *Episcopi Cameracensis* receptus est. Posthæc Itinera suscepit, & *Bononiæ* Doctor *Pestilentiarius* ob indumenta creditus, & a pueris in via publica verbis plagisque vexatus, vestes religiosas dejecit. In *Alpibus Cottii* honores Doctores obtinuit; *Romæ* vero admodum magnificis decretis honoratus, parum abfuit, quin in *Purpuratorum* numerum receptus fuerit, ni odia tor

tantaque contraxisset sibi, ex eo, quod Religiosorum ordinum segnitiam, Ruditatem aliaque vicia, tanta stili & sermonis acrimonia sæpe traduxisset. In negotio de reliquo Religionis, judicamus fuisse vel nullius, vel omnibus ad dictum, professione tamen externa longas Pontificum manus timentem Papæ cultorem fuisse constat. Videbat interim & perspiciebat Ecclesiæ suæ corruptelas, neque negare poterat, revocandam esse integritatem Apostolicam priscam, fidem & mores sanctos. At vero ob meticulositatem hinc inde fluctuans, & conscientiae utcunque consulturus vulneratae, fontes divinae sapientiae, tandem studia nempe Theologica plane seposuit, & in elegantiori literatura ad vitæ usque terminum extremum constanter perstitit. De reliquo, ut mens de externis quibusdam Pontificiorum sacrorum ceremoniis ejus pateat, sciendum, raro, nisi in conspectu aliorum sacra atque benedicta aqua se adpersisse, & raro eum secundum ordinem Corollarum suarum preces ad Deum

Deum vel Sanctos misisse, visum fuisse.
His alia singularia quædam viri optimi
adjiciam, quæ non ubivis obvia sunt,
& non nisi ex Epistolis Londinensis præ-
cipue editionis patent. Pisces ei fuisse
insalubres, Cerevisiam Britannicam
non amasse, vino gavisum eleganti, sine
acore, novo maturo, non dulci, non
acerbo, mediocri colore leviter
rubido, stantem, scripsisse: De nummis
corradendis valde fuit sollicitus, id
quod tamen miramur, cum sexcentis
per annum uteretur florenis ad fami-
liam alendam, quam Equi duo, tres fa-
mul, & anicula quædam faciebant. In-
terim tamen fortiter tulit nummorum
jacturam, cum aliquando a latronibus
spoliatus fuit. De reliquo sapius se
ipsum gloriosius commendavit, &
quamvis ambitiosus ideo dicendus non
veniat, interim tamen non raro illud
vitium passim emicuit, ita quidem, ut
aliquando equo mercenario & vili in-
sidere eum puduerit. Sed hæc haud cu-
ramus, saltem illud ut verissimum, ne-
que sic tamen, quod literati orbis com-

moda attinet male rem se habuisse, multum potius usui fuisse toti literatorum choro, scriptis præcipue, ut fere necesse erat, ea tempestate emendandis, restituendisque incumbendo. Non tantum enim *Lovanii* apud *Theodoricum Martanum*, sed, ut *Scaliger* testatur, etiam *Venetiis* apud *Alaun* exornandis codicibus præfuit, id quod tamen non nisi de Proverbiis suis ipse factum esse concedit. Quam maxime autem *Basileæ*, utpote in suo, ut aiebat, campo, in ædibus *Frobenianis* castigando & corrigendo *Hieronimi*, *Ambrosii*, *Hilarii* & aliorum Ecclesiæ primæ Patrum Latinorum Volumina, conquistis vetustissimis Exemplaribus ac collatis, adjutus, tempus haud breve consumsit. Neque corrigendo tantum, atque ad marginem subinde notando, quæ male habeant Fratres ignorantia in se quicquam desiderari passus est: uti *Exempla Frobenianarum Editionum* tersissimarum lectorem edocent. Eadem opera functus est in *Novo fœdere* imprimendo, quod *Leoni X.* inscripsit, & ali-

& aliquoties repetitis, in quo tamen quam maxime errasse nostri queruntur, dum dictum illud ad Romanos IX. v. 5. ad mentem Photinianorum excudi concessit, puncto inter verba, ex quibus Christus secundum Carnem & ὁ ἰὼν ἐπὶ πάντων θεὸς εὐλογητός, interjecto. De hac editione nuperæ Millianæ & Küsterianæ fol. cum Wettstenianis 8. consuli queunt. Aliquandiu postea quidem Basileæ valedixit, sed mox editurus Adagiorum suorum Chiliades, eo reversus est, quo tempore studiis Theologicis revocatus, Paraphrases Paulinas & Evangelicas ad finem perduxit optatum. Vi fati eo deductus, cum spina dorsi, ab Equo consternato, distorta fuisset; Basileæ vero veritate Evangelii patefacta, Pontificios in concepta de se sinistra opinione non confirmaturus, abitum meditatus est; Friburgum, ubi domum emerat; id quod factum, postquam octo continuos illic exercuerat annos. Nec ullis tamen potuit Ammerbachiorum precibus retineri. Navem igitur inscensurus ajebat:

L 5

Jam

moda attinet male rem se habuisse, multum potius usui fuisse toti literatorum choro, scriptis præcipue, ut fere necesse erat, ea tempestate emendandis, restituendisque incumbendo. Non tantum enim *Lovanii* apud *Theodoricum Martanum*, sed, ut *Scaliger* testatur, etiam *Venetiis* apud *Aldum* exornandis codicibus præfuit, id quod tamen non nisi de Proverbiis suis ipse factum esse concedit. Quam maxime autem *Basileæ*, utpote in suo, ut aiebat, campo, in ædibus *Frobenianis* castigando & corrigendo *Hieronymi*, *Ambrosii*, *Hilarii* & aliorum Ecclesiæ primæ Patrum Latinorum Volumina, conquistis vetustissimis Exemplaribus ac collatis, adjutus, tempus haud breve consumpsit. Neque corrigendo tantum, atque ad marginem subinde notando, quæ male habeant Fratres ignorantia in se quicquam desiderari passus est: uti *Exempla Frobenianarum Editionum* tersissimarum lectorem edocent. Eadem opera functus est in *Novo fœdere* imprimendo, quod *Leoni X.* inscripsit, & ali-

& aliquoties repetitis , in quo tamen
quam maxime errasse nostri querun-
tur, dum dictum illud ad Romanos IX.
v. 5. ad mentem Photinianorum excudi
concessit , puncto inter verba, ex qui-
bus Christus secundum Carnem &
ὁ ἰὼν ἐπὶ πάντων θεὸς εὐλογητός , interjecto.
De hac editione nuperæ Millianæ & Kü-
sterianæ fol. cum Wettstenianis 8. con-
suli queunt. Aliquandiu postea qui-
dem Basileæ valedixit , sed mox editu-
rus Adagiorum suorum Chiliades, eo re-
versus est , quo tempore studiis Theo-
logicis revocatus, Paraphrases Paulinas
& Evangelicas ad finem perduxit opta-
tum. Vi fati eo deductus , cum spina
dorsi , ab Equo consternato, distorta
fuiſſet ; Basileæ vero veritate Evange-
lii patefacta, Pontificios in concepta de
se sinistra opinione non confirmaturus,
abitu meditatus est ; Friburgum, ubi
domum emerat; id quod factum, post-
quam octo continuos illic exercuerat
annos. Nec ullis tamen potuit Am-
merbachiorum precibus retineri. Na-
vem igitur inscensurus aiebat:

L 5

Jam

*Jam Basilea vale , qua non urbs altera
multis ,*

Annos exhibuit gratius hospitium.

*Hinc precor omnia lata tibi , simul illud
Erasmo ,*

*Hospes uti ne unquam tristior ad ve-
niam.*

Hoc vale tamen , quod Benif. Am-
merbachius tabulis suis exceperat , &
quod jam semel dixerat urbi, neglecto ,
rediit nihilominus An. 1535. & in Ci-
vitatem & ad priores labores , quorum
quantum habuerit curam , & quam gra-
ve fuerit opus , ipse in Epistola quadam ,
cujus verba Celebr. *Caveus* in Introdu-
ctionis ad Scriptores Ecclesiasticos præ-
fatione , ita nobiscum communicavit:
*Herculem tantis laboribus non fregisse ,
in hunc modum non sudasse , cum tot per-
timescendis , ac torvis bestiis dimicandum
fuerit , quam se in corrigendis codicibus
tot mille mendarum refertis , iisque ex-
pungendis. Et in alio libello ad P. Cur-
sium de dolofo quodam facto Impres-
soris ita scribit : Nuper cum , inter impri-
mendum , excusores aliquot conquesti
fuissent ,*

fuissent, me sibi Xenia nondum persol-
visse. Exortus est inter eos quidam vino-
lentior, qui profiteretur, se pœnas a me
exacturum; atque ita profecto Veterator
tam egregie perfecit, ut aureis nummis
trecentis istam ignominiam redimere vo-
luissem. Cum enim in Vidua mea, quam
Serenissima Hungaria Regina dedicave-
ram, ad laudem cujusdam sanctissima sæ-
mina inter alia liberalitatem illius in
pauperes referrem, hæc verba subjunxi:
*Atque mente illa usam eam
semper fuisse, qua talem sæminam de-
ceret. Scelestus ille animadvertens sibi
vindicta occasionem oblatam esse, ex
mente illa, mentula fecit. Itaque
Volumina mille impressa fuerunt. Quid
igitur, &c.* Sed properans ad finem,
illud moneo, quod ad mores spectat
Erasmi, Eum visitaturis, ut a peregrini-
nis fieri solet, raro conspiciendum se
cuiquam exhibuisse, id quod nonnulli
ob deformitatem membrorum, & li-
neamentorum corporis torvitatem il-
lum fecisse perhibent. Tandem in ædi-
bus

bus *Joh. Frobenii* extinctus est *Erasmus*,
 & Anno 1536. d. 12. Julii æt. 70. mor-
 bo correptus articulari e vita excessit.
 Neque Typographicæ rei in morte de-
 posuit amorem, quod ex Testamento
 eluceat, in quo *Bonifacio Ammerbachio*,
 Hærede nominato, *Frobenium* & *Episco-
 pium* viros meritissimos ultimæ hujus
 voluntatis Executores constituit. Ab
 his etiam in æde Cathedrali sepultus,
 & monumentum obtinuit, quod heic
 exprimere angustia chartæ prohibet.
 Scripta ejus sunt, ut notissima, sic uti-
 lissima: Paraphrasis in N. T. III. Voll.
 1544. Adagiorum Chiliades apud *Al-
 dum*, *Frobenium*, & Parisiis apud *Robe-
 tum Stephanum* 1558. prostant. Vita
 ejus prostat, cum Vita *Nicod. Frischlini* 8.
 Argent. 1605. & alibi repetita est sæ-
 pius. Novum Testamentum prodiit
 Annos 1516. 1519. 1521. 1527. 1535.
 Basil. ap. Froben. & Episcopium. Opera
 universa excusa esse Basil. ap. Froben.
 An. 1540. IX. Voll. & Amstel. plenissi-
 me, IX. pariter voluminibus, procu-
 rante Clerico, & Lugd. B.X. Tom. 1703.
 quis-

quis ignorat. vid. Adam. in Vitis Philos.
ed. 8. p. 92. Mallinkrodt de Arte Typogr.
4. Colon. p. 96. Reimmannus p. 330.
Clarmund. P. I. p. 1. seqq. Buddeus in
Lexico & alij.

Guilhelmus Fabritius.

GENTE Gallus, patria Pictaviensis,
nominis sui fama celebris circiter
An. Chr. 1540. aliquot linguarum Græ-
cæ præcipue & Latinæ peritissimus. Vir
de reliquo non vulgaris Eruditionis, ut-
pote quem potuisse differere de omni-
bus rebus subtiliter, graviter, ornatè,
frequenter, conjungendo sermoni sua-
vitatem, & affabilia verborum lenoci-
nia referunt. Unde ab Eruditis sui
temporis magni fuit æstimatus, præci-
pue vero a celeberrimo *Roberto Stephano*
omni amore & benevolentia semper est
exceptus. Id quod exinde facile elu-
cet, quod receptus in ædes ab ipso Ty-
pographorum Principè ex Decem-
virorum hujus Typographi numero
fuisse, compertum habemus. Emenda-
vit autem interprimos diu, codices im-
pressos varios, in Regia hac officina a
vitiis

vitiis Typothetarum in cura Impressorum inspersis, non sine laudis & doctrinae suae emolumento. At maximum tamen laborem impendit ad fidem vetustissimorum codicum excusis, atque his adjecit loca ad marginem notata, quae in aliis exemplis occurrunt, & variantes vocantes lectiones. Quas dum celebramus dotes, eam intelligimus editionem, quae prodierat ex officina hac Illustri *Stephaniana* 1540. fol. Paris. quam passim audias, ut omnium optimam & praestantissimam celebrari, rarissimeque conspicitur. In praefatione *Robertus* ipse hac in laudem *Fabritii* candidè pronunciavit: *Opportunum esse video, ut Te ex animo salvere jubeam, quod tamen amplius facturus non sum, quam pro officio hominis grato animo praediti, agnovero beneficium acceptum a Guilhelmo Fabritio, Amico & familiari nostro, viro Hebraice, Graece, & Latine doctissimo, qui in his Bibliis emendandis candido & liberali studio me plurimum adjuvit. Annevero Biblia alia aliosque libros circa ea tempora excusa manibus*

bus suis triverit , & qui nam isti sunt
definiri a me non poterit. Prodiere
Biblia fol. 1532. 8. 1534. & 1537. *Ro-*
berti Annotationes in Pentateuchum 4.
1541. Evangelia quatuor cum Actis 8.
1541. Novum Testamentum Latinum
cum brevibus variarum lectionum an-
notationibus 12. 1543. Biblia fol. 1546.
Prodierat etiam An. 1536. Linguae La-
tinae Thesaurus, & Anno 1546. Dictio-
narium Latino-Gallicam aliaque scripta
plurima. Quibus vero ex his *Fabritius*
noster praefuerit vix affirmare quis-
quam audebit , nam decem fuere , qui
hoc munus sibi demandatum habuere,
qui nam autem ex his hunc vel illum
codicem suae curae commissum habuit,
vix expiscari poterit. De nostro vide
Paulum Colomesium in Gallia Orientali ,
quae inter opera ejus Hamburgi a vi-
ro celebr. *Joh. Alb. Fabritio* 1709. 4.
publicata comparet p. 6. Le Lonus in
Biblioth. sive aucta & recusa ab Excellen-
tissimo Lipsiensium Theologo *Boërnero*
Lipsiae 1709. 8. P. p. 594. & P. II. p. 634.
Huic adjungendus erit

Jere-

Jeremias Felbinger.

Qui natus est in Silesiorum percelebri urbe Briga, Anno a salute reparata 1616. Puer parentum cura in patrio lyceo iis literis imbutus fuit, quibus tenerior ætas ad Eruditionem ac veram simul Pietatem deduci ac informari solet. Juventutis annis egressus, cum Theologicis studiis Scholastica conjunxit, & postquam in his etiam vires ingenii sui satis periclitatus est, cui instituto amplectendo ansam dedit mors viri cujusdam ipsi haud ignoti, qui Coslini, quæ urbs est Pomeraniæ supremus Scholæ Moderator hucusque fuerat: Ejus enim vestigia institurus, illud ambivit munus, eoque in se collato, diligenter atque probe eidem præesse omni studio elaborare visus est. Verum vix illud susceperat, ecce sede isthac iterum Scholastica nec immerito dejectus est. A prima enim ætate, incertum quo impostore impia Photinianorum hauserat dogmata, eademque per totam postea vitam in animo conservavit,

servavit, defendit inque eorum sententiam aperte tandem ivit : ita quidem ut & aliis instillare istas hypothesen non dubitaverit. Ejectus igitur, postquam cognitum est, quis qualisque huc usque fuerit illa Sparta, & officio atque urbe excedere jussus, hinc inde vagus in Germaniæ circumivit variis agris, donec Helmstadium forte delatus est. Sed vero cum & heic virus suum, mente conceptum, spargere, atque de infauis multa, Prophetæ instar, proxime venturis prædiceret, ante solis occasum, ut urbe excederet, ei imperatum fuit. Quo facto, sæpe de injuria sibi illata equidem conquestus est, atque quæcunque a Pontificiis mala Lutheranis inferantur, ea omnia justo Dei judicio ob impietatem eorum fieri ac permitti divinitus identidem affirmavit. Hinc vero Amstelodamum commigravit, & omni destitutus auxilio in maxima egestate, ac penuria, ab ipsis etiam Socinianis reliquis, quippe a quibus non raro dissentiebat, derelictus vixit. Tandem autem clandestino Consilio pueros do-

M

ccre,

sere, ac in Typographicis officinis libros emendare cœpit. Equidem non dubitarem, quin quo animo fuerit; plane ignorarint Typographi, quibus alias timendum fuisset, ne forte in corrigendo quædam subinde immutaret, atque adderet, quæ sibi suisque Arrianis placitis magis convenirent; id quod facillime ab hujusmodi hominibus effici poterit, & *Servetii* exemplo id postea comprobabimus. Sed quoniam neque *Sandii*, neque etiam aliorum haud latentia dogmata, eos tantam edocuit, hinc consuetæ nonnullorum lucricupidini & oscitantia ad scribendum potius putaverim, quam inscitia. Ut ut sit; strenue profecto in hoc negotio suscepto *Felbingerus* perrexit. Tandem cursu vitæ suæ infelicitè satis in his terris factò, ex hac vita ad æterna migravit. Scripta ejus Bibliotheca *Sandii*, quoniam non omnium manibus teritur, huc transferam. Doctrina Syllogistica 1646. 12. secunda ed. Roterod. 1675. 8. Nomenclatura Lat. Germanica 1646. 8. Rhetorica & oratoria Bartholini

rholini 1646. 12. Politicæ Christianæ
Compendium 1646. 4. Uratislaviæ,
Belgice translatus per Anton. a Cop-
penol. Germanice servatur in Manuscri-
pto. Demonstrationes Christianæ 1653. 4
cui addita est Epistola ad G. Calixtum
scripta, Coslini 1653. **Bekanntnuß des**
Christlichen Glaubens der Polnischen
Brüder 1653. 8. **Vorläuffer über**
das alte Testament 1654. 4. **Die Leh-**
re von Gott und Christo und dem
Heil. Geist / 1654. & 1667. Latin. Anno
1657. 8. Gallice ex versione Gedeonis
Curcellæi Nordovici 1657. 8. Belgice
eodem Anno & 1670. **Antwort an**
D. Christian Grossen / Superint.
zu Colberg / 1655. 4. Epistolæ ad Pe-
largum 1655. 8. Lexicon Gr. German.
super N. T. 1657. 12. **Die erste Anwe-**
sung zu der Griechischen Sprach /
Belg. 1657. 8. Versio Germ. N. T. Ste-
phani Curcellæi Amstelod. 1660. 8.
Christlich Hand- Büchlein / 1661. 12.
it. Belgice: Litteræ ad Joh. Bidellum da-
tæ Dantisci 1654. Epistola ad Christia-
nos, unum altissimum Deum agnoscen-

tes contra *Socinum* 1672. 4. Roterod. 1681. 4. Collectanea Manuscripta : Exercitationes Logicæ & Rhetoricæ MScæ. Videatur Arnoldus in seiner unparthenischen Kirchen, und Reher- Historie/ fol. Tom. I. p. 565. it. Bibliotheca Anti-Trinitariorum Sundii 8. Freistadii 1684. exc. p. 157. seqq. Antequam finiamus, non possum non, quin commemorem de cognomine, *Joh. Paulo Felvvingero*, Prof. Altdorf. ex scriptis adv. Sociniano, ipsumque *Felbingerum* noto, cum, qui & ipse *Felbingerus* dictus scriptusque fuerat, partim ex odio in *Felbingerum* Socinianum, partim distinctionis gratia, nomen illud mutasse & *Felvvingerum* per *W.* dici maluisse, quod utrum Socraticam illam doceat prudentiam, alii judicent. Nihil enim viri doctissimi meritis tam Philos. quam Theol. utroque scriptio- nis genere detractum putamus.

Casparus Finck.

URbs Hassiæ est Giesa ornatissima, ac Musarum domicilium splendidum. Hic locorum *Finckius* lucem primum aspe-

aspexit Anno Christi Millesimo quingentesimo, septuagesimo octavo d. 19. Octobris. Parentem habuit *Balthasarem*, honestum piumque civem opificio Pannificum, & Praefectum Fisci Ecclesiae. A puero bonis imbutus literis, successu temporum linguarum & studii Theol. cultura magnopere delectatus, semper illud expertus est Horatii: Multa tulit fecitque puer sudavit & alsit: nec tamen facile emerfit, cum res esset angusta domi. Altioribus percipiendis idoneus visus, Marpurgum commigravit, ibidem Philosophorum fontes, scrutari coepit, ita quidem, ut quamvis famuli servitia in ædibus *Hermanni Kircheri* faceret, simul studiis indefessus incumbens, mirum quantum profecerit. Sic vitam agens honestam, miseram tamen, stipendium postmodum a Senatu Giesensi obtinuit, id quod Princeps Hassiae clementer auxit, in numerum Beneficiariorum majorum, ut appellantur, cum recipiens. His adjutus subsidiis ulterius contendens a *Paulo Egenolpho*, optimo viro, & Typographo

celebri, ut sibi conferret operam in re Typographica; nec difficulter in domum & correctionis opus receptus est. Huic labori, & institutioni simul liberorum ejus tanta sedulitate, mentisque alacritate, & accurata diligentia sub initium superioris seculi & circa annum 1600, præfuit, ut *Egenolpho* in medullis quasi hæserit; ita quidem, ut filiam etiam in matrimonium collocare non dubitaverit. Cognita post diuturnam moram in ædibus soceri, viri Eruditione, & ratione docendi a Gymnasii Giesensis Curatoribus ad Logicam, Physicam, Metaphysicam, & Rhetoricam docendas, expetitus, divinum agnovit nuntium, eoque concessit, officia oblata accepit, eoque Scholæ forma in Academicam transmutata, omnium consensu retinuit, atque pie & fideliter administravit. Tandem etiam ad culmina honorum, Deo sic jubente, altius ascendit, siquidem *Jeremia Vietore* defuncto, Theologica profitendi, munus ei fuit oblatum, atque successu temporis Theologiæ Doctor ac Superintendens Generalis,

ralis, Consistorii Assessor & Scholarcha creatus est. Atque sic denique curis & honoribus obrutus, ab aliis etiam vocatus. Deniq; variis, memoriam suam conservantibus, scriptis relictis, obdormivit Anno 1631. d. 15. Junii ætatis 53. vide plura de eo in *Freheri* Theatro P. I. p. 448. ubi & seriem librorum ab eo editorum invenies notatam, in quibus sunt: Schediasma sive Controversiæ Theologiæ & Philos. Disp. Anti Coclonianæ: De diebus Festis tr.: Clavis scripturæ S. Synopsis doctrinæ de S. Coena: tr. de Monachis: Quæstiones Illustres Theol. Loci communes Theol. *Leichs Predigten II. Theil: Fest-Postill: Spruch, Postill: Kirchen- und Schul-Postill* / 2c. conf. Witte, in *Memoriis Theol.* p. 334-p. 634. *Uhse. Spizelius* in *Templo Honoris* 4. & alii.

Matthias Flacius.

FRANCOWIZIUS, seu ut *Melanchthon* cum vocat in Ep. ad *Erh. Schnepfium* Tom. III. per *Pezelium* ed. p. 246. *Garbicius* cognominatus, magnum in Eccle-

sia Sec. XVI. habuit nomen , de quo omnes, præter Philippi assēclas , testantur , scriptis & meritis , Eruditionem incredibilem sperantibus Theologum fuisse, & animosissimum & excellentissimum. Theologica sane , ut ex Clave Scripturæ patet ex assē calluit : Historicas autem & Philologicas literas non degustavit saltem , ut ab iis fieri assolet , qui in omnibus aliquid , in toto nihil , sunt , verum intime exhaustit. Unde etiam tantis dotibus instructus & opinione discipulorum accensus , & acerrimum & fortissimum se præstitit Philippi & nutantium discipulorum oppugnatorem. Procreatus est Albonæ, quod Illyriæ oppidum est, Sclavoniæ vicinum , Patre Andrea , nobili ut quidam credunt , alii vero honestæ conditionis viro An. 1520. d. 3. Martii. Post præcepta a Patre suo accepta *Franciscum Ascerium* , & postea Venetiis *Joh. Bapt. Egnatium* audivit. Equidem opibus destitutus in Cœnobium se abdere decrevit, at mutato, suadentibus amicis, consilio, Basileam profectus, Grynæo moderante

derante, in literis amplius progredi coepit. Atque ita simul luce Veritatis Evangel. collustratus, Tubingam visitavit, ac tandem Wittebergam, commune tunc temporis Eruditorum Emporium pervenit. Gratus erat hospes ubicunque vixerat, *Luthero*, *Melanchthoni*, *Camerario* & aliis, quorum amicitiam, amoremque & fidem non raro expertus est. Salutatus etiam ibidem Magister bonarum artium & variis tentationibus, de quibusdam fidei articulis subortis, liberatus; confirmatusque in fide, Brunswigam, belli motibus per Saxoniam vagantibus, ut publice ibidem doceret, abiit. Quibus sedatis, Wittebergam reversus, contra famosum libellum Interimisticum insurrexit, & audacter satis quamquam candide, procul habitata autoritatis ratione, etiam Praeceptorum *Melanchthoni*, & aliis contra ivit. Paulo post autem, ut eo liberius, quid sentiret, in hac re agere posset, Magdeburgi sedem suam fixit, cum socium *Nicolaum Gallum*, qui stationem suam Ratisbonensem ejusdem periculi motu,

M s

quod

quod Interimistici negotii hostibus imminebat, reliquerat. Clandestino igitur Itinere instituto, ambo reliquerunt Wittebergam & Magdeburgum devecti, acriter mitiori parti universæ se opposuerunt. Atque hic etiam, ut *Flacius* vitæ suæ sustentandæ prospiceret, Typographiæ cuidam præfectus, omni studio, cura & labore ex pagellis impressis mendas ejecit. Quo tempore etiam Historiam Ecclesiast. magnam, quam *Centurias Magdeburgenses* vocant, adornare cœpit, adjutus opera doctissimorum virorum, laudati *Galli*, *Wigandi*, *Amsdorffii*, *Martini Coponis Medici*, *Ebelingii*, & *Matthiæ Indicis*, *Dippolswalda Mûsnici*, *Basilii Fabri Sorani*, *Andrea Corvini* & *Thom. Holthuteri*, quibus & alii obscuriores addendi sunt. Prodierrat forte tunc temporis *Andr. Osiandri* liber de Justificatione hominis coram Deo. Huic itaque errori de Justificatione per essentialem Justiciam Dei inhabitantem in homine se objiciens, ac paulo post etiam cum *Victorino Strigelio* de libero arbitrio in Spiritualibus confli-

conflictans, Flacius ipse in alium delapsus est errorem, de peccato originali, quod sit ipsa hominis Substantia. Et quamquam exinde multum litigii cum eo peractum fuerit, quod rectus eum sentire, quam loqui, autumabant, ab Eruditis tamen nunquam a formulis certis, quibus de hoc argumento scribere solebat, abduci potuit. Quare re diu deliberata agitataque in Exilium abiit. Hinc passim oberrans Ratisbonam, tandem Argentoratum, Antwerpian ac Francofurtum denique delatus, atque interea a paucis adhuc quibusdam defensus est. Reliqui enim fere omnes, ut Manicheæ Hæreseos suspectum eum averfabantur. Quod odium coëxcrevit, ut imago ejus ex Bibliotheca etiam Academica Jenensi, in qua omnium Theol. Icones servantur, posthæc exempta ac in locum, a reliquis distinctum seposita fuerit, quasi digna sit, ut quæ in locum peccatorum collocetur. Animam tandem exhalavit An. Chr. 1575. d. 11. Martii Francofurti ad Moenum, ætatis 55. præfente

Adamo

Adamo Lonicero, de quo postea dicendi locus erit. Atque illic etiam ante fata denuo ad Correctoris munia rediisse non obscura suspicio est. Exequias ei fecit *Caspar Heldelinus* Cronbergensis sec. al. Lindaviensis, qui una cum Epicediis aliquot ejus scripta in lucem emisit An. 1575. Epitaphium vero ei positum est a M. Joh. Fraxinco. Testantur de hujus viri ingenio & Industria scripta hodiernum extantia plurima: Eminent ejus Clavis S. sacrae, egregium opus, cujus optima editio est Musæana, in Partes duas distributa: opus, ut ipse fassus est, aliquot annorum, multisque vigiliis & singulari labore, concinnatum, cujus, inprimis vero Partis posterioris Exegeticæ, utilitatem, vix videntur multis satis agnoscere, neque ea, qua par erat, attentione frequenter satis tractare. Introductionem ad lectionem hujus libri fecit *Joh. Olearius* Leucopetrensis Theologus, quæ editioni itidem Jenensi præmissa est, excusæ 1674. fol. Glossa super Nov. Test. primam adspexit lucem An. 1570. & primas

mas post clavem tenet partes, exteris quoque in precio habita. Elenctica ejus scripta sunt plurima contra Pontificios, ut: **wider den Primat des Papstes. 1550. Widerlegung des Catechismi des Carren. Bischoffs von Sidon. De Sectis, Dispensionibus, Contradiotionibus & Confessionibus Doctrinae Religionis Scriptorum & Doctorum Pontificiorum Bas. 1665. 4.** Contra Adiaphoristas multa edidit, quibus recensendis hic supersedere vid. de iis **Unschuldige Nachrichten/ 1708. pag. 207.** Ejus etiam Catalogus testium veritatis Francofurti 1666. & Cattopoli 1672. quæ Dietetriciana vocatur. Galartiana vero prodit Lugd. B. 1597. 4. II. Tom. & auctior Genevæ 1608. vide Autores jam confestim citandos Adami in Vitis Theol. Germ. ed. 8. Francofurtanæ p. 472. *Freheri Theatrum* p. 236. *Casparis Sagittarii* Introductionem in Histor. Eccles. 4. 1694. exc. p. 241. **Uhsæ** in Vitis Eruditorum Sec. XVI. & XVII. p. 177. addatur & Wendeleri Disputatio, Memoria

morias Theologorum aliquot Secc. XVI. & XVII. continens, sub Præsidio Clarissimi Altdorfensis Prof. D.D. *Sontagii* habita, p. 112. Sequitur

Johannes Flittnerus.

QUæ confusio non raro inter Eruditos exoriatur, & quot errores sæpe ex nominibus homonymis literatorum virorum committantur, nemini in hoc studiorum genere, leviter saltem versato, ignotum esse poterit. Non igitur laude sua vel eo nomine, quam alias dudum promeritus est summam, singulari privandus erit. Clar. *Joh. Mollerus* in utilissimo, quem edidit, & de Homonymo-scopia inscripsit, libello. Ego vero, data occasione, similis ex confusione erroris promam exemplum. Duo nempe fuerunt *Flittneri*, ambo *Johannes* appellati. Natus alter Sulæ in oppido Comitatus Henneb. An. 1618. Postquam patrio ludo interfuerat, ad annum usque 1633. in Schleusingense secessit Gymnasium, & anno 1637. altiori degustaturus, Witte-

Wittebergam, sacra illic pertractaturus studia, migravit. Feliciter iis absolutis Jenam, Lipsiam, & Rostochium delatus est, & tandem Cantoris munus in Illustri Grimmensi Schola obtinuit. Cui quando vix præfuit annum, *Caspere* in terra *Helmio* Diacono Ecclesiæ Grimmensis mortuo, ejus nupsit viduæ, ac officium idem Ecclesiasticum per triginta annos integros accepit administrandum. Exul autem factus, & hoc loco pulsus Stralsundiam devectus est, ibidemque An. 1678. d. 7. Jan. æt. 58. ex hac vita discessit, corpus vero Grimmam delatum, ac in templo juxta Altare tumulatum est. Bibliotheca ejus instructissima & Manu exarata, parem fortunam experta fuit, quam habuere, Alexandrina, Byzantina, Scorialensis, Londinensis, *Bartholinæ Stockfletæ*, *Severini Lindrupii*, *Buxtorfiæ Biblia Magna Rabbinica*, *Kepleri*, *Jungii* &c. Bibliothecæ & Manuscr. quæ igne omnia consumta sunt. Edidit noster *Flittnerus*, *das himmlische Lust-Gärtlein*; atque is est, qui variorum

riorum hymnorum sacrorum author præscribitur: ut: *Jesus meines Herzens Freude* / it. *Liebster Jesus meine Freude* / &c. Sed de hoc plus satis; Alter *Flittnerus* itidem *Johannes*, Notarius fuit *Cæsarea* auctoritate constitutus, & Poëta excellens, unde hujus Artis lauream promeruerat. De cetero rerum forensium in *Dicasterio Francofurtanæ Patronus*, quos *Procuratores* vocant, audit, idemque ille est, qui in vernaculam transtulit *Joh. Heidefeldi Spingeni Theol. Philosophicam*, quæ prodiit An. 1624. 4. *Francofurti*, cui præfationem præmisit. Atque hos viros, *Novorum literatorum Germaniæ Collectores* inter se commiscuerunt, unumque ex duobus conflarunt, habueruntque: Quod quidem, si vacat inspecto anno 1705. menseque *Septembri* p. 328. manifestum erit. Ubi, postquam de priori egerant, cumque optime quidem *Hymnorum* autorem prædicaverant, tandem eundem etiam *Francofurti* fuisse, ibidemque operas *Typographicas* tractasse, tradunt: Quem

Quem paullo post etiam Notarium,
Poëtam, & Procuratorem Francofurti
fuisse affirmant, conferatur p. 350. &
328. optime omnium ea de re confu-
lendus erit hoc in negotio Clarissimus
Lubecensium Superintendens *G. H.
Göezius* in seinem Send-Schreiben
an den Herrn Verfasser des Evanges-
schen Lieder-Schatzes: *M. Joh. Chr.
Olearium* 4. 1709. & p. 4. & 5. Ceterum
quoniam ipsi Celeberrimi Collectores
Nov. Lit. agnoverunt, alterum Anno
1628. jam Notarium fuisse, alterum
An. 1618. demum natum fuisse, ce-
spitationem hancce ex ipsomet hoc in-
dicio facto facillime & clarissime patē-
re crediderim. Laudatus præterea
Göezius ex Curriculo Vitæ Grimmonensis
Diaconi notat, ne semel quidem eum
salutasse Francofurtum; Ideo quod
correxerit hic locorum Typographicas
operas, vix mihi quicquam persuadere
potero. Certus potius sum, alterum
ejusmodi laboribus incubuisse, qui
forsitan sanguine cum priore junctus
erat. Non minus interim & hic lau-
N dandus

dandus erit, quam iste, quandoquidem
 foetus Doctorum puros in lucem pro-
 dire faciunt Correctores, illi autem
 quasi gignunt. Vincuntur tamen
 illi laborum gravitate, non vero mole-
 stia & asperitate. Denique, quæ vo-
 lumina conscribuntur, iis ut cum uti-
 litate & sine salebris frui possimus, hi
 efficiunt. Sed pergendum ad reli-
 quos. Conferatur interim citatus D.
Goëzjus. Nova Literaria *Maris Baltici*.
Tenzelius in Biblioth. curiosa p. 18. Re-
 cens. Nov- Antiquæ Tom. V. p. 691.
 Huic addendus igitur est

Erasmus Francisci.

AD Juris-Consultos profapia nobili
 ortos & Theologicarum scientia-
 rum cognitione claros referri potest
 celeberrimus *Erasmus*, imo debet,
 quippe Lubecæ patricio genere natus
 Anno 1627. d. 19. Novembris, vitalem
 auram trahere auspicatus est. Parente
Francisco Fix Consiliario Brunsvico-
 Lüneburgico spectatissimo, & *Vice*
Trostio ut vocant Lauensteinensi & La-
 vena-

venaviensi. Matre *Margaretha Erasmi Reuzenii* Christiani IV. Regis Daniæ, Confiliarii Intimi filia. In sacro baptismatis lavacro nomen Avi, qui Erasmus vocabatur adeptus, postea nominari voluit *Erasmus Francisci* scil. Filius, *Fixi* gentilitio, dum viveret, ea de causa neglecto, ut eo melius privatam vitam & natalibus suis non indignam, etsi tenuiorem, degere posset. Ab incunabulis positis literarum Tyrociniis permagnos in humanioribus studiis fecit progressus, & cognitionem variarum rerum Historicarum potissimum est consecutus; conjunctis tamen semper Juris divini & humani Principiis. Felix enim erat ingenio, & Patre complurima innocentiae \ pietatisque edente exempla, sub ductu celeberrimorum *Dorncrelliorum* ab Eberherz, Patris nempe Doctoris Medicinæ & filii Archidiaconi ad D. Nicolaum Lüneburgici, non vulgarem, se aliquando doctrinæ futurum amplificatorem spem fecit. Annis jam longius provectus, Patruelis sui *Joh. Ernesti* de Wallenrod studio-

N 2

rum

rum ac morum moderamine in se
suscepto , peregre cum eo abiit :
Graviori in via morbo tamen corre-
ptus , & ab eo pergente relictus , alia
deinceps occasione oblata varias pera-
gravit Provincias & Regiones. Mul-
tum exinde lucri & utilitatis in his iti-
neribus capiens , ac refertus doctrina
politiori , aliisque ornamentis , in pa-
triam remigravit , matrimoniumque
paulo post contraxit cum Centurionis
cujusdam *Johannis Mänhofii* vidua , fi-
lia *Luca Friderici* Inspectoris Primarii
Publicanorum ad fluvium Albim , quæ
Maria Hedvvigis Sibylla dicta est , mu-
liere omnibus virtutibus decorata. Ve-
rum sinistra quædam posthæc expertus
fata , ob gravissimas causas Norimber-
gam cum uxore transvehi voluit : Pa-
trimonium enim , quod jure optimo
utrisque debebatur a Tutoribus aliis-
que , erat dilapidatum ; Adhuc etiam
uxoris Creditores non erant solvendo ,
ut , unde pro generis conditione domi
apte viverent , vix superesset. Ex eo
tempore a Viro in Norica Civitate cla-
rissimo

riſſimo, *Joh. Doppelmayero*, honorifice invitatus, benevolentiam iſte hanc acceptans cum omni familia ſub tutela benigniſſima Senatus inclyti in hac Imperiali Civitate degere cœpit. Quam vero maximis his in locis a laudato *Doppelmayero* ornatus eſt benefactis, tamen ne viri voluntate ac propenſione abuti videretur, & ipſe circumſpexit hinc inde, ut ſibi vitæ ſuſtendæ neceſſarios ſumtus pararet, negotiumque iſti facilitaret. Conſecravit igitur tandem laudabili conatu, ſe & libris ſcribendis & corrigendis in Typographiis. Ad quod inſtitutum illi plurimum ſufficiebant ſtudia literarum ſoliciter acta, & deſiderio ejus ſatiſfecerunt, *Endteriani* Bibliopolæ ac Typographi. Etenim non tantum ſumtibus ſuis in lucem ejus ingenii foetus multiplices protraxerunt, verum etiam alios varii generis libros ſub preliſ ſuis ſudantes curæ ejus tradiderunt, ut vitis expurgaret, correctiſſimosque Eruditis exhiberet. Quo labore victum ſibi Vir diligentiſſimus largum faciebat,

præcipue cum ad alia munia obeunda, ob vires corporis admodum debiles, & memoriæ, aggravescente ætate, notabilem imbecillitatem minus idoneum se fore credidisset. Unde & quamvis functiones variæ satis splendidæ ab aliquot Imperii Germ. Proceribus offerrentur, vitæ tamen genus, quod hætenus vixerat, quietum tranquillitatisque plenissimum, & ab aularum turbulentis negotiis alienum sponte retinuit, solo Consiliarii Illustrissimi Comitis ab Hohenloh & Gleichen titulo contentus. Ita tandem vitæ hujus satur, Vir exploratæ inter omnes Integritatis ac Pietatis vi morbi correptus sentiens imminentis solutionis Corporis & Animæ horam sibi exoptatam, rebus compositis Spiritum suum Deo reddidit d. 20. Octobris anno a nato Christo 1694. Eamq; mortem non imparato accidisse, ex eo patebit, quod sibi ipsi jam antea tria funebria carmina in templo & tumulum præcinenda confecerit, quæ etiam Concioni funebri, mox citandæ, adjecta sunt. Quorum titulus *vorbereitliche Ser.*

Herzens-Rüstung vor dem Ende zu dem Ende. Porro Manuali ipsius L.L. nempe Confessionum Augustini, cum Anselmi Meditationibus &c. ex quibus quotidie ad Deum precari solebat, verba inscripta sequentia, & non atramento solum, verum etiam ipso viri pii sanguine exarata hunc in modum reperiiebantur :

**YESU / du mein höchstes Gut /
Dir verschreib ich Herz und Blut.**

Ex quibus Pietas, & affectus in Deum ardens non obscure poterit cognosci. Nomen de reliquo, *Fixius*, nonnisi ex ipsiusmet Vitæ curriculo, quod scripserat, certo post mortem innotuit. Cum olim nescio quod *Mynsichti* & alia ab ipso consulto assumpta a variis passim tribuerentur, & adhuc falso tribui soleant. Quantum post fata reliquerit & Eruditorum luctum, & apud plurimos, etiam Personas Illustres, desiderium, ut & Scripta doctrinæ & raræ Pietatis testimonia, nemini credo ignotum esse. Illa vero sunt vel Theol. vel Historica, priora apud *Ubr-*

seum & alios invenies, nos vero reliqua
 hic addemus, quibus cum iis conjun-
 ctis, omnia habebis. Sunt vero po-
 tiora; Neu: aufgerichtete Liebes-
 Kammern / primum fuit a juvene ad-
 huc profectum, 8. Lustige Schau-
 Bühne allerhand Curiositäten / P. III. 8.
 Herandrängende Türcken-Gefahr / 4.
 Tisch-Reden eines vornehmen Bassa /
 4. Türkische Staats- und Regi-
 ments-Beschreibung / 4. Neue und
 kurze Beschreibung des Königreich
 Ungarns / sub nom. C. M. Türcki-
 sches Stadt-Büchlein / sub nom.
 Theophili Urbini: Historischer Lor-
 beer-Trantz / der Christlichen Ritters-
 Leute / sub nom. Des Erzehlenden:
 Hohe Trauer-Saal / IV, P. 8. Neuer
 Polnischer Florus, 12. Schau-Platz
 der denckwürdigen Geschichte / 8.
 Ost- West-Indianischer und Sines-
 scher Lust- und Staats-Garten / fol.
 cum figuris, fol. P. II. Die alleredelste
 Sache der alleredelsten Gemüther /
 12. Guinesischer und Americanischer
 Blumen-Busch, 8. Historisch Rauch-
 faß /

faß / III. P. Das erdffnete Luft:
 Hauß der obern Welt / 4. cum Fig.
 Der Erd:umgebne Luft: Craiß / 4.
 cum Fig. Bericht von der Lapplän:
 der Wahrsager: Paucken und Hære:
 renen / 8. Vermehrung des Cometens
 Gefpöchts: Der Ottomannische Welt:
 Hammer: Der siegende und entzün:
 de Adler / 4. Türckischer Gubernator
 und Vaßall. Die Ehre des Herzogs
 thum Crains / coll. a Joh. Weichardo
 Valvassore, Germ. redd. 1689, fol. cum
 Figg. Der Höllische Proteus: Die
 Ehre der verblichenen alten Heiden:
 Vorbliz des fortstrahlenden Adler:
 Blißes / 4. cum Fig. De his omnibus
 illud notandum, in Historiis recensendis
 non indubitatae semper fidei fundamen-
 tis bonum virum niti, ut qui raro vel
 a libris vel vivis hominibus deceptus ad-
 modum fuit, & certe memini, me ipsum
 a viro, ad hujusmodi res nato, perce-
 pisse, se non raro *Francisco* in Tabernis
 Bibliopolarum de variis rebus sciscitanti
 falsissimas Historias pro veris dixisse,
 quas ille notatas suis dein operibus in-
 N 5 servisse

seruisse credebatur. Vide de reliquo *Pippingium* in *Memoriis Theol.* p. 1078. *Uhseum* p. 637. qui sua sine dubio haurere ex sermone funebri a *Joh. Conrad. Feurlino* *Nerolingsium* nunc *Superintendente* celeberrimo, susceptore meo maxime venerando, recitato, & una cum oratione Parentali, a D. *Wolfg. Christ. Deslero*, viro pientissimo habita, ab eodem luci exposito fol. 1697. *Catalogus librorum omnium* prodit sumtibus auctoris, 8. 1691. *Norib.*

Johannes Frobenius.

Vir omnium consensu nunquam satis laudatus, atque præconiis promeritis extollendus. Typographus prudens, & celebritate nominis caput efferens, ut inter *Viburna Cupressus*. Natus est *Hamelburgi Franconia*, enutritusque bonis literis, missus est postmodum *Basileam*, ut ad finem optatum studia perduceret. Illic ingenii sui bonitate & judicii acrimonia præclaram navavit operam. Consilio deinceps non contemnendo, una cum
Adamo

Adamo Petri a Langendorf oriundo eodem ex Hamelburgo populari, celeberrimorum tunc temporis Typothetarum *Joh. Ammerbachii*, & *Joh. Petri* Amicitiam & Amorem sibi conciliavit. Eoque favore impetrato labores suos illis uterque obtulerunt, in corrigendos codices impendendos. Nec minus acceptis promissis sedulo admodum, ea quæ facienda susceperant, peregerunt: Unde factum est, ut tanto in hanc ipsam Artem, omnium artium certe utilissimam, amore flagrare inciperet, a quo retrahi haud unquam potuit. Quin potius ipse permittentibus, imo suadentibus reliquis istius loci Typographis officinam hujusmodi & sibi comparavit. Ex qua edidit libros postea in publicam lucem quam plurimos & optimos, quos ob nitorem, diligentiam & chartæ soliditatem hodieque admiratur politior orbis. Inter quos in primis Augustinum a *Joh. Ammerbachio* inceptum & Hieronym. ut nitidissimos ita correctissimos connumerant. Usus enim, ut cura ipsius
singul-

singulari, ita quoque pariter Correctoribus Eruditissimis, *Pellicano*, *Ammerbachicis* fratribus, *Erasmo Roterodamo* & similibus, de quibus suo loco actum est. Præcipue vero cum Erasmo intimam coluit Amicitiam, certantesque invicem de victoria ex beneficiorum alteri tributorum numero reportanda conspiciebantur, diverso a nostro ævo more, ubi tritum illud & malum: Proximus sum egomet mihi potius invaluit dictævium. Frobenius contra erat procul ab omnibus simulatibus, liberalis, animo forti & constante, omnium mundanarum divitiarum contemtor, suaque Sorte contentus. El loco aliquando sublimi in terram præceps cum rueret lateritiam, lethali isthoc casu admodum laborabat, & rebus suis difficulter prospicere amplius posse videbatur, cum præsertim nemini eo infortunio patefacto sequenti anno circa talem cruciatus sentiens, pessime habere cœpisset. Restitutus tamen utcunque, suavisu Medicorum & desideratissimi sui Desiderii Francofurtum itinera varia susce-

fufcepit, *Erasmo* omnibus Typogr. curis relictis, verum reversus iterum, laboribusque repetitis, & viribus maxima ex parte amissis, ex alto denuo in pavimentum quoddam cecidit, graveque capiti inflixit vulnus. Unde etiam post biduum corporis exuviis liberatus, ad vivendi finem feliciter pervenit An. Chr. 1527. cum valetudine ita prospera & vegeta semper usus fuisset, ut per omnem vitam nunquam morbo decubuerit. *Hunc virum nobis ereptum, ut cum Erasmo loquar, decebat omnes, qui colunt bonas literas, pullatos, lacrymas & luctum sumere, apio flosculisque sepulchrum ornare, lymphas aspergere, odores adolere, siquid talibus officiis proficeretur.* Id quod eo magis confirmat, dum in Epistola infra citanda *Erasmus* ad Joh. Emistadium scribit: *Fratri Germani mortem moderatissime tuli, Frobenii desiderium ferre non possum.* Ipse certe defuncto posuit Epitaphia, ex quibus latinum huc adduxisse juvabit:

Ardue

Ardua Johannis tegit hic lapis ossa Frobeni,

Orbe vivit toto nescia fama mori.

*Moribus hanc niveis meruit studiisque
juvandis,*

*Qua nunc mæsta jacent, orba parente
suo.*

*Rettulit, ornavit, veterum ornavientia
Sophorum,*

Arte, manu, curis, ære, favore, fide.

*Huic vitam in cælis date Numina justæ
perennem,*

Per nos in terris vita perennis erit.

Vid. Adami Vitæ Philos. p. m. 63. Reimmannus P. III. p. 247. Urstifii Epit. Histor. Basileensis 8. p. 179. Conf. Epistola 9. L. XXIII. Epp. Londini fol. 1642. exc. Antea quam vero pedem ad alios sum prolaturus, non abs re fore judico, si alium quendam Virum Frobenio per Vitam conjunctissimum, cum eo etiam post fata conjunxero. Est ille Lachnerus, Princeps Frobenianæ Typographiæ, & Typographi istius Socer optimus, quem Celeberrimus Erasmus, titulo nunc nominato, non solum
orna-

ornavit, verum etiam Ep. octava Libri XIX. Voluminis Londinensis, virum utriusque Literaturæ doctissimum, & pari secum fide præditum, quod sane in postremis haud numerandum. Ex his verbis aliisque Ep. 2. L. III. Clarissimus Caveus evincere jure optimo potuit, quod solus primum, postea vero simul cum Erasmo muneri Correctorio præfectus fuit, ita quidem, ut hodie non sine laudibus hujus Lachneri facienda sit mentio. Videantur Prolegomena in Scriptores Ecclesiasticos n. XI.

Johannes Thomas Freigius.

Clarum inter Philologos & Jure-Consultos nomen est, *Johannis Thoma Freigii*, & Academiae Altdorfinae in primis memorabile. Rectoris enim in ea secundi post *Erythraeum* munus ab Anno 1576. supra quinquennium obiit. De prioribus fatis non erimus verbosi; ut enim Basileæ studiis literarum incubuerit, rationem illam studiorum suorum *M. Christoph. Angerer* in

in Carmine Schematismis trium artium præmisso An. 1568. exposuit. Quem admodum autem *Friburgi* docuerit, deinde & *Basileæ*, multo minus opus est, ut pluribus repetamus: quæ *Adamus* & exinde *Freherus*, atque *Omeisius* excerpterunt: Quæ tamen ipse quoque in oratione prima hic *Altdorfi* habita cum a *Philippo Camerario*, Rector Scholæ novæ præficeretur, publice narravit; Atque illic etiam Præceptores reperies *Juris-Consultum Zasium*, *H. Glareanum*, & *P. Ramum*, cui præcipue in Gallia additus fuit; etsi postea in præfatione Moisaico suo præfixa Rami asseda haberi noluerit, sed *Aristotelis* Sectator. Quæ ipsa præfatio Anno 1582. *Basilea* scripta singularia quædam nobis suppeditabit, quæ extremam viri fortunam nobis explicabunt, paucissimis forte, & ipsam illam legentibus, cognita, nisi lucem aliquam a nobis affusam acceperint. Conqueritur enim in ea magnopere de Calumniis a quodam *Theatino*, Epistola præsertim publice sparsa, disseminatis, & mendacia ei per multa adscribit in
illa

illa ipsa Epistola palam pronunciata. Inter quæ accusatio de studio in Ramum nimio primum locum tenet. Altera imputat ei, quod subornaverit *Freigius* Studiosos, qui in lectionibus hujus Theatini strepitum excitarent. Tertia odium Aristotelis cum Ramæo studio repetit. Quarto inimicitiam in Adversarii hujus auditores *Freigio* objicit. Ceterum, quod hospitem illius sollicitaverit, ne in ædibus suis retineret, perhibet. Et his similia: Quæ enim supersunt, ab istis non differunt, aut levia sunt. Nec tamen nomen indicat ejus, cum quo contentionem habet, & in quem gravibus invehitur verbis. Illud ergo ut intelligas, Lector benevole, *Theatinum* hunc fuisse, *Christianum Granc* / Saxonem & discipulum Jesuitarum, nolumus Te ignorare. In quorum Scholis cum alibi, atque Romæ etiam vixisset, & ad castra tandem nostratium transiisse præ se ferret, sua jactantia, quæ fuit maxima, Eruditionis Philosophicæ & Aristotelicæ potissimum, impetravit, postquam Norim-
O bergam

bergam venerat, ut in Academia Altdorfina, recens condita, Professoris munus affectaret, eoque nomine jam aliquoties in Auditorio publico prælectiones illic institueret. Quas quidem omnino nonnisi tres fuisse, & non plures, ipse Freigius in laudata præfatione commemoravit, sed tamen maximam hominis audaciam ita describit, ut non solum *Hotomannum*, *Zuvingerum*, *Grynæum* tanquam barbaros adduxisse affirmet, sed *Sturmium* etiam Rhetoriculum appellasse, *Philippum* aperta fronte contempsisse, *Ciceronem* pro homine loquaci & inepto habuisse, dicat. Imo etiam *Freigio* denunciari jussisse legitur, ut ad pugnam se pararet, & de æternitate Mundi, Providentia DEI, & immortalitate animæ secum disputaret, quanquam Sophista ille objecerit Freigio, se fuisse ab ipso ad nescio quod barbarum certamen provocatum, quod tamen *Freigius* constanter inficiatus est. Idem vero, postquam illa ad disputationem evocatio e Cathedra contigerat, strepitu excitato, studiosos præmature disces-

discessisse, loco citato narrat. Eademque occasione calumnias etiam coeteras obiectas operose diluit, & inter alia hospitio *Glaciani* hominem istum Altdorfi quidem usum esse, sed ex eo nunquam a se expulsum asserit. Neque aliud quidquam ei molestiae creatum esse sapius repetit, nisi quod ad Reipublicae Proceres identidem scriptitasse aliunde constat, significando scilicet, fore, ut si isti Thraconi licentia hæc declamandi & profitendi concedatur, quod ipse hactenus exstruxerit boni in nova Academia, penitus evertatur. In quo non fefellisse *Freigium* opinionem sequentis temporis turbulenti hujus hominis fata reliqua addocuere. Quippe, ex quibus in Poloniam mox commigraturum, hostes divinitatis Christi jant sub initium A. 1584. Antitrinitarios adiisse constat, atque tandem ipsius *Socini* Antagonista factum Claudiopoli in Transylvania 1590. diem obiisse innotuit. Quicquid vero horum fuit, eventus Altdorfini litigii iste fuit, ut *Franckius* Norimbergam revocaretur, & quod

ex Epistola Norimbergensis Amplissimi Viri *συγχεόμεν* intelliximus, ideo, *quia Freigius tantopere se ei opposuisset*, publice docendi in Auditorio Ægidiano potestas illi fieret; ubi organon Aristotelicum prælegentem, tam celebre habuisse auditorium, idem testatur, ut Senatores quoque & Consiliarii quidam aliquandiu auscultatores fuerint, neque tamen deessent etiam (hæc ille addit,) varia hominum ea de re iudicia. Facta hæc sunt sub finem anni 1580. & initium sequentis 81. Ex parte Freigii autem, dum hæc ita agebantur, denique accidit, ut Vir alias doctissimus, sed vehementiori, & Cholerico, ut videtur, temperamento affectus, suspensiones animo conciperet, annoque incunte 82. missionem posceret, & tandem etiam discedendo Altdorfio honestissimam conditionem defereret suam. Quas suspensiones, quasi contemptui esset Proceribus inclytæ Reipubl. Norimb., tantum aberat, ut dissimularet in præfatione isthac sua, ut tanquam causam discessus sui primariam ipsemet allega-

allegaverit. Ut ut Basileæ etiam postea multum de injuria sibi illata non sine indignatione, nescio an satis solida, conquestus sit. Quæ utrum è Rectoris officio adempto ficta fuerit nec ne, pro certo non affirmamus. Illud scimus, post impetrata Privilegia Academica Munus, quod ex eo tempore more solito cœpit esse anniversarium, & a Freigio supra quinquennium gestum, in *Edonem Hildericum a Varel* translatum esse, *Freigiumque* eo honorifice exutum. Præter causam *Franckianam* alias fuisse, ob quas abierit Basileam, disertis verbis etiam in citata præfatione testatum reliquit, sed quænam illæ fuerint, prior an aliæ, non liquet. Atque ob hanc denique in urbem inclytam Basileam reversionem fecerat ista præmittenda. Nam tunc demum, quod animo jamdudum agitaverat, non solum, sed etiam re ipsa peregerat aliquandiu, iterum subiit munus, & in *sua familiaque sua salutis presentissimum periculum* (liberali stipendio privatus Norica,) conjectus operis Typographicis se addixit,

Correctoris labores in Sebastiani Henrici (filii) Petrina officina suscipiendo, iisque, quod sciamus, moriendo. Rediisse ad hos labores diu quidem dubitaveramus, sed postquam in oratione Altdorfina Auspicali tales ipsum jam antea fecisse professum legimus, quod nempe *ab Hieronymo Wolfio in Typographicis laboribus Basilea sudans inclyto Norimb. Senatui commendatus sit*, tanto minus de eo dubitavimus. Atque eo magis desudasse in hoc exercitio Correctoris per aliquod tempus credimus, *quoniam totum annata, & culta a se Typographia se devovisse*, ibidem ait. Imo a *Typographico prelo & aratri stiva*, seu prædii cujusdam redditibus, ad *Dictaturam literarum*, ut alter *Cincinnatus evocatum* tertia vice inquit. Ut adeo non de novo Correctoris labore, sed iterato recepisse, & quod dictum, immortalum iis esse, jam sit extra dubitationem positum. De priori munere ultimo quaesito *J. J. Grynei Theologi Reform. Basil.* nos instruxit testimonium, qui ipse præsens ex eadem urbe, cum
non-

nondum vidisset, Freigium, eum sibi
sumsisse Correctoris illud officium se in-
telligere, ad *C. A. Julium* Norimbergam
perscripsit. Ex qua Typographia etiam
supra citatus *Mosæus*, s. Historia Pa-
triarcharum & Mosi, Freigii 1582.
prodiit. De posteriori vero omnes
mentionem fecere, quando Peste il-
lum Basileæ, quæ tum ibidemque graf-
sabatur, abreptum annotarunt, & qui-
dem, quod a plerisque omissum, cum
annum ætatis vix quadragesimum ter-
tium explevisset, & paulo ante obitum,
& Patris & filiæ funera vidisset, quæ,
ut alia infortunia, illi Theonino ho-
mini (seu *Franckio*) accepta se ferre in
citata præfatione professus est. Quos
libros interea emaculaverit ibidem fa-
cile ex Chronologia constabit. Scripta
vero, quæ ipse in lucem dedit publicam,
quæ sunt multa admodum & notissima,
recensere superfedemus, nisi quod
dignum videtur annotata præter illa a
Frehero cumulata edidisse Grammati-
cam, Rhetoricam, Poëticam, Logicam
in Usum Scholæ Altdorfinæ, 8. 1580.

Norimberg. De moribus & genio non satis constanti & fixo, sed desultorio & vago lubet cum B. L. communicare Ep. Manuscriptam, nondum editam, quam debemus Patroni cujusdam benevolentiae, quæ ab eodem laudato *Grynæo* ad familiarem quendam amicum scripta est Anno 1582. d. 20. Octobris. Illam autem quam antea nominavimus ad C. A. Julium scriptam cum aliis circa hos etiam dies in lucem protrahet *M. S. J. Apin. Altdorfinus*. Nostra vero hæc est. S. Magnifice & præstantissime Vir, Libenter sanè & Lazaro Koetzlero vestro, & meo propinquo Doctori Samueli Grynæo J. C. morem gessi, cum ambo peterent, ut moram illius, quæ ei publici testimonii in utroque Jure Candidato, hoc tempore opus est, eo consilio apud tuam præstantiam excusarem, ut & fratribus ac propinquis constare posset, justam ob causam reditum in patriam cum in hoc usque tempus distulisse. Quod enim se mihi familiariter, statim atque Basileam venisset, adjunxisset: & tuæ præstantiæ commendatio, accessisset:

fisset: vestrique homines mihi multis de
caussis cari sint & amabiles, ejus mihi
habendam rationem duxi; ac in ipsius
gratiam, cum intimo meo Ammer-
bachio, cum D. Samuele Grynæo & D.
Adamo sæpe contuli: ac, nisi fallor,
auctor illi fui, ut eam Juris vestri cogno-
scendi gratia methodum sit ingressus,
cujus beneficio istis proxime præteritis
diebus in sacris apertaneis, quibus ex-
ploratur Candidatorum doctrina, vice-
rit expectationem J. C. ut mihi D. Sa-
muel narravit. Restat Disputatio in-
auguralis, qua ubi *ὁὐν θεῶν* defunctus
fuerit, ornatus publico testimonio, sta-
tim Noribergam accedet, ut ne familiæ
herciscundæ, fratrumque suorum vo-
luntati usquam desit. Oro itaque præ-
stantiam tuam, Vir amplissime, ut pro
tua auctoritate non graveris, hominem
tui nominis observantem, apud fratres,
cum erit opus, excusare. Non diu res
prorogabitur: Sed ut arbitror intra 14.
diem absolvetur. Christus Dominus
det, ut Patriæ suæ Lazarus noster, clariss.
parentis exemplo, usui olim sit & orna-
mento.

O 5

Habui-

Habuimus proxime præteritis mensibus, florentissimam Academiam, cum multi illustres, generosi & eruditi homines ad nos sese reciperent. Sed *μυρμήκιον* istud Academicum pestis magna ex parte dissipavit. Non tamen conticuerunt hæctenus piæ Musæ: ac me, quod attinet, disco quid sit *ναυάγια πολίσσειν*, dum ne quidem pestis facit, ut omnes a latere discedant. Quod autem multæ omnium facultatum hominibus proficiscendi occasiones, hospitibus nostris Academicis, non defuisse, intelligentes viderint: non dubitamus, remittente Dei ferula, multos, & propter tranquillitatem Ecclesiæ Scholæque (quæ Dei beneficio nunc mediocris est) & propter eruditæ doctrinæ exercitia, huc accessuros. Ac si tum Magnifico Viro, Domino Geudero, tuæ præstantiæ & aliis, placebit, filios huc ablegare, meque superstitem esse volet Christus, re ipsa testabor, quanti vos omnes faciam. Licebit enim illis & domo & Colloquiis & Libris meis uti & frui. Freigius apud nos priva-
tam

tam agit vitam. Sane & Ammerbachio,
& mihi permirum visum est, quòd à vo-
bis discedens, κυλίσειν ἀγᾶθόν βίον ma-
luit, quàm spartam, quam nactus erat,
exornare. Sed non me fefellit conje-
ctura ; Memini enim cum primum ad
vos accessisset, me quibusdam dicere,
futurum, ut dum genio suo delectatur,
paucorum annorum hospes sit in No-
rico. Mitto Theses Theologicas, de
quibus permitto judicium tuæ præstan-
tiæ. Precor toti familiæ tuæ benedi-
ctionem à Christo, & amanter πανοικῆ
saluto filium tuum, opatissium meum
Compatrem Doct. Christoph. Basileæ
20. Octobr. 1582.

Verè tui Studiosus

J. Grynæus.

Jam ad Literam G. transmigrandum
erit, ubi primus memorandus occur-
rit

Sigismundus Gelenius.

CLaruit olim in Bohemiæ Regno, fa-
miliæ antiquitate & meritis illu-
stris, Gelenia dicta, quæ a Cervis no-
men

men hoc traxerat: Eos enim, ut audio, Bohemi Gelenos vocant. Atque a nobis Cervina quam optime nominari poterit. Ex ea ortum suum *Sigismundus* noster *Gelenius* habet, natus siquidem Pragæ, quæ Sedes est Bohemiæ Regia, Patre de Republica bene merito viro, quique in Summis apud Regem honoribus & maximo vivebat loco. Quo etiam non videtur indignus fuisse, siquidem, præter publicarum rerum peritiam, non illiteratus, etiam jam Sec. XVI. Eruditione sua in regno magnam nominis sui famam est adeptus, atque inter ala lepidum illud Erasmi opusculum, de Moria, in vernaculam accuratissime transtulit. Mater fœmina nobilis audit, prudens & ob virtutis laudem a Regina similiter valde adamata, & ei & ob probitatem morum admodum familiaris fuisse fertur. His parentibus genitus, natusque *Sigismundus* noster, parem suis natalibus habuit educationem, ingenuam quippe ac magnificam, nec minoribus virtutibus paria quoque cum Patre consecratur studia.

studia. Ad ea longius provehenda, atque ad dotes animi magis magisque excolendas, cum ad extēros profectus, juvenis admodum Germaniam Galliamque lustraret, variarum linguarum collegit notitiam. Præcipue vero linguæ Græcæ amore captus ad eam sibi penitus addiscendam animum appulit, inque ea literatura Doctorem habuit cum & Italiam visiteret Marcum Musurum Græculum celeberrimum, eo successu, tantaque fortuna, ut mirum in modum postea in isto idiomate excellerit. Posteaquam pecuniam ex Patris hæreditate acceptam in necessarios studiorum sumtus impenderat, reditum ex Italorum terra in Germaniam suam paravit, atque ex eo tempore aliquandiu Wittebergæ Philippo gratissimus hospes, ut & Camerario Sodalis jucundissimus vixit. Tum vero denuo ad exteros abiturus, mutato vero consilio, Basileæ substitit. Cum enim egestatis mala, comitemque bonæ mentis paupertatem sentiret, jam attritus opibus, ap. *Frobenium*, vir meliori dignus

dignus Sparta, victum sibi amictumque quæsiuit. In ejus igitur officinam receptus Typographicam codices Manuscriptos perlustravit, mancos mutilosque restituit, atque inter imprimendum emendavit; tanto quidem studio & conatu, ut parturire eos foetus solus atque unus pro omnibus videretur. Maximopere sane laudat ejus diligentiam in isthac negotio dato, adhibitam in præfatione ad *Ammianum Marcellinum* H. Valesius. Erat quidem inquit ille in utroque horum virorum, magna doctrina, ut scripta utriusque testantur. Sed in Gelenio major quadam ingenii vis, & judicium acrius. Quod cum multi præclari labores illius viri testantur, tum maxime interpretationes latina Dionysii Halicarn. Appiani, Philonis & aliorum. Ex quibus apparet, eum excellenti ingenio, & singulari doctrina præditum fuisse. Sed & Ammiani Marcellini Historie ab eo editæ abunde id testantur. In quibus plurima & ingenio se emendavit, & insignem paginarum transpositionem, quæ in omnibus MSCtis Codicibus reperitur, & in editio-

editioe extat Accursii, mira dexteritate restituit. Quamobrem ejus viri nomini libenter hoc laudis impertimus testimonium, neminem adhuc extitisse, qui de Historia Marcellini melius meritus sit. Neque parcius in eo prædicando fuit celeberrimus Huetius, qui de claris Interpretibus; Erat scribit, in eo animo lenitas mira, natura bonitas quadam, ut vix irasci posset: Irritatus etiam cum nemine unquam similitatem gessit: Rerum alienarum minime curiosus, minime suspicax, sed antiqua non tamen stulta simplicitate præditus. Referunt quoque statura fuisse procerum, memoria polentem divina, continentiae denique & abstinentiae miræ. Certe per multos annos in his laboribus constitutus, omnium Eruditorum favorem sibi comparavit; at vero, ut nullas comparavit divitias, ita quoque relinquendis & ad hæredes transmittendis sollicitudo eum non habuit, suppellectili domestica victuque parco contentum. Ceterum laborem suum, quem impendebat in corrigendis codicibus, tanto pro-

profecutus est amore , ut varia etiam munera publica , quæ offerebantur constanter recusaret. Adeo , ut cum a Rege Bohemiæ magnis præmiis & amplissimis honoribus promissis in regnum patrum juberetur redire, oblata respueret , moderatum hocce vitæ genus , ambitiosis & turbulentis aulæ ambagibus sapienter præferens. Similiter & *Phil. Melanchthon* aliquoties ad officium publicum invitavit, atque inter alia in Schola Noribergæ instauranda centum aureorum pretio , in singulos annos constituto, conducere effatus est. Sic enim in Epistola quadam , quæ reperitur inter ad *Camerarium* scriptas & editas Lips. ap. Voëgelinum 8. p. 49. ille scripsit : *Sed addixi, inquires, Biennii operas Frobenio: Nihil a Te, vir optime, petitur, quod non possis honeste præstare. Nam si ea res una prostat, quo minus concedas Noribergam, aget cum Frobenio Senatus urbis, ut fidem tuam liberet; Proinde hoc scire cupiunt, an si permittat Frobenius, pertrahi Noribergam patiaris. Multa profecto causa sunt, quæ Te invitare*

vitare eo debebant, quas si omnes colligerem, viderer de tua Prudentia dubitare. Sed hæc est præcipua, qua animum Tuum pellere debebat, quod ex Republ. videris facturus, si in eo loco studia bonarum literarum instauraveris. Quas itaque Te, ut de voluntate Tua Baumgärtnero respondeas. Senatus præstabit, & ut fides Tua liberetur, & ne Te suscepta conditionis pœniteat. Sed neque his Melanchthonis, precibus ut optaverat ille, respondit, nec ad lautiores fortunam, qua ob mores & studia elegantiora dignissimus habebatur, ab incepto deduci potuit. Segniores enim se futurum credidit, rerum omnium attenuata fortuna in meliorem conversa. Nec tamen interea defuere Viro industrio beneficia alia, quæ in eum sunt derivata; nam præter ea, quæ a Frobenio accipiebat, Johannes etiam Rudolphus Stœr, Antistes Murbacensis & Ludrensis, annum illi concessit stipendium, quod post facta Geleni Oporinus ad Bibliothecam amplificandam ab eodem Stœrio, Musarum Patrono indulgentissimo, impetravit.

P

Facile

Facile exinde colligere poterimus, quanto studio Doctores Gelenium nostrum observarint, ut etiam exemplo nostra aetate rarissimo, imo nullo, communi quasi Literarum nomine certam pecuniæ summam pependerit. Sed & contigit nostro, quod fieri sapius solet, ut laudentur ab his, culpentur ab illis. Nam neque *Gelenius* caruit obrectatoribus, quorum alii nimiam libertatem, qua tunc Correctores utebantur in emendandis ac restituendis scriptis, reprehendebant, alii alia. Inter hos Clar. C. Barthius in Adversariis suis L. XLIV. c. I. hunc in modum judicavit. *Ingeniosissimus, sed audacissimus, & prorsus nihil sibi negans Arnobii Corrector fuit, Sigism. Gelenius in eam editionem, quam totam ad suum captum reformavit, aut transformavit. Conspirat cum Barthio præfatio editionis Lugdunensis Bat. Arnobii 1651. excusæ. Arnobium, inquit, hunc primus quidem vulgaverat Franciscus Priscianus Florentinus, sed una cum veteris. Manuscripti, quo usus fuerat, sædis admodum erroribus. Sigismundus*

mundus postea Gelenius editionem hanc corruptam, solo ingenio, ut potuit, restituit. Sed ingenii ille fiducia malo exemplo usus conjecturas suas textui inseruit, antiquas lectiones suo Imperio ejecit, & Arnobium nobis finxit, qui Arnobii speciem non refert. Eandemque licentiam conquesti sunt Eruditi, illum sibi summis in editione Plinii tertium a Gelenio castigata, quorum quidam, ac si quicquid libuerit ex capite suo mutaverit, asserunt; gloriaturque mirifica se præstitisse, cum potius crimine maximo se polluerit, addunt. In unam cum his sententiam mihi visus est ivisse Huetius, a quo ante laudem obtinuerat egregiam, & alii, quorum tamen querelæ, quantæcunque etiam fuerint, merita tanti viri per triginta annos Reipubl. literariæ exhibita vix obscurant, tantum abest, ut contaminent, aut tollant. Ea enim præstita sunt a Gelenio, quæ ab aliis multis exspectari vix poterant. Quibus libris emaculandis præfuerit, ex annis obitus, vitæque in Typographia antecessentibus facile intelligi poterit.

P 2

Unde

Unde & præfationum ab eodem præmissarum, quarum haud pauca sunt, a Correctoribus quibusvis vel Typographorum nomine, vel suo etiam præscriptæ Author cognoscendus est. Fatis autem concessit ultimis noster *Gelenius* Basileæ, ubi etiam uxorem duxerat, An. 1554. ætatis suæ 77. relictis scriptis variis, ex quibus eminent: Versiones Lat. Dionysii Halicarn.: Josephi Evagrii Historiæ Eccles.: Originis contra Celsum: Philonis operum omnium: Appiani de Bellis Punicis, Syriacis & Parthicis: Dictionarium quadrilingue. Græco-Latino-German-Dalmaticum: Annotationes in Titum Livium: it. in Plinii Historiam naturalem: Præfatio in Eutropium &c. Quæ sunt Basileæ omnia excusa & ab eo correctæ apud *Frobenium*. Videantur, Thuanus in Histor. Gall. L. LXIII. p. 277. Bælius in Lexico Critico ed. posterioris T. II. p. 1322. Buddeus in Lexico Univers. T. I. II. p. 219. Teisslerius Les Eloges des Hommes Scavans T. I. p. 89. Adami in Vitis Juris-Consultorum in Vita Zuichemii

p. m.

p. m. 228. ubi cum doctissimo viro *Sigismundo Gelenio* Basileæ Amicitiam ille contraxisse legitur, eo tempore, quo libris ibidem corrigendis noster præesset. Adde & Cl. Reimmannum P. III. c. 1. p. 231. Succedit

Hieronymus Gemusæus.

ORtum huic dedit Mulhusium, Aſſatæ Superioris oppidum, Helvetiis foedere junctum An. 1505. Cum ingenio esset præstanti ad studia literarum a suis adhibitus est: Idque primum in Schola patria factum, postea tamen Basileam ad mercatum elegantiorum studiorum missum legimus. Nec inconsulto; habuit enim quos audiret illic optimos doctrinæ omnes non minus quam Pietatis Doctores, ex quibus *Henricus Glareanus* eminuit. Atq; hujus etiam institutione ita excitatus est, ut non raro absente illo, vices Præceptoris subire, & magna suavitate condiscipulos suos docere potuerit. Eodem *Glareano* Philos. ordinis Decano summos laborum suorum adeptus honores, Magister

anno ætatis suæ vigesimo renunciatus est. Discedens postmodum Basilea in vicinam Galliam excurrit majora scientiarum incrementa peregrinis in locis conquisiturus. Nec spem fefellit eventus; In Græca enim literatura, ut & in reliquis, ita profecit, ut inter optimos & doctissimos sui temporis literatores connumeratus & habitus fuerit. Platoniorum & Aristotelicorum scriptorum diligentius pervolvendorum cognitionem tanto ardore hausit, ut alios non sine fructu & applausu instruere de placitis utriusque sectæ potuerit. His suis profectibus junxit postea & artem Medicam, in qua addiscenda haud infelicio, quin potius dignus honoribus, laurea Doctoris suprema Taurini An. 1533. cinctus, faustis avibus in Germaniam rediit. Basileæ gratus receptus est hospes, non diu tamen ibidem moratus est, cum scientias rerum naturalium exponendi publica ei facta esset potestas. Cui numeri satisfactorius, spartamque ornaturus suam, commodius rem quoque domesticam formavit, vitæ-

vitæque sociam sibi elegit filiam *Andr. Cratandri* Typographi. Quo factum, ut occasio ei subministrata fuerit, socerum in operis Typotheticisque curis curandi. Emendavit itaque ei scripta, quæ excudebat, sedulo, summaque diligentia, si quæ imprimenda ex Manuscr. occurrerent. Atque ita effecit, ut auctores optime ex ea officina excusi prodirent. Præter hos vero labores, aliud quoque sibi facessivit negotium: Ductore enim *Sebastiano Münstero*, quamvis jam ipse Professor Publicus, Hebraicam addidicit linguam, cum in finem, ut cum scientias ex fontibus deducere nosset, ita & sacras literas purius escaturigine deductas calleret. Occasio vero huic linguæ addiscendæ erat ipse labor Typographicus, cum sæpius in paginis lustrandis Hebraica occurrerent, pudore, quod ea non calleat ductus, & illi tractandæ incumbere cœpit. Tandem denuo suscepta in Italorum terras migratione, cœli insuetus in temperici, in ipso itinere ægrotare cœpit, & reversus confestim Basileam febre

P 4 ardenti

ardenti correptus , viribus indies attenuatis & consumptis , denique extinctus est , d. 29. Januar. Anno 1545. non sine gravi omnium Eruditorum mœrore ob diligentiam omnibus probatam. Monumenta, quæ de eo testantur sunt præter Epitaphium. Præfationes prolixæ, & omni Eruditione refertæ, Galeni operibus & Almagesto Ptolomæi latino præmissa , quæ opera sibi ad corrigendum a Typographo ad corrigendum exhibita erant. Aristotelis etiam scripta quædam attente scrutatus est, eorundemque nonnulla in latinam linguam convertit; Porro Epitomen 17. librorum Strabonis , Græce ab incerto Autore scriptam, eleganter satis & terse transtulit, &c. Conf. Adamum in Vitis Philos. p. m. 129.

Nicolaus Gerbelius.

Vir optimus atque integerrimus , & humanitate suavitateque, morum & doctrina omni genere solidæ laudis excellens. Hoc enim periit Encomium *Joach. Camerarius* in Vita Melanchthonis

nis p. 278. Nec injuria : omnibus enim Seculo XVI. viventibus luminibus Eru-
ditionis laude celebratis per charus fuit,
& ob morum integritatem studiorum-
que multivariam soliditatem æstima-
tissimus. Ut etiam B. Lutherus primo
genitum ejus ex Sacro baptismatis fonte
susceperit. Nam præter Juris Civilis
notitiam, cujus erat gnarissimus, poli-
tiores literas & disciplinas, quæ ea tem-
pestate in pretio fuerant, exacte calle-
bat, neque linguarum etiam Græcæ &
Hebrææ ignarus, sed celebratur scien-
tissimus. Non ergo sine causa *Johannes*
Capnio, quem discipulus ille Præcepto-
rem venerabatur in medullis cum ha-
bebat, cum ob diligentiam raram, cum
vero etiam, quoniam eandem haberet
patriam : Uterque enim Pforzhemii
oppido Marchionatus Badensis inferio-
ris natus fuit. Equidem Pater Gerbelii
Viennæ in Austria lucem adspexerat,
unde filius adultior factus, ut studia ha-
ctenus optime gesta amplificaret eun-
dem in locum missus est. Eoque itinere
feliciter peracto ille locorum ad scopum

perventurus suum , sibi suisque Musis solum vacavit, factumque adeo est, ut Eruditione & probitate mirum in modum exsplendesceret, ita quidem, ut celeberrimi etiam viri Johannis Cuspiniani amicitiam familiaritatemque consecutus, tandem ipse ex discente redderetur docens. Atque his laboribus nominis sui famam mox tantopere diffudit, quam quisque alias; fortunæque venturæ peramplæ faber quodammodo fuit. Vix enim per aliquot annos, alios docere politosque reddere cœpit, cum a Senatu Argentoratensi inclyto, ut Historiarum monumenta publice in Academia crueret, arcesseretur. Neque etiam huic muneri humeros subtraxit, sed potius omni contentione opera ac studio effecit, ut inter literatissimos doctissimosque sui Seculo etiam in hoc positus studio, referretur, tantaque erat diligentia, ut dies vigilare noctesque, & intervenientibus feriis, cessantibusque ordinariis lectionibus in re Typographica curam pagellarum impressarum suscipiendo Rempublicam literariam

riam sibi devincire labore. Nempe *Schürerz* sub id tempus Argentorati flore-
rebant, quorum officina omni appa-
ratu præ ceteris instructa erat. Horum
ergo famam studio incitatori aucturus
codices emendavit atque ornavit, & si-
quid prodiit ex officina *Schüreriorum*,
quod ob literas nitidiores & accuratam
impressionem Lectori placeat, id unice
fere *Gerbelio* erit adscribendum. Ipse
nobilissimus *Mallinkrodtius* in libello ex-
asciatissimo de ortu & progressu rei Ty-
pographiæ apud Schürerium Argenti-
nensem Nicolaum nostrum operam in
corrigendo impendentem, & An. 1515.
opusculis quibusdam Erasmi edendis &
emendandis occupatum se invenisse vi-
rum præclarissimum testatur, & laudi-
bus propterea insigniter mañat. Quam-
vis autem merita hujus viri fuerint ma-
xima, tamen ab obrectatoribus & ini-
micis vix securo ei vivere licebat, Nam
inter alia adversa a pessimo quodam Re-
gularum Rhetoricarum Compilatore
miserrime traductus est, quippe a quo
exempli loco in Actionis Capitalis
Scena,

Scena, nomine tenus adductus, atque
 tanquam Sacrilegii rei introductus est.
 Quo comperto ille, injuriam tanquam
 innocentissimus ac optimus male ad-
 modum tulit, autoremque scripti non
 immerito in Jus vocavit, & *Melanchthon*-
ne intercedente, iste Criminis infamiam
 recepit, atque peculiari scripto
 innocentiam *Gerbeli*, & injuriam, qua
 innocentem affecerat fassus est. Ita res
 acta & vita protracta Argentorati, do-
 nec *Gerbelius* fati suis cessit, obiit siqui-
 dem ætate longius progressus, eodem
 quo *Melanchthon*, *Georgius Sabinus*, &
Petrus Lotichius mortui sunt, anno d. 20.
 Januarii An. 1560. scripta ejus posteris
 relicta potiora sequentia sunt. Nov.
 Test. Gr. in ædibus Thom. Anselmi An.
 1521. 4. emissum, cum præfatione:
 De Anbaptistarum ortu & progressu:
 Chronicon Cuspiniani de Cæsaribus
 Romanis Græcis atque Turcicis illustra-
 tum, suisque curis emendatum cui præ-
 missa est, Cuspiniani vita Bas. ap. Opor.
 1561. Ejusdem Cuspiniani liber de
 Consulibus Rom. quos egregie auxit &

explanavit. Eodem autore scripta est etiam Præfatio in Arriani Historiam de Alexandri rebus gestis. It. Præfamen in Lycophranis Cassandram, qui libri sedulam Gerbelii manum in corrigendo senserunt: Vita utriusque *Trexis*: LL. pro declaratione picturæ sive descriptionis Græciæ Sophiani fol. Basil. ap. Opor. 1550. Literæ Melancthonis & Lutheri ad eum datæ extant, inter Epp. Theol. Marbachianas, quas novissime Venerandus *Fechtius* ad supplementa Sec. XVI. adjecit: Epitaphium, quod *Matthæo Zellio* posuit, vide in hujus Vita apud Adamum p. 191. Confer. de *Gerbelio* Cl. Buddeum in Lexico Univers. T. I. II. p. 234. Adamum in Vitis Juris-Consultorum p. 133. qui de munere Correctorio nihil meminit. Teisfieri in Elogiis ed. 1683. 8. p. 209. Fireherum in Theatro p. 842. Joh. Henr. Majum in vita Reuchlini 8. p. 87.

Victor Geselinus.

Jure-Consultum excipit Medicus, talis quidem, quales raros nostra ætas habet

habet & profert. Criticus enim acutissimus, Philosophusque exquisitus hodieque audit. Natus est Anno undequingagesimo supra millesimum & quingentesimum d. 23. Maji. Sandtforti Comitatus Flandriæ. A primis annis a parentibus, ut ad laudem est institutus, ita ad omnes virtutes, quibus is, qui aliquando excellere inter bonos cupit, instructus esse debet, assuefactus est. Artium ingenuarum fontibus prægustatis, Medicinæ Studiosis nomen adscripsit suum, non tamen penitus sepositis, quæ ad politiores literaturam pertinent. Porro neque in adolescentia in otio consensescere vitæque umbraticæ scientiam consectari voluit. Sed vivido ardore in lucem procedens, uberioris animi cultus capiendi causa, ad externos excurrere decrevit. Habuit in hoc itinere socium fidum admodum & Clarissimum Justum Lipsium, a quo etiam postea, cum Dolæ ad amplissimum dignitatis Medicæ gradum adscenderet, latræa Doctorali coronatus esset, oratione publice habita, quas Panegyricas vocant,

vocant, laudatus est. Quibus Elogiis, ab eodem passim in scriptis Lipsianis mactatum fuisse comperi. Redux ex profectionibus fixam constituit sibi, habuitque sedem Brugis Flandrorum, matrimoniumque iniit fortunatum. Atque sic operam in rebus Medicis & Curationibus morborum feliciter facere cœpit, idemque per aliquod tempus Antwerpiaë vixit, idemque, cum Medicas tractavit artes, tum etiam Celeberrimum *Christophorum Plantinum* adiuvit in Typographicis operis. Is enim, cum certatim ad se convolare videret scripta Eruditorum, quæ offerebantur selectissima, ut imprimerentur, factum, ut cum eorum petitis satisfactorus esset, continuis prelis iisque permultis, officina ipsius laboraret. Ne autem laudem hætenus ab omnibus sibi imperitam amitteret, aliquot sibi comparavit viros Eruditissimos, qui impressa inspicerent, & si quid falsi vel reprobi positum fuerit, corrigerent. Ad simile igitur negotium Geselinus invitatus, id non recusavit, quin potius certum pactus

Etus præmium, quod largum Plantinus solvere solebat, accurata sua diligentia spei Plantini de se conceptæ exasse satisfecit. Tandem vero debilitatis admodum viribus; ut Eruditorum solent esse fata, in ætatis adhuc flore constitutus, placide exspiravit; & a moestissima Coniuge tumulatus est. *Beyrlinckius* vero sequenti defunctum laudavit Epigrammate:

*Cum nato certat Latona mascula proles,
Vult ubi Victorem, quilibet esse suum.
Phæbus ait: Meus est: Meus est Epidaurius inquit,
Certant; Victorem vincit acerba quies.*

Extant ejus Poëmata varia: Notæ Eruditionem spirantes in Poëtam Christianum Prudentium Adagia, qualia Erasmus & Junius emisserunt. Edidit etiam Fernelii librum de morbo Gallico: Scripsit etiam plurima alia, quæ Giphanium suffuratum pro suis venditasse *Janus Douſa* affirmare conatus est. Videantur Adami in Vitis Medicorum p. 239. Struvius in Bibl. Philos. p. 239. Mallin-

Mallinkrodt. Colon. ed. 4. p. 96. Epistolam Geselini ad Franc. Nansium scriptam invenies ap. Crenium in Animadversionibus Philol. P. VII. p. 234.

Johannes Gheesdalius.

VOcatur is a Cl. Struvio Antonius, adducto in fidem doctorum *Auberto Miræ* in Elogiis. Swertius autem in Athenis Belgicis Johannem constanter appellat, cujus testimonium, quoniam se discipulum ejus fuisse gloriatur, firmiori fundamento niti crediderim. Nec vero simile est *Antonium Sanderum* in tractatu *de Claris Antoniis* eum omis-
surum fuisse, in quo tamen nihil prorsus invenire licet. Idem vero Swertius, quod mirati sumus valde, de laboribus ab eodem exantlatis, ob quos a nobis in numerum Correctorum Eruditorum relatus est, ne apice quidem mentionem fecisse legitur. Solam igitur fidem Dn. Struvii & fontis communis Miræ moniti hac in parte haud diffiteor. Ceterum natus est Gheesdalius in Flandriæ Comitatu, & pago quodam, cui Berg-
hemium

hemium nomen est, non procul ab urbe munitissima Aldenardo sito. Musicam ferunt amasse, & ab adolescentia exercuisse, cui Poësin postea adjecerit; Unde merito a Swertio appellatus fuit, Musicus ab arte, Poëta a natura; Idemque refert post varios fortunæ casus, in Schola tandem Antvverpiæ Mariana publica authoritate constitutum docuisse. Quod si animo mecum reputo, sub id quoque tempus non dubium est, quin simul plagulas a Nobilissimo Plantino excusas, velut in otio Scholastico existens, ab erroribus liberarit. Atque in hoc tandem etiam officio, postquam satis sudaverat, diem suum obiit, ac sequens in magnò Virginis Mariæ cœmiterio ei est a *Maximiliano Vrintio* Epitaphium positum:

Quod fuerat, Gheesdale tui mortale, sepulchro

Hoc jacet; at solus non tamen ipse jaces.

Quin quod habent sancti, Libothrus & Hemus & Aon,

Girraque, & æternis fontibus Ascramadens. Omne

*Omne simul tecum jacet, hoc Gheesdale
sepulchro,*

*Tot juga, tot fontes, tam brevis urna
tegit.*

Scriptit Stichologiam sive de Syllabarum & carminum ratione, vario metri genere explicatam a R. D. Lavino Torrentio ap. Plant. 8. : Catechismum ad juvandam puerorum memoriam carminice. ibid. 8. Carmina in natalem diem Domini nostri JESU Christi Gandavi 8. Epigrammata jocosa, quæ latuerunt Manuscripta in Musæo Franc. Svertii, ubi nam vero post fata hujus devenierint, ignoramus. Hunc vide in Athenis Belgicis, uni pleraque debemus eorum, quæ sunt de Vita ejus, & fatis ejus narrata, conf. Struvium in Introductione ad Hist. Liter. p. 574. ultimus in hoc elemento sequitur

Hubertus Golzius.

Vir ingeniosissimus, cui similem præter Ez. Spanhemium Virum illustrem Germania nostra nunquam habuit in arte numismatica. Lucem

Q 2

vidit

vidit Venloæ Ducatus Juliacenſis oppido d. 30. Octobris An. 1626. Patre *Rutgero Golzio* Herbipolitano Cive, pĩtore. In ea Parentis arte addiſcenda aliquot tranſiere anni, donec literarum ſtudia cum ea filius conjunxit. Præcipue vero antiquitatum explanandarum cupidine raptus, nihil a juventute prætermiſit, quod intactum reliquiſſet. Eamque ob rem ſumma diligentia & lectioni ſcriptorum quorumvis incumbibat, nec ullis ſumtibus laboribusque parcebat, ſi quando ſuis conatibus ſatiſfacere poſſet. Ad quod acceſſit præclaræ artis commoditas; quo magis enim præcellebat arte pingendi & cælandi, eo leviores & faciliores habebat in deſiderio numiſmatarum colligendorum progreſſus. Verum patrios ſibi lares ad ea, quæ ſuſcipiebat perficienda, neutiquam ſufficere cernens, peregre abire conſtituit, atque primum quidem luſtravit Belgium, unde digreſſus & alia regna terrasque viſitavit, & ſedulo ſemper in ea inquirens, quæ ſibi utilia fore inprimis noverat.

verat. Ubicunque locorum esset, quæcunque ex Nummophylaciis offerebantur, in more positum habebat, ut in chartam depictas Icones sibi servaret, atque sic incredibilem tandem Thesaurum nummorum colligeret. Maxime vero omnium calcaria ei subdebantur, cum *Laurini*, viri in numismatum cognitione solertissimi suppellectile, in Italia, Gallia, Germaniaque acquisito, potitus esset. Tanta enim ex eo tempore solertia & ardore Eruditorum armaria penetravit, ut nihil in Galliæ, Italiæ, & aliarum regionum Provinciis pæne fuerit, quod non oculis inspexisset suis, suaque manu tangere licuisset. De quo & ipse gloriari solebat, a nemine sui temporis Curiosorum hujusmodi sectatorum, tam multa, tamque varia numismata conspecta, inanibusque trita, & delineata quoque fuisse, quam a se uno factum sit. Multis igitur chartis & Iconismis, ipsisque nummorum exemplis onustus, Jasonis instar in patriam redux, non aureum, sed papyraceum, reportans vellus, operi emit-

tendo & publicando se totam accinxit. At Typographorum perspecta cognitaque, negligentia, inscitia, ac lucrandi non inserviendi cupidine, noluit sua, tot sudoribus errasse eorum committere curæ. Verum, ut sibi suisque lucubrationibus eo melius consultum esset, ipse intra privatos parietes insignem extruxit officinam, eam quidem, quæ non paucis, imo plurimis, eo tempore aliis, typorum nitore, chartæ albore, ac densitate antecelleret. In qua porro non rudes literarumque expertes aluit viros operarios, sed doctos & Eruditos, qui Typothetarum munere fungerentur. Ipse vero Dux auctorque in omnibus, quæcunque imprimebantur, sedulo inspexit, & ubi per errorem quidquam falsi commissum esset, correxit, atque sic nitidissima dedit literato orbi opera, quamvis rara occurrant, cum nonnisi amicorum & Intimorum sibi libros excudere soleret. Signum, quod codices ab eo impressi in fronte gerebant, virginem exhibet, Cornu Copiæ manu gestantem, atque ex eo varia profunderentem

dentem numismata , additis ad latera atque caput illius verbis , ad nomen Golzii respicientibus, *Aurea secula Hubertas*. Atque in hoc officina non suos tantum, sed non raro etiam aliorum probatos sibi libellos excudit, quorum quicunque traditi essent, pari cura & animadversione in emendandis accurate omnibus, rationem ipse Corrector habuit. Eaque de causa in hunc recensum referri jure optimo debuisse judicavimus. Nam si propter ea tantum, quoniam suos ipse inspexit, codices locus illi concedendus hic fuisset, omnes propemodum Eruditi hodie recensendi fuissent, qui ob ignorantiam & stupiditatem Typographorum, sua ut expurgent scripta habent necesse, & absentes ut plurimum de navis lucubrationum solemniter conqueruntur, ac protestantur. Sed ad Golzium ut revertamur, antequam obitum ejus exponamus, omittendum haud erit ob merita in rem literariam per egregia, non tantum a Civibus suis maximi habitum fuisse in summo pretio, verum

Q 4

etiam

etiam apud exteros tantum autoritate
valuisse & fama, ut Civitate Romana
donatus fuerit. Quæ scita sint diutur-
niori vita dignum fuisse Belgii isthoc
lumen omnes fatebantur. Verum nec
doctrina nec fama, neque quicquam
aliud prohibere potuit, quo minus ma-
tura morte ad plures abiret, idque fa-
ctum est summo literatorum luctu An.
1583. anno ætatis 56. Brugis Flandro-
rum, relictis ex duabus uxoribus, qua-
tuor filiis & filiabus tribus, ex prioribus
Henricus ille præclarissimus vos ob cæ-
landi artem eximiam consecutus fa-
mam omni laude dignus merito cense-
tur. Monumenta Eruditionis, quæ su-
per sunt illustria admodum & multa ha-
bentur. Eminent inter illa: Fasti Ma-
gistratuum & Triumphorum Romano-
rum, ab urbe condita ad Augusti obi-
tum, ex antiquis tam numismatum,
quam marmorum monumentis restitu-
ti fol. Brugis excusi An. 1666. Deinde
Græciæ univ. & minoris Asiæ numisma-
ta Antverpiæ fol. 1644. & cum notis
Nonnii 1618. & 1672. fol. Itemque
Cajus

Cajus Julius Cæsar f. Cæsaris Vita & res gestæ fol. Brugis 1577. & cum Nonnii Commentariis Antvverp. 1644. Similiter Vita Tiberii cum Commentariis Nonnii Antvv. 1644. & Brugis 1579. Animadversiones aliquot in Fastorum libros. Catalogus Consulû ab Augusti obitu usque ad Justinianum : De origine & statu Populi Rom. deque Magistratuum Initiis & mutationibus. Itinerarium per Germaniam, Galliam & Italiam. At in his autem omnibus sedulo attendendum esse judicant harum rerum gnari, ut nummi genuini a spuriiis discernantur, utpote in quibus accurate dignoscendis non semper felicem ac prudentem Golzium affirmant. Quanquam etiam iidem fateantur, numero abundasse labores Golzianos, ac tantam cum unum æri incidisse multitudinem, quantam per totam Italiam & Græciam, quæ censentur his cimeliis alias refertissimæ, vix invenire licebit. Non desunt quidem, qui plagii eum accusent, & quasi *Martini Smetii* Inscriptiones, tanquam a se

Q 5

collectas

collectas ediderit, suspicentur, unde versiculi Hadriani Damman Gandensis orti:

*Sed neque Te Golzi decuit, qua Smetius
olim,
Priva reliquisset vidua tua dicere:
Cunctis,
Vendereque: Os hominis post liminione
putasses,
Vindicias peterent manes & posthuma
proles.*

Sed de his nostrum non est arbitrari, quibus inter Correctores præcipuos locum dedisse Golzio satis est ostendisse vid. Adami in Vitis Philos. p. m. 309. & Teisslerius in Elogiis T. I. p. 581. Pergrinus ad literam H. ubi agmen ducit

Franciscus Harduinus.

ANte omnia distinguendus est noster a *Philippo Harduino* Medico, & Dionysio, it. *Johanne Harduino*, S. J. Presbytero hodiernum florente; viris toto orbe celebratissimus. Nam omnibus istis *Franciscus* vetustior, famam nominis sui *Seculo XVI.* adeptus est, sub

sub cuius finem inclarescere cœperat. Natusest Gandavi, Patre *Iusto Harduino*, qui frater Dionysii erat, genitus, ob ingenii fœcunditatem ad ludos Poëticos natura destinatus videbatur. Ad eos certe concinnandos ita a juventute promptus erat, ut varium & elegans omni fere numero poëma sine difficultate funderet, cui nec dulcedo fluida, nec venustas lepida deesset. Ea que adeo in arte omnes fere sua tempestate antecire Eruditos, & carminum pangendorum gnarus credebatur. Nec minor reliquis bonarum literarum scientiis ingenuis fuit Eruditionis apparatus, quem sibi comparaverat potissimum, cum juvenis adhuc terras Gallicas & vicinas alias peragrasset, in quo itinere præcipue Amicitia & Doctrina *Adr. Turnebi* Professoris Parisiensium celeberrimi, & Typographi Regii, nostro usu venit: Eadem etiam occasione familiaritatem iniit literatam cum *Johanne Aurato Gallandio* aliisque doctissimis viris, quibus ob perspectam *Harduini* integritatem & ingenii capacitatem, discendique

amorem, charissimus, quamdiu in istis vivebat locis, semper fuit. Reversus in Belgium *Plantino* primum operam suam addixit, eidemque in negotiis Typographicis constanter auxilio fuit, colluctatus dies noctesque cum mendis, quas in codicibus reperiēbat, exterminandasque curabat. Atque ob hos etiam aliosque labores, omni laude, dum viveret, mactabatur ab Eruditis passim, nec minori hodieque dignus est. Namque ipsi aliisque ejus collegis ornamenta Plantinianorum librorum imprimis debemus, & quotiescunque signum Plantinianæ Typographiæ conspiciendum se nobis exhibebit: toties Francisci Harduini diligentia meminiſſe juvabit. Obiit tandem, An. 1609. d. 21. Octobris. Edidit præterea suo Maorte, dum adhuc in vivis eſſet Odas, & Elegias varias, quæ raro admodum comparent. Convertit etiam in Vernaculam suam Belgicam nempe linguam, Anacreontem Tejum, vatem illum mellitissimum. Tumulum denique *Justus Rycquies* civis ejusdem Inscriptione Epitaphio Dialogi in modum sequenti ornavit:

Har-

Harduinus. *In cassum quid me Vates ploratis ademtum,*

Omnibus una Erebi nox adeunda manet.

Requius. *Omnibus illa manet, sed Te quid vinceret arte,*

Musæa ad Stygias nullus adiuvit aquas.

H. *Scilicet hac Lex est, fatorum ut prima fatiscant*

Optima: Nihil stabili hic conditione manet

R. *Hinc Tibi nos tumulum, & tumulo pia vota quotannis*

Fundet ad extinctos Julia Ganda rogos

H. *Nemo me fletu decoret, nec inania faxit*

Marmora Musæo nomine, clarus ero.

R. *Clarus eris, cælo dum fidus currit utrumque.*

Dum tua qui recinat carmina, Phœbus erit.

H. *Sic eat, & cum Te vitalis deseret ætas*

Manibus obtingant omnia fausta Tuis.

Vid. Reimannus P. III. p. 242. & Sverius in Atheniæ Belgicis p. 245.

Mar-

Marcus Heiland.

VAhinga arx oppidumque est Ducatus Württembergici, in quo Marcus noster hanc lucem vidit. Patre *Johanne*, honesto quidem viro, sed tamen in re lauta & bene aucta non constituto, genitus. Quo factum, ut, quamlibet literis addiscendis ob ingenii felicitatem videretur aptissimus, ex ludo patrio pro tractus, & invitus quodammodo, jussis parentum obtemperaturus *Pforzheimium* abierit pannorum detondendorum opificio operam navaturus. At præterlapsis annis, qui huic artificio discendo constituti sunt, & vix, quod ajunt, famulitiis tyrociniis depositis, & ipse cœpta isthæc fastidire, & ad studia revertere cogitavit. Hoc animo petiit *Basileam*, initio quidem non penitus ab opere pannitonsorio recessurus, verum crescente indies amore in liberales artes, internoque quasi raptu accedente, tandem omnino valedixit tonsuræ suæ, & ad Musarum transiit castra; inprimis autem sacratioris literaturæ

turæ studiis indefessa incumbere cœpit diligentia. Non parum ad ea gnaviter continuanda, amicitia, quam colebat cum multis Eruditis viris illic locorum degentibus faciebat, tam etiam omnium propemodum Doctorum scripta, nominatim *Erasmi*, *Lutheri*, *Philippi* & similia, quæ Basileam quasi certatim convolabant, ut ope Typographorum Basileensium per orbem celeberrimorum luci exponerentur publicæ. Quæ ut attentissime & sine sumptibus posset lustrare, a *Frobenio* petiit, ut iisdem emendandis præficeretur. Eoque facili negotio impetrato, atque salarium insuper obtinens annuum, omni studio & ardore munus demandatum per egit, atque ita Eruditionis suæ incrementis æque ac sustentationi necessariæ, denique quæ fuit Viri incredibilis solertia Bibliothecæ comparandæ consuluit. Summa quippe adhibita cura codices omnes legebat, relegebatque, pretioque laboris accepto in victum amictumque impenso, simul omnes, qui apud Frobenium excudebantur, libros

libros gratis in perpetuam obtinebat possessionem. Posthæc cognitis viri optimi dotibus, itemque diligentia ac doctrina non vulgari apud Senatum Basileensem tantam gratiam iniit, ut officio prædicandi verbum divinum publico præficeretur. Quo munere auctus, An. 1552. nuptias celebravit, & ex eo conjugio *Samuelem* filium clarissimum procreavit. Interea quocunque otio dato Frobenii plagulas nihilominus manibus suis tritas expolivit, & erroribus liberavit. Sed cum natale solum, nescio qua dulcedine & ipsum traheret, succedente tempore liberato Ducatu Würtembergico a Papicolarum superstitionibus ad patrios lares reversus est, non quis quantusve factus fuerit ex lanifice ostensurus, sed laudatissimi Principis Ulrici, qui armata manu avitas terras recuperaverat, voluntati obsecundaturus. Honestissimi igitur a Basileensibus non sine insignibus laudum Encomiis dimissus, Gamartingæ consedit, ibidemque per biennium purioris doctrinæ fontes auditoribus suis aperuit.

aperuit. Calvam deinde traductus in Hercynia silva sitam superatis feliciter impedimentis compluribus, a Pontificiis illic objectis, annos undecim largam Dei messem fecit. Exinde & meritis aliis per multis inclaruit; Seminarium enim Eruditorum erigere cœpit, & colloquiis variis in causa Religionis habitis, ut Wormatiensi, Hagenænsi, & Ratisbonensi præsens noster, suasque partes strenue tutatus est: Donec tristissima ex libello isto famoso, quod *Interim* appellant, vulgato, & recepta illius passim autoritate, tempora inciderent. His fatis ingruentibus officio cessit, & *Argentoratium* ultro profectus est. Accepsus illic gratusque hospes munere nullo post oblato in oppugnanda ista hypocrisis Adiaphoristica perstitit, repetitis in aliquot temporibus laboribus rectoriis. At malo isthoc, ut credebatur, latius serpente, & Argentinensium quoque animos occupante, de *Calva* sua repetenda tandem consilia iniit. Morbo autem gravi correptus, antequam id perficere posset, retentus ejus

vi placide ad nutum Patris cœlestis ex hac vita in meliorem commigravit An. 1549. vid. Adami in vita Samuelis Heilandi p. 373. De reliquo non inter Correctores tantum Eruditos, sed & opifices doctrina claros referendus, quales omni ætate haud paucos fuisse notum est, & vel solo *Benedicti Balduini* Ambianensis, authoris tractatus erud. *de Calceo antiquorum: Johannis Baptista Galli* Florentini & si placet *Jac. Böhmi* quoque Görlicensis, sutorum exemplo constat, ne quid de *Wolfg. Musculo* & *D. Le Feure*, Textoribus, itemque *Nicolao Bourbonio* Fabro primum Ferrario, *Petro Aretino* Bibliopego atque similibus dicamus: Neque enim ad nostrum institutum ea pertinent. Pedem igitur promovemus ad Eruditos, qui supersunt, Correctores, a literarum subsidiis hisce claritudine nominis insignes. Excipit autem Heilandum ordine literarum

Basilius Johannes Herold.

Patriam huic non obscura olim Suevorum urbs, prælioque nuper ad
eam

eam commisso clarissima, *Hochstadium* dedit: Hic enim A. 1511. auram vitalem primum hausit, spectatis virtute & Pietate parentibus. Cum ex Ephebis excessisset, & in puero se proderet ingenium ad literas oppido idoneum, omnibus artium elementis, cum ad varia natum ingenii volubilitas proderet, in ludo Patrio eruditus est. Postea vero adultiori ætate in alia loca missus & tandem An. 1539. *Basileam* traductus est. Hic dum alacriter in studio Theologico progressionem faceret, Historiarum monumenta simul revolvere cœpit. Eodem tempore, ubi otium aliquod daretur, codices ex Typographiis Basileensibus prodeuntes diu amendis liberavit, atque sic victum amicumque lautiolem, pretium certum sibi a Typographis pactus, comparavit. Neque multo post inter hos labores, (quos tamen in quibus officinis potissimum exercuerit nondum investigare potuimus, nisi quod augurando quasi in mentem venit, *Nicolaum Brylingerum* & *Henricum Petri*, fuisse, ex quorum

officinis aliquot scripta ejus lucem videre & qui hujusmodi viros non raro alere solebant) cum solitudinem suis rebus minime commodam esse cerneret, uxoris ducendæ consilium iniit; quo facto *Pfeffingensi* pago, qui imperio Basileensium paret, publica vocatus est auctoritate ad conciones habendas sacras, purioremque Evangelii doctrinam colonis prædicandam. Verum mandato huic muneri vacare diu non potuit, sed a Typographiis Basileam incolentibus & operam ejus enixe petentibus, retractus, petitis eorum cedens An. 1546. in urbem remigravit. Exinde permultos illic annos moratus, & ipse varia scripsit ediditque, Historica præcipue, omnium tamen maxime aliorum libros imprimendos emendavit, atque ita vitam laborum, quorum patientissimus erat, plenissimam longissime protraxit: atque cum non parum de Republ. literaria meritis in numerum Basileensium civium receptus esset, ad vitæ usque finem in emendando, scribendo, & subinde docendo etiam per-
stare

stare secum constituit, tandem etiam
 exspiravit, postquam An. 1566. scriptis
 adhuc corrigendis intentus fuerat. Sunt
 vero ea quæ ipse edidit: De Romano-
 rum in Rhætia littorali stationibus, &
 hinc ortorum ibidem vicorum atque
 municipiorum hodie superstitum ori-
 ginibus, quod opusculum etiam extat
 in Simonis Schardii Germania illustrata
 Tom. I. Basil. per Henr. Petri MDXXIV.
 De rebus plurium gentium LL. VI. in
 quibus continuationem *Guilh. Tyrz*
 Archi-Episcopi LL. XXIII. quos de Chri-
 stianorum Occidentalium adversus Sa-
 racenos expeditione composuit, vide-
 tur sibi proposuisse, quique prodire
 Basileæ per Nicol. Brylingerum fol.
 1560. Debemus quoque eidem Chro-
 nologiam Pannoniæ, quæ incipit ab
 anno post diluvium 155. (Mundi 1812.)
 desinit An. 1568. fol. Basil. prodiit cum
Bonfinii rebus Hungaricis, & Francofurti
 ad Moenum per Andr. Wechelium 1581.
 fol. De rebus Hungarorum contra Tur-
 cas auspiciis Ferdinand. I. An. 1556. in
 Interamnenfi Pannonia gestis ad mo-
 dum

dum Dialogi propositis, editis etiam postea Hannoviae 1613. 8. Lucubratio extat in S. Schardii Germ. illustr. Tom. II. An. 1574. & Giesæ 1673. fol. & inter Hungaricarum rerum scriptores MDC. fol. scripsit etiam Heroldus noster orationem in obitum laudatissimi Imperatoris Francofurti 1564. 4. excusam; nec non Maximiliano II. recens inaugurato, prolixum dicavit Panegyricum; Collegit etiam Leges antiquorum Germanorum Basil. 1557. fol. Videatur Martinus Hanckius L. II. de Romanarum rerum Scriptoribus Lips. 4. 1675. p. 142.

Hieronymus Hornschuch.

Medicus, editus in hanc auram An. 1573. *Henfstadii* (qui pagus est in Comitatu Hennebergico) Patre Pædagogico ejus loci *Valentino Hornschuch*. Juvenis beneficio splendido in Illustri Schleusingensi per octo integros annos usus est. Cum moderator Gymnasio præfret, M. Wolfgangus Müllerus. Ex ea Schola postquam ad altiora studia capax

capax esse videbatur, *Jenam* quidem, sed nil nisi summam penuriam secum afferens, ut a multis fit, contendit, atque illic aliquandiu comoratus *Lipsiam* tandem pervenit, id quod in libello suo, quem edidit ὁρθολογογραφίας titulum gerente paucis ipsemet indicavit in præfatione siquidem ad virum amplissimum *Andream Chefferum* Juris Doctorem hunc in modum scribit: *Annus jam Vir amplissime duodecimus agitur, quo, Jena Lipsiam ut commigrarem duas me res compulere: Spes nimirum sublevanda, qua extrema premebar, inopia, & amor, quo ab ineunte ætate erga studium flagravi Medicum, summus. Nam cum Jena tantis fortuna novercantis fluctibus navicula agitaretur mea, ut in Syrtes adacta subsideret, καὶ ἤδη ἦτορ ἐπὶ ἀνακίδι λίμνῃ! vox quadam Amici Lipsia tum Musarum in castris militante, de improvviso blanda oborta aura, ad me fertur, monens, ut qua data occasione inde solverem, & ad se, ubi in portu navigare liceret, tenderem. Eam ergo vocem DEI ratus, πλοιάριον meum nonnihil exonerō, post remis velisque*

R. 4

Lipsiam

Lipsiam tendo. Huc ubi ventum, non multo post offertur conditio duplex, altera qua praeessem libris in Typographiis corrigendis, altera qua liberis honesta disciplina instituendis. Accipio utramque sed hanc propter nimiam parentum in natos indulgentiam offendo miserrimam. Igitur ea valere jussa, illam retineo, non tamen citra magnam difficultatem. Nam ultra biennium quo esset, unde libros compararem, vile quod e pistrino illo redundabat pretium, unciatim ferme comparo, adeo interim genium defraudans meum, ut tandem similis fierem ex Pylo captivis: Deceveram enim, quidvis pati, modo aliquam saltem in divina Medicina cognitionem penetrare possem. Aderat tunc temporis Juvenis quidam doctissimus rei-que herbariae peritissimus, Joh. Ludov. Fürerus Northhusanus, qui σὺς σκοτος meus factus, eadem gustaret amara (unde etiam arctissimo & haectenus in dissolubili amicitiae vinculo inter nos coirvinus.) Hic Fürerus meus primus in Clarissimorum Jungermannorum familiaritatem me insinuat, & sic e quodam quasi famis antro in lu-

in lucem protrahit. Illi vicem meam dolentes, ad Matrem suam, magni illi Camerarii filiam ἡν οὖν ἐν αἰείοις deferunt, cujus placito in ministri illius locum sufficior. Hic si memorem quot quantisque me affectum iverint beneficiis, finis daretur nullus: Tantum hoc dico, me plus favoris, gratiae, auxilii ibi invenisse, quam alibi; dixerim pæne etiam domi. Nam Patrona illa pientissima prout εὐπλάγχνος, erat, & in pauperes prodiga; ita suam in me quoque benignitatem non clauderat, sed necessaria plurima liberali suggererat manu, matris instar mitissima; sicut etiam maternum erga me affectum suum brevi ante beatam ἀνάλυσιν palam profitebatur: Filii vero ipsius, heu! quæ non humanitatis mihi præstiteret officia, quam me non in Germani fratris dilexere loco! inprimis vero Ludovicus Medicina & Botanices studiosissimus, & charissimus Gothofredus, illud Musarum φίλον κάρα, ex sua librorum copia, meam identidem supplere inopiam, pro quibus divinis beneficiis, nî memorem contra & gratam mentem circumferam:

R 5

Tunc

*Tunc mihi vel tellus optem prius ima de-
hiscat,*

*Vel Pater omnipotens adigat me fulmine
ad umbras*

*Pallentes umbras Erebi, noctemque pro-
fundam.*

*Ceterum licet in modo dicta Provincia con-
stitutus læ διαλογὸς abunde haberem :
tamen, ut τὰ σκισμὰ μαλα etiam suppeterent,
in hunc usque diem e Typographiis me
vindicare non potui, sed continenter ibi,
gravi cum studiorum meorum remora ha-
vere suū coactus: Quam interea miseriam
cum aceto vidi, eo presens hoc opusculum
extorsit. Nam cum quotidie magis fere
cum Manuscriptis mendosis, & monstrosis,
quam Typographorum erratis mihi esset
depugnandum (quemadmodum nuper in
quodam volumine ipsiusmet autoris Ma-
nuscripto, vix duomillia erratorum obser-
vare licuit) cæpi equidem sapius cogita-
re, quo pacto ei malo posset fieri modus ;
ac postquam semel aliquando Dn. Michaeli
Lanzenbergero, viro Typographo, pio,
probo, diligenti, nec non aliis quibusdam
hominibus eruditis, ac bonis, hanc men-
tem*

tem meam aperuissem, autores mihi illico
fuere, talem aliquam rationem ineundi,
qua publice de rebus Typographicis impe-
riti edocerentur, quandoquidem ex mera
harum ignoratione istud pervenire consta-
ret, &c.

Nolo totam præfationem, & non
admodum verbosum libellum hic re-
petere, quamvis totus fere dignus sit,
qui in omnium manibus esset, quot-
quot correctionibus præfunt, quippe
quos, quomodo officio satisfacere de-
beant, egregie instruit. Impressus &
aliquot saltem plagulis constans Lipsi.
apud Mich. Lanzembergerum 8. 1608.
titulum gerit: *Οἱ δὲ λυπηροὶ καὶ τὰς* sive In-
structionis & admonitionis ad scripta
sua in lucem edituros, & operas Ty-
pographicas correcturos. Quod super-
est, eodem author anno, quo libellum
hunc evulgaverat, *Lipsia Basileam* mi-
gravit, ibidemque compendium sum-
mum facturum lauream capessivit Do-
ctoralem. Mox tamen *Lipsiam* suam
repetiit, & matrimonium iniit cum
Casparis Jungermanni filia, cui *Magda-
lena*

Iena nomen erat, sed neque conjugio
eo diu admodum usus est: Etenim Fe-
bre ardente occidit, nullaque prole re-
lictâ diem obiit Lipsiæ d. 22. Maji 1616.
ætatis 43. vid. Freheri Theatr. p. 1335.
Martinus Zeillerus in Epp. ed. 4. Mar-
purgi 1656. p. 696. Cent. III. Ep. 37.
Sed ut novi Correctoris doctrina poli-
tiori ornati conservetur memoria; En
Hornschuchii quoque Encomiastis,
quod subrexere placet:

*Ad Dominum Hieron. Hornschuchium de
felici operum & Scriptorum excuden-
dorum Correctura, & aliis ad impressio-
nem eorum spectantibus, differentem.*

*Correctura Tibi, narrato Typographe,
quantum*

Prosit, dic, quantum Bibliopola Tibi.

*Hac etenim si quis non castigatus oberrat,
Forte liber, vario sphalmate ubique
scatens.*

*Illum nonne tuo piget impressisse labore?
Vel Tu quis vendis, non pudet esse
Tuum?*

Est

*Est ita: Quin igitur typica nunc arte
docentem,*

*Hic correcturam percipe! nullus abest.
Non levis est cura hac, levis hand labor.*

Hic quoque verum

*Quod, ceu Corrector, Naso Poëta canit.
Sape aliquod verbum cupiens mutare re-
linquo,*

*Judicium vires destituuntque meum.
Sape piget (quid enim dubitem Tibi ve-
ra fateri!)*

*Corrigere & longi ferre laboris onus.
Scribentem juvat ipse favor, minuitque
laborem,*

*Cum suo crescens pectore servet opus.
Corrigere at res est, tanto magis ardua,
quanto*

*Magnus Aristarcho, major Homerus erat.
Ergo facis temet dignum, Corrector
amande,*

*Quique Machaonia es clarus in arte
satis:
Quod Tu consignas, emendaturus hiul-
cum,*

*Quid faciat scriptum, quam teneat-
que viam.*

Sic

*Sic, sic prostantes potuerunt excudere
libros,*

Multorum multi dexteriore modo.

*Sic, sic Hornschuchii pressis Tibi gratia
libris,*

Plurima constabit. Vive valeque diu.

Sigismundus Sellius,
Meinungensis Typographiæ Bey-
erianæ a Correctura.

Christianus Hobburgius.

Vir studiosissimus Pietatis vitæ, ve-
rum, ut fieri solet haud raro, vo-
luntatis emendationem recte urgent,
ut de connatis Intellectus tenebris ex-
purgandis parum sint solliciti, atque in-
de in Fanaticorum Indicibus clarius
nomen est consecutus. De quo cum
meum non sit in præsentī negotio ju-
dicare, satius erit vitam fataque heic
paucis indicare. Natus est Lüneburgi
An. 1607. Patre Georgio Pannifice, ma-
tre Anna. Cum puer admodum, parens
alter ad cœlestem evocaretur patriam,
a matre honeste, & ad omnem educa-

tus

tus est pietatem. Præceptore usus M. Lockio, sub ejus doctrina quidem optime, sed annis jam auctis haud æque feliciter statura corporis excrevit. Adulterior factus *Regiomontum* discessit, mox tamen *Lauenburgum* reversus Cantoris officium illic oblatum suscepit; Quo dum fungeretur officio non destitit indies sacratoris doctrinæ incrementa capere. Ediderat paullo ante Beatissimus *Arndius* libellum auro chariorem: *De vero Christianismi statu*; Hunc igitur unice fere dilexerat, nec male, si intra limites vir bonus perstitisset. Ac enim vero cum postmodum suavia quorundam *Schruvenckfeldii*, Nobilis istius Silesiorum Fanatici, scripta perlustrare cœpisset, & illud præcipue quod *Cælestis Medicina* titulum præ se fert, eo prolapsum esse permulti putant, ut veram, quam sectabatur, Pietatem, erroribus variis conspurcaverit, ac voluntate, utcumq; emendata mentem haud mediocriter depravaverit suam. Neque tamen statim, quid sentiret, patescitur, nisi postquam ad Correctoratus,

ratus, ut vocant, munia obeunda
Ulzenam pervenit. Nam per singulas
hebdomadas sermonem sacrum publi-
ce recitare e suggestu, inter alia, sibi
demandatum habebat. Hac igitur oc-
casione arrepta, dum ad veram praxin
Christianam suos perducere nitebatur,
in quibusdam etiam fidei Capitibus a
norma Ecclesiæ discedere, ac ceremo-
nias potissimum nostræ Ecclesiæ re-
ceptas reprehendere, & ut abrogaren-
tur omnes nervos intendere cœpit; ad-
hæc precationis formula, quæ causis
belli Germanici est subtexta, ita perti-
naciter adhæsit, ut sæpe iterumque
commonefactus omnium conatus
frustraret. In Jus ergo vocatus, ut ra-
tiones dictorum factorumque redderet
ac imposterum desisteret, graviter ad-
monitus, omnia recusavit: Ab officio
igitur remotus, primam subiit Catastro-
phen. *Hamburgum* post hæc profe-
ctus, docendo ibidem vitam aliquan-
diu auxit, actandem reversus *Lünebur-*
gum in *Typographia Sterniorum officina*
celebri satis corrigendo errata sibi suisq;
consul-

consultum ivit. Interea dum ex eorum praelis suos etiam emitteret libellos, *Sternii*, ut sibi famæque caverent moniti, *Hobburgi* laboribus & libris nuncium miserunt, postquam aliquot annis servitiis ejus usi fuerant. Proscriptus igitur, Correctorio hoc munere relicto, Spartam adivit aliam, vocatus siquidem in Pagum *Bornensem* ab Illustrissimo Principe Guelferbutano, ut sacris ibidem omni pietatis studio præficeret celebrandis. At cum denuo illic puritas rerum novarum in rebus fidei in eo desideraretur, iterum exauctoratus post multos rerum & fortunæ affractus Nobilis cujusdam sacra in Belgio administravit. Sed variis etiam hoc loco cumulatîs negotiis, non multo post eodem Patrono ob scelera & impietatem excluso a communione Sacrorum, ipse ab hoc officio discessit *Lathunum*. Neque vero hic satis tutus ob librum editum, *der unbekandte Christus* / inscriptum, hinc *Amstelodamum* & *Medioburgum* concessit. *Hamburgum* denique altera vice repetens,

co tandem prolapsus est, ut *Mennoni-
stis Altenavia* V. D. prædicare, certis
conditionibus, non dubitaret: ac tan-
dem d. 24. Octobris An. 1675. ex vivis
sublatus, & Exiliorum finem, ut sperare
nos Amor jubet, quietem consecutus
est. Cetera Theologorum relinqui-
mus disceptationibus, in quorum Scho-
lis notissimus sub *Elia Pratorii* nomine
semper fuit, eritque quamdiu Scripta
ejus manibus Doctorum terentur. Pri-
mum ex his est, quod Ulzeni luci expo-
suit, *Herb: Becker / & Praxis Pietatis*
in Psalmos 25. 27. 51. 71. in quo opere
tamen precatiunculas quasdam nun-
quam a se factas agnovisse, ut ab aliis
interpolatas, filius testatur. Hambur-
gi evulgavit, *Praxin Arndtianam; Me-
dullam Tauleri; Deutsch Evangelisch
ärgerlich Christenthum /* sub nomine
Bernh. Baumann, Pastoris Berovvensis
in Prussia, 1645. 8. It. *Spiegel der
Mißbräuche ben dem Predigt-Amt;*
Ex Sterniorum Typographia prodire
fecit, *Heimischer Prüfung Vortrab;*
Authore Johan. Seuberlich, contra
Guilh.

Guilh. Christoph. Heimii, Ecclesiæ Belgicæ apud Hannovienſes Paſtoris, librum de vinculo gratiæ, pro externo interno- que cultu conjungendis, ſcriptum: **Libellum vom Teutiſchen Krieg; Evan- gelſches Judenthum; Praxin Davidi- cam in Pfalms 86. 73. 63. v. 32. Für- ſtlichen Juden: Spiegel; Lathumi edi- dit Poſtillam Myſtico- Epistoſicam; Herzens - Theologie; Meditationes in Canticum, Nun kommt der Hey- den Heyland / aſſumto Schemate Chri- ſtiani de Montaldo; It. HErr Chriſt der einig Gottes Sohn; Von der Wiedergeburt; Von dem unbekandten Chriſto.** Hamburgi ultimum emiſit opusculum, cui titulus, **Vatterlandes- Präſervativ.** Plura de Chr. Hohburgio deſideranti ſatisfaciet exactiſſime Phil. Hohburgius filius, qui Hamburgi 1676. pleniorẽ Patris ſui Hiſtoriam reliquit, excuſam etiam 8. quarta vice, 1698. Ex qua relatione celebris Arnoldus, nu- per demum deſunctus, ſua hauſit, ac in P. III. **Der Hiſtorie der Wiedergebore- nen / p. 6.** pro ſolito partium ſtudio,

recensuit, ex quibus fontibus, & ex editione in 8. excusa, nunc memorata, hoc quaecunque Compendium me confecisse lubens meritoque fateor.

R. Jacob Ben-Chajim.

JUdaeus est, quem nominamus, atque adeo ex ea gente ortus, quæ vix alios, nisi eruditos in Literatura Hebraica, librorum Correctores admittit. Unde fit, ut in plurimis excusorum Voluminum Titulis juxta cum Typographo etiam Correctoris nomen sæpe cum ampullis expressum legatur. Tantum scilicet abest, ut eos laboris impensi pudeat, ut gloriam quoque ex eo sibi venari non vereantur, & quod magis eo facilius per hæc merita, qualia correctiones librorum esse credunt, salutem æternam se consecuturos credunt. Unde in Mincha p. 30. dicunt. Quicumque l. unicum literam in volumine, cui lex inscripta est, correxit, ille apud Deum idem cum eo fecisse putatur, qui totam legem descripsit: Latissimus ergo in hosce alienigenas excurrendi

rendi campus aperiretur. Sed de nostro Jacobo solum quædam differere constitutum est. Erat ille Filius *Chajim* Filii *Isaac*, Filii *Adonie*, ex Africa oriundus, Tunetanus patria, qui claruit An. 1524. seqq. Causam, cur e patriis expulsus fuerit laribus, distinctam equidem ignoramus; a Barbaris tamen adductum fuisse, ut fugeret, & in Europam transfretaret, credimus, utcumque sit, posteaquam, ipsius Jacobi testimonio constat, exul Italiam longelateque pervagatus erat, atque interea Romæ & Florentiis aliquandiu vixerat, Venetias tandem delatus, per plateas huc illucque oberravit, victum amictumque, si qua posset, negociando, ut solent Judæi, comparaturus. Forte autem fortuna obviam factus *Danieli Bombergio* Antwerpensi celebri Typographo, &, qui, cum a *Felice Pratense* (a) Bibliorum hæctenus excusorum Cor-

S 3

rectore,

(a) Felix hic Pratensis gente pariter Judæus erat, qui tamen velo a facie sua projecto, felicem in Castra Christianorum sacra fecerat transitum. Unde eolubentius a Daniele Bombergio in domum receptus, & Labo-

rectore, & direttore Hebraica ipse didicerat, ad studia Hebraica promovenda natus, multisque nominibus hodieque celebrandus, initia melioris scitis non opinatus reperit. Ille enim blande admodum Jacobum allocutus, quid rerum ageret, inquisivit, & cum literas sacras ipse admodum diligeret, & ille easdem se tractasse profiteretur, in officinam suam eum non renuentem abduxit, qui facili negotio, cognita Typographi Eruditione, æque ac Liberalitate, sibi persuaderi passus est, ut

Biblia

Laboribus Hebraica præpositus est, quorum suscipiendorum promovendorumque solus fere extiterat autor suatorque. Adhibebat vero fidem, quæ tantum virum decebat, in variis libris excudendis restituendo corrigendoque eosdem. Idque facili opera ex Bibliis Rabbinicis Anno 1517. mense Novembri fol. Venetiis excensis cognosci poterit: Eam enim editionem ad Codicum Manuscriptorum variorum fidem excusam, & variantibus lectionibus in margine notatis, ornata solus fere procuravit. Quoniam vero non emendata ex mente Masoretharum, verum vanissima isthæc Judæorum traditio penitus fuerat seposita, unde parum gratiæ apud varios Judæos, & præcipue ap. R. Eliam Levitam promeruit. Sed eo majori in pretio habetur a non paucis nostratium, in primis a B. Luthero aliisque, quibus ob varia loca restituta admodum semper placuit. Conf. D. Joh. Georg. Abichtii Prof. Lips. celeberrimi disp. de restituendis duobus versibus Jos. XXI. A. 1714. habita.

Biblia denuo splendidius imprimenda, fusciperet. Quo facto typis collectis, & reliquis ad consilium perficiendum necessariis, inprimis vero Schedulis & Manuscriptis, quæ Masoretharum annotationes Criticas continerent, conquisitis, operam suam *Bombergio* lætabundus Judæus noster promisit atque locavit. Atque sic inito foedere elegantissimum illud opus Bibliorum, quod etiam *Jacobus* noster *B. Chajim*, a mendis incredibili studio expurgavit typographicis, prodiit, sol. cum Commentariis Rabbiorum, Paraphrasi, & triplici Masora, improbo labore, uti congesta, ita quoque disposita, IV. Voluminibus Anno 1526. quæ prima vocari solet, (a Judæis nempe procurata) editio, ad quam posteriores omnes sunt adornatæ. In quibus tamen alii postea Correctores, atque Gubernatores Judæi, nominatim *Cornelius Adelkind* Levita, in illa, quæ lucem vidit, Anno 1549. elaborarunt. Nam eo usque *R. Jacob Ben-Chajim* fuisse superstitem non est credibile. Laudante quidem Philologi

R. Jacobi diligentiam, sed nimium Masorethici laboris, & superstitiosum studium non pauci etiam, secus ac vulgo fit, reprehendunt. Quo factum, ut contra ipsius contextus tenorem, & clarissimam numerorum lucem, Jos. XXI. capite, versiculi 36. & 37. cæca veneratione omissi, & ab omnibus, qui eadem confidentia Bombergianum codicem secuti sunt, etiam Christianis, ipsoque *Leusdenio*, injuria ejecti sint. Ex quo uno specimine, cum nostrum non sit copiose differere, quid de improbo labore habendum videatur, perspici potest, & pluribus ante aliquot annos in *dissertatione Academica Altdorfina*, cui *Maris Masorethici infidi* Titulus est, ostensum fuit. Quæ de adibus Bombergianis, & locis, ubi convenerit Senatus Rabbinicus, ex variis orbis locis convocatus, præsidente Jacobo Chajim *Is. Vossius* adversus *Simonium* narravit, ex Judæorum relationibus, derivata sunt, sed a *Rich. Simonio* risu potius, quam refutatione, exceptis, leguntur in iterata illius ad objectiones *Simonii* Responsione,

sione, An. 1676. ed. 4. Lat. Crit. Veteris Testam. Simon. ubi & testimonium o Scaligerianis, de Correctoribus Judæis in plurali excerptum exhibetur. Nobis primas fuisse in eo celeberrimo opere procurando, & emaculando, Jacobi partes, satis est ostendisse, cui & præter Masorethicas Minutias, variae Lectiones aliæ debentur, studiosius notatæ, & Præfatio doctissima, atque ingeniosissima, cum Introductione ad Accentuationem, Masoræ maximæ adjecta, & quæ sunt alia minutiora, quæ & *Buxtorfius in Basileensibus Bibliis Rabbinnicis* repetiit, & quæ, nisi fallor, ita vero ex calce libri vasti colligo, ipse etiam *Buxtorfius* sua manu correxit. Quod reliquum est, non dubitamus, eundem R. Jacobum Bombergio quoque in editione rarissima Talmudis Babylonici operam aliquamdiu saltem addixisse; quoniam eo officinam adjuvante, non pauca, operis istius splendidi, partes in lucem prodierunt. Idemque de Talmude Hierosolymitano, ex Bombergii officina uno volumine ed. auderemus affirmare, si

S 5° modo

modo annus impressionis titulo præscriptus compareret. Sed quia non penitus comperta ea nobis sunt, brevibus hæc annotasse sufficiet. Antequam hinc discedam, non videtur inutile, si paucis adhuc commemoremus, in editione Basileensi Talmudis in æde *Frobenii*, An. 1579. Judæum quoque Correctorem egisse non indoctum, cui *Joh. Buxtorfius* Prof. L. Sacræ Basileensis clarissimus hodiernus, in *Catalectis*, nomen *Israëlis Sifroni de Gazolo* tribuit, atque permultas a Buxtorfio Patre editas Epistolas, in Institutionibus Epistolicis, ex Volumine Epistolarum, quas varii ad eum scripserunt Judæi ex Italia & Germania Rabbini, cum vacaret correctioni, testatur defunctus. Vid. ejus *Catalecta* n. 224. p. 275. Possem huic adjicere R. *Judam de Mutina*, sive ut vulgo vocant, *Leonem Mutenensem*, Synagogæ Veneræ Rectorem, qui præfuit Bibliis Rabb. juxta priores edd. *Bombergii* excusis, cum Tar- & Masora magna & parva, & Commentariis Rabinorum, 4. & Fol. Venetiis, An. 1617. & qui

& qui vita hac excessit, Anno 1654. re-
 lictis Manuscriptis Bibliis Hebraicis An-
 no Mundi 5065. cum variis Lectioni-
 bus Ben-Ascher & Ben-Napthali, qui
 codex in Johannis Seldeni manus per-
 venerat, unde ex liberali viri donatione
 Bibliothecæ Bodlejanæ concessus fuit.
 Sed hæc cum obiter saltim indigitavi,
 ideo nulla mentione facta de Clarissimo
Manasse Ben-Israel Judæo Amsteloda-
 menti, de quo, quanta diligentia suas
 Bibliorum editiones procuraverit, con-
 stat sicco pede ad alios pergere potero.
 Illud tantum addere lubet, *Bartholoccium*
 valde jejunum esse de nostro Jaco-
 bo, ut verear Lectorem eo ablegare,
 & potius ipsummet in conscripta præ-
 fatione Bibliis Bombergianis atque
 Buxtorfianis præfixa conferre suadeo:
 alios vero, quos nisi obiter ejus studii
 mentionem facientes, allegem, non
 habeo, & ipsum quoque *Buxtorfium* in
Tiberiade vix præter nomen quicquam
 memorasse doleo. Sequitur

Fran-

Franciscus Juntinus.

VIr honesto genere, & quidem
Florentiis natus, neque adeo ob-
scuri nominis, ut a Cl. *Struvio* creditur
fuisse, sed sua potius ætate admodum
celebris fuit. Quod, ut commonstrem,
meum erit, famam nominis ejus, ne
tam ignotus videatur, refricare, eaque
laude, qua dignus erit, mactare. Nec id
solum facturus sum ex eo, quod Typo-
graphiarum curam habuit, verum etiam
ex Eruditionis speciminibus aliis ipsius,
quæ omnibus, eo, quo vivebat seculo,
luculentum de celebritate ejus suppeditabunt Testimonium. Fuit nempe
Juntinus Monachus Carmelita, ejus-
que ordinis Provincialis, Mathematicus
insignis & Astronomus non proleta-
rius, quanquam, quod carpendum,
nimis superstitiosus, speculationibus-
que variis & ludicris admodum, vel ad
cachinnum usque deditus. Ubi natus
sit & quo anno ignoramus, ut pluri-
mum vero vixisse Lugduni & Floren-
tiis satis constat, quo posteriori etiam
loço

loco *Juntis*, quibus consanguinitatis vinculo junctus erat, operam suam addixit in emendationibus codicum, & restitutionibus bonorum scriptorum effecitque sua industria, ut prelum Juntarum Eruditis omnibus gratum acceptumque redderetur. Et fama est non incerta celeberrimum etiam post fata *Grävium*, Juntarum Libros præ reliquis magni æstimasse, & laudasse, cum ob chartæ albedinem, tum etiam vitiorum Typographicorum raritatem atque alia ornamenta quamplurima. Quas dotes, utut multis exemplaribus nemo temere negaverit, fatendum tamen est, codices apud Juntas impressos jam me voluisse manibus, qui mendosi nimium quantum fuerunt. Ipse quoque prodiit *Catalogus librorum, qui in Juntarum Bibliotheca Philippi heredum Florentia venales erant* An. 1604. 12. excusus, grandibus, & quam plurimis scatet erroribus, id quod sine dubio ex incuria aliorum, Correctoris præcipue, ortum est. Melius autem se habent Codices, qui nostri Francisci doctas

doctas sensere manus, unde etiam non mirum est, quod lautum satis pretium pro labore suo obtinuerit, ut nihil ei deesse videretur. Ad quem cum redimus, eundem, dum libris emaculandis incumberet, qua erat vel ingenii vel rei faciendæ solertia, alium lucrandi modum circumspexisse ferunt, & commutationi pecuniarum, Cambio ut vocant, ita incubuisse, eoque successu, ut Thesaurum Sexaginta millium Joachimicorum tandem nactus exinde fuerit. Quas tamen opes, ut male partus, sic male dilapsus esse addunt, ita, ut sub finem vitæ ne vestigia tantarum divitiarum reperiri potuerint, & miraculo simile omnibus fuerit, quorsum tanta pecuniæ vis demersa sit, nisi forte credendum vel vi clandestina abreptos nummos, vel ab ipso Juntino terræ gremio creditos fuisse. *Gesnerus* certe testatur in Epitome Bibliothecæ, *Juntis*, inquit, *honestissimis Typographis* (*in quorum adibus sæpe librorum correctionibus operam posuerat,*) *mille aureos nummos cum moriens*

riens legasset, illi mihi fassi sunt, eos uti reliquos evanuisse, nimirum omnia per-dita fuisse, qua perditus ille anxius hinc inde corraserat. De cetero, ut narrant, animo admodum fluctuanti ac mobili videtur fuisse. Vix enim in Gallias, ubi abierat, religionem illic mutare haud dubitavit; sed non minori festinatione ad Sacra iterum reversus est sua, quæ olim coluerat, Lugduni in ædibus S. Sanctæ crucis coram publico conventa in gremium Pontificiæ Ecclesiæ receptus ab hæresi, ut vocant, juramento præstito se liberavit. Quo facto totum se tradidit Astrologiæ judicariæ, genethliacis præsertim artibus mirifice indulgens, atque ita anxie desudans in futili isthoc studio, ut multa specimina laborum horum reliquerit, quorum intuitu immortalem sibi comparavit apud eos famam, qui in pari nugas istas habent pretio, ut omnium hominum fata, sive fausta, sive adversa exposita stellarum certo derivare conentur. Prodierunt in lucem ejus Speculum Astrologiæ de nativitarum ac
annua-

annuarum revolutionum relationibus. 8. 1570. De divinatione, quæ fit per astra, Florentiis 1571. & Colon. 1580. 8. Commentarius Latinus in Joh. de Sacrobosco libellum de Sphæra An. 1577. Commentarius in duos posteriores quadripartiti Ptolomæi Libros 1577. Discursus de Cometa apparente in Novembri An. 1577. Paris. eodem anno, & Lugd. 1578. 8. Discursus de Reformatione Calendarii facta per Papam Gregorium, Gallice, Lugd. 1582. 8. Discorso sopra il tempo innamoramento de Petrarca, con la spositione del Sonetto, Gio fiammeggiava l'amorosa stella, &c. Videatur Venerabilis D.D. Budæus L. II. P. IV. Lexici. Bælius in Lexico Histor. Critico. adde G. J. Vossium de Scientiis Mathematicis. Gesneri Epitomen supra citatam, &c. Properanti nunc ad alios occurrit

Gothofredus Jungermannus.

Magni Patris non minor filius, & licet munerum haud pari splendore, at meritorum magnitudine æque clarus

clarus : Genuit enim hunc Gothofredum *Casparus Jungermannus*, enixa autem cum est *Ursula*, Celebratissimi Literatoris *Joachimi Camerarii* filia optima. Ab his Parentibus una cum fratribus suis Germanis *Ludovico* & *Joachimo*, pietatis æque ac studiorum principiis innutritus est, ea præsertim methodo, qua non minus ac fratres literas præcipue elegantiores solide excoleret. Quanquam in his Græcam Linguam præ ceteris sibi delegerit, in qua etiam pernoscentia tam sedulam collocavit operam, ut Atticissare exactissime crederetur. At mirum in eo fuit, quod cum maxime ad officia publica ineunda idoneus esset, negotia publica semper renuerit, & sibi ipsi atque Musis suis canere præoptarit. Lautum igitur & opulentum vitæ genus, ut aversebatur, ita honorum quoque non erat appetens. Ut tamen vitam honeste sustentaret, alia sibi procuraverat subsidia. Atque ita accidit, ut, cum sibi non solum inservire vellet, sed aliis etiam commodo esse studeret, eo fine

T

apud

apud *Wechelios* Typographorum, celebratissimos tantos subiret labores, quantos quisquam alius in publico munere unquam devoravit. Siquidem Manuscripta, temporum injuria depravata, innumerabilia restituit, impressa volumina ingenti copia correxit & emendavit, sub prelis sudantes plagulas infinitas a quibuslibet purgavit, & omnibus ornamentis instruxit, ut vix fidem inventuri apud posteros, ea narrantes Historici: Ipsi adeo *Wecheliana* officina ingens decus conciliavit; Sicut enim praestantiores Correctores, quod nostro instituto demonstramus, vix alibi diligentiam suam probarunt, quam in Typographiis illustribus, ita quoque Typographiarum nomina vicissim plurimum laudis acceptum tulere correctoribus praclaribus; Neque enim quis, & potissimum tunc temporis Correctionibus praesse poterat; ut nunc plerumque fieri solet, sed requirebatur *Sylburgii* doctrina, *Jungermannii* Eruditio & *Erasmi* diligentia. Neque vero id noster agebat invitus, aut famam nomi-

nominis sui se lædere credebat , sed longe secius , ut *Wecheliorum* amore eximio fruebatur , ita aliorum quoque virorum doctrina præcellentium consuetudines indies augebat , ambientibus quippe Eruditis , uti Typographorum sic quoque Correctorum , ut sua , quæ prelo subjicerent , quam accuratissime exirent , Favorem & Amicitiam. Quo factum , ut & *Jungermannus* noster non multorum solum impetraret affectionem , sed etiam erudita cum iisdem literarum commercia per omnem vitam haberet. Cujus etsi bene multa specimina ex Epistolarum fasciculis , qui typis quoque procusi extant , proferre possemus , non tamen nisi unam particulam ex Responsione ad *Scipionem Gentilem* Illustræ Academiæ Altdorfinæ Ictum , quippe functionis Jungermannianæ & diligentia ad oculorum usque morbos , testem præducere placet. Ita vero in Gudianis Epp. noster scribit : *Ceterum ut tandem ad illud veniam , quod scribis , Te , cum Rittershuso meo sollicitos ob functionis meæ incommoditatem , velle , ut*

T 2

vobi-

vobiscum essem loco honesto, si non sim a professione alienus: Vosque ideo cogitatu-
ros & conatu-
ros, quas Tibi grates agam
mi amplissime? Non opis id nostra est.
Quamvis enim satis honesto stipendio sim
apud Marnium, tamen laborum nimia est
mole, qua nullam refecti-
onem admittit,
omnemque valetudinem negligere cogit,
quod alias facere soleo. Accedit hoc, quod
ita penitus abstrahar a jucundissimis stu-
diis utriusque linguae, & bonis auctoribus
versandis, cum tamen ego id unice in votis
habeam, si talem quietem & otium nanci-
sci possem, quod illis tranquille tribuerem.
Otium enim absque literis, mihi mors re-
vera. Ut ut tamen sit, non facile avelli
me patior a loco, ubi semel assuevi: nisi
oculos patros etiam accederet, & Lingels-
heimius meus (cui haecenus id occultavi
rescivit per alium) mihi inclamaret sedu-
lo, quid agerem, an me velim perdere? Va-
riis quidem modis Marnium hic commora-
tus expertus fui, an labores mei minui
possent, quum me invito ideo amici magni
Marnium objurgarent, quasi me oneraret
nimis. Suscepi itaque primum duo prala,
dein

dein per aliquod tempus tria , mox tria cum dimidio , dein tantum unum in illo difficili Concordantiarum Græcarum & Hebraic. Veteris Testamenti , cum pauculis aliis , & constitui per hanc hiemen ; si hieme pergent , unico pralo saltem inservire , sed varia simul aliorum ἐλλειμματῶ mihi supplenda sunt , nisi Marnius velit damnum facere , & itur ad me de singulis quisquiliis ubi hærent. Hac vero omnia ut me de recreatione cogitare non facerent , id aliud tamen facit. Biennium jam est , quod prala bina e nostro Typographio ad majorem Aubrium translata fuerint , cum & ipse hanc artem tractare velit. Incidunt tamen inter illum imperitum profecto , & minus aptum ad gubernandas operas & nostrum Senem , quem Marnius præfecit , quique fidelissime & diligentissime omnia administrat , varia lites , dum quicquid ille corrumpit & peccat in nostrum transfert : Et alias etiam Aubriani rationes reddi sibi Marnio volunt , & hereditatem prorsus dividi , adeo , ut aliquoties officina claudi debuerit , cum alias inter has occupationes ad calculos sedere

quiete nequeant. Unde necessario mihi de alia conditione cogitandum. Nec tamen ullam præoptarem, quam de qua scribis. Fuit enim mihi in votis, & id non occulta-ri prorsus apud alios, jucundissimam vitam mihi fore, si Deus me aliquando Altdorfium transferre velit, ubi Philologia (quæ Dea in patria mea heu! evuluit & spernitur) suam sedem fixit. Sane probare cogitarem, & vobis tenuia officiola mea, ut viaceretis, me id unice spectare, ne ingratus aliquando mori viderer. Unum est, quod considerandum vobis relinquo, nec audax sum, nec facundus. Quamvis & Rittershusio Duce quidvis audendum videatur. Sed nec doctrinæ erudita ulla apud me copia, quamvis vobis magnis Doctoribus de ea consequenda aliqua minime prorsus desperare possim. Ceterum molestus fui Tibi plus satis. Jam adgredior Rittershusium meum. Vale atque salve mi Amplissime Domine, & amice, atque Patrone unice. Hannov. 10. Sept. 1606.

Hactenus de sua in Typographico Marniano assiduitate in corrigendo audivimus differentem. Jam vero quamdiu

diu in eo defudarit contendendum. De quo quidem ex sequenti Epistola Anno 1607. scripta constat, ubi postquam salutare iusserat *Hubnerum* & *Rittershusium*, addit, ex Typographio Wecheliano. Unde non obscure ad finem usque vitæ Saxum hoc eum voluisse conijcimus. Etenim d. 16. Augusti A. C. clo lxx. fatis concessisse certis testimoniis scimus. Monumenta, quæ reliquit, suo Marte elaborata sunt: *Cajus Julius Cæsar*, quem collatis Manuscriptis puritati suæ maxime restituit, notisque suis illustravit, inque lucem publicam prodire jussit. 4to 1606. *Francosurti* cum *Commentariis* integris *Henr. Glareani*, *Joh. Glandorpii*, *Joach. Camerarii*, *Aldi Manutii*, *Joh. Sambuci* & aliorum: in qua tamen editione distinctiones in versus defunt. Recusum est hoc opus An. 1669. sed admodum infeliciter; deficiunt enim præfationes laudatorum virorum, adjectæ sint quanquam distinctiones versiculorum: Eidem debemus notissimum tractatum *Hieronimi Magii*, de *Equuleo* in carcere conscriptum,

quod prodiit postea Amstel. An. 1665, & 1689. de cujus libelli singularibus factis agit clarissimus Wolfius in diss. de Carcere Eruditorum Musæo p. 36. Extant etiam Epistolæ peculiari Volumine impressæ. Porro edidit etiam Herodotum, cum interpretatione Vallæ latina recognita ab Henr. Stephano, & spicilegio addito Frid. Sylburgii fol. Francofurti 1608. quam editionem se emendasse in præfatione datæ Typographeo Wecheliano ipse scribit: *Nil fuit, inquit, amice Lector, de quo nos minus cogitaverimus, anno præterito, quam Herodoti editionem ista hyeme susceptum iri, nec ejus rei vel leviter mihi in mentem venire potuit. Sed varia se habent etiam optimorum Typographorum rationes, ut, me hercle, quantum ego habetenus, dum illi arti operam ἐπαγορεύων in parte dedi, cognoscere potui, verum hic illud fit, quod proverbio trito expertus pronuncio, scil. & nos plerumque in ipsa demum arena consilium capere oportere non secus ac gladiatores, &c.*

De Animadversionibus in Julii Pollu-
cis

cis onomasticon dignum est notatu, diu latuisse istas lucubrationes, donec eas feliciter celebr. Obrechtus Argentorati ap. Sutorem oppignoratas inveniret, easque levissimo pretio IV. Imperialium redimeret. A quo clarissimo Lederlino transmissæ sunt, qui eas, *Julii Pollucis* editioni novissimæ adjecit, a Lederlino inceptæ a *Kuhnio* vero perfectæ & *Tyberio Hembsterhasio* absolutæ & in lucem editæ, Amstel. 1706. fol. II. Voll. Inspiciantur, Ven. D.D. Buddeus in Lex. Tom. IV. Crenius in Animadversionibus Philoll. P. V. p. 13. 20. Bælius in Lexic. Hist. Critico T. II. p. 1684.

Cornelius Kilianus.

Vir doctrina nobilis & meritorum gloria nemini secundus. Inprimis vero ad exprimendum dulcissimo versu, quicquid collubitum esset, natus. Ortus est iste Carminum pangendorum Magister *Duffla*, quod oppidum est in Brabantia modicum, ubi & rudimenta in studiis prima posuit, & Lovanii eadem amplius excoluit. Ex qua Aca-

T 5 demia

demia vix assumpta virili toga evocatus, Antwerpiam concessit, sedeque constanter illic fixa per omnem vitam in medela Libris Typothetarum incuria fauciatis paranda, elaboravit. Tantoque amplio rem diligentia æque ac Eruditionis exercenda campum consecutus est, quo frequentior in Christophori Plantini, cui inserviebat unice, officina, occasio erat, non triviales, sed selectas virorum doctissimorum lucubrationes prælo subjiciendi, easdemque inter sudores imprimendum perpoliendi. Quo nomine dignus nobis visus est, cui non solum locum inter Eruditos Correctores daremus; sed primas etiam, vel ob longissimum quinquaginta annorum hujus industriae astimatae tempus, assignandas partes putaremus. Cetera ex subiecto Swertii Amici & familiaris Epitaphio, quod ei consecravit, cognosces.

D. O. M. Cornelio Kiliano, Duffæo, constantis laboris, & perennis industriae laude ornato viro. Quinquaginta annos Plantini Typographiae curam gessit.
Quam

Quam fideliter, perite, docte, ipsos ro-
gate libros, elegantia, nitore, fama
æternæ artis primos. Nec semper alie-
nos tractavit, cum & suos reliquerit.
Latina oratione disertus; versificatu fe-
lix, patriam quoque Eloquentiam ex-
coluit, cultumque ejus & proprietatem
revocavit. Obiit ætate operibus-
que gravis, A. M. D. C. VII. ipso Pascha-
tis die. Venæ Poëticæ simul & in corri-
gendo studii testimonium esse arbitra-
mur carmen sequens ab ipso Kiliano
non sine bile effusum:

*Officii est nostri mendosa errata librorum,
Corrigere, atque suis prava notare locis.
Ast quem scribendi Cacoëthes vexat, ineptus
Ardelio, vitiis barbarieque rudis.*

*Plurima conglomerat, distinguit pauca
lituris*

*deformat chartas, scriptaque comma-
culat.*

*Non annum premit in nonum, non expolit
arte,*

*Sed vulgat properis somnia vana typis.
Qua postquam Docti, Musis & Apolline
nullo,*

Com-

*Composita exclamant; ringitur Ardelio.
Et quacunque potest, sese ratione tuetur,
Dum Correctorem carpit, argitque
reum.*

*Heus! cessa, immeritam culpam transferre
deinceps*

*In Correctorem, Barde, Typographicum,
Illud quod est rectum non depravabit: At
audin,*

posthac lambe tuos Ardelia Catulos.

*Errata ulterius, quisquis correxerit, illum,
plus satis invidia, gratia nulla manet.*

Sed pauca quoque de scriptis Kiliani at-
texere juvat; Est interea celeberrimum
Etymologicum Teutonicæ linguæ, quod
& Lipsius accuratus librorum censor
laude non modica mactandum esse cen-
suit; Idemque Dictionarium Teutonico-
Latinum, impressum apud Plantinum,
An. 1599. 8. typis Moreti; recusum est,
sub titulo *Kiliani aucti*, sed admodum
depravate, ut priores editiones huic
longe anteferantur. Extant etiam Poë-
mata ejus varia, quæ rarissime conspi-
ciuntur, ea facetiis Swertio laudantur.
Submisit etiam singula disticha singulis
ima-

imagunculis passionem Servatoris nostri exhibentibus, excusis & æri incisis Antwerpiæ a *Joh. Sadelero*, viro cum aliis hujus nominis in hac arte incomparabili. Ejusdem sunt Translationes *Comminæi* & *Guicciardini* Historiarum in linguam *Belgicam*. Memorabile etiam est præ cæteris & ad nostrum institutum apprimè facit *Epigramma Apologeticum* pro Correctoribus, quo Criminationes Scriptorum, quibus in Correctores invehebantur retundens, ipsos eorumque scripta, infelici *Minerva* sæpe elaborata accusat, quod vide, si placet in *Beyerlinckii Theatro vitæ Humanæ* Tom. IV. L. T. p. 238. Ex quo ἀποσπασμάτιον illud, quod paulo ante recitavimus, nos accepisse profiteamur. Dignum quoque idem visum est *Chevallerio*, quem libello suo *Gallice* scripto, sed rarissime in *Germania*, nec nisi in *Bibliotheca Spanhemiana* a me *Berolini* conspecto, de originibus artis *Typographicæ*, inseruit, quem etiam de *Kiliano* vide p. 203. adde *Fr. Swertii Athen. Belg.* p. 189. *Bælium* in
Diction.

Diſtion. Tom. II. LL. Buddeum, & ſi
qui alii, quod tamen plerumque obiter
factum, ejus meminerunt.

Johannes Kiſlingius.

Weiſſenſtadtenſem hanc fuiſſe ex ne-
potibus accepimus : Quod oppi-
dum eſt Burggraviatus March. Branden-
burg. Franconiæ Superioris. Natus An-
no 1613. d. 5. Febr. patrem habuit in
mercimonia rerum domi occupatum,
cui *Eraſmi* nomen fuerat inter ſuos ce-
lebre. Ab his pie educatus ob ingenii
dotes præclaras, animum liberalibus
excoluit artibus, ductore *Laurentio*
Munzero, Patri Ludimoderatore. A quo
cum testimonium vitæ honeſtæ & dili-
gentiæ laudabilis accepisset, in nume-
rum Alumnorum Sereniſſimi Marchio-
nis Brandenb. Wonsidelii receptus, illic
eodem fervore ſtudiis incubuit ſuis,
edoctus a *Joh. Kellio* & *Simone Schæpfio*
Præceptoribus. Hinc An. 1634. Nurn-
burgum migravit, ibidemque in ſtu-
dio literarum ad annum uſque trigeti-
mum nonum poſt milleſimum & ſex-
cente-

centesimum ultiores progressus fecit. Atque exinde Jenam sibi vicinam petiit, ubi tamen non nisi duos annos vivere lieuit, calamitatibus oppresso. Parentibus enim per bellorum infortunia miseris cum Paupertate conflictantibus, sumtus etiam mediocres, quos ut hactenus consueverant, suppeditare filio non poterant amplius. Quapropter An. 1641. domum reversus, quid in Exercitio concionatorio valeret, suis & patriæ ostendere elaboravit, atque nonnulla eum in finem edidit specimina. Verum spei suæ certum fixumque terminum cum Weisenstadii non reperiret, Noricam adire urbem, ut, si qua fieri posset, ibi salutis suæ consuleret, auxiliante divino Numine constituit. Sed ut sunt fata hominum, qui præmia studiorum expectant plerorumque, ut aut consensescere inter spem atque metum plerosque oporteat, quibus fortuna iniquior est, aut præcipuum scopum tandem desperabundi deserunt, aut privatis informationibus puerorum ætatem vegetam conterunt, & plus in
lite-

literis, istas quisquillas tractantes deficiunt, quam proficiunt. Ita pater calamitates & noster sentit Kislingius, qui tamen eas, conjugio, quod cum vidua cujusdam *Leonh. Schuwerdtfegeri* inierat, utcumque lenire interea conatus est. Donec lautiores conditiones vivendi, minusque onerosam ac proficuum etiam obtinuit, cum Anno 1651. optimi *Endteri* operas suas excudendas fidei ejus crediderunt, ut corrigendo puriores eas a mendis redderet. Atque isthoc sibi datum negotium per annos viginti & tres maxima cum laude industriæ, primum in officina ipsa, postmodum vero in ædibus suis per egit, eaque fide, quæ requiri ab homine his curis præfecto poterat, & tamdiu continuavit, quamdiu vires a Deo concessæ præsto essent. Pietatis adhuc atque humanitatis decore omnibus sigillatim vero Ecclesiæ Ministris atque imprimis Dn. *J. M. Dillherro* charissimus fuit, de qua re testatur Præfatio ad Lectorem Kislingianæ Arti vivendi & moriendi præmissa. Tandem
Anno

Anno 1674. d. 14. Octobris ex hac vita in patriam migravit coelestem, postquam continuos annos viginti & tres prælo inservierat. Scripta, quæ ab Anno 1655.--1673. luci exposuit Ascetica sunt. Sunt ista: *Himmelsche Tisch-Re-den* / 1658. 12. *Christliche Lebens- und Sterbens Kunst* / 12. 1662. *Christl. Haus-Vatters tägliches Bet-Stund-Büchlein* / 1663. 12. *Christl. Herzen geheime Bet, Kämmer* / 1665. 8. *Geistliche Weihnachts, Freude*. 1665. 12. *Buß, Beicht, und Communion, Büchlein* / 1666. 8. *Nürnbergisches Hand, Büchlein* / 1666. 16. *Christl. Herzen geheimes Bet, Kämmerlein* / 12. *Herz, erquickendes Trost- und Freuden, Brunnlein. Geistl. Wetter, Büchlein: Geistl. Weg-Weiserlein* / 1678. 16. & alia. Imagini ejus æri insculptæ *M. Justus Jacobus Leibnizius* rhythmos Germanicos submisit, quos tamē hic repetere non placet, quin potius ad alios progredior; Obscurior autem succedit, nempe

V

Ada-

Adamus Knouf.

Hic ordine sic poscente memoran-
dus erit, obscurioris vero fateor
est fama, & a Doctis nonnisi ob Typo-
graphicas curas laudatus, & præstan-
tissimæ Typographiæ celebritate ipse
clarus. Medicum fuisse studiis & pro-
fessione, patria vero Coloniensem Bæ-
lius in Lexico suo retulit, idemque
etiam, quod Gryphiorum officinæ ser-
vitia corrigendo præstiteris, loco mox
citando commemoravit. Atque ex
eodem fonte diligentissimus Dn. *Reim-
mannus* sua quoque hausisse mihi fit ve-
ro simile, quando nomen ejus inter
Eruditos reposuit Correctores. Ego ve-
ro licet plura & singularia quædam in-
dagaturus nulli operæ pepercerim, ni-
hil, quod memoratu dignum esset am-
plius invenire potui. Cum itaque spes
mefefellerit, silebo cum Bælio & Reim-
manno, Lectorem autem benevolum,
si quid innorescat pro lubitu, ut lacu-
nam hanc suppleat, honorifice rogabo.
Consultatur interim Bælius Tom. II.
Dictio

Dictionarii p. 1401. Reimmannus P. III. p. 342. Introd. in Hist. Lit. Num vero Joh. Theodorus Teubscherus in Schediasmate de claris Gryphiis An. 1702. evulg. in quibus de Seb. Gryphio Celeberrimo Typogr. Lugd. Galliz differit, quædam notarit, nec ne, non habeo dicere, utpote quod inspicere non licuit. Lectorem tamen, ut consulat, si præsto sit, monere, non abs re visum fuit. Sequitur nunc clarior

Ludolphus Küsterus.

Utrum gratiam initurus sim a Doctissimo Celeberrimoque viro, an vitium atque invidiam promeriturus, quando nomen ejus in Correctorum numero recensco, nescio. Aversari enim eum, imo abhorrere ab omnibus, quæ non sunt splendida, percepisse me a quibusdam memini, quum animi indolem haud sane laudabilem (relato refero) Berolino Amstelodamum, & nunc porro, ut fama est, in Gallias ad Pontificiorum abduxisse partes, & sacra, ferunt. Sed quicquid horum sit, dicen-

V. 2

dum

sive nummis etiam necessariis destitutus, sive juvandarum literarum amore, aut si mavis ex singulari quasi instinctu ad labores istos perferendos maxime idoneus, Bibliopolis, ac Typographis Amstelodamensibus in ornandis & corrigendis libris operam fortem ac strenuam locavit, nihil tamen etiam simul prætermittens suæ industriæ, qua in studiis politioribus altius semper ascendere posset. Præterlapso autem quodam temporum intervallo, cum domestica sede nihil sit jucundius, in natale solum, quod olim genuerat, alueratque, rediit. Berolinum itaque invicens, tantam gratiam Electoris, atque Regis deinceps potentissimi, mox consecutus, ut sumtibus Regiis Germaniam, Belgium, Angliam & Galliam lustrare concessum fuerit. Fausto igitur omine terras modo dictas peragravit, atque Cantabrigiæ præcipue aliquandiu hærens, ingentem sibi bonarum observationum apparatus comparavit. Refertus tandem omni Eruditionis genere domum est revocatus. Quo facto,

cum rediisset in Marchiam, in Mandatis accepit, ut Academiae Equestris Berolinenses cives humaniores literas doceret. Id vero munus cum spei suae majori animo dudum conceptae, aliquid derogare, & doctrinae suae scientiarumque amplitudini haud satisfacere existimaret, ad altiora se natum ratus, ut Bibliothecae curae sibi demandaretur, supplicibus contendere precibus a Rege suo Clementissimo non destitit. At enim vero cum doctissimus Gallus *Maturinus Veyssiere la Croze*, a Bibliotheca Regia jam esset, petitis hisce satisfieri aliter haud potuit commode, nisi haec tenus, ut surrogaretur Crozio. Factum id quidem est, verum neque his etiam contentus *Küsterus*, omnem sibi uni in libros potestatem primario vindicaturus; at vix id sperari posse cernens, iterum officio abdicato, ad externos abiit. Valcedixit igitur Berolini, vitae aulicae quasi pertaesus, & Musis suis victurus potius, quam in splendida, ut opinabatur, miseria diutius perstiturus. Olim igitur jamjam suis rebus in Belgio
consul-

consultum fuisse memor, Amstelodamum denuo intravit; ubi aliquot annos, scribendo, edendo, corrigendoque libros victum amictum nominisque gloriam quæsiuit, & literato orbi abunde satis Eruditionem suam probavit. Nuper vero & hujus vitæ pertæsus, sacris quoque mutatis ad castra Pontificiorum Lutetias transiisse relatum est. Ubi non dubitamus pari studio, & labore insuperabili laudes huc usque paratas, sed defectione ista infelici admodum conspurcatas, ut augeat, operam daturum esse. Est siquidem patiens laborum, affabilis atque blandus, magnaue oris commendatione, tantaque doctrina (quis enim diffiteatur?) præditus, quæ majora indices ab eo præter ea, quæ jam dedit illustria specimina, nos expectare jubet. Inter celebriora quæ jam publice prostant, quantum ego memini, sunt; Historia Critica Homeri recuf. Francofurti 1696. 8. Bibliotheca Novorum Librorum Trajecti ad Rh. 1697. Ejus Tomum primum ipse solus concinnavit, in altero vero acter-

tio accessit studium *Henr. Sickii*, Prof. LL. OO. Cantabrugensis, Bremensis, qui misero non ita pridem fato se ipsum suspendio necavit. Quo adjuvante etiam T. IV. & V. Bibliothecæ hujus, tot enim, si recte memini, constat opusculum integrum, evulgati sunt. Sunt præterea Küsteri Suidæ Lexicon cum notis variorum & suis 1705. III. Voll. quæ editio Genevensi plurimum præstat, quam jam antecesserat Diatribe de Suida Anno 1701. Cantabrigiæ. Edidit quoque Jamblichi vitam Pythagoræ Amstel. 1707. 4. Aristophanis Comœdias cum notis If. Casauboni, Ez. *Spanhemii* & Rich. Bentleji cum suis Amstel. 1710. fol. Notandum autem Spanhemii notas non esse, nisi in priores tres Comœdias excusas, nam dolo quodam malo factum, ut reliquis Küsterus carere necesse habuerit. Ex ore id relatum habeo viri alicujus celebris & literatissimi, qui tunc temporis in Anglia versatus erat, cujus pace etiam & fide totum, ut actum est, negotium illud referendum non piget. Nempe L. Küsterus

sterus sive *Neocarius*, ut interdum appellari maluit, Aristophanem evulgaturus, sensa mentis critica, in eum autorem per literas ad Illustrēm Spanhemium datas, requisivit. Ille igitur benevole satis, ut solebat, notas suas in priores tres Comœdias concessit, additis promissis, in reliquis se etiam ei non defore. Verum non multo post, quæ agerentur, cognoscentes amici Spanhemii, idemque Küstero inimici, invidia accensi obstiterunt Illustri Oratori & L. Baroni, quo minus, cum & reliquas efflagitaret accessiones, earum compos fieret. Invidebant nimirum honorem Küstero ex his doctissimi viri Laboribus acquirendum, atque hinc omnes intendebant nervos, ut inclytum Spanhemium ad alia agenda abducerent. Cujus consilii perficiendi celeberrimus *Grabius* Regiomontanus, qui ad plures non ita pridem abiit, dolo. haud sane probando, administrum sese præbuit: Is enim certior de petitis Küsteri, & promissionibus Spanhemianis factis & ab ipso Spanhemio, quo familiarissime

utebatur, confirmatus, famulum, nullius fere notæ, ad Spanhemium misit, traditis simul literis, in quibus de fide dudum data communī quasi Doctorum nomine ad Partem alteram, de usu & Præstantia numismatum, edendam monebatur. Studium vero illud notas in Aristophanem scribendi & ad externos mittendi, quanta fieri poterat industriis, quasi minus dignum tanto viro, exprobrabatur. Addebantur, & quibus, nī promissis stare, fore ut ædificium gloriæ hætenus laudabilibus studiis, doctrinaque politioni exstructum omnino collabatur, eademque Epistola simul, ut responsum in certum deponeret locum, expetitur. Acceptis his prælectisque literis, ipsum *Grabium* autorem hujus fabulæ vocabat in consilium *Spanhemius*, qui pronus ac lubens ei persuasit, ut Comicum obscurum faceret missum, & propediem numismatum absolveret enarrationem, probatoque consilio suis manibus ipse, quæ rescribenda putaret *Spanhemius*, accepit, atque ut jussus erat a viro illustri in locum designatum

gnatum reponenda curavit : Eo pacto effectum, ut notas laudatissimas non impetraret, in quorum locum Bentlejanas postea surrogavit; Hæc hætenus. Ejusdem Küsteri, ut ad cetera monumenta redeamus, est, Novum Test. Græcum nulla satis laude ob industriam summam prædicandum, atque in Anglia post triginta annorum spatium in lucem emissum *Joh. Millii*, recusum est Roterodami, & Læctionibus novis adhuc variantibus locupletatum An. 1710. fol. Taceo reliqua & præterea, quid sua opera idem quoque consulerit in Thesauro Gronoviano & Græviano colligendo, quorum illi addidit Diatribem de Museo Alexandrino Tom. VIII. p. 2766. conspiciendum : In hoc vero Patritii rem militarem Roman. ex Italico idiomate, & Savoti diss. de Nummis ex Gallico transtulit in Lat. & alia. Quæ reperiuntur T. X. XI. XII. dictorum Voluminum celeberrimorum. Constituerat etiam Genesii LL. V. ΒΑΣΙΛΙΚΩΝ, ut & Scriptores Historiæ Byzantinæ typis evulgare; id vero consilium non perfe-

cit.

cit : Utrum vero a proposito abstinuerit, subdubito. Atque sicaliis etiam recentioribus dissertatiunculis viri hujus Eruditissimi relictis, quas videre poteris, in P. IX. des ausführlichen **Berichts von allerhand neuen Büchern** / p. 834. pedem promoveo ad elementum L, ubi primum suo merito occupabit locum Græcorum Exulum famigeratissimus.

Johannes Lascaris.

Hic vir nobilissimus pariter ac doctissimus a *Simlero* in Bibliotheca, incertum, quo jure vocatur *Andreas Janus Lascaris*; & a Vincentio Parravicino in libello nuper demum in ed. de singularibus Eruditorum Johannes Andreas: ab aliis vero communi consensu nonnisi Johannes appellari solet, sic tamen ut cognomentum *Rhyndaceni* subinde adjectum videas. Satus fertur principe sanguine: quandoquidem ex *Lasarina* familia quosdam Scepta Orientis tenuisse gloriari poterat. Eamque ob rem a parentibus acceptam illustrem

strem inde indolem crediderim', moribus & doctrina ut ornaret, æque laudabiliter laborasse. Erat autem inter profugos ex patria, cujus urbe primaria occupata, & Tyrannide Turcarum latius indies in subditos invalescente, cum cæteris cœlum, in quo natus educatusque fuerat, non sine tristitia reliquit. Italiam igitur vicinam, sedemque Musarum petens, & per aspera maris transiens, naufragio feliciter superato, a *Laurentio Mediceo* Florentiis gratissime susceptus, asylum hoc Literatorum secunda intravit fortuna. Unde etiam Principi benigno quacunque data occasione gratum testari animum non intermittebat. Nontantum enim eum adjuvit mascule in formanda ornandaque Bibliotheca, quam iste meditabatur, verum etiam morigerum atque paratum se præstitit, cum in patriam remigrare, ad certa, quæ demandata fuere agenda negotia, juberetur. Eoque animo legatione missa ad *Bajazethem*, Turcarum Principem', eidem se adjunxit, atque ab Imperatore, gente Barba-

Barbaro quidem , at non mediocriter scientiis philosophicis imbuto , facile impetravit , ut domi hinc inde vagari , & Codices Græcos , Manuscriptos præcipue , conquirere licentia daretur. Quo facto variis Voluminibus passim conquisitis , lætabundus noster in Italiam rediit , & Principis Mediocri gratiam exasse consecutus est. Sed cum paulo post iterum Constantinopolim profectus , eodemque favóre , quo antea , usus esset ; dubitari quidem de fide ejus coepit , nihilominus abdita denuo ille Græciæ scrutatus est , ac priorem fortunam recuperaturus in terras Italiæ cum gratulatione remeavit. Inde maximopere crescente tanti Viri fama , & in Galliam usque dimanante , a *Ludovico XII.* Luterias desideratus , atque illuc devectus , tanto habitus vixit in pretio , ut Legati munus Venetias suscipiendum ei fuerit demandatum ; cujus Legationis causas in *Historia sua P. Bemus* , adjectis sermonibus , quos ad Senatum Lascaris habuit , tradidisse constat. Posthæc Romam abiit , ibidemque amicitia fretus

Leontis X. Laurentii de Medicis Fratris,
 non quidem ut aliqui autumant, Con-
 siliarius evasit Papæ, sed postquam ex
 Græcia Juvenes Eruditos & bene mora-
 tos secum eduxerat, hujus Collegii, ad
 conservandam linguæ Græcæ puritatem,
 instituti, Ductor, inoderatorque factus,
 magnis & ingentibus Pontificiis bene-
 ficiis est gavissus. Abhinc de novo in Gal-
 liam a *Francisco I.* citatus est, ut Regi a
 Bibliotheca esset, id quod *Baldus* evincis
 ex Epistola *Jacobi Tusani*, ad filium La-
 scaris data, sic habente. Jani Patri tui,
 Excellentiam, in Romana lingua, ne-
 dum in vestra, peritiam, pluribus hic
 verbis, ne fustius, persequar; Illud certe
 dicam, Græcæ literaturæ quantum usu,
 quantum scientia præcellat, ex hoc vel
 maxime intelligi posse, quod cum ex
 cunctis vestri generis hominibus, de
 sententia doctissimorum delectum,
 Princeps noster Franciscus accersen-
 dum esse, censuerit, ut Museo, quod
 in hac urbe longe omnium Principum
 celeberrimum speramus excitatum iri,
 propediem velut alter Apollo præsi-
 deat.

fideat. Mortuus tandem est Romæ magno admodum natu, ætatis nempe nona gesimo An. Chr. 1489. morbo articulari constanter laborans. Sepultus in æde Gothica sive Agathæ supra Suburram. Epitaphium, quod ipse sibi fecit Latine redditum, *Jovius* & *Freherus* citant, in *Lambecii* vero Comment. in Biblioth. Vindob. P. VI. Supp. I. T. II. p. 274. & apud *Kœnigium* in Bibliotheca inde excerptum invenire poteris. Sed antequam ab eo discedam, illud, quod nobis constitutum est, non prætermittendum esse duco. Indicandum scil. ubinam locorum ad prelum libros impressos correxerit. *Henricus Stephanus* ergo de illa re audiendus, a quo cum postmodum dicendi futurus sit locus, nunc in querela Artis Typogr. de nostro disserentem hunc in modum habemus. *Quid vero dicturos*, inquit, *Marcum illum Musurum, & Janum Lascarim* putamus, in quibus primis *Græcia* reviviscere cœpit, & qui *Principes* in pandendo nobis ad *Lingua Græca* adyta itinere fuerunt? *Quid, inquam, dicturos remur, si, quum ipsi*
tantum

tantum honoris Anti-Typographica detulerint, ut non indignam existimarint, cui suam navarent operam, fungentes munere Correctorum, (liceat enim de rebus Typographicis typographice loqui) eo rem devenisse videant, ut si quis tria Latina Lingua verba, totidemque Græca norit, Typographica illius correctioni nobilissimi quique utriusque lingue Scriptores committantur. Vera utique hæc sunt. Nam multum laboravit Lascaris in Correctorio opere, imo plura fecisset, inquit Erasmus Roterodamus, ni crebra legationes, & Regum negotia eum revocassent. Florentiis autem quatin maxime & Venetiis id factum credibile est, illic apud Juntas, hic apud Aldum Manutium. Ego sane, ut nunc præsto sunt, Græcos Scriptores nos tales non habituros credo, ni accessisset studium horum virorum, quibus Græca vernacula erat lingua. Ne quid enim de protractis adductisque exemplaribus e Græcia repetamus. Eos optime etiam manu exaratos codices & legere, & examinare, & expurgare a mendis potuisse, quod & fecisse totis

X

orbis

orbis testatur literatus, quis est, qui negare vellet? De reliquo Lascaris noster, quamvis facundus fuerit ac moribus probus, & Lat. insuper Linguae gnarissimus, iners tamen valde, *Morerio* testante, ac desidiosus erat, nisi stimuli subjicerentur. Qua de causa factum, ut pauca supersint scripta, quæ testimonium de viri maxima eruditione exhibere possent. Vix enim *Polybii* opus de arte militari, ut latinitate donaret, persuaderi potuit, cum præcæteris longe tamen aptissimus ad hujusmodi versiones conficiendas omnibus visus fuerit. Librum de veris Græcarum literarum formis ac causis apud antiquos Paris. 1536. & orationes Francofurti 1573. in Catalogo Biblioth. Oxfortinæ se vidisse annotat *Balius*. Epigrammata Latina & Gr. Bas. 1537. excusa esse *Gesnerus* in Biblioth. sua affirmat, ut & *Simlerus*, qui ea cum tractatu de Castrorum metatione apud Rob. Winterum An. 1537. Basil. prodiisse distinctius scribit: Hæc de Lascari dicta in præsentis sufficiant. Fontes, unde ea hausta maxima

ex parte, memoramus, Clr. Buddeum in Lexico P. III. IV. cujus verba: *Man hat ihm auch viel wegen der Correction in denen Buchdruckerereyen zu danken/ in primis huc pertinent. Quemadmodum & Bælius sequentibus eadem in re utitur in Lexico suo verbis. Il entendoit bien le Latin, & n'avoit pas de daigne, d'être Correcteur d'Imprimerie, adde Almeloveënium in Vitis Stephanorum, 8. Amstel. 1683. p. 140. Chevallierum p. 194. Morhofii Polyhistorum. Maitterium p. 168.*

Johannes Lonicerus.

Acutissimus Literatorem excipiet Philosophus, qui primum hujus coeli spiritum hausit An. 1499. *Arterna*, quod oppidum Comitatus Mansfeld. Patre genitus optimo, at matura morte filio subtracto, unde a Vitrico durius non raro habitus, jam a teneris fortunam novercam tolerare necesse habuit. Hujus se subducturus disciplinæ rigidiori Islebiam se primum contulit, ut in iis, quibus a Vitrico prohibebatur, re-

bus melioribus strenuè pergere posset. Cum paupertate tamen ibidem conflatus maxima, itidem mala diutius tulit, fecitque multa puer, sudavit & alsit, imo sitiit, escuritque atque alia molestissima quoque devoravit. Interea vero ad inserviendum sibi aliisque ad vitam necessaria comparabat, præceptorum maxime benevolentia, studio suo, obsequioque sibi conciliata. Rudimentis illic positis, Erfurtum contendit, inde tamen Lutheri & Melanchthonis fama incitatus, paullo post Wittenbergam abire constituit. Quo facto ibidem ob Ingenium, Sedulitatem & Zelum in causa religionis sacrum, viris, antea laudatis gravissimus fuit amicus. Qui amor deinde admodum crevit, cum *Camerario* & *Melanchthoni* in *Lexico Gr. Latino* locupletando strenuam navasset operam. Postea Friburgum Brisgaviæ deductus linguas orienti olim & nunc communes aliquandiu ibidem docuit. Anno vero vix unico elapso, Argentoratum, monente *Nicol. Gerbelio*, adiit, ac suasu *Melanchthonis* Gr. nonnullos

nullos codices, inprimis LXX. Interpretes & Novum foedus, itemque Homeri opera, omni studio vertenda, sibi sumfit. Simul vero etiam, quasi subsecivis horis Catechism. Lat. adv. *Tezelium*, Indulgentiarum nundinatorem, acriter defendit. Eidem Lonicero Lutheri scripta per multa Latine & German. Lingua reddita debemus, quæ ut & alias plures aliorum lucubrationes apud *Schürerios*, imprimi curavit, sua vero non minus, quam aliena omni studio correxit, preliquesque vitia emendavit. Idque postquam ex professo per quatuor, & quod excurrit, annos, peregisset, atque laboribus his interea peractis per ora Doctorum circumvolitaret, *Marpurgenses* cum, ut Græcas in suo Athenæo profiteretur literas, evocarunt. Ipse vero petitis haud illubenter annuit, qui lautio-rem diu circumspexerat fortunam, & pretium ex prelis redundans rebus suis domesticis non sufficere expertus erat. Namque & uxorem duxerat atque adeo familiam augeri, ejusque incommoda persentiscere cœperat. Cum

Conjuge igitur Marpurgum discessit, & ad finem usque vitæ illic quoque substitit. Atque idem ille fuit, qui primus Baccalaureos in alma hac Universitate, 1530. creavit, & multis admodum honoribus mactatus est. Ad Theologorum siquidem subsellia elatus pari industria ac fide per 21. annos huic præfuit muneri, donèc An. Chr. 1569. d. 20. Julii ætate gravis morbo correptus, & interrogatus, an dormire vellet? Responso dato, jam indormiscam, placidissime exspiravit. Parentatorem habuit *Johannem Pistorium* illum, Niddanum, Medicum & Apostatam deinceps famosissimum, cujus ultima verba notanda videntur, quibus inquit:

*Sancte Senex, salve æternum, celeberrime
scriptis,
æternumque vale, Celsis Pars maxima
olympi.*

Salve iterum, rursusque vale, superaddite Divis.

Quibus laudibus haud indignum fuisse, ut alia multa ita scripta potissimum testantur, quæ cum Freherus enarravit fuisse, nonnisi commemorare placet, quæ

quæ sunt potioris momenti. De sanctorum cultu: Exegesis Theoduli, veteris cujusdam Græci Theologi in Ep.ad Romanos: Explicatio figurarum & Ceremoniæ Veteris Testamenti, & illarum ad Christum accommodatio: Methodus Græcæ Grammatices, Rhetorices Latinæ. Conciones variæ: Epithalamia: Epicedia: Epigrammata & alia plura, quæ uti dictum plenius alibi recensita videre licebit. Vide igitur Adami Vitas Philos. Freherum, Boissardi Icones. Nostrum erit potius nunc subnectere filium. Sequitur ergo,

Adamus Lonicerus.

Qui cum natus sit Marpurgi Hassorum An. Chr. 1528. d. 10. Octobr. corrigendus B. Kænigius erit, qui in Bibliotheca sua Anno 1500. lucem aspexisse tradidit, qua tamen assertionem firmo talo stante, Pater a filio non nisi unico distaret anno. Sed hæc obiter. Boni patris bonus etiam fuit filius, nam ab eo, ut ingenuis instructus est artibus, sic, ut cum doctrina pietatem conjunctam semper coleret, pariter fuit edo-

ctus. Crevit itaque mature animi & corporis viribus, ita quidem, ut anno vitæ decimo tertio *Baccalaureus*; decimo vero sexto sapientum *Magister* publicis applausibus renunciatus fuerit. Quaterna ætate, ut in cursu feliciter cœpto alacriter pergere posset, a Patre *Frankfurtum* ad *Mœnum* missus est, ut de recta alios instituendi methodo edoceretur. In hac amplissima Civitate a *Jacobo Mycillo* humanissime exceptus, multum in Eruditione solidiori profecit; atque deinde etiam, ut Scholæ urbicæ operam docendo daret, oblata est conditio, id quod mandatum divino nutu acceptum ratus, maxime cum gaudio executus, pro virili Spartam suam ornavit. Deinde vero Medicum, quod amabat, studium, Scholasticis laboribus impeditum sentiens, ne studio hoc excideret, & horas subsœcivas ei impendere posset, *Osteroði*, *Experientissimi* Medici liberos informare cœpit, sperans, fore, ut major Patris liberorum, Benevolentia, Fides, & Amicitia & in se suaque studia exinde proflueret. Sed eo beneficio

neficio non diu admodum frui nostro licuit; Siquidem *Marpurgum* ad Mathematicam Professionem curandam invitatus, novis curis occupatus per aliquot annos illi muneri præfuit. Quinquennio elapso gradum in *Medicina* summum est consecutus, ac paulo post nupsit filia *Christiani Egenolphi*, qui in primis *Frankofurti* rem *Typogr.* tractabat. *Moguntiam* paulo post accersitus, ut *Medicinam* illic exerceret, quasi pertransitum focerum *Egenolphum* invisens, forte tunc *Graphius* Medicus Civitatis *Frankofurtanæ* diem obierat supremum. Curante igitur *Egenolpho* ac suadente, Senatui officia sua, hac data occasione, obtulit, paratumque se esse, siquid industria sua præstare posset *Reipublicæ* commodi professus est. Placuisse *Magistratui* condiciones, atque sic ad ultima usque fata negotia egit publica, quæ a *Medico* expectari possunt. Quemadmodum vero *Reipubl.* præfuit medendo, ita quoque Socero laudatissimo *Egenolpho* parem fidem ac diligentiam exhibuit. In ejus vero

officina ad tollenda menda, quæ in pagellis impressa occurrebant, continuam quoque diligentiam exercuit. Idque etiam opus ac studium Egenolpho calcar subdiderat, ut *Lonicerum* alio contendente Francofurti retinuerit; quippe quem jam antea juniorem in iisdem negotiis aliquandiu desudantem & solertem cognoverat. Atque adeo hunc etiam, cum hætenus aliis crediti essent iidem labores, commodius certiusque a *Lonicero* suo fieri posse putavit. Nec fefellit eventus spem conceptam; nam, etsi districtus multis rebus fuerit noster, attamen otio quocunque sibi dato, prelo & ejus puritati promovendæ sedulo inserviit, ad finem Soceri usque vitæ. Ipse vero terminum vitæ suæ tandem An. 1586. d. 19. Martii adeptus, & a laboribus indefessis ad cœlestem & æternam requiem evocatus fuit. Ut vir præclaræ Eruditionis ipse, ita & scripta nonnisi præclarissima appellare necesse est. Qualia sunt: Introductio Latina in Arithmeticen, Aphorismi *Hippocratis* a *Forefio* explicati An. 1551. it. 1554. 8. Bota-

Botanicon five Historia Plantarum, animalium, Metallorum, Succorum, &c. Herbarum vernacula lingua ab *Euch. Röslein* inceptum, a nostro vero absolutum ac typis mandatum An. 1540. 4. Historia naturalis, cui quædam accedunt, destillatitorum liquorum ratione, ejusque artis, & instrumentorum ratione An. 1551. T. II. apud Egenolphum, ut reliqua omnia excusa, & quæ cum aliis aliorum libris istorum temporum diligentes Loniceri sensere manus. Posthumum opus est Methodica explicatio omnium corporis humani affectuum 1594. 4. & de purgationibus LL. III. per Teucrum Annæum Privatum, 1696. Francofurti 8. vid. Adami in Vitis Medicorum. Boissardus P. III. Iconum, &c.

Paulus Manutius

Celeberrimi Patris non minus clarus filius. Habuit enim genitorem *Aldum* illum, cujus nomen maximo apud Eruditos in honore est, & cujus vitam edendam, uti e Silesia spes facta est, anxie desideramus. Idque cum ob
alias

alias causas communes, tum vero maxime, quod existimamus filii & nepotis fata simul in ea illustranda, & notabiliora nobis suppeditanda, quam quæ brevibus hætenus Jovius & ex eo Freherus alique tradiderunt. Nec etiam in præfenti compendio multa a me, nisi hinc inde congesta, paria tamen cum iis, quia brevitati studendum est, expectari poterunt. Pueritiæ annos transigit sub moderatione morum & doctrinæ, tum Patris ipsius, tum aliorum Magistrorum, in quibus *Erasmus Rotterodamus* claret, cujus informatione cum in Patris familia breve tempus viveret, usus est. Ab his igitur omni fide edoctus, magnum orbis literati tandem præbuit lumen. Quamdiu in familia paterna idem vixit, tamdiu, quamvis in matrimonio jam constitutus, adstitit ei in opere Typographico, corrigendo præcipue, tum vero etiam aliis negotiis agendis. Atque id etiam non sine causa gravissima, nam diligentiam accuratam requirebat Aldus, quippe qui interdum aliquot dies unica plagula excudenda

eudenda dicitur insumsisse, idque ex
 nimio timore, ne vitium remaneret
 qualecunque Typographicum. Neque
 immerito: Succedente enim tempore,
 ii, quibus editiones librorum repetere
 placebat, neglectis ut plurimum Manu-
 scriptis, ad impressos codices recurre-
 bant, expressuri secundum istorum fi-
 dem suos. Quo facto repetitis errori-
 bus non nisi corruptos haberemus
 scriptores, quo tamen timore veteres
 Typographi optime nos liberarunt,
 quibus etiam laudes debentur nulla
 temporum oblivione corrumpendæ.
 Hujusmodi etiam negotio expoliendi
 bonorum virorum scripta noster Pau-
 lus, ut aptissimus fuit, ita lubens præ-
 fuit, favoremque omnium Doctorum
 adeo meruit. Famam inde nominis
 & per Patrem & doctrinam suam conse-
 cutus, a Bononiensibus, ut Academiam
 urbis suæ excudendo ornaret, expetitus,
 sine mora eorum desideriis satisfaciens,
 per sex integros annos officinam instru-
 ctissimam illic locorum habuerit. Ab
 hinc denuo migravit *Venetias* susceptu-
 rus

rus patris & *Andrea* ejusdem soceri officinarum curam, adornare easdem pro virili coepit, librosque maxima copia ex ea praestantissimos emisit. Habeo ex his orationes *Themosthenis* Partibus III. excusas, atque signo paterno Delphino nempe Anchoram amplectente ornatas, Anno 1554. 8. excusas, cujus libri partitertiae in fine nihilominus additum est, impressa haec esse volumina in aedibus Pauli Manutii Aldi filii. In fronte vero singulis partibus adjecta verba legi possunt: *Prodiere corrigente*

- *Paulo Manutio*. Ex quibus denuo pronofluit alveo, non Manuscripta solum cum restituisse, verum etiam Codices ipsos a sphalmatibus purgasse, cujus laboris cum adeo non puduit, ut potius omnibus patefecerit, quid quantumve in ejusmodi libro sibi facessiverit negotii. Atque sane optandum esset, ut Correctores priorum temporum omnes, sua ubique addidissent nomina, ut cunctis appareret, quanti viri praclarissimi in operibus sudarint, & de
codi-

codicibus ipsis, eorumque pretio, quo habendi & æstimandi essent, eo melius constaret. Interim tamen Paulum nostrum ita amasse operas Typographicas, ut reliqua studia neglexerit, non audeo affirmare, imo non raro querelas tulisse eum constat, quod abductis ab aliis rebus fere solum huic rei vacare cogatur. Unde in Epistola III. L. I. An. 1553. jamjam scripserat: *Collegi ipse me, nec solum studiorum meorum, quæ inter-miseram potius, quam dimiseram, verum etiam rei familiaris, cui nisi consulerem ipse quoque jacere studia necesse erat, habendam mihi rationem duxi. Quo consilio in patriam reversus, retuli me omnino ad veteres meas tum legendi, tum scribendi Exercitationes: Sed tum in domestica re instituenda, tum in emendandis antiquorum libris districtus, postea vero etiam erudienda duodecim nobilium adolescentium Academia per triennium occupatus, quantulam habuerim excolendi facultatem eloquentiæ, quantumque in tantis temporum angustiis per eam, quam ingressus eram, latine scribendi viam procedere*

dere potuerim facile, ut opinor, est existimare. In alia vero Epistola ad Anton. Nattam scripta Libroque tertio numero 34. occurrente ita scribit: *Menda quamdam deprehendi nimis fœda, nec ejusmodi, ut dissimulari possint. Cujus incommodi causam Tibi puto non latere: Sape enim hic, dum inprimitur, vel emendationi nemo præest, vel præesse solet homo mercenarius, & parum literis instructus & is, cui pecunia, quam fama sit antiquior. Nos tamen & quia de existimatione laboramus, & quod Te nimium diligimus ob tuam probitatem, nimium colimus, ob Eruitionem enitemur & contendemus, quantum feret acies oculorum nostrorum, ut satis in hoc genere fiat tua voluntati. Ad quam Tu me diligentiam tacite vocas in tuis literis: Laudas enim, & Aldi filium agnoscere Te dicis* Hujusmodi igitur curis involutus Romam, a nescio quo, ut ipsius Manutii verbis utar, præmiis commotus & blanditiis captus atque irretitus, abductus est. Illic aliquot menses inani officiorum genere consumserat, & ille quem securus erat, montes aureos

aureos promissos in minimis vix præstiterat, consilii & Itineris hujus initi poenitere coepit. Argentei autem typi & 4000. Ducatorum annui stipendii loco promissi erant a Pontifice Pio IV., quibus verò an steterit P. Maximus, non solum verba nunc recitata, verum altum de iis silentium Manutii dubitare merito jubent. Interim tamen per decem annorum lustra, pari gratia Pio V. & Gregorio XIII. in se propensis Spartam suam diligenter ornavit. Liberrimus iater hæc nostro erat aditus, & usus Bibliothecæ Vaticanæ, cui & præfectus aliquandiu fuit, unde Manuscripta varia, præcipue illa, quæ Heidelberga venerant, producta restituit, emendavit, atque typis suis vulgavit, quos codices omnes ipse lustrans ab erroribus præli purgare solebat. Interim tamen ne siquidem contentus Romæ vivere poterat, sed ob varia illic locorum sibi displicentia non nisi in patriam redire studuit. Notanda inde veniunt verba in Ep. V. L. IX. ad *Johannem Cratonem* exarata, in qua, hoc, sermone, suum statum Romanum

Y

descri-

describit: *Laborabam, inquiens, domesticis incommodis, fratrum meorum culpa, nec spes erat emergendi, nisi nova consilia caperentur. Vocabar a P. M. quo nihil videri poterat honorificentius: Fructum autem quis non expectaret? Cohortabantur amplissimi viri, quorum erga me singularem benevolentiam multis rebus antea perspexeram. Lata denique copiosa, ampla ab omnibus omnia promittebantur. Quid agerem? Credidi & speravi, ut fere sumus omnes homines hoc ingenio, ut ea qua cupimus libenter quoque speremus. Quanquam hoc levius, quod spem fefellerit eventus: non tamen abundare, quam non egere gratum est, illud perquam grave, quod perpeti saepe, multa sum coactus indecora prorsus, indignaque studiis nostris, atate nostra, existimatione antea parta. Nunc singulari divino munere patriam adepti, redibimus ad illa praeclara studia, &c. Ex his & similibus facile colligi poterit, quanta animi voluptate Venetias An. 1570. noster redierit, utpote in quo loco ob coeli salubritatem pristinae valetudini se restituendum fore credi-*

credidit, nam inedia, morbo, mœrore,
ad horribilem prope maciem Romæ re-
ductus erat. Dum itaque cum laribus
suis viveret, quotidie labentibus viribus
sibi unico vivere cupiens, subducturus
se multis multorum alloquiis, amœni-
tatem & salubritatem secutus, Genuam
proficisci in animum induxit suum; sed
accidit, ut contra voluntatem sane An.
1571. & præter opinionem Mediolani
consisteret. Incunte tamen Anno ejus-
dem Seculi septuagesimo secundo ite-
rum Venetias, atque inde Romam, ante
sibi adeo invisam, denuo migravit. Re-
liquerat isthic nubilem filiam sacris,
quanquam invitam, commendatam
virginibus reducturus eam erat ad nu-
ptias. Neque id, ut ex mente aliorum
loquar, omittendum erat, nam vi illa in
Monasterii claustra detrusa, huic vitæ ad-
fuescere vix poterat, atque idcirco car-
nis voluptate abrepta, sive vi, sive in-
sidüs structis, se inde prodituram mina-
batur. Ne igitur rabie ducta scelus
tantum, quale a Pontificiis habetur,
perpetraret, multum negotii facessivit

Y a

patri

patri Manutio, ut inde salva cucullatorum amicitia eriperet. Pugnare quodammodo cum his & præcipue cum iis, quæ de libidine foeminæ dicta sunt, videntur verba, ad Camillum Palæottum scripta Ep. IV. L. XII. *Unicam, inquit, filiam, inter sacras virgines educatam, non hebetem ingenio, nec paucis, nisi me fallit amor, virtutibus instructam, juvenem optimo satis honesti loci, haud postremi ordinis in jure Civili, addo etiam, quod hodie potissimum requiritur, a fortuna bonis non imparato, meis reclamantibus, de sententia tamen fidelium amicorum, despondi, &c.* Neque tamen hac ratione sanatam illam esse scriptores affirmant: Etenim nihilominus, ut malæ ac libidinosæ foeminæ solent, pessime & illa vivere non desuit. Quæres, ut Pater, mærore inde contrecto, pertristem & calamitatibus continuis obrutam vitam augeret in causa fuit, eoque factum, ut, variis morbis & oculorum præcipue vitio vehementer auctis, affligeretur, & de Roma denuo deferenda cogitaret. Retentus enim ibidem erat a Gregorio

XIII. iisdem fere , ut antea datis promissis , quibus fide habita , majoribus corporis & animi malis indies obrutus , tandem septuagenario major An. Chr. Thuano testante , 1574. octavo Iduum Aprilis ultima fata expertus est , nullis omnino divitiis in hoc orbe , præter gloriam nominis , & scriptis , quibusdam apud plerosque relictis. Quod doctrinam hujus viri attinet , erant , qui laudabant , erant etiam , qui culpabant. Et quidem ob latinæ linguæ peritiam in coelum usque a non paucis extollitur , alii vero facultatem latine scribendi , & promptitudinem prædicant , sed iidem in eloquendo ac ore facundo proferendo a pueris sex annorum fuisse superatum perhibent. Imo etiam nasutus ille cavillator Scioppius , pro more suo , vocabula quædam minus latina in Epistolis Manutianis se reperisse , non sine verborum contumelia scripsit. Verum hanc litem meam nunc non faciem , quamvis illud facile cum viris doctissimis approbem. Er sey ein rechter Wörtleins , Krämer / Wurm : Schneider und

Nachdiffer Ciceronis gewesen / ita ut etiam integras Periodos ex eo suas fecerit. Attamen præstantissimi quoque largiuntur, quod ex primis ille fuerit, qui Romanam eloquentiam, & puritatem Italos recte docuit. Epistolarum ejus passim prostant L. XII. Harum prima editio ipso autore præfante Coloniae An. 1569. octo saltem libros complexa prodiit. Altera Veneta est, qualis & tertia & quarta est, Anno 1573. undecim libris absoluta. Ultimus vero liber a filio Aldo post fata patris additus censetur. Stilo omnes conscriptæ sunt tersissimo, sed nihil fere continent, nisi mera verba de rebus domesticis, & aliis inutilibus, aut honorificis compellationibus & adulationibus, agentia. Easque ferunt tanta accurata diligentia exaratas fuisse, ut uni interdum Epistolæ concinnandæ aliquot impenderit menses, spatio inter singulas lineas amplo facto, cui omissa hætenus inferere posset. Neque etiam cuiquam rescripsit, nisi qui pari elegantia phrasium & constructionum utebantur. Præter has ejus 4. etiam sunt

funt Annotationes in Ciceronis Rhetoricam, Epistolas familiares ad Atticum, orationes, & officia. De gli Elementi & di molti loco notabili effetti 4to Venetiis An. 1557. Judicium de Poëtis: Breve opusculum de antiquitatibus Romanis: De Veterum dierum ratione: Calendarium Vetus Romanum: Apophthegmata: Adagia. De Civitate Romana: De Senatu: De legibus Romanis: De Comitibus Romanorum, quæ scripta hodie rarius comparent. Carmina ejus inveniuntur in Tom. II. Deliciarum Italicarum. Ciceronis opera prodire ex ejus officina nitidissime, quæ editio Manuscripto optimo æquiparanda est, & omni pretio charior æstimanda, vel eo nomine, quod ab ipso Manutio emendata & correctâ fuere. Antequam ad alios progrediar, concessum erit sine dubio paucis de filio Pauli, *Aldo* nempe, eodem officio Correctoris mihi laudando. Natus hic est Venetiis & patrem a juventute secutus omnis istius fortunæ & Eruditionis particeps factus est. Unde industria sua Genitorem in

officina ejusdem Typographica non sine laude juvare solebat. Verum his rebus mox ereptus, Bononiæ primum, deinde Pisæ docuit. Romam postea a Xisto V. citatus in Gymnasio illius urbis splendidissimo publice professus est, eo tamen successu, quem illi habere solent, qui facundia oris non pollent, & sua de charta sine affectu prælegere solent, ut nempe sine auditoribus vel soli tempus lectionibus constitutum in ambulacris deambulando terendum fuerit. Atque sic rebus stantibus in aulam Vaticanam vocatus Typographicis laboribus vacavit, libros, qui imprimebantur a suis nævis liberando, usque tandem ex hac vita migravit, Libris & a patre acceptis & a se auctis, per testamentum Pisanae Academiæ traditis, ubi in hunc usque diem & multitudine & bonitate clarent. Atq; ita ad alios transco, ex quibus recentior nunc prodit, nempe

Gabriel Maier

POëta felicissimus; sed in orbe erudito ad hanc usque tempestatem,

NON

non ita, uti dignus fuit, clarus. Natus est *Urbonis* ad Lacum Bodamicum in Helvetiorum agro Anno 1639. d. 1. Febr. Unde & vulgo Noribergæ, **der Schweitzer Mäler** / dicebatur. Patrem veneratus est virum honestissimum, Johannem Georg. ejus loci mercatorem. Juvenis ludicra serio, quam pro ætatis ratione fieri consueverat, tractans; jam portendebat mature, quid sera ætas ferret. Hinc in juvenilibus, quisnam futurus sit prodens annis, ad literas discendas idoneus suis visus, sedulo iisdem dare operam cœpit. *Stenium* primo oppidum, post *Feverthallium* & tandem in Gymnasium *Scaphusienſe* missus est. Feliciter ubique jactis studiorum fundamentis, patre An. 1650. piâ ex vivis erepto morte, mater in Noricas abiit. Erat illa Ursula Ortelia nata Holzschueria, quæ patritia est Civitatis & generosa familia. Ea igitur cum Noribergæ sibi sedes figeret constantes, filium quoque, quem secum adduxerat, fidis hujus urbis tradidit studiorum & morum formatoribus. A quibus etiam

præcipue a *M. Georgio Widero* Rectore Scholæ ad Spiritum S. omni Eruditionis solidæ apparatus instructus fuit. Altdorfium postmodum contendens Artium Liberalium & politiorum meditationibus, adjecto Juris studio industria maxima incubuit; Literis tamen elegantioribus & Poësi imprimis vacans. Tandem decursu Academico fere absoluto, fausto omine ab Endteris, qui noverrant Virum Vitæ sedentariæ amantem, oblatum ei est munus corrigendi sphalmata Typographica a prelis suis suorumque commissa. Accepit promissa *Majerus*, inter pactus certum & æquum pro labore pretium. Atque inde cum Endteris de Republ. liter. meritissimis, latus quæ agenda erant, & fide laudabili inde ab Anno 1673. peregit, Bibliisque præcipue ex officina ista prodeuntibus operam sedulitate sua navavit. Labor iste tanto magis viri hujus indoli exoptatus, quo magis sedati erat ingenii, & suis Musis vivere consueverat sine strepitu, unde & constanter illi inhaesit. Et quanquam perspecta satis esset
inter

inter omnes *Majeri* doctrina, atque hinc Procerum Reipublicæ clementia officia quædam publica nonnunquam essent oblata, ut lautiori fortuna, si voluisset, uti potuisset; noluit tamen unquam altius adscendere, contentusque fortuna sua vixit. Adeo quidem, ut aliquando Senatori munus quoddam benigne offerenti, responsum dederit; Unicum se illud optare ex animo, atque exhiberi sibi velle, ut a Vigiliarum ad portas publicarum onere, quod per singulos menses, ordine, nonnisi unica vice ad cives singulos redit, imposterum immunis esset. Eoque facili negotio impetrato, ingenti beneficio se affectum existimans strenue in emaculandis Endterorum libris pergens eruditosque amicos subinde invisens, omnium Civium sibi favorem amoremque contraxit. Quem non parum auxit singularis illa facultas, qua cum primis pollebat contexendorum extempore carminum, latino præsertim idiomate conscriptorum; Eo quidem successu, ut Anno 1674. Cal. Maji in convivio ignorant

ranti rei futuræ a viro per orbem celebri *Sigism. a Bircken* Palatii Lateranensis Comite & Societatis ad Pegnesum florigeræ Præfide spectatissimo, dudum debiti concessi fuerint honores Poëtici. Hinc Laurea ornatus Poëtæ a laudato paullo ante Societatis Moderatore in numerum Collegii receptus, cognomen Palæmonis adeptus est, sub quo integumento in variis scriptis a dicto Collegio *cujus nunc summus Præses Illustris noster Fûrerus est*, editis, latet. Ad rem domesticam quod attinet, duas in matrimonio sibi junctas habuit uxores, alteram *M. Jac. Tydæi* Eloquentiæ & Poëseos P. P. Altdorfini filiam, alteram *Suventeri* Senatoris istius oppidi gnatam, quæ adhuc in vivis superest. Eo rerum statu vitam protraxit ad annum usque nonagesimum atque nonum præcedentis Seculi, quo morbo laboribus contracto, supra modum sedendo confectus vivendi finem pio obitu fecit. d. 19. Febr. annos natus sexaginta. Carmina quæ maxima copia & numero ad fata usque ultima concinnaverat Sociis
Colle-

Collegii Poëtarum ad Pegnesum postremis testamentis tabulis legavit, quæ tamen diligenter quidem servata, nescio quo fato, æquo an iniquo non facile dixerim, laudabili consortio erepta, nunc in manibus ejus servantur, a quo nescelus prodatur, eorum in lucem protractio, nisi per plagium forte, vix speranda erit. Unicam his dictis addo observationem, quæ ad mores viri Beati spectat, solitos. Nimirum ejus Carmina fluentibus & pronis deliciis nunquam magis abundasse, nisi quando ea vino quodammodo & mediocriter imbutus tinctusque composuit. In eo enim rerum & corporis animique statu inter complexus & oscula, Amicis multo numero exhibita, quicquid conabatur dicere, versus erat. Ex quibus duo saltem specimina hoc loco exhibuisse sufficiat. Et prius quidem, quo ab Alumnis Norico-Altdorfii viventibus candelarum quarundam, beneficentia Inclytorum Curatorum Academiae distributorum, munusculum mellitissimo sibi expetiit carmine

Tem-

Temporis cuicunque cari, Furibus caris-
simis,

Amicis in Alumneo degentibus

S. & O.

*Vos o qui partem solido de Sole soletis,
Sape mihi gratis demere colloquiis?
Candida, candelas igitur date, Pectora.*

Nam quos

*Iustius appellem? Damna repensa volo.
Luminibus proferte diem, tenebrasque
molestas*

*Pellite. Nox mors est, est mihi vita dies.
Alterum vero ex autographo ejus,
Philothecæ cujusdam amici consecra-
tum, ita habet:*

*Dextera, Care, tuum mea poscis ut im-
buat Album,*

*Vis in nominibus nomen habere meum.
Invitus facio, fateor Tibi, nomina cui-
quam*

*me debere piget; Libera Vita placet.
Servitium vero cultura fidelis amici*

*Adstrictam penitus cui decet esse fidem.
Hac ego jam meditor: Sed Tu me moribus
aureis,*

*devinctum pridem jam Tibi prorsus
habet.*

Ta

*Te Musa, Te Phæbus amat, chorus omnis
amorum,*

*Ipsū dispereat, si quis amare nequit.
Quid moror & moror? Cui pridem dedita
mens est.*

*Huic fidam negitem qua ratione ma-
num?*

Ex his, si & cetera evulgarentur,
quanti sint futura præsertim elaboratissi-
ma nonnulla facile intelligere licet.
Igitur

*Ne desint fas est, laus, merces, præmia,
grates*

Sicubi sollicitus sudat in arte labor.

Fas esset, fateor, pia si mactetur in aris

Victima Majero, qui decus Helvetia.

*Qui mundos Mundo transmisit saepe li-
bellos,*

Expurgans fida, sordida scripta manu.

*Ast Tu, quid posces? Hic fama reclamât
in orbe;*

*Ac ibi summa salus. Sat Tibi laudis
erit.*

Phi-

Philippus Melanchthon.

Miraberis quidem sine dubio , benevole Lector , & hunc comparere inter Correctores. Sed comperta nos eloqui ex sequentibus patebit, ubi inter factorum ejus varios casus hanc quoque stationem ad tempus fuisse animadvertemus. Equidem vitam ejus jam delineavit optime , ut nihil supra, amicissimus *Philippo, Joachimus Camerarius* , Lips. ap. Voëgelin , 8. An. 1566. quæ editio reliquis omnibus , Belgicæ nempe in 12. & Lips. in 8. forma præstat, inter quas posteriores, quod menda sint ex inclyti Polyhistoris *Carpzovii* Ædilis Lips. manu annotatum vidimus fere innumera , & cum stupore cognita, vetustiore æque ac Voëgelianas omnia anteferre recentioribus quibusque de novo confirmati sumus : Ipsa vero Philippi descriptio exemplum omnibus esse debere, qui curricula Vitarum exaraturi sunt, credo , neminem in dubium vocaturum esse: Nihil enim omisum est , quin potius literaria varia & Eccle-

Ecclesiastica hinc inde insperferit iis temporibus memorabilia. Unicum tamen desideratur, quod partium studio laboraverit Camerarius, & quacunque occasione arrepta Philippum excusarit, etiam in iis, in quibus aliquo modo saltem culpandus veniebat. Unde etiam in *Matth. Flacium*, & omnes Melanchthoni adversos, non raro detonare admodum solet. Neque illud laudandum, quod parce in scriptis Philippi, placitis iisdem addictus, indicandis autor celeberrimus fuit. Sed mihi in præsens, ut de hisce copiosius iudicem, non incumbit, ut potius secundum instituti rationem de pauculis inde excerptis, huc referendis cogitandum sit. Natus An. 1497. *Brette* d. 16. Febr. Patre *Georgio Ehrhardo*, *Erd* id quod nomen, usu tunc Eruditis communi in Melanchthon mutatum postea est. Ob felicissimam indolem, ac indefesso studio, ardentibusque precibus ad magnum Eruditionis gradum provectus incomparabile totius orbis Literati decus factus est: ut qui Principem omnium Doctorum to-

Z

tius

tius Europæ suo tempore appellandum censuerint. Triviis Scholasticis sepositis *Heidelbergam*, atque Baccalaurei titulo ibidem insignitus *Tubingam* discessit, ubi, ut verbis Adami utar, Typographicæ officinæ *Anselmi* aliquandiu Corrector præfuit. Excudebatur tunc, illud grande Volumen Historicū *Nacleri*, quod nonnisi farrago hinc inde congesta a *Cl. Struvio* dicitur: In hoc multa, quæ corrupta erant, ipse emendavit, mutila multa complevit: confusa in ordinem redegit: Obscuris lucem reddidit, effecitque, ut is labor, qui antea erat farrago verius, quam integrum Historiæ corpus, posita & a multis adpeteretur & magna cum utilitate legeretur, prodiit vero An. 1516. fol. Et huc etiam verba Camerarii spectant, pag. 16. concurrentia. Librum autem hunc exprimendum susceperat *Thomas Anselmus*, qui officinam Typographicam habebat *Tubingæ*. A quo perfectum fuit, ut & illius scripti, & aliorum, quæ a se ederentur, curam respectumque *Philippus* susci-

fufciperet, quo prodirent correctiora. Post hæc fundata Academia Wittenbergenſi, Princeps *Fridericus*, ut ſe reliquis Doctoribus ibidem adjungeret Philippus ab eo petit. Hanc conditionem ſuadente *Capnione* arripiens, Tubinga non ſine luctu Eruditorum & Typographi ſui diſceſſit, ut qui multa officinæ ſuæ ornamenta ab eo futura perſuadebat. *Norimbergæ Pirckhameri*, Lipſiæ vero *Mofellani* & *Crocii* amicitias ſibi conciliavit, hæc enim loca in Itinere tranſire neceſſe habebat. Wittenbergæ vero celeriter omnium in ſui admirationem rapuit animos & incredibili proclivitate cœpit amari. Græca illic primum docebat, & in religionis negotio conjunctiſſime cum *Luthero* vivere cœpit, & viciffim ab eo, ut ut dignitate, & annis ſuperiore dilectus eſt, qui nunquam etiam deſiit, ut fratrem in Germanum Melanchthonem dum vixit colere. *Luthero* abſente, & *Caroloſtadio* tumultuante, varia quidem capeſſivit negotia, in quibus tamen agendis nunquam non taxandum in eo fuit,

quod conatibus istorum hominum , non ea, qua par erat animositate, restitit, sed vel quietus resedit, vel ulcus ipsum tangere nimia meticulositate veritus est. Sed cui non dictus *Hylas* ! quo etiam pertinet, quæ de Calvinismo ejus subtili, cui favisse dicitur, passim circumferentur. Illud paucis, quæ autem personam spectant, de iis Camera-rium breviter omnium complexum audiemus: *Fuit statura brevis, non tamen brevitate notabili, membrorum compositiæ plane elegans, frons explicata & ardua, insignis vena quadam ampliore in illa eminente, capillus rarior, collum procerum, jugula insigniter concava, oculi pulchri, & acies horum mirabiliter clara, pectus satis amplum venter & illa adstrictiora. Omnium partium corporis & integra & vera sua figura, & congruens erat soliditas. Immodestius pronunciata sunt, quæ Jacobus Balde, Socius Collegii pessimi Jesuitarum, eleganti versu, sed pessimo animo, & malevolentissimo in III. Tomo Carminum in Apologia Pinguium n. 61. ita cecinit:*

Zuving-

*Zwvinglius ! atque ipso nigrior carbone
Melanchthon ;*

*Ultimus hic adeo squalens , ut præter ha-
beret*

*Ossa nihil , visum post restim ex cannabe
torta*

Fugisse a furca delapso fune putassent.

*Hic tamen acer erat Romani nominis ho-
stis ,*

*Et quia non Asinus rudis omni carcere
pejor ,*

*Hic etiam Grajo potuit rudere ore di-
serto.*

Addam etiam curiosum Patris fami-
lias documentum a Philippo capien-
dum : Nempe cum aliquando a pere-
grino quodam inviseretur inventus ab
eo cunas motitans , & cum mirum hoc
illi visum esset , officium is Patris fami-
lias prudenter & doctè advenæ novo
tanta suavitate oris exposuit , ut multo
doctiorem cum ad cunas sedendo di-
miserit , quam admirabundum admise-
rat. Liberalis de reliquo in pauperes ,
benignus & non raro prodigusque ,
omnibus charus , nemini inimicus &

minus forte pacificus. De quo animo in Religionis nimis remisso celeberrimum aliquem Theologum Wittenbergensem dixisse memini. Er wäre so furchtiam gewesen / daß man ihn mit einem Schaafe hätte zum Dorff hinaus jagen können. Durius Johannes Affelmannus, Rostoch. Theol. in dissert. de Philippismo fugiendo, 1619. excusa inter alia de eo ita dixerat: *Multas Philippo dari a Calvinistis laudes hyperbolicas & e mentitas, quibus magis eum suspectum reddiderunt, oneraruntque, quam ornarunt. Philippum primo fuisse omnino purum atque orthodoxum, media atate publice optimum, privatum vero atque inter familiares malum, sub postrema vero vita fata inconstantem & Heterodoxum.* Quæ verba si ad lapidem Lydium revocantur, & num excusari possit Melanchthon, inquiratur; Tunc utique constabit ad annum usque 1535. probum atque immaculatum fuisse, verum posterioribus temporibus in Cap. doctrinæ de S. Cœna non nihil cespitasse & à priori dogmate recessisse videtur. Unde
etiam

etiam varii discipuli ejus eodem veneno conspurcati in suas redeuntes, idem & aliis instillare conati sunt, quales etiam in Norica nostra Civitate latuere, ut *Manutius Hellinus* Superintendens, de quo peculiari & proluxa dissertatione Altdorfi excusa actum est, *Laurenzius Dürnhöfer*, Antistes *Ægidianus*, & *Henricus Fabritius Schmudlein* / dictus, & alii etiam ex proceribus. Nec dubium est omnes motus à *Crypto-Calvinistis* Wittenbergæ postea excitatis ab eo in suam sententiam & obtorto sæpe collo tracto ortum habuisse. Neque id mirum: Etenim *Luthero* mortuo omnia dependebant a nutu *Melanchthonis*, ab eo vero quid nisi ejusmodi obscura, quæ antea vivo *Luthero*, quam fieri potuit, studiose occultaverat, expectari poterant. Excusatur quidem a nonnullis sed à paucis. Neque rectius de mente ejus constare poterit, si literæ ad *Calvini* placita spectantes ab eo datæ, sunt perlectæ, ex quibus, qui exercitati sunt facile, quantus viri hujus fuerit à priori integritate lapsus deprehendent, de quibus

tamen in Celeb. V. E. Loescheri Historia
 motuum P. II: & Joh. Christ. Wendele-
 ri diff. de Vitis demeritis aliquot Viro-
 rum celeberrimorum in Ecclesiam Alt-
 dorfī excusa uberius legi quædam pote-
 runt. Mihi paucis de extremis *Philippa*
 dicendum est; Obiit ille Malo Hypo-
 chondriaco diu vexatus, Wittenbergæ
 diebus Climactericis anno ætatis 63.
 An. Chr. 1560. Tumulatus est in tem-
 plo, quod arci Wittenbergensi adjacet,
 ex opposito B. Lutheri, quæ monumen-
 ta Imaginibusque supra impositis statura
 ad vivum à *Luca Cranachio* depicta,
 facta salvaque in hanc usque mansere
 diem. Quod superest tanta est adhuc
 horum virorum veneratio apud omnes,
 ut etiam peregrinantes picturæ cerussa
 nomina sua inscribant, quæ sæpe tanto
 numero appicta reperiuntur, ut abole-
 ri a Ministro templi opus sit, ne pictu-
 ra ex istis maculis corrumpatur. Quam
 tamen insaniam Orthodoxorum Witten-
 bergensium, ut & illam, quam ludunt in
 extollenda ad cachinnum usque Lutheri
 Cathedra in omnibus fere titulis dispu-
 tationum

tationum conspicienda, non raro præcordia saniorum movisse non dubium est. Scripta nostri Melanchthonis in laudata diss. M. Wendeleri sub præsidio Venerandi Sontagii habita enarrata habebis, præstantiora sunt: Commentarii ejus in Daniele & in Epp. Paulinas: Summa Doctrinæ Ecclesiarum Orthodoxarum: Loci communes: Objectiones & Responsiones Polem. IX. Voll. 8. a Pezelio editæ, multis Polemicæ Theologiæ Syntagmatibus hodiernis, vel ob styli nitorem, quem aliqui cum Theologia non putant conciliari posse in pretio habendæ, & in primis hujusmodi scriptis collocandus. Epistolarum Tomum I. & II. An. 1580. & 84. Peucerus edidit, tertium Pezelius, quartum & quintum Joh. Saubertus, a quo appendicem etiam ad quartam partem An. 1645. Noribergæ luci expositam esse constat. Extat & Volumen in Belgio excusum An. 1647. Lugd. B. it. Literæ ad J. Camerarium missæ 8. a Voegelino Lipsiæ impressæ sunt. An. 1569. Sunt etiam Chytræi Epistolis, Melanchthonis

thonis aliquot annexæ. In Camerari-
 nis autem varia occurrunt de filiæ Me-
 lanchthonis Sabini uxoris amoribus ex-
 tra conjugium vagis, non sine famæ Pa-
 tris detrimento, judicante Kortholto,
 quô etiam affirmavit se legisse in aliqui-
 bus Epistolis Philippi nomina, Carmina
 Sabini occurrentibus, quos is in animo
 habuerit ob turbas Germaniæ in Palæ-
 stinam abeundi ibidemque verbum di-
 vinum prædicandi. De reliquis omni-
 bus utpote in vulgum notis fileo, lecto-
 remque remitto ad Adami Vitas Theoll.
 & Philosoph. Bælium Tom. II. p. 2090.
 Teisslerium T. I. p. 201. qui Scriptorum
 Melanchthonianorum numerum defi-
 nit 95. Camerarium in Vita. Freherum
 & alios. Sic nihil impediante calamo
 nostro se offeret

Simon Milangius

NAtione Gallus Seculo XVI. clarita-
 te nominis conspicuus. Postquam
 in juventute multa sustulerat acerba
 & oppido molesta, ut iis fieri solet, qui
 egestate attriti ex aliorum vel fortunæ
 Libe-

Liberalitate vivere coguntur. Nihil
ominus tamen noster ope ingenii sui ad
illud culmen Eruditionis adscendit, ut
ob doctrinam, & singularem in studiis
elegantioribus notitiam Collegii Gui-
nenfis sive Aquitanici in Gallia floren-
tissimi Rector fuerit constitutus. Id
quod munus communi Eruditorum
Reformatorum sacra amplexorum suf-
fragio acceptum summo etiam cum
omnium applausu gessit. Invalescente
vero potentia Pontificiorum & Patrum
præcipue Societatis Jesu in istis regionibus
longè latèque sua authoritate graf-
fantibus, & Scholas Hæreticorum, ut
credebant malorum Seminaria rapien-
tibus, effectum tandem est, ut & nostro
Milangio de munere suo vel nolenti ce-
dendum esset. Submotus igitur ab
hoc officio, quod recte administrave-
rat publico, cum de alius generis ne-
gotiis cogitaret, Typographicæ Artis
amore captus eidem se dare constituit.
Primum quidem aliis saltem ejus rei cul-
toribus operam consecraverat suam,
dum plagulas, quas illi excudebant, ut
mundæ

munda puræque fierent, purificare suscepit, postquam verò in stabulis istis everrendis & purgandis diu, ut Hercules sudaverat, ipse officinam construere intendit. Neque infelicitè consilium suscepit, mox enim typis comparatis, omnia ad opus bene & cum laude gerendum necessaria conquistavit, coque brevi tempore rem omnem addixit, ut inter primos Typographos Galliae haberetur *Melangius*, cum propter doctrinam, tum verò etiam ob singularem & indefessum literis inserviendi conatum. Præcipuè verò de eo prædicabatur, quod uteretur typis admodum acutis, charta candore marmoribus simili, atramento nigro, & quod maxime aureo quasi lapillo notandum, nihil omnino excudere, nihil emittere unquam in lucem, nisi quod ipse suis revidisset & perscrutatus esset oculis. Quam ob rem quod ipse potissimum scripta omnia correxit, quæ haberet imprimenda dignissimus nobis visus est, qui cum oportino mox memorando *Golzio* aliisque in eundem venire censum possit. Qua in

re præcuntem habemus Illustrem Monasteriensem Decanum, & Westphaliæ suæ decus *Bernh. Mallinkrotium*, qui ob eandem causam, ubi in ejus mentionem honorificam incidit ad Correctores Eruditos, quorum perpauco nominat, referre neutiquam dubitavit. Eumque secutus benevolus Lector porro, si vacabit, evolvat, atque dictorum fidem plus satis inveniet, in erudito opusculo de ortu & progressu Artis Typogr. pro Germanis adv. Gallos de dignitate ista concertantem. ed. Col. 1640. 4. p. 96. conferatur etiam *Pauli Patris* Profess. Mathem. Gedan. diss. de German. Miraculo optimo maximo typis literarum 4. Lipsiæ 1710. exc. p. 80. Huic statim subjungatur

Franciscus Modius.

NAtale solum Flandriam, & Brugen-
sem in ea Civitatem coluit, in qua
Anno 1556. stirpe procreatus nobili,
nobiliori verò præditus ingenio fuit.
Puer optimæ & generosæ indolis opti-
ma quæque sperare de se jubebat Paren-
tes.

tes. Quare literis melioribus a teneris unguiculis consecratus magnos & ingentes in iis progressus fecit. Domo egressus & Patria Coloniam petiit, ibidemque *Carolo* Comiti ab Egmond servitia, qualibus juvenes nobili prosapia orti adhiberi solent præstitit. Anno elapso transiit in familiam *Adolphi Hermani Rideselii* Hassiacæ Aulæ summi Gubernatoris, atque postea ad Comitem suum reversus, ab eo in Belgium ablegatus, nulla re eorum, quæ in mandatis habebat, impetrata in Germaniam solus remigravit. Ita *Joh. Posthio* de meliori commendatus ejus intercessione *Erasmi Neustetteri* Præpositi Cöburgensis per triennium usus est beneficentia. His autem abeuntibus patriam dulcissimam repetens bellorum truculentorum rabieque vastatam & miserrimam reperit. Atque adeo urbem quoque natalem ingressus, nonnisi in ea Martis invenit filios dirimentes cunctaque vastantes: Deplorato lugubri rerum statu tristis hinc iterum discessit, relictis quæ hæreditario ad se pertinebant jure aliorum potestati.

Quo

Quo facto in Germania Amicos , ut spes erat, sibi conciliaturus *Frankofurtum* venit , neque etiam infeliciter ibidem Vitæ suæ sustentandæ prospexit , variis hinc sibi suisque Musis conciliatis Patronis. In his *Sigismundus Feyerabend* celebris Typographus ducentos Imperiales singulis annis se soluturum viro solertissimo spondebat , si emendaret libros, qui ex officina sua prodituri essent. Placuit res *Modio* , accepit promissa ac omni studio prelis satisfacere laboravit. Nec defuissent etiam alia commodæ succedente tempore ex amore Principum ad eum redundatura nisi Anno 1587. pessimo Consilio , ut animi erat varii & fluctuantis , in patriam redire in animum induxisset. *Bonnam* enim cum transiret, quæ urbs à Gallis vi dam expugnata erat, omnibus peregrinis hostium crudelitati expositis, noster etiam *Modius* in truculentorum militum manus incidit , vestimentis amissis graviter vulneratus , captusque, & non nisi grandi à Jacobo Campio expensâ pecuniæ summa, libertati restitutus fuit.

His

His aliisque fortunæ procellis accessit singulare infortunium, quod aliquando a Canerepetitis morsibus *Antverpiæ* in crure dextro admorsus subiit, & hoc modo vitæ periculo iterum expositus fuit. Quibus rebus cum duriori sæpius conflictatus fortuna, cum fulmina ejus interitum sibi minari censeret, nec tamen, quibus ea mala tam insolita, tantaque frequentia irruentia promeruisset, animo secum concipere posset impia de Deo cogitare tandem cœpit. Negare scil. ausus, quod omnia regerentur sapientissima divina mente, atque providentia, Deique consilia in iis rebus haud esse ratus, ubi malis bene, & bonis male sit. In tanto discrimine igitur vitæ & animæ positus cum celeberrimo *Lipso* sua mentis sensa communicavit, & ab eo Philosopho Stoicis Principiis imbuto, omni quo potuit conatu & labore rationibus allatis in viam reductus est. Eaque collatione tam feliciter Modius sanitatem mentis denuo adeptus est, ut Philosophi in morem omnia, & bona & mala æquo deinceps perferret animo.

Tan-

Tandem postquam denuo *Frankfurti* & *Antverpiæ* prioribus laboribus, corrigendis nempe libris, vacasset, Canonicus Audomari factus est, paullo vero post ex hac ærumnis plena vita migravit ad vitam tranquilliorē An. 1599. quanquam sint, qui Annum 1598. commemorent, imo etiam *Königius*, annum emortuale, incertum quo auctore, fuisse affirmat 1697. Discrepantibus ergo scriptoribus certum quid definire vix licebit, nec multum etiam scire refert, quanquam B. in *Königii* Bibliothecam vel saltem errorem typographicum commissum fuisse putem. Specimina Eruditionis, quæ reliquit, sunt: *Pandectæ Triumphales* fol. *Frankfurti* 1586.: *Poëmata* laudato *Neustettero* inscripta: *Lectiōes Nov-anti-quæ*: *Notæ* in *Frontinum*, *Ælium*: *Modestum*: *Vegetium*: *Emendationes Curtii*, *Justini*, *Livii*, &c. vid. *Adami Vitas Philos. Freheri Theatrum* & *Swerii Athenas Belg.* p. 247.]

A a

V Volf-

VVolfgangus Musculus,

Theologus Seculo XVI. clarus, natus
Dusa, Lotharingæ oppido, ob Sa-
 linas, quas habet perquam noto, An.
 Chr. 1497. mensē Sept. eodem anno,
 quo Melanchton, atque ideo cum eo
 in nostro recensu conjungendus. Mul-
 tas tempestates, & procellas fortunæ
 adversæ subiit, quas tamen omnes for-
 titer sustinuit. Patrem nactus est *An-
 tonium* doliarium & Civem laudati op-
 pidi, a quo ingenue educatus, atque
 omni Pietate fuit innutritus. Post do-
 mestica Tyrocinia in Scholas peregrinas
 missus, *Ruppersvillam*, *Selestadium* &
Coloniā hinc reversurus a Præposito
 Monasterii cujusdam S. Benedicti in op-
 pido *Westrich*, ad vitam Monasticam
 est invitatus, cui probitas morum, &
 ingenii bonitas perplacebant. Hoc
 facto spei de se conceptæ respondentem
 agebat in Claustris vitam pro ratione
 temporis & instituti, pium siquidem &
 ab omni luxuria & moribus monacho-
 rum tunc vigentibus alienum sectatus
 morem,

morem; ita quidem, ut ludentibus sæpe numero reliquis, feria ille solus meditaretur, & deambulando plus sibi lætitiæ creari, quam lasciviendo existimaret. Inde otio honesto dato bonis literis studens, cum aliquando in Bibliotheca Cœnobii *Ciceronis* opuscula, & *Ovidium* reperisset, amore carminum struendorum ardere, atque huic arti operam dare cœpit, eoque progressus, ut mox carminis pangendi Princeps haberetur. Linguam Græcam ex fundamento primum non didicerat, neque latinam ut tristitia in his rebustunc erant tempora. Unde *P. D. Huetius* in libro de Claris Interpretibus sinistrum admodum de eo tulit iudicium, *quod nempe vir quidem bonus, sed Græcæ lingua imperitus fuerit, imo neque latina valde instructus, ut nisi a simplicitate & fide commendandus veniat.* In utraque tamen rectius deinceps profecit, & Hebrææ Lingux noticiam tantam hausit, ut fontes sacros & obscurissimos Rabbīnorum Commentarios intelligere potuerit. Hæc itaque & alia, illudque præcipue

dum promptè ex sacra Cathedra verba ad populum faceret, effecerunt, ut ei facultas publice dicto modo differendi data fuerit. Quo etiam munere variis in locis non sine laude perfunctus est. Atque ita felicissima dies illuxerat, qua Anno post Christum natum 1518., lectis *B. Lutheri* scriptis, in tenebras Religionis Pontificiæ altius penetrans, in veritatem Evangelii consensit, eamque & alios postmodum docuit, unde fere nonnisi Lutheranus a suis appellatus est Monachus. Quare cùm in Monastico ordine tutus esse haud liceret, nec veritati etiam locus daretur, relicto sœdali-
tio, uxorem duxit, atque *Argentinas* noctu, ne interciperetur, demigravit. Verùm quid ageret noster? Res erat angusta domi; neque enim ex Monasterio quicquam attulerat, neque cùm uxore acceperat largam dotem. Exemplum igitur Pauli secutus textorium opificium sibi eligens per aliquot menses Magistro cuidam ejus opificii *Anabaptistarum* sectæ addicto operam dedit. Conjugivero, ut interim paria officia, ancillæ

ancillæ more, aliis opulentioribus exhiberet, suavit. Sed mox his etiam valedicens operis Senatum Argentoratensem in fossis & aggeribus Civitatis ampliandis occupatum adjuvare constituit, ut vel sic honesto modo inopiæ succurreret suæ. Verum enim vero ante opus susceptum, ut singulis diebus Dominicis in pago urbi vicino, *Dorlizhemiani* vocarunt, sacra facere, jussus erat. Post hæc Argentinam, inde Augustam Vindelicorum ad publica docendi munia suscipienda discessit, ibidemque religionis negotia, omni animi ardore, & indefesso studio tractans, mirum quantum Ecclesiam Dei amplificavit. Crevit interea ut officiorum amplitudine, ita honorum titulis & doctrinæ Excellentia, & propterea multi colloquiis interesse jussus est, in quibus celebriora sunt *Donauverthense*, *Isenacense*, *Wormaciense*. Denique decretorum pro Interim recipiendorum violentia compulsus, statione sua clanculum abiit, atque *Basileam* ad Calvinianorum castra transfugit. Atque in hac tandem urbe

Typographiæ præcipua nutrice, uti jam antea aliquandiu in variis locis fecerat, per longum tempus correctioni plagularum à *Frobenio* excusarum, vacavit, quæ servitia etiam *Herwagiis* pari alacritate præstitit, ita ut per singulas horas non rarò vel viginti plagulas, re festinationem poscenti, inspectas, absolverit. Nam non rarò ita concurrebant paginae, ut circumspectus iis videretur, quibus omnibus tractandis nonnisi *Musculus* ob alacritatem & accuratam doctrinam sufficiebat: Inter singularia notandum est, quod suæ curæ credita habuerit, ut aliorum Patrum scripta, sic nominatim *Hieronimi* opera, in quibus restituendis repugnandisque à *Socio Sigismundo Gelenio* diu multumque sudavit. *Herwagio* verò in edendis Chrysostomi operibus occupato, ea de fide suppetias tulit, cui editioni An. 1539. absolutæ V. Tomis, ut & priori Hieronymianæ, præfationem doctam præmississe Eruditis constat. Posthæc *Constantiam*, ubi uxorem reliquerat, profectus, tandem variorum ad munera Ecclesiæ eum vocantium,

cantium, desideriiis repulsis, *Berna* confedit, ibidemque ad vitæ ultimam usque horam permansit: Eam verò diu expectatam An. 1663. d. 30. Aug. obigit, quo die lethali morbo decumbens, animo ad extremum habitum præsentissimo ex hac vita migravit. Ejus prostant versiones aliquot latinæ Commentariorum Chrysostomi in Epp. Pauli ad Romanos, Eph., Philipp., Basil. ap. Herwagium 1536. Transtulit etiam quædam Basilii, item Cyrilli, Sozomeni & Evagrii: Ipse scripsit Commentationes in Genes., Psalmos, Matthæum, Johannem, in Epp., ad Rom., ad Corin., Gal.: & Ephes., Philip., & Coloss., & Thessal., quæ posthuma fere sunt ejus scripta. Edidit præterea Locos Communes: Explicationem Decalogi: Dialogos de Concilio Tridentino, &c. De quibus videatur Adami in Vitis Theol. p. 367. Freherus in Theatro p. 196. Bælius in Lexico T. II. p. 2162. Teissierius in Elogiis pag. 232. Reimmannus in der Einleitung P. III. c. 1. p. 231. Claudit hoc elementum

A a 4 Mar-

Marcus Musurus.

Tertium nominamus Græcorum clarissimum, prioribus *Lasari* & *Chalcondyla* neutiquam postponendum, sed æquiparandum per omnia, in quibusdam & anteponendum. Hic pariter erat ex illorum numero, qui *Turcarum* potestati cedere coacti in peregrinas emigrarunt terras. Sodales primarii enim fuere: *Bessarion Cardin.*, *Emanuel Chrysolorus*, *Demetrius Chalcondylas*, *Theodorus Gaza*, *Johannes Aggropylus*, *Georgius Trapezuntius*, *Michael Marullus*, *Johannes Lasaris*, & noster *Marcus Musurus*. Ex eo autem, dum viri hi omnes & ortu & doctrina haud infimi lubentes ad sacra Pontificiorum transire, facile cognovi, quam parum non raro religio Græcorum a Romana differat, & quam prona sit omnia ab hac ad illam prolabendi, quicquid dicant isti, quibus interdum inter Evangelicos vivere contingit. Quanquam non negandum, spem honorum suscipiendorum apud Papicolas, ubi fastus mundi regnare

gnare solet, non parum ad horum virorum transitum contulisse, utpote qua facillime isti homines, tenacissimi aliàs in suis sententiis defendendis, alliteri & in obsequio contineri possunt. Quamdiu enim Græcis dabis, tamdiu gratus eris acceptusque, fac vero periculum, nec in omnibus eorum responde dogmatibus & petitis, tunc inimicissimos per tot vitam experieris. Ego certe in consuetudine quadam vixi cum quodam Græci nominis viro satis apud nos claro mihiq; amico, qui aliquot annos à patria, quod illis dulcissimum solum est, vel quasi exul, diu in *Germania* vixerat, variaque hinc inde acceperat beneficia, quæ quanta etiam fuerant, tanta tamen ab eo non æstimabantur, qui majoribus se haud indignum judicaret. Imò memini ea interdum illum protulisse de nostris Germanis, eorumq; studiis, præcipue Græcis, quæ huic albo tradere timeo. Præcipue verò *Halensibus* & Theologis quibusdam, iis imprimis, qui orthodoxi haberi viderique cupiunt infensum admodum fuisse reperi.

A a 5

Scd

Sed sit venia arrogantiae istorum hominum, nam eo in vitio in unum quasi conspirare videntur. Noster certe *Musurus* luculentum ejus rei exhibebit documentum. Ille, cum universam fere *Graciam* sub jugo Turcarum ingemiscentem vidisset, *Candiam Insulam*, quam olim *Cretam* appellârunt, & patria nostri erat, relinquens, fortuna sua ventis commissa, sibi suisque studiis consulturus, aliorum vestigiis insistens, *Italiam* amoenissimam petiit, ac *Venetias* primum adire constituit. Ingenii fretus felicitate & dexteritate, ibidem mox inclaruit, & paullo post toti *Italiae* in oculis esse coepit, postquam scriptores quosdam Græcos, suis interpretationibus illustratos, atque à seipso in Typographiis correctos, cui operæ tunc deditus erat, publicæ exposuit luci. Meruit inde Virorum Doctorum communia de Eruditione suffragia, ex quibus vel unum huic opellæ inserere placet; Rhemani nempe in Vita *Erasmi* verba: *Nihil erat, inquit autem, tam reconditum, quod non aperiret, nec tam involutum,*
quod

quod non expediret Musurus, vere Musarum Custos & Antistes: omnia legerat: excusserat omnia: Schemata locutionum, Fabulas, Historias, ritus Veteres ad unguem callebat. Hanc tam consummatam Eruditionem insignis Pietas commendabat, &c. His igitur in Societatem literarum communem meritis effecit, ut ab Illustri Veneta Republica munus in Academia Patavina publice docendi, ipsi fuerit conceditum. In ea statione fidelissime etiam, quantum potuit valuitque, discipulos erudit suos eo quidem successu, ut nimio concursu studiosorum facto conclave tandem non sufficeret ad frequentiam tantam capiendam, sed amplificandus locus esset. Id quod recentiori ævo *Johanni Meursio* Lugduni Bat. contigisse legi, ad quem audiendum tantus concurrebat numerus, ut locus auscultantibus vix relictus fuerit, qui tamen post hæc ita imminutus est, ut non raro duobus saltem vel tribus verba faceret præsentibus. Amplius de Musuro nostro testimonium *Erasmi Roterod.* adducendum ducimus in Epp.

L. V.

L. V. XXIII. hunc in modum scribentis:
*Patauii neminem vidi celebrem, mortuos
 tantum commemoro, prater Raph. Regum
 hominem admodum natu grandem, sed
 cruda viro, viridisque senectus. Erat
 tum, ut opinor annis septuaginta; & tamen
 nulla fuit hyems tam aspera, quin ille mane
 hora septima Marcum Musurum Græce pro-
 fitentem audiret, qui toto anno vix qua-
 tuor intermittebat dies, quin publice pro-
 fiteretur. Hiemis rigorem juvenes ferre
 non poterant, illum senem nec pudor nec
 hyems abigebat ab auditorio. Musurus
 autem hic ante Senectutem periit, post-
 quam ex benignitate Leonis cæperat esse
 Archi-Episcopus, vir natione Græcus, ni-
 mirum Cretensis, sed latine lingue usque
 ad miraculum doctus, quod vix ullo Græco
 contigit, prater Theodorum Gazam & Jo-
 hannem Lascarim, qui adhuc in vivis est;
 &c. Tanta fuit Musuri diligentia & exi-
 stimatio, sed non minor animi elatio
 hinc facta, omnium virorum doctrina
 illustriū opinionem permagnam ani-
 mo suo concipiens, & sibi proponens,
 atque ex ea re crescente supercilio &
 cupidi-*

cupiditate incredibili plus ultra tendendi, cum Venetias huic spei vix responsuras cerneret, relictis dignitatibus & laboribus *Roman* concessit. Illic cum Poëma quoddam Græco sermone in laudem *Platonis* conscripsisset, quod postea operibus præmissum est, amicitiamque & gratiam *Leonis X. P. R.* consecutus esset, ita, ut non solum facultas data ei fuerit, a Collegio illustri Romano Græca publica authoritate profitendi, verum etiam tanti habitum fuit viri studium, diligentia ac fides, ut Papa *Archi-Episcopum Malanzianum* postmodum creaverit. Attamen vix ad hunc honoris gradum adscenderat ecce! ut Græci solent, majoribus se adhuc dignum ornamentis judicans, eaque illico secutura autumans, nihil nisi, ut in Purpuratorum numerum reciperetur, habuit in votis, eaque spe diu sustentatus est. Vana autem illa persuasione ex eventu cognita, non enim unquam cogitaverat Pontifex de iis honorum titulis & juribus Musuro concedendis: Unde noster tandem sibi suisque
Civi-

Civibus imo universæ patriæ ignominiosum fore ratus, suam conquestus fortunam, & indignitatem re desperatæ, mœrore contracto, cum mox in ipsum vultum serperet atra lues, expiravit. Et quidem, postea quam paullo ante exitum ex hac vita, cum triginta aliis a Papa pileo rubro fuerat condecoratus, teste *Jorio*. Quem tamen alii hydrope laborasse, & nunquam honoribus istis imbutum, diem supremum perhibent obiisse. Anno à nato Christo 1517. Quod mortale erat humo, gloria vero nominis æternitati, consecrata est. Vivit etiam huc dum & ob alia & ob industriam in vertendis, corrigendisque Scriptoribus Græcis diligentiam incredibilem, de qua in Vita *Lascharis* verba ex *Almeloveenii* vitis Stephano-
rum excerpta hoc loco possent repeti. Unde quoniam Lector paginas revolvens, facillime breves illas denuo poterit inspicere lineas describere hic superfedemus. Paucis restat de scriptis Mursi quædam, ut addamus. Extant ejus Epigrammata Venetiis Anno 1500. ed.
itemque

iteinque *Aristophanes & Athenæus*, quos primus correctissimos protraxit in lucem & correxit apud *Aldum*: Præfatio in Etymologicum magnum procul. An. 1499. Venetiis per *Zachar. Calliergium*, cui Typographiæ, uti in hoc opere, sic in aliis variorum doctorum scriptis enaculandis operam suam Epanorthoticam per longum tempus consecraverat. Sepulchro insculptum fuit Epitaphium sequens:

Musure mansure parum, properata tullisti

Præmia: namque cito tradita: rapta cito.

Inspiciant qui plura de Vitæ fatiis & varia fortuna ejusdem novisse desiderant, Buddei Lexicon T. III. p. 585. Vossium de Poëtis Gr. ad ejus nomen: Bælium T. II. p. 2168. Pierium Valerianum de infelicitate Literatorum ed. Lips. p. 268. Morhofium in Polyh. T. I. L. IV. c. 11. §. 6. Maitterius in Historia Steph. p. 168. &c. Nos nunc vocat ordine ita jubente

Johan-

Johannes Oecolampadius

DE primo hoc Zwingliani dogmatis Sectatore, & pro eo scriptore sollicito, cum alibi multa reperiantur consignata a plurimis, paucis in præsentī repetemus. Natus est An. 1482. eodem anno, quo *Georgius Winsberga*, & a Patre acceptum nomen German. in *Oecolampadii* Latinum transtulit, quod neminem putamus ignorare. *Heilbrunnam* primum domo missus, hinc postquam & matris precibus, & ingenii sui bonitate, à mercaturæ, cui destinatus fuerat, tractandæ metu liberatus erat, *Heidelbergam* venit, Baccalaureus illic & Magister artium creatus, *Bononiam* profectus est. Cœli tamen Italici insuetus, noxiumque sanitati illud conspiciens, atque mercatore adhuc in nummis pendendis ex fide haud agente, ad suos post breve intervallum, rediit. Studio postmodum Juris ad exemplum *Calvini*, *Petri Martyris*, *Lamberti Danaï*, *Th. Beza*, *Sædædis* & *Georgii Sohni* aliorumque sui ordinis, sepositis, internoque instin-

instinctu, ut sibi persuadebat, monitus, sacris se dedere literis coepit, & in Academiam Heidelberg. cum in finem reversus est. Nec multo deinceps Parentibus ipsius *Occolampadii* ditatis admodum singulari fortuna, gratique animi demonstrandi causa Sacerdotium *Winspergæ* erigentibus, filio id primum committere visum est. Cui functioni administrandæ, cum nondum se idoneum crederet, amplius *Tubingam* migravit, & *Stutgardiam* aliquanto post atque *Heidelbergam* transiens à *Wolffg. Capitone*, perquam sibi familiari, *Basileam* invitatus, sacris ibidem concionibus habendis ab Anno 1515. præfuit. Eaque occasione Anno 1516. Doctoris titulo condecoratus; *Erasmo*, Veteris Ecclesiæ Patrum Repurgatori, adstando corrigendoque ad tempus suppetias tulit. Dein in Monasterium *Altonis* vulgo dictum, & in *Bavaria* situm, ad *Brigitte* regulas confirmatum, aliquandiu se recepit. Sed in Pontificiorum odium scripto de Confessione libro incurrens, etiam hinc aufugien-

B b

dum

dum fuit, tam propere, ut triduo ante, quam inimicorum structis insidiis capi debuerit, equis ab amicis quibusdam clanculum subministratis, salvus atque incolumis ad Nobilissimum Virum *Francisc. de Sickingen* vix elabi posset, *Basileam* ab eo dimissus belli metu pristinum hospitium revisere constituit, ibidemque, ne tempus otio tereret inani, ab *Andrea Cratandro*, Typographo laudatæ urbis optime merito, ad sustentandam vitam in officinam publicam Typographicam receptus, largiter, unde viveret, accepit, ea conditione, ut sedulam in corrigendis codicibus exscribendisque navaret operam. Nec tamen huic solum intentus erat Noster labôri, sed majora, & juxta cum hisce exercitationibus suscepit agenda, inter alia *Chrysostomi* Commentarium in *Genesin*, ex Græca in Latinam transfundendo linguam, aliaque plura in lucem protrahendo, quæ supersunt. Quo factum, ut, conspectis *Oecolampadii* dotibus, a Senatu ad Theologiam prælegendam, & conciones in fano divi Martini habenden-

habendas expeteretur. Atque hic via jam strata, dataque libertate, ut ea docere liceret, quæ Scripturæ testimonio cognoverat firmata, in eadem urbe feces Papicolarum ex Ecclesia expurgare cœpit, primusque adeo legitur fuisse, qui lingua vernacula infantes sacro ritu baptizaret. Satis quoque eo usque pure professus erat Evangelii doctrinam; sed exortis litigiis inter *Lutherum & Calvinum* à posterioris partibus stare cœpit. Nec tamen desuit strenue & Basileæ, & in Civitate quoque Ulmenfi Pontificiis resistere, sed Reformatorum placita constanter tuendo tanto acrius eliminandis istis fordibus institit. Eoque nomine interfuit disputationi Badensi Anno 1527. cum *Eccio* habitæ, nec non in colloquiis celeberrimis *Bernens* & *Marpurgensi* cum *Luthero* & *Philippo* pro conciliatione, sed frustra habitis. Tandem Anno Christi 1531. d. 21. Novembris (male sec. *Freherum* d. 1. Decembris) ætate medioeri annorum 49 diem obiit, quem obitum moeror ex bello *Helvetiorum* & miserrima

Zwinglii cæde contractus, promovisse nonnullis creditur. Epitaphium ejus exscribere nolui, uti nec pluribus disserendum duco de ejus scriptis, quæ cum plurima sint, ideo nec *Freherus*, nec alii ea recensere voluerunt, sed distinxere in Exegetica, ut in Gen., Psal. & N. Test. in Didascalica & Apologetica. Videatur de his & aliis pluribus, ad *Oecolampadii* fata spectantibus, oratio *D. Johannis Polani à Polansdorf* de vita & obitu *Oecolampadii*, quæ subjuncta Ejusdem *Analysi Prophetæ Jeremiæ* prodit *Basil.* 8. 1606. p. 210. Et pro compendio addatur laudatus *Freherus* p. 106. & alii *Biographi*, inter quos *Adami Ulfse, Clarmundus* &c. qui in omnium manibus hærent. Nunc progredi licebit ad alios in eodem elemento memorandos viros. Præstat vero se *Typographus* toto orbe celebratissimus

Johannes Oporinus.

Natus Anno 1507. d. 7. Januarii,
patre *Johanne Herbst* / *Pictore.*
Nomen hoc familiæ hætenus usitatum.
filius

filius postmodum mutavit, insignis illius
apud Martialem Epigrammatis L. IX. 9.
occasione :

Si daret Autumnus mihi nomen, Ὅπωρον,
esset,

Horrida si bruma sidera, Χειμερινός,

Itemque :

Dictus ab astivo Θερινός mihi mense vo-
carer,

Tempora cui nomen verna dedere, quis
est ?

In conceptione macula genitalis, vi-
so à matre parricida discerpendo , &
horrore inde exorto , ei fuit impressa.
Studiorum Magistris creditus eo usque
profecit , ut postmodum à *Theodoro*
Zwingero, Publicus Dei Optimi Maximi
contra Anti- Christum & portas infe-
rorum Notarius appellatus fuerit. Lati-
na enim non leviter tantum, sed & ele-
ganter calluit, neque Græca ignoravit,
atque in cæteris literaturæ partibus ho-
spes fuit , unde gratus acceptusque
omnibus factus est Literatorum Docto-
ribus συγγράμνους. Neque tamen per to-
tum vitæ decursum caruit fortunæ ad-

versæ ærumnis identidem sibi imminentibus. Sub initium statim impeditus in rebus suis gerendis fuit per inopiam Parentum: unde adultior etiam, nervo omnium rerum destitutus, Argentinam primo, mox Helvetiam, iterum vero Basileam petiit, ubi Patres aliquot Græcos describendos suscepit, atque *Frobenium* typis a sua manu eisdem grandibus editurum sumtibus amplius corrigendo sedulo iuvit, ob quem laborem magni ab *Erasmo* habitum fuisse constat. Medicas postmodum tractaturus artes, ut eo felicius progrediretur, non veritus est, ut ut jam antea ipse docuisset denuo discipulus, magni illius & cum arte tum jactantia famosi *Theophrasti Paracelsi*. Famulus itaque & Amanuensis hujus *Thraſonis* factus, plurima pericula subiit: Solebat enim iste vino madidus, qualis non raro erat, stricto gladio media interdum nocte per diuinidium fere horæ cum larvis non sine ingenti strepitu, & *Oporini* in eodem cubiculo dormientis metu ac horrore de pugnare. Quibus præteritis excitatus

tus *Oporinus* ex ore Theophrasti excipere jubebatur expedite sapius recitata prompto calamo, ut dæmonem malum ista ei suggessisse ipse etiam Amanuens suspicatus sit. Plurima certe, quamvis adhuc in scriniis latentia, supersunt *Theophrasti* opuscula manu descripta Oporini. Abhorruit tandem a Magistro impio Noster, & Basileam reversus *Grynæi*, viri optimi & Patroni Literatorum maximi, familiaritatem est consecutus, eo quidem successu, ut *Grynæo*, in alium vocato locum, Græcæ linguæ Professionem impetrarit. At Senatus deinceps decreto promulgato, quo omnes Academiæ Doctores officiis suis publicis honorum convenientestitulos capeffere jubebantur, renuens noster id se facturum, Magistratu in mandatis perseverante, statione sua ultro abiit. Reversus igitur ad eam artem, quam longe ante, jam corrigendis libris deditus, adamaverat, Typographica negotia exercere cœpit. Tanto tunc temporis fuit in pretio hæc scientia, ut tanti etiam viri earum tractandarum non

erubuerint, cum hodie vel mediocriter docti, quales plurimi sunt, ab iis laboribus abhorreant: His igitur intus Oporinus laboribus felici haud successu multa tamen sua culpa usus est, conjugis *Winteriana*, cum cujus marito socieratem operarum inierat, luxu & superbia pæne naufragium facultatum passus est, imò submersus fuisset, ni multis & Herculeis laboribus rem suam labascentem aliquantulum restaurasset. Adjutus autem præcipue legitur *Christophori Veitmoseri* Juvaniensis liberalitate, quippe a quo Anno 1558. inops vitæ, laribusque traditis mille Joachimicis, fuit restitutus. Multa de reliquo grandia in lucem dedit opera, quæ maxima semper adhibita industria non modo excudebat, sed ipse etiam constanter emendabat omnia, nulloque fere, ut reliqui, usus Correctore, ipse rerum suarum satagebat. De diligentia illa incomparabili verba, quæ *Museo* ipsius inscripta legebantur, testantur sequentia: *Quisquis es, rogat Te Oporinus etiam atque etiam, uti, si quid est, quod a se velis,*
per-

perpaucis agas, deinde actutum abeas, nisi tanquam Hercules defesso Atlanti veneris suppositurus humeros: Semper enim erit, & quod Tu agas, & quotquot huc attulerint pedes. Quantacunque tamen fuit Oporini sedulitas & virtus, omnem tamen Doctorum invidiam evitare non potuit, qui negligentiam viri optimi accusare haud dubitarunt. Cujus causa fuit, quod convolarant ad eum Eruditorum libri incredibili copia, atque hincubi cumulum eorum non raro haberet, omnibus simul satisfieri nullo modo potuit. Quibus rebus cum fieri aliter, quam ut quædam interdum Manuscripta per aliquot intacta manerent annos, & querelas ab Autoribus sæpe numero effusas adhuc legas. Sic inter alios *Hadr. Junius* scribit in Ep. quadam, quæ in editione mihi visa p. 180. conspicitur: *Commentarium meum in Horatii odas, jam totum quadriennium, aut plus eo Oporinus habet, pollicitus, quamprimum cum prelo tradere, sed fidei vanus, me invittissimo, supprimit.* Quam ego &c. & p. 185. eandem repetit querimoniam

sequentem in modum: *Sensere Horatiani Commentarii hactenus calamitatem insperatam, si non dicam potius indignam servitutem, supra quadriennium ap. βιβλιώτατον (sic enim appellare rei indignitas me compellit) Oporinum, hominem Alcæadum non absimilem, qui ut non sit indoctus, tamen multorum scripta eruditiora, unde rem sperat facere in librariam suam officinam, publicanda, si Diis placet, congerit, ut nullus sit modus, sed eadem velut injectis vinculis, illigata apud se asseruat, ut illi olim Martem compedibus manciparunt, & detinuerunt, atque ita mecum expectationem, & multorum bonorum vota eludit flagitiose ac improbe.* Equidem nunc non excusabo cunctationem aut negligentiam viri, si modo jure est talis dicenda, quæ ex scriptorum multitudine orta est tarditas: In rebus tamen Oeconomicis segniter, otiose, ac instar dormitantis egisse, non negabo, unde forte, quis in reliquis fuerit, facile colligi poterit. Nihil notabat, nec acceptos nec expensos nummos consignabat, quæ prona ad perniciem

ut

ut plurimum via est. Unde postquam
 sapissime etiam deceptus esset, fieri non
 potuit, quam qui postremus fuit even-
 tus, ut 8000. millia æris alieni post fata
 relinqueret. Ita res acta est, donec
 uxoris novæ, quæ quarta erat, instinctu
 officinam suam venalem fecit; Quo fa-
 cto signoque, quod *Delphinus* erat,
 cum insidente *Arione*, aliis concessio, ex
 ea *Bonifacii Amerbachii* filia, *Ulrici Isē-*
lii vidua, filium suscepit, cujus nativitate
 tanta lætitia affectus est Oporinus, ut
 non solum omnibus significaret Erudi-
 tis, sed etiam ex eo tempore omnem in
 Epistolis Oporinulus faceret paginam.
 Vivere tandem desiit An. 1568. vel, ut
Mollerus putat, An. 1578. & alius qui-
 dam An. 1579. d. 24. April. Ex qui-
 bus tamen priorem numerum eligam,
 utpote quem, monumentum quod-
 dam tumulo Oporini impositum, & a
Vicentio Parravicino in libro de Singula-
 ribus Eruditorum citato, & oratio
Andr. Jocisci habita, annoque 1569.
 excusa, confirmant. Elatus est à Civi-
 bus Academicis, non sine omnium
 Musa-

Musarum luctu acerbissimo. Sepultus in summo templo, concione funebri co-
honestatus est, habita a D. *Simone Sulcero*.
Oratio vero de ejus obitu ab *Andr. Jo-*
cisco Silesio recitata, excusa est Argento-
rati 8. 1569. cui Catalogus subjectus est
librorum in officina Oporini impresso-
rum, qui itidem prodiit 1571. 8. & Ti-
tulum gerit : Exuviarum Joh. Opo-
rini Typographi Basil. Scripta quæ Scho-
lia sunt in aliquot Capita Polyhistoris
Solini : Scholia in *Ciceronis* Quæstiones
Tusculanas : Annotationes ex diversis
doctorum lucubrationibus congestæ in
Demosthenis orationes : Onomasti-
cum Nominum propriorum : Epitome
Vitarum Plutarchi à mendis purgata :
Annotationes in Hesiodum &c. Ex Epi-
taphiis variis & plurimis vel unicum,
idque brevissimum, hic posuisse suffi-
ciat :

*Quantula sint hominum corpuscula, disce
Viator,*

Magnus Oporinus conditus hoc tumulo.
Confer Adami in Vitis Philos. p. m. 242.
Teisserium in Elogiis Tom. I. pag. 337.
Crenii

Crenii Animadversiones Philol. P. VI.
& orationis supra laudatæ Autorem, &
si qui alii laboriosissimi viri, qui passim
ejus mentionem injecere, Biographi.

Johannes Opsopæus.

Medicus experientissimus, & gloria
nominis admodum præcellens,
quem vitæ initia habuisse referunt An.
1556. d. 25. Jul. patria eadem, quæ &
Musarum alterum *Apollinem Melanch-*
thonem protulit *Bretta Palatinatus infe-*
rioris antea jam memorata. Literis
ætati congruentibus imbutus, acriter ad
eximia quævis pergere non destitit, eo-
que nomine *Neostadiense* in Vangioni-
bus celebre tunc temporis Gymnasium
adiit. Inde vero dignus a Magistro
Fortunato Crellio, ut sublimiora ageret,
agnitus in *Heidelbergensem* Acade-
miam concessit. Ubi ad medicinæ lati-
fundia scrutanda natura pronus, indo-
lis bonæ instinctum secutus, multum
brevis tempore in isthoc studiorum ge-
nere profecit. Postquam vero *Fride-*
ricus III. Mæcenæ Academiæ suæ ad
coele-

coelestia migraverat gaudia, Alumni quoque cum ceteris plurimis ob sacra, quæ Successor Friderici diversa sectabatur, dimissi huc illuc dilabi cœperunt. In his igitur noster etiam *Opfopæus* Francofurtum ad Mœnum delatus est, ubi, licet inveniret etiam alia, quæ ageret, & quibus victum sibi amictumque procuraret; tamen, quia linguarum atque Græcæ potissimum & Latinæ peritissimus erat, in Wecheliano Typographeo gratissimus fuit hospes, atque in illud contubernium cum voluptate susceptus est. Tradita igitur suæ curæ scripta, quæ erant excudenda typis, singulari alacritate illic inspexit, ac sedulo emendavit, nec mediocres attentæ omnium lectione, & examine instituto in Literarum studiis sibi comparavit accessiones. Cum verò majoribus se parem esse peragendis sentiret, primum quidem *Wechellos*, ob pestem & bellicos tumultus in Galliæ terminos secedentes, aliquandiu est secutus; postea verò, sibi etiam soli, & agrorum commodis vivere atque studere de novo incepit.

cepit. *Lutetiis* proinde *Parisi*orum
Medicæ arti excolendæ prope unice in-
 dulsit, eandemque per aliquod tempus
 haud infeliciter exercuit. Quibus ta-
 men postmodum & sinistra quadam
 fata accessere, cum ob Hæreticam, ut
 boni Galli somniabant, in religionē
 sententiam, semel iterumque in carce-
 rem detruderetur, quanquam etiam
 periculishisce, atque aliis, non sine dif-
 ficultate, creptus fuerit. Relicta tan-
 dem Gallia, Britannia, & terris deinde
 Batavis perlustratis, in patriam reversus
 est, ubi ad Physiologiam publice do-
 cendam Heidelbergam accersitus avi-
 de munus sibi demandatum recepit, &
 pari industria ornavit; *Fridrico au-*
tem IV Electore Palatino, Ambergam
 concedente, successus noster in locum
Joh. Posthii a societate ministerioque
 Principis non recessit, nisi haud procul
 a vitæ exitu. Ubi repetita Heidelber-
 ga, studiorum matre dilectissima, vi
 morbi abreptus, ad superos abiit, cum
 nondum ætatis annum quadragesimum
 primum explevisset An. 1596. Pro-
 dierunt

dierunt de cetero in lucem hujus Medici, Philologi & Correctoris eruditi cura aliquot *Hippocratis* scripta, quæ emendavit summa industria, tum notis illustrata, & passim prostant, emisit. Eidem debemus Jusjurandum: Aphorismorum Sect. VIII. Prognostica Porreticorum LL. II. quæ omnia, & alia plura sua manu ad prelum correctâ, abunde doctrinam hujus viri demonstrant. Bene de reliquo distinguendus est a fratre *Simone Opsopæo* Medico, itidem Heidelbergensi, annoque ætatis 43 extincto, itemque a *Vincentio Opsopæo* Franco, qui Epigrammata Græcorum quorundam evulgavit 8. Basil. 1540. ut & Epigramma de arte bibendi, & similia Poëtica. Conf. Adamum in Vitis Medicorum p. 325. Gesneri Biblioth. Freheri Theatrum: Lindenium Renovatum de Scriptis Medicis, auctum & editum a Georg. Abrah. Mercklino, Norimb. 4. An. 1686. p. 651.

Orthui-

Orthuinus Gratius

PRincipis inter eos titulo dignus, qui, Seculo XV finiro, inchoatoque XVI, ob fervorem Theologicum singularem, Coloniae vixerunt, & pro superstitione Sacrorum Pontificiorum sub id tempus ex ea arce, Germanicarum Scholarum primaria, acriter dimicarunt. Varii enim ea tempestate viri doctissimi intimos recessus meliorum literarum scrutati, coeperant, ut ita loquar, desipere, quales *Wesselus Gansfortius Gröningensis*, *Lux Mundi* alias appellatus, *Rudolfus Agricola*, & *Johannes Reuchlinus* imprimis clarent. In hos ergo libere interdum sentientes, suaque edisserentes placita cum applausu, involarunt agmine infesto cumulatim Scholastici illi Doctores pro suo *Thoma Lombardo*, *Scoto*, & aliis æque barbaris cœtibus, hypothesibusque ac methodis ad sanguinem propugnaturi. Omnium maxime, tanquam pro aris & focis depugnandum esset, Colonienfes strinxerunt gladios, condemnaturi scilicet,

C c

quot.

quotquot vel hiscere auderent, contra tot tantaque Ecclesiæ Romanæ lumina. Ab his *Wesselus* non solum Moguntia An. 1479. ab Inquisitoribus Hæreseos diris proscriptus, sed eo etiam prolapsi sunt furioso Zelo obscuri isti Theologi, ut comminati etiam fuerint, ni Pontifex Romanus in causa *Reuchlini* & *Hochstratani* conversa suis faveret partibus, fore; ut pro capite suo suum neque Ecclesiæ Pontificem amplius agnoscerent. Atque horum præcipue fuisse *Jacobus Hochstraat*, *Arnoldus de Tungen*, *Conradus Kollinus* Curator literarum memoratæ Facultatis, *Johannes Horst de Romberg*, *Theodor. Gandensis S. Th. Baccalaureus*, *Theodoricus de Gouda*, *Henricus de Geelen*, S. Theol. Professor Colon. & Cœnobii Carmelitarum Prior, & qui inter primos numerandus fuisset *Orthuinus Gratius*. Hi, inquam, omnes, unitis consiliis, conjunctisque viribus, assumtis insuper in Societatem Theologis *Lovanensibus* & *Parisinis* omnem moverunt lapidem, ut *Reuchlinum* quoque ob Hæresin impositam pari acrimonia damnarent. Sed de his

his litigiis plus fatis, cum instituti ratio
plura non postulet, dictum. Restat ut
de *Orthuino Gratio* singulatim quædam
exponam. Fuit nimirum ille Monaste-
riensis Westphalus; in qua urbe quidem
natus, verum incrementa studiorum
Daventria hauserat, ubi *Alexander He-
gius Erasmi Roterodami* Præceptor ce-
leberimus, artium humanitatem pu-
blice profitebatur. Mirum igitur videtur,
quod, cum ille nugis Pontificiis non cæ-
co assensu inhæreret, sed acutis non ra-
ro inspexisset oculis, abdita Papicola-
rum arcana, discipulus tamen Orthui-
nus naniis istis Scholasticis mordicus
insisteret. Multoque adeo credibilius
est ad sanio rem quidem mentem Da-
ventriæ ductum, sed ab ea deinceps
Coloniã delatum, resiliisse, & pro-
ribus tricis, quibus implicandis natura
idoneus videbatur, implicitum esse.
Unde etiam non raro ob doctrinarum
fundamenta, quæ Daventriæ posuit,
postmodum Presbyter Daventriensis
appellatus est. Namque ætate & viri-
bus instructus, ut alios & ipse doceret,

Coloniae, non sine applausu auditorum,
 huic negotio, & expectationi, de se a
 quibusdam factae per omnia, quae a
 Theologo Scholastico, & Cathedrario,
 ut Lutherus vocabat, requirebantur,
 fatis fecit. Cui dum incumbere labo-
 ri, subcivis simul horis, vel scripta
 quaedam ipse & in lucem edidit, vel
 paginas *Quentelio* Typographo impres-
 sas liberavit suis naevibus, quibus scatebant.
 Quid verò bonae frugis ex eo labore re-
 dundare potuerit in publicum, praeter
 emendationem levissimorum tritorum-
 que sphalmatum in elementis commis-
 sorum, non video. Puritatem enim
 linguae Latinae ab eo restitui posse; si
 qua cespitatum fuisset, creditu difficil-
 limum mihi videtur, quandoquidem
Orthuinus barbaramente fatis & ipse scriberet.
 Inter haec vero illa sunt gesta peracta-
 que certamina, in quibus postquam li-
 res inter *Reuchlinum* & Colonien-
 ses Theologos exortae fuerant, potiores
 partes sibi datas vana opinione persua-
 sus credidit *Orthuinus Gratus*. Ut ut
 sit, occasionem certe exinde sumpsit le-
 pidissimus

pidissimus autor Epistolarum obscuro-
rum Virorum traducendi istos Homun-
ciones, & nominatim quidem Orthui-
num Gratium nostrum, qui sæpe omni-
bus paginis vapulat; ut hodieque ludi-
brium orbi literato debeant, quicunque
demum sit vel Reuchlinus ipse, sive
Erasmus, sive etiam *Ulricus ab Hutten*, vel
nobilis denique aliquis Silesius, quorum
posterius vero similis est, cum priores
strenue negarint ac pernegarint, se
conscriptisse Epistolas istas sine dubio fi-
ctitias, Literatura saltem eorum cogno-
sci potest, & quo pretio fuerint apud
politiores habiti: Sed hæc ἐν παρόδῳ. No-
strum est, tandem ætate & laboribus
confectum diem suum obiisse *Gratium*
Coloniæ notare, postquam ad extrema
usque fata *Quentelio* corrigendo ad fue-
rat Anno 1542. d. 18. Maji. Scripta, quæ
reliquit, sunt: Fasciculus rerum expe-
tendarum & fugiendarum Colon. 1535.
qui continetur in *Æneæ Silvii* Com-
mentariis de gestis Concilii Basileensis:
Vita Hildebrandi: Vita Henrici IV.
Professio Fidei Waldensium: Articuli

Johannis Wiclefi: Aretinus contra Hypocritas: De vocatione Bohemorum ad Concilium Basileense &c. Qui postremus liber, omiſſa quamvis omnia fuerant, quæ vel in minimis ſuſpecta Romanæ Sedi fieri potuiſſent, non tamen effugere, ex mente Papicolarum, cenſuram acriorem potuit, ſed in Indicem expurgatorium, ut vocant, relatus eſt, atque ita permultis ex eo cætu diſplicuit, ut totius operis ſtructura, & ſi res integra fuiſſet, totum ſupprimi maluiffent. Quam ob rem quia rarius inter nos, ab interitu & caritate ut liberaretur *Eduardus Brovvn* Parochus Sandrigiæ in agro Cantiano Anglus, denuo typis illud mandavit, atque ultra dimidium auctum exhibuit Londini in Fol. Priorem editionem Orthuinus ipſe a vitiiis purgaverat. Scripſit etiam & publicavit Triumphum Jobi Prophetæ. Porro carmen in ſpeculum oculare Reuchlini, audaciſſimis convitiis, & mendaciis repletum, atque hinc etiam ab ipſo Reuchlino peracri examine tractatum: Apologia quoque ejus extat ſeparatim adv. Reuch-

Reuchlinum edita , & Critico - mastix
peregrinationis Petri Ravennatenfis :
Judiciis quatuor Universitatum Lovan.
Erfurt. Paris. & Colon. prænotamenta
quædam præmifit, in quibus auditu in-
digna mendacia eum commiffiffe Eru-
diti communi confenfu femper affirma-
runt: Conf. de his Cel. Buddei Lexicon
p. 289. & Joh. Henr. Maji Vita Capnio-
nis p. 315. in quibus vero nihil invenire
licet de Orthuini laboribus Typogra-
phicis, quorum teftem ego adduco
Maitterium in Vitis Stephanorum p.
168. Obfignatus dicta qualicunque
Epitaphio :

*Cur horret , Lector , mens atra virentia
musco?*

*Quid trepidus fpectas , quem tegat ifte
lapis ?*

*Huc ades , & propius fub terra condita
cerne :*

*Gratius Orthuvinus clauditur hoc tu-
mulo ;*

*Quem clarum dedit obfcuroꝝ fata vi-
rorum ,*

*Hic jacet obfcurus nunc quoque Theio-
logus. Hen-*

Henricus Pantaleon

BAsileensis, honestis procreatus Parentibus An. Chr. 1522. d. 13. Junii, ac literis optimis a puero excultus, ita quidem, ut condiscipulos suos doctrina longè antecelleret, imò non rarò tardiores in Scholasticis Exercitiis juvaret. Ob morum elegantiam & eruditionis futuræ luculenta signa *Rudolpho Freyo* Senatori percharus filium ejus vix ipse ex ephebis egressus docuit, primaque industriæ, & inserviando aliis alacritatis specimina dedit. Posthæc *Johanni Bebelio* Typographo Basileensi traditus, aliquandiu in *Isengrinii* officina lectorem egit. Olin enim diverso a nostris more præ ceteris unus eligebatur, qui sonora voce prælegeret e Manuscripto Typothesis, quæ imprimenda essent. Quo facto prompti erant, qui verba ex ore recitantis excepta componebant, idque ex tribus vel quatuor schedis totetiam prælegebatur compositoribus. Nostro vero ævo, ut nemini ignotum est, is, qui munus componendi

nendi elementa sibi impositum habet , Schedam Manuscriptam ante oculos positam inspicere solet. Qui modus haud dubie propter ignorantiam Typographorum mutatus, cum temporis rationem habeat , & hallucinationibus minus est obnoxius, maxime mihi arripet. Ab hoc officio postea utpote utiliori , ad minus utile abstracto adolescentem, pro *Anagnosta* Typothetæ vices aliquandiu subire jussus est ; sed his nugis, ut ipse vocabat, relictis, *Friburgum* potius proficisci, studiorum suorum majora petiturus incrementa, decrevit. Conatui feliciter respondente eventu, Basileam redux in numerum studiosorum, albo Academico nomine dato, est receptus. Hinc verò spe facta ardori studendi sic optime consultum iri ab Avunculo *Kriessteinio* Typographo Augustam Vindelicorum ingentibus promissis accersitus est. Verùm cum haud ille staret promissis, sed potius ad artem olim tractatam redintegrandam *Pantaleonem* adducere laboraret, res aliter cecidit. Etenim nec pollicitationibus

bus plurimis superadditis, nec alio quocunque modo cessit avunculi precibus, hac una re voluntati ejus annuens, ut eodem anno, quo apud illum moratus fuerat, corrigendo diligentiam probaret suam, ita quidem, ut & vi cognita hominis accurata cura Typographus cum retinere annifus fuerit. Verum ille *Xysti Betulciji* consilia ambiens, ejus suasu Ingolstadium profectus, *Cesaris Delphini* Medici Itali, ibidem docentis sermones auditoribus dextre ex ejus ore est interpretatus. Hoc verò in patriam remigrante, Heidelbergam transiens, Basileam repetiit suam, indignante interim & propter discessum succensente *Pantaleoni* avunculo relicto Basileæ honores non tantum in Philosophia supremos, & facultatem in Ludo Patrio docendi, verum etiam temporis lapsu Sacerdotium in *Æde Petrinâ* adeptus est. Quibus honoribus muneribusque admotus, non tamen soli Sacerdotali functioni vacavit, sed, ut erat laborum patientissimus, horarum subcisivarum partem *Frobenio* Typographo addixit, pristinumque
Cor-

Correctoris officium in se recepit. Eaque occasione concinnavit Indices copiosissimos *Hieronymi*, *Basilii* & *Hilarii*, operibus suffigendos, ac, cum imprimerentur, easdem Patrum laudatorum editiones ex parte mendis purgavit: id quod in aliis minoribus codicibus factitare non erubescerat. Ad Summum deinceps in Theologia honorum culmen provectus, crescentibus curis, ob vitia quædam & volubilitatem præcipue linguæ ad Sermones ex Cathedra sacra habendos minus se idoneum conspiciens, Medicas tandem artes scrutari, easque cum sacris conjungere constituit, & earum cognitione mox ita profecit, ut & alios publice imbuere inciperet. Ad postremum ætate viribusque plane attritus An. 1595. annorum 73. vitam cum morte commutavit, ac frequentibus monumentis memoriam suam reddidit perennem. Scripsit nimirum Prosopographiam Illustrium virorum Germ. fol. Basil. 1565. Historiam Equitum militaris ordinis Johannitarum, Rhodiorum aut Melitensium, quo-

quorum fata memoria digna, & terra
 marique in omnibus Mundi partibus
 gesta summo recensuit studio LL. XII.
 Libellum de Peste. Historiam Sleidani
 non satis non laudibus ex tollendam de
 statu Religionis, primus in Germani-
 cum transtulit idioma: Eidem versio-
 nem Jovii Elogiorum debemus, qua
 hodie utimur. Quo studio etiam Hi-
 storiam Polonicam, & plura alia latini-
 tate donavit. Videatur Adami in Vitis
 Philos. Medicum sequitur Medicus

Guido Patini.

GAllus Gente, Vir non minus lepo-
 ribus quam doctrina excellens.
 Natus *Houdani* Anno 1602. in Agro
Bellovacensi: Studiorum fundamenta
 Parisijs delibavit, multis tamen circum-
 septus calamitatibus, ut ærumnarum
 copia, & varietate, impeditus a Mus-
 rum castris propemodum resiliisset, ni
 suasu amicorum alacritateque ingenii
 excitatus in cursu jam cæpto persistere
 coactus quasi fuisset. Medicinæ igitur
 exercendæ, & quidem natura ductu, se
 totum

totum consecravit, eoque successu profecit, ut amplissimum postmodum in Gallia consecutus fuerit nomen. Atque hac etiam occasione, antequam istis auctus fuit honoribus, cum curta nimis esset supellex, multaue adeo facienda, nec pauciora ferenda videret, Typographorum quorundam Parisiensium Schedas, quas emittebant, repurgavit a mendis & vitiis, tanto studio tantaque industria, ea denique accurata attentione sensum corrigens, sicubi autorem vel obscuritate laborasse, vel hallucinatum fuisse cognovit; ut cum aliquando *Johannes Riolanus* Medicus per Galliam celebratissimus, pagellas, sicuti erant ejus manu ad margines notatæ, conspexit, non satis ex ungue cognitum admirari Leonem, h. e. juvenis doctrinam laudibus justis celebrare potuerit. Ex quo tempore viri hujus favorem & Collegia gratis audienda consecutus, ut in reliquo studiorum genere, sic in Typographico opere strenue, Herculis instar, sudare non destitit. Quo pacto tandem, ut dictum est, singulari divina provi-

providentia & beneficio in tollendis morbis usus, emergere cœpit. Siquidem Professor Medicinæ in Collegio Parisiensi Regio electus, tantoque ab omnibus habitus est in pretio, ut sæpissime etiam Proceres aulici numum aureum, quem Louis d'Or, vocant singulis vicibus præposito orbiculo supponendum promiserint, quoties cibum una cum ipsis capere vellet: Quam tamen conditionem tanquam fastus aulici indicium, atque se suoque honore prorsus indignum generoso contemptu respuisse dicitur. A filio *Carolo*, excellentissimo illo numariæ rei Patrono, sequentibus maximis titulis Guido fuit insignitus. Vocatur enim ἀνὴρ ἀρίστος, καὶ πολυμαθὲς αὐτὸς atque etiam Deambulans Museum; Spirans Bibliotheca, βιβλιοθήκη τις ἐμψυχός, καὶ περιπατῶν μουσεῖον, &c. vid. *Lyceum Patavinum* ed. 4. 1682. p. 78. Obiit tandem mœrore, ut ajunt, propter filios contracto, quorum alter Regis gratia exciderat, alter vero Robertus ad voluntatem Patris ejusque nutum haud gesserat se morigerum, ἀτα-

tis

tis anno septuagesimo, idque eo magis credendum, cum, eum moerori admodum fuisse deditum, proba vero: constat enim ex libro l'Esprit de Guy Patin nunc nominando, quod ita tristis & turbatus redditus fuerit, nuncio de morte *H. Grotii* sibi amicissimi accepto, & gravi admodum langvore ac valetudine affectum fuisse, ut tabe attritum Amici ne quidem a facie amplius noverint: De reliquo mentis erat non raro solutæ, ut Eccentrici solent, libere de omnibus judicabat, magos, Sagas, deque iis relationes fabulas habuit aniles. *Bodini* Dæmoniacum stolidissimum omnium librum esse consuevit. Sed hæc sufficient, plura desideranti inserviet Vita literis ejusdem Paris. 12. 1685. editis præmissa it. 8. 1688. & 1683. Hagæ. Addatur l'Esprit de Guy Patin Amstel. 12. An. 1710. Extant etiam Patiniana cum Naudæanis Paris. procusa 1701. 12. Promiserat etiam Patinus Elogia Gallorum ad imitationem Sammarthani, quæ an lucem viderint, dubito. In his igitur hodiernum vivit Guido monumentis,

tis, vixit vero etiam, & vivet in posteris, Carolo, & *Gabrieli Carola*, & *Carola Catharina* foeminis Eruditissimis, & posterior præcipue, paucis exceptis, in Gynæceo Eruditarum mulierum merito agmen ducere creditur. Vid. Biblioth. Hal. Tom. I. p. 469. & *Melanges d'Histoire & de Literature* par Monsieur de Vigneul Marville a Rotterdam 1700. 8. cujus excerpta tradiderunt Autores der *Auszüge aus neuen Büchern* Hannoveræ 1702. Mense Martio p. 12. & A.E.L. Anno 1702. p. 225.

Conradus Pellicanus

Rubeacensis Alsatus, patre *Conrado Kursnero* nomine pariter & artificio An. 1478. genitus; a quo acceptam familiæ nomenclaturam communem in Pellicanum ex more istorum temporum commutavit. Tyrociniis depositis, ad majora adspirans studiorum incrementa Heidelbergæ indefesso studio dies noctesque laudabili instituto. Postea vero vitæ Monasticæ pro solita seculi superstitione amore captus, priusquam

quam religioso ordini nomen daret, Tubingam studiorum causa migravit. *Johannem* illic *Staupitium* nactus studiorum collegam, in ejus consortio eo usque profecit, ut non multo post ipse *Euclidis* Elementa explicarit aliis. His tamen, moderante celeberrimo *Reuchlino*, studia addidit Theologica, & notitiam imprimis linguarum, Hebrææ & Græcæ, quam priorem suo Marte cooperat addiscere. At vero postquam hic etiam locorum Lux salutaris Evangelicæ doctrinæ in corde ejus accendebatur, projectus ex urbe, fluctuans diu admodum & vagus in Monasteriis variis obambulavit. Atque in Conventu demum Basileensi Theologiæ studiofis & Sacrarum & Philosophicarum literarum fontes aperire, eosque sanius explicare cœpit. Quo tempore, ut ad scopum nostrum propius accedamus, otio sibi facto, non contemnendam diutissime *Johanni Amerbachio* Seniori, Typographo præstitit operam. Is enim tum imprimebat *S. Augustini* opera omnia, in aliquot volumina digesta, &

ut eo correctoria in lucem prodirent, *Augustino Dodoni* atque *Francisco Wylero* emendandi curam demandaverat. His autem e vita interea sublati, noster honorifice expeditus ab *Amerbachio* pari ut priores universa accurandi studio absolvit. Neque Typographo solum eo officiorum genere, sed sibi & collegio suo, in quo vixerat, monastico large admodum consuluit: Varia enim beneficia, in se ob id collata, postmodum sensit. Accedebat, quod & ipse Corrector variorum Librorum magnam ex eo labore notitiam rerum Theologicarum, & in Patrum scriptis reconditam eruditionem sibi acquisivit, ac Bibliothecam instructissimam paulatim congeffit. Sed non *Amerbachio* solum, verum & *Frobenio* & *Stephano Brulifero*, Basileensibus Typographis, & *Jacobo* inprimis à *Pforzen*, simili cura & sedulitate auxilium tulit; Priori præcipue, ut qui primus opera Hieronymi typis excudit. Abitum post sexennium, & quod excurrit, Basilea parans, nescio quo fato in Cardinalis Raymundi consortium

tium & familiam receptus , sed itinere in Italiam vix inchoato, morbum ex viæ incommodis & aëris male temperari malignitate contraxit, atque relictus est. Quo malo oppressus, ubi diu huc illuc discursitavisset , Evangelii interea veritatem altius inspexit, ac in animum tam efficaciter demisit, ut jam de publica edenda confessione cogitaret. Confirmatus in sententia sua, repetitaque in Italiam profectio, ubi Papicolarum miserrimas conspexerat nanias, harum tædio ad opus suum correctorium, red-ux Basileam factus, se denuo recipere decrevit. Neque id factum intempe-
stive: excudebantur enim certatim *Lu-theri, Erasmi* & aliorum Scripta. Ho-
rum dum igitur vitia & typosetorum menda obelo notaret , majorem si-
mul indies hausit doctrinæ purioris co-
gnitionem. Ex adverso quanto magis
sanis dogmatibus imbutus esset, tanto
plus in monasterio fratribus suis reddē-
batur suspectus , ita, ut & qui cellæ escu-
lentorumque curam gerebat, in claustrō
victum ei propterea denegaret necessā-

rium, & pereundum fuisset misero, nî
Adami Petri beneficentia servatus esset.
Tandem a Senatu Basileensi in clientele-
lam receptus, & Tigurum missus, ge-
nus vitæ monasticum plane abjicere
constituit, atque ut fidem factis redde-
ret majorem, uxorem non solum duxit
Annam Frisiam, sed etiam, ea mortua, ad
vota secunda progressus est, atque ita in
eadem Ecclesia reformata scilicet, multis
meritis gravis An. 1556. annorum æta-
tis 78. ipso Paschatis die obdormivit.
Monumenta & pietatis & doctrinæ hæc
sunt : Tota Biblia ex Chaldaico trans-
lata in Latinum sermonem conjunctis
cum *Petro Cholino* viribus, quæ versio Th.
Bibliandri & *Leonis Juda* curis confecta,
vulgo Tigurina vocari solet, & quid
Roberto Stephano ex ea recusa in commo-
di subortum sit, ex ejus vita constat.
Quantos in Literatura Hebraico-Rab-
binica profectus habuerit, hinc patet,
quod, cum *Joh. Frisius* & nobiles qui-
dam varia Talmudica secum ex Italia
apportassent, ea omnia versione citra
difficultatem donavit. Scripta reliqua
clarent:

clarent: Commentarius in omnes V. T. Libros: Collectanea in quatuor Evangelistas: Annotationes in Epistolas Pauli: Correctoris officio debemus Indices ad opera *Hieronimi* immenso labore concinnatos. Ex aliis scriptis plurimis Grammatica Hebraica, Lexicon atque similia potissimum inclaruerunt, quæ ab ingeniosissimo Viro DN. Hermanno ab Hardt in prima literaturæ Hebraicæ restauratæ Dissertatione de fati studii Hebraici commemorata sunt. Quid multis? tanta scripsit *Pellicanus*, quæ si temporum rationes ineas, quibus cum vixisse constat, ubi barbaries inter Pontificios incredibilis regnavit, vix cujusquam nostro ævo diligentiae comparanda sunt. Idque porro ex eo cognoscere licet, quod sub initium studiorum Pellicani, cum in tota fere Germania nullum Testamentum Græcum reperiri potuit, exemplar demum ex Italia, ubi similiter rarissime comparuerant, ad nostras transductum fuerit terras, & ipse tamen in Literatura Græca & Hebraica adeo strenue & feliciter de su-

daverit, ut Lectoribus hodiernis omnibus sit miraculo. Neque adeo mirum eundem Doctrina non minus, & Eruditionis rarioris laude, quam morum bonitate, omnibus, præcipue Chalcographis, ita amatum fuisse, ut de numero & varietate beneficiorum ipsi exhibendo, inter se quasi certarint. Hæc hætenus. Qui plura desiderat, adeat W. F. *Capitonis* præfationem ad Institut. Hebr. Adami Vitas Theoll. p. 262. & Freherum p. 168. ipsumque etiam Thuanum, qui in Viri hujus elogiis non parcus fuit. Relicto Pellicano transco ad

Thomam Perierium

HOminem Gallum, qui claruit A.R.S. circiter 1620. Natus est *Parisiis*, ubi postquam rudimenta studiorum posuerat, aliquandiu moratus, tandem exterarum terras invisere decrevit, ut literarum, præcipue Linguarum Orientalium communium, incrementa caperet majora. Eoque consilio socium se præbuit fidumque Achatem celeberrimo *Thoma Erpenio*, cui in itinere Gallicano constanter.

stanter ad hæsit, eoque reverso tandem in patriam, & in uneri docendi publico præfecto, per octennium ejus institutione usus est. Meruit inde, ut a Cl. *Vossio* in oratione ad obitum *Erpenii*, *Alexandro à Capelle*, *Sixtino ab Amama*, *Joh. Brunnao*, *Antonio Thysio*, *Guil. Merula*, *Samueli Boscharto*, & *Everuvino*, *Goudanæ Ecclesiæ Pastori*, *Guil.* item *Nieuportio*, aliisque adjungeretur, qui ex disciplina *Erpenii*, velut ex *Trojano* prodierint equo. Ut fidem dictorum faciamus, en! ipsa verba *Vossii*, labores simul *Perierii* typographicos explicantia. *Quid Hadrianum*, inquit ille, *Junium Ultrajectinum* magnæ eruditionis longeque majoris expectationis juvenem! *Quid Thomam Perierium Parisiensem*, qui quantos in *Arabica Lingua* progressus fecerit, locuples ejus *Lingua Lexicon*, quod scripsit, argumento est. Qui ut omnia se *Erpenio* debere profitetur, ita ei potissimum operam locabat corrigendo, quæ *Arabice* excuderentur: Subinde alios etiam in ea lingua instruebat, & p. 39. pergit: Nec fraudandus: laude sua *Thomas Perierius* in Galli-

Gallicano utroque itinere ab Erpenio quondam adscitus, & octennio integro ejus institutione, majorique etiam ex parte tecto usus; qui tam benè meritum Virum in extremis sibi deferendum minime putavit; sed diu noctuque ad extremum usque halitum vitæ adfuit, fidelique opera juvit &c. Hic amor eo magis laudandus erit, quanto certius est, pestilentia contactum Erpenium obiisse, a quo morbi genere, qui pericula timent, facile divelli sepatiuntur. Quod ad Lexicon Arabicum hujus Perierii spectat, nunquam illud vidi, neque Golium vidisse credo, ut qui in præfatione Lexici sui, in qua tamen recensendis hujusmodi laboribus vacat, neverbulo ejus mentionem iniecit. Quare de eo judicium aliis relinquo, & quid recensendis hujus in modi laboribus laboris in corrigendis Arabicis impendit, annotasse mihi sufficit, eoque misso ad clariorem progredior. Qui erit

Fridericus Pistorius

Restitutæ purioris doctrinæ tempore Vir inter ceteros clarissimus, & in Norica præcipue civitate spectatissimus,
patria

patria *Prettfeldensis*, qui pagus est non
 procul *Forchemio* in Franconia situs, na-
 tus An. 1486. cognomine sine dubio
 paterno *Beck* dictus, id quod tamen, pro
 consuetudine istius ævi, in Latinum *Pi-
 storii* mutasse credo. Noribergensibus
 vulgò *Mossthan*; dicitur appellatus,
 quod quidem, unde accersendum sit,
 ignoramus. Postquam in variis Mo-
 nasteriis probatum sese gesserat, ritu
 Pontificio Sacerdotem ad summam tan-
 dem Abbatis dignitatem adscendit. Flo-
 rebat sub id tempus Noribergæ Cœno-
 biam valde illustre *der Schotten Be-
 nedictiner* / ut vocabant *D. Aegidio* di-
 catum, eaque amplitudine conspicuum,
 ut in comitiis Imperii suffragio & Loco
 inter ordines reliquos gauderet. Præ-
 sul hujus Monasterii erat, cum Reforma-
 tionis tempora imminerent, *Wolfgangus
 Summer*, qui Senatum populumque no-
 væ veritatis Orientis luci favere animad-
 vertens, periculis, ex refragatione sua
 prævisis, evasurus An. 1520. in Monaste-
 rium Norico Agro vicinum, *Neustirch*
 vocant, abiit. In hujus igitur locum
 ob pietatem & doctrinam mox suffe-

Etus est *Fridericus*, de qua electione
Vincentius Opsopaus cecinit;

Fausto bis deus (*numerus censeto mi-
norem*)

Omine delapsis annis, de *virgine Christo*

Enato casta, citimo tum *luna sub axe*

Discursat, *quintam Lucis ubi Julius*
umbram,

Extulit effusa: *Fatis volventibus urnam*

Rite Deum sortis, voto *Fredricus amæno*

Inauguratus, *Pastorque Paterque creatus*

Conobii, *commissa sua regimina dextra*

Usque retenturus: donec *fatalia vite*

Stamina, *dissectis rumpat Mors horrida*
fusis.

Nec infeliciter spei factæ de novo
Abbate eventus respondit. Saniori
enim & a fordibus Pontificiorum emun-
data doctrina latius paullatim per Ger-
maniam universam se diffundente jux-
ta cum aliis, *Respublica Noribergen-*
sis agnitas errorum tenebras exesse juf-
sit. Eisdem igitur errores agnoscens
Fridericus noster, divino nutu ductus, ve-
ritatem Evangelicam amplexus, proba-
tamque cum aliis pluribus Collegis
com-

communicare nihil veritus est. Per aliquot quidem annos priores, pauca mutavisse legitur in Religionis causa, postmodum vero cum fratribus *δηοφύφους*, vitæ genus, quod hætenus sectatus erat, plane relicturus, sacrorum puriorum professionem publice edidit, & cum Senatu de tradendo Monasterio pactus est. Quo facto templum, cui præerat, cum omnibus juribus & beneficiis Cœnobii administrationi Præfulum, ut tum vocabantur, eleemosynarum publicarum ultro cessit. Hi autem erant *Nicolaus Grolandus*, *Leonhardus Schürstab*, *Leonhardus Tucher* & *Georgius Kæzelius*, Viri stirpis nobilitate & morum honestissimorum integritate admodum conspicui. Cum vero redditus annui fidei laudatissimorum Curatorum in universum omnes concederentur, atque subsidiiis vitæ sustentandæ necessariis *Friedericus* cum Monachis opus haberet, pactio ea conditione inita est, ut, qui ad officia publica subeunda essent idonei, ad ea honeste adhiberentur; qui autem ad mercaturam exercendam vel
 opificia

opificia tractanda animo propenderent, mediocri saltem juvarentur pecuniæ adminiculo. Reliqui vero, qui vel ob senectutem debiliores essent, vel sacra pristina mutare abnueret, publicis alerentur ad vitæ finem usque sumtibus. Quibus omnibus accedebat denique inter actiones primaria conditio, qua illustris Senatus auctoritate & potentia contra quoscunque, a quibus dica idcirco forte scriberetur, defensu in pace vivere sibi liceret. Ea conventio An. 1525. die 12. Julii ad finem perducta confirmataque legitur. Neque a quodam posthac est impugnata, nisi quod An. 1567. ex Imperii ordinum albo, sive matricula, ut appellant, expunctum Abaziæ nomen. Ad ipsum Abbatem nostrum quod attinet, ad quem nostra redit oratio, pactione isthac facta, ædes suas, quas antea in Cœnobio incoluerat, porro inhabitavit, vitamque traduxit quietam, partim certa a Senatu accepta numoq̃ pensione, partim etiam pretio a Typographis persoluto, quorum prelis inserviebat. Uti enim cum illustri *Hieronymo Baumgärtnero*, Musarum deliciis

ciis & ornamēto , censuram omnium in civitate excudendorum Librorum communicura sibi commissam habebat, sic aliquibus etiam officinis *Antonio* præcipue *Koburgero* operam locabat suam , ut à vitiis Typothetarum pagellas purgaret , eidemque studio & diligentia tandem immoreretur. Reliqui ex fratribus, quibus tamen omnibus supervixit, erant *Henricus Ammon* Prior Cœnobii, *Conradus Wolff* Subprior, *Martinus Müller*, *Sebaldus Stolhofer*, *Petrus Mayer*, *Johannes Schön*, *Joh. Weidner*, *Joh. Weber*, *Augustinus Vogt*, *Joh. Rappold*, *Sebast. Fronschild*, *Steph. Furstner*, *Ægidius Portenstein*, *Joh. Mangolt*, *Matthias Goglinger*, *Rup. Roshaubt*, *Conradus Hubert*, *Matthaus Mayer*, *Vitus Zinner*. Plebani autem, ut vocant, fuere, *Henricus Krautler*, *Wolff. Schopp*, & *Paulus Knöpfel*. Quid vero illi post sacrorum ritus immutatos egerint, non constat, neque adeo, utrum auxilio fuerint in corrigendis Libris *Friderico*, dici potest. Id certum est, ex iis alios ad castra Evangelicorum & quidem plurimos transiisse, alios

Vero

vero ætate provectiores, sibi suisque privatim vixisse sacris, iisque ad mortem usque addictos mansisse. Ad *Fridericum* quod attinet, is porro matrimonium iniit, ut mentis de Evangelii veritate integritatem eo magis probaret, Sociam sibi eligens thori *Annam*, nobili familia genitam. Quam in rem extat Epistola gratulatoria B. *Lutheri* ad eum scripta, quæ excusa est in supplemento Epistolarum *Lutheri* a *Clar. Buddeo* edito, ubi sexagesimum tertium locum occupat. Hanc ex Manuscripto mecum Patronus omni officiorum genere pie colendus communicaverat, sed in paucis ab ea, quam venerab. *Buddeus* exprimi curavit, discrepantem inveni; nisi quod alium titulum sequentis habeat tenoris:

Viro Reverendo & eruditione insigni Dn. Friderico, Abbati S. Ægidii in inclyta Nurmberga, fratri suo in Christo charo.

De reliquo non dubito, quin utriusque exemplaris male picti lectio Critica arte ad sensus investigationem valde opus habuerit, atque inde fieri aliter fere non potuit, quam ut alius, sed rarissimus
verbo

verborum sensus exsculptus fuerit: ut e.g. in media Epistola Buddeus habet: *Porro quid est Magistratus? Ego vero: Porro quid est Cælibatus?* id quod postremum magis etiam verosimile videtur, opponitur enim vox conjugio: Magistratus vero, quæ cum substrata materia conexio sit, perspicere non possum. Pari modo sequentibus litæris, Buddeana habet editio: *Vide, quo rapiar, cum Dei opera libenter, & ubi possum, verbose laudare verba gestio.* Ego vero ita sonare verba putaverim, quod Manuscriptum non obscure exhibet: *Vide, quo rapiar, ebrius an sobrius tibi videor? Ego Dei opera libenter, & ubi possum &c.* Possemus totam Epistolam affectu in Abbatem plenissimam recusam Lectori exhibere, eique & alia Virorum eruditorum luculenta amoris testimonia adducere; Sed, prætermisissis istis, Carmen adjiciam *Eobani Hessi* itidem gratulatorium, &, quod ego quidem sciam, nondum impressum, a laudato inclyto Fautore mihi traditum, & eo tempore sine dubio scriptum, quo & ipse *Hessus* Noribergæ bonas litteras docebat, id hunc in modum habet: **Re-**

Reverendo Patri Dn. Friderico

Abbati & Patrono suo colendo Eo-
banus Hestius salutem.

*Ut bene succedant TIBI, quas modo spon-
sus inisti,*

Precor Tobia junioris nuptias.

Utque Parens fias non infelicior illo,

Qui Liberos quot, tot edidit tribus.

Nec minor existat Conjux Te digna marito,

Quam qua legendo farra legit nuptias.

Nec minus illa duo casto exardescat amore,

Quam qua virum secuta delusit Patrem.

*Nec minus hanc adames, quam qui sibi
esse Sororem*

Regis timore vera qua conjux fuit.

*His TIBI si meliora quidem Friderice
precari*

Eram paratus, ut precarer optima.

Nam tua sic pietas de me generosa meretur,

Et aucta vero amore liberalitas.

*Quod nisi fama meam ludunt præsagia
mentem,*

Nunquam peribit fama nominis tui.

*Sed neque vana meam ludunt præsagia
mentem,*

Et Te vixisse non negabunt Posterì.

Ad

Ad Pistorii vitam reversus, constanter etiam Abbatis nomen retinuisse, quoad vixit, adhuc restat observandum. Neque etiam omittendum est, promulgata formula, INTERIM vulgò dicta, & Noribergæ mirifice commendata, partim etiam obtrusa, hisce cum mutationibus, quantum fieri poterat, obstinuisse, redditaque pace Illustri Senatui pro abolendis quibusdam ceremoniis, fermentum vetus redolentibus, primo loco subscripsisse Nomen. Quid verò effectum sit, aliunde cognoscendum erit. Postquam ita vitam corrigendi inprimis labore arduo, supra medium Sec. produxerat, tandem etiam improlis diem obiit supremum An. 1554. atque in Cœmeterio S. Johannis honestissime tumulatus est; ubi uxor vidua sequens ei monumentum, quod superest, poni curavit:

Reverendus Dominus Fridericus Ægidiane Ecclesie Abbas; Vera justitia & S. S. Sanguinis Christi aeterni Salvatoris contra Anti-Christum fidelis assertor, & multis præstantissimis Viris vera vir-

E c

tute

*tute ac pietatis laude charissimus, cum
ageret A. LXVIII obiit in vera fiducia
& invocatione Filii Dei, ac certa spe fu-
tura Resurrectionis & vita aterna.
Benigno Dei maximi consilio ex arumnis
hujus vita ereptus. Cui mæsta uxor
H. M. F. C. Obiit XXIV Martii Anno
Domini M D LIV.*

**Herrn Friedrich Abts zu S. Aegn-
dien in Nürnberg / und Anna sets-
ner Schewirtzin Begräbnüß.**

Præter hoc vero aliud quoque Epita-
phium metro adstrictum reperi :

*Pacificæ Fridericus amans pietatis obi-
bat,*

*Bis septem extremo lumine lustra vi-
dens,*

*Quodque Patrem Christi constanti corde
rogabat,*

Liber ab arumnis regna beata subit.

His laudibus omnino dignus erat Fride-
ricus noster, nam probitate morum,
pietate mentis, & doctrina omnibus se
probavit, ea tempestate viventibus, &
literatis præcipue charissimus fuit, qui
cum

eum intimius noverant; Domi vero tanto in pretio habitus fuit, ut & imago viri venerabilis argento expressa conspiceretur. Ad Beatum nostrum *Megalandrum* quod attinet, cuius amicitiam horologio sibi conciliaverat, is pro hoc dono gratias ei acturus, sic aliquando ad eum scripsit:

Venerabili in Christo Viro Domino Frederico, Abbati Ægidiana familia apud Norimbergenses, suo in Domino Majori.

Gratiam & Pacem. Ignotus ignoto,
„ Vir optime, scribo, id facit meus &
„ plusquam Tuus *Wenceslaus Lincus*,
„ qui tuo nomine mihi aneum horo-
„ logium a Te donatum misit. Donum
„ gratissimum, ita ut cogar fieri Mathe-
„ maticis nostris discipulus, donec intel-
„ ligam omnes istas formas & regulas
„ unius Horologii, nam antea non vidi,
„ nec observavi tale, rudis scil. harum
„ rerum Mathematices. Utinam possem
„ animo tuo respondere, quem intelli-
„ go hoc dono significari intime, nihil
„ esset, quod magis vellem præstare.

E 2

Hoc

„Hoc pro jucunda familiaritate velim
 „candide (ut spero) accipias, ac bene
 „valeas, oraturus pro me, Feria 2. Pa-
 „schæ An. MDXXVII. Martinus Lu-
 therus.

Hanc Epistolam videsis in Tomo II.
 Epistolarum Lutheri Latinarum, & a
Johanne Aurifabro collectarum p. 332,
 cui & adde alteram, quæ p. 376, illam
 legisse non poenitebit, utpote in qua pro
 nummo argenteo, caractere ejusdem
 notato, gratias agi videas: Sic enim
 inter alia Lutherus: *Gratus mihi est, Vir*
Venerabilis, character Tuus argenteus,
ut jam vere gemellum quamvis absentem
possideam. Anima videlicet imaginem
per literas, corporis vero per argentum
istud &c. Nec minori fuit in gratia apud
Melanchthonem, in cujus Epistolis variæ
 ad eum amicissime datæ occurrunt. De
Eobani Hessi consuetudine superius car-
 men testatur, & *Joach. Camerarii* fami-
 liaritate usus est intima, ita quidem, ut
 non raro Philippus, & alii plures apud
 eum Norimbergam transeuntes diver-
 terent. Quam magnifice de eo senserit
Brûschius

Bruschi ex inspecta ejus Monasterio-
logia intelligere licet: Cui narrationi
nunc etiam carmen adjiciam, quod,
uti mihi concessum etiam est Ejusdem,
quam ante prædicavi, Musarum summi
Patroni benignitate, ita pace illius, quia
nondum impressa typis creditur, cum
B. L. communicabimus.

*Reverendo in Christo Patri ac Domino,
Friderico, Abbati ad D. Ægidium, No-
rimbergæ, Domino Macenati suo Sum-
mo S. & omne bonum.*

*Te salvere diu jubeo mihi chare Patrone,
Semper & incolumem Te mea Musa
cupit.*

*Jam bis clara suos complevit Cynthia cur-
sus,
Cum dedimus Musis carmina pauca
Tuis.*

*Qua tua perpetuo celebrabant ordine gesta,
Celsaque tollebant nomen in astra tuum.
Et quibus obnixepacata mente rogabam,
Esse ut Musis Anchora fida meis.*

*Hac nos per puerum ad Vestras demissi-
mus ades,*

Responsi vero rettulit ille nihil.

Ergo ego praesenti jam praesens offero car-
men,

Et precor, ut lata volvere fronte velis.
Sunt parva hac, fateor, sunt nullius uti-
litatis,

Nulla tamen spernit munera parva
Deus.

Tu quoque, quem magnum dives fortuna
creavit,

Qua damus e fundo paupere, dona rape.
O utinam majus quoddam Tibi scribere
possem!

Id quoque pacata scribere fronte velim.
Si tamen adspicient nostros pia fata la-
bores,

Sudorisque dabunt praemia digna mei.
Tunc Tibi non tantum chartacea munera
mittam,

Sed dabo pro meritis aurea dona tuis.
Te tamen, o patria magnum decus! ore
precamur,

Macenas Musis ut velis esse meis.
Sic ego quam primum Tymbrivus Apollo
Poëtam

Me faciet, versu Te celebrabo bono.

Tu

*Tu tamen interea longævi Nestoris annos
Ut vivas, superos per pia vota precor.
Et quot Tiresias vixit Cumæaque vates,
Tot Tibi dent latos fata videre dies.*

Reverentiæ Vestræ ignotus

Caspar Bruschius. Egranus.

Tantum de Johanne Pistorio ex Historia domestica depromere visum, de quo præter Bruschium in Monasteriologia ceteri silent.

Christophorus Plantinus.

ENatus est in lucem hic Typographorum Coryphæus, *Touroni* in Gallia sub initium Sec. XVI. An. 1511. studiorum jactis domi fundamentis, captus flagranti Artis Typotheticæ desiderio, a puerilibus annis hanc sectatus est, ita tamen, ut literas meliores simul haud neglexerit. Eaque propter utrique proposito satisfactorius Provincias primum Gallicas peragravit, postea vero etiam exteras terras salutavit, nunquam non id agens, ut, ubicunque locorum viveret, & literarum, & negotii

Typographici haberet rationem. Varias his igitur itineribus officinas visitavit, & vel corrigendo, vel disponendo typos, vel imprimendo etiam disposita, sedulam navavit operam. *Lugduni* autem præcipue aliquod tempus hujusmodi laboribus, inprimis corrigendo, terere non est veritus. *Antverpiæ* denique post varios casus fixas sibi posuit sedes, atque rem Oeconomicam æque ac Typographicam illic instruxit. Nec male hoc cessit solerti viro consilium, siquidem cum alienissimus esset ab istis vitiis, quæ trivialiter addictis huic arti hominibus alioqui solent esse communia, & familiaria hodie fere omnibus, ut fœda lucrandi cupidine sua deproperent mendosissime, fieri non potuit, quin singularia etiam præmia reportaret; Quia enim sacra auri non ardebat fame, neque sua imprimebat, ut rem suam faceret tantum, sed ut literis bonis præcipue utilitatem, sibi que famam compararet, utroque fine potitus est. Obtinuit, quod optaverat Vir optimus, suaque ætate floruit, & nostris temporibus semper illi honos promeritus, nomen-

menque suum , laudesque manebunt. Amplificatæ sunt hæ sedulitatis Plantinianæ laudes , vario in ipsa officina , & præclarissimo apparatu. Nam duodecimaluit Impressores, si ita loqui liceat, ac id , quod de *Golzio* alias velut miraculum Mundi annotatum fuit, suis typis centum linguis descriptos libros evulgavit. Præter hæc instrumenta illa, quæ lignea ut plurimum solent esse , eburnea ille habuit , & Correctores aluit non paucos, eruditione omni præstantes , de quibus vel jam a nobis dictum est, vel suo differendum erit loco. Ipse tamen in omnibus paginis relegendis , ultimam addere solebat limam, & ne sic quidem contentus, interdum etiam plagulas e publico loco suspendisse fertur, justum pretium pollicitus , qui errorem indicaret commissum, idque more, *Roberto Stephano* Parisiis quondam solito. Quid mirum igitur his rebus , nitidissime omnia excudisse Plantinum? Quid mirum Architypographi Regii titulo & honoribus eum fuisse insignitum? Quid denique mirum , quod inter rariora , quæ inspi-

cerent Antwerpiæ, officinam tam egregie instructam peregrini adire & invisere consuevere. Ipsa sane Celsissima *Isabella*, Hispaniæ infans, non dubitavit *Mariam Mediceam* Galliæ Reginam Anno 1613. *Antverpiam* secum abducere, ut Typographicum hoc toto orbe celebratissimum oculis inspicere & lustrare posset suis. Quamquam *Plantinus* ipse honore hoc frui non potuerit, sed *Moretus* gener rem Typographicam officinæ hæres gesserit: Ille enim Anno 1589. annis impletis septuaginta & octo, jamjam morti succubuerat. Et hæc de Typographorum omnium spectatissimo Exemplo, Plantino, sufficiant. Cui subjungendus ordine venit

Petrus Porta.

Cum multi sint ejusdem nominis viri, bene advertendum erit, ne inter se confundantur. Sunt autem illi *Philippus Porta*, Poëta insignis: *Conradus Porta*, cui debemus Pastorale *Lutheri*, *Islebiensium* Pastor: *Johannes Baptista* celebratissimus omnium; *Johannes* item
& alii

& alii obscuriores partim, partim & clariores. Noster ad quos referendus sit, & quid dicendum de eo, haud scio. Attamen cum nihil de eo legerim unquam, vel audiverim, ad eos recensendus, uti arbitror, venit, qui in tenebris literarum vixerunt; nisi forte unus idemque sit cum Phil. Porta, cujus nomen Philippi nonnisi litera prima P. scriptum a *Mettairio* in Petrum transmutatum esse poterit. Quicquid sit, ut aliquo impofterum gaudeat lumine, dabimus operam: Idque ut faceremus, in causa fuit laudatus *Michael Mettaire*, qui Stephanorum Historiam, Vitas ac Libros diligentissime complexus, Londini c1o 1o cclIX. ejus mentionem honorificam fecit. Quandoquidem in Vitæ curriculo *Henrici I.* Typographi Parisiensis celeberrimi meminit, cum præter alios viros doctissimos ad prelum corrigentes habuisse *Beatum Rhenanum*; & *Petrum Portam*, cujus adeo unius testimonio ac fide nitimur. Ob hæc igitur merita hosque labores dignus est etiam mihi visus, cui in hoc recensu vel

co nomine locum daremus. De reliquis cum pauca imo nulla fere de eo nobis sint cognita, alios, quibus plura innotuerunt, sollicitos esse rogamus, & nos convertimus, eo misso, ad alium, qui erit.

Theodorus Pulmannus.

C*Raneburgensis* & Belga Patria, Vir multis elogiis insignis, de Republica literaria non minus quam alii *εύχρεως* optime meritus. A teneris quidem, ut studiorum, quod inierat, stadio insistere laboravit, nec vana spe ob ingenii excellentiam, laudabiliter electo, se maclavit. At invitus ab eo instituto retractus, & ad opificium addiscendum, Fullonis alicujus disciplinae, & arti traditus est. Quo rerum statu quidem, quamdiu in familia Magistri sui versabatur, tamdiu agenda, quae demandata haberet, agebat, ita tamen, ut omnia momenta temporis observaret, & otio quocunque facto lectioni librorum variorum consecrata haberet, & de opificio deferendo, & resumendis studiis

studiis apud animum suum clam semper cogitaret. Voti etiam tandem damnatus est: Nam laboribus istis ingenio suo ad majora nato indignis, ubi libertatem aliquam nactus esset, abdicatis, eo enixus est, ut diligentia, dotibus animi auxilium ferente, in Academia *Lovanienſi* atque alibi, præcipuam Critici sui ævi & Philologi laudem adipisceretur. Claruit autem quam maxime An. Chr. 1565, quo tempore celebritatem nominis, non scriptis solum publicatis, consecutus est, sed cum primis operam eruditam æque ac indefessam *Plantino* antea laudato cum aliis multis præstitit. In ejus enim officina, codices non paucos, quos ille luci publicæ expositurus erat, & qui suæ recognitioni credebantur, omni nisu, cura ac studio non vulgari diu emaculasse, aliisque ornamentis, quæ a Correctore docto proficisci possunt, instruxisse legitur, ea accurate singulas plagulas relegendo, ut vel aliquot horas uni saltem impenderit, id cum tædio non raro ipsius *Plantini*. Neque tamen in ea functione ad finem usque

usque vitæ perstitit, sed, incertum quo scopo, tandem fortunæ suæ incrementa in Hispanorum quæsiturus terris, eo discessit, & *Salamantica* tandem, Castiliensis regni celebri Musarum sede, ubi nondum votis responderat eventus, ex hac migrasse ærumnarum sede creditur. Quamvis ego lubentius crediderim, in Belgium virum hunc ad labores pristinos rediisse: quid enim ejus obitus in Hispania offecisset *Andrea Schotto*, qui tamen in libello, ad Justum Lipsium misso, hisce mortem hanc notavit verbis: *Video quadam commissa errata in valetudine Plantini, Viri optimi, interitu Theodori Pulmanni, & Fratris mei absentia in Vbiis &c.* Inter monumenta doctrinæ supersunt varii Poëtæ, magno numero ad fidem Manuscriptorum castigati, quos cum Correctorem ibidem ageret, emendatissimos typis Plantinianis Antwerpiensibus exire jussit. In quibus eminent sigillatim: *Virgilius, Horatius, Ausonius, Lucianus*, An. 1577. & 1592. excusi. Porro *Claudianus* An. 1572. *Persius, Prudentius*,

tius, Paulinus, Boëthius de consolatione Philosophiæ 1581. 1590. 12. Quibus denique & Cæsares *Suetonii*; Flores illustrium Poëtarum; Libri variarum lectionum; emendationes in *Terentium* ac similia accesserunt. Consulatur *Freherus* p. 1483. *Reimmannus* P. III. p. 242. *Pulmannum* sequitur

Helias Putschius.

EDitus est Literator ille in hanc lucem Anno 1580. *Antvverpia*, Belgii principe quondam civitate, & quidem familia claritate nominis nobili, & cum Patriciis quibusdam Augustanis arctiori affinitatis vinculo conjuncta. Ingenium nactus, de quo præstantissima quæque expectari poterant, faciles in literis fecerat progressus. Etsi omen in tenellis annis editum adspexeris, miraberis, si dixeris, tardioris aliquanto eum fuisse ingenii, ut decimo quarto ætatis anno legere demum latine cœperit. At postmodum *Emda* & *Hamburgi* in pulvere Scholastico desudavit, & virum se præstitit, istam tarditatem large com-

compensavit, diligentiaque suæ primum specimen, *Sallustium*, ex vetustioribus codicibus restituendo, edidit insigni. *Lugduni* vero, ubi vixerat, laborare se nimium oculorum vitio cernens, *Stadam* discessit, aërem mutaturus, & quieto vitæ genere sanitati suæ consulturus. Huic postea etiam restitutus, *Jenam* & *Lipsiam* veniens, familiaritate *Jungermannarum* usus est constanter, & Depositionis demum ritu, quamvis invitus, peracto, aliquandiu hic moratus, tandem postea in patriam reversus, peregrinationibus sanitatis ergo repetitis, amicos invisit suos, *Conradum Rittershusium* Altdorfi inter alios conveniens, cum quo aliquantisper familiariter vixit. Inde faustis avibus denuo in patriam regressus, de novo cogitans itinere, morbo oppressus in flore ætatis & juventutis, funesto parentibus casu, occubuit A. 1606. Sed ne institui nostri simus immemores, dicendum paucis adhuc est, cur & quomodo *Putschius* in numerum referatur *Correctorum* *Eruditorum*.
Doctum

Doctum fuisse, haud temere quispiam negabit ; atque hinc idoneum ad munus illud obeundum, certum est. Reapse vero correxisse libros, testem voco Clar. Crenium, loco infra citando, postquam de Bootio disseruerat, paucis hæc insperfit memoratu digna. *Hæc Bootius, inquit, infra suam dignitatem tam ignobilem, ut vocat, laborem collocans, & Medicinæ postponens. At eruditus orbis non parum se debere fatebitur Sylburgio, Jungermanno, Putschio, ceterisque, pro isto ignobili, sed Erudita Reipubl. admodum necessario exantlato labore. His adjicio Celeb. Polyhistoris Conradi Rittershusii verba, ex Epistola a laudato Crenio subjecta typis, desumpta. Sic vero ille ad Melch. Goldastum scribit : Requirit illud quidem opus totum hominem, & quidem talem, qualis erat Sylburgius noster amicus, quique in ejus laudem succrescebat Gotthofred. Jungermannus, cujus obitum prematurum magno cum dolore cognovi his diebus, multorum literis crebris : In quo utroque magnam bonæ literæ jacturam fecerunt, imprimis Græcæ. Sicut*

Ff

etiam

etiam fecerant ante tres quatuorve annos in fido illo *Jungermanni Achate Putschio*. Faciam tamen ego, quamdiu valetudo permittet, quicquid potero, non solum in iis, qua ab aliis jam translata sunt, ad fontes revocandis, acchræque examinandis, verum etiam, si qua forte non dum latina versa sint, vertendis, dummodo labori meo non indignum statuatur premium. Fere autem sic affecti sunt Bibliopola nostri Germani, ut lucrum sibi reservent ex libris redactum; labores vero steriles relinquunt iis, a quibus imprimenda volumina acceperunt, siue illi primi fuerint operum auctores ac inventores, siue Recensitores & Emendatores. Sed de illis &c. Atque ex his concludo quidem, quod *Putschius* emaculaverit codices Typographorum, sed, cui id operæ præstitit, averem seire; Conjectura quidem ex conjunctione cum *Jungermanno* auguror factam illam fuisse apud *Wechelios*, in qua me confirmat opinione opus Veterum Grammaticorum *Hannoviae* ap. *Wechelios* impressum. Ac enim vero cum ex verbis *Rittershusii* facili negotio conspici possit, varie
hinc

hinc inde in manibus Criticorum libros
fuisse tractatos, ut sensus scriptoris ge-
nuinus erueretur, illosque viros Emen-
datores & Recensitores vocatos fuisse,
dubitari posset de Putschio Typogra-
phiæ alicui adscripto, & Correctorem
saltem fuisse ad prela labore domestico,
seu, si ita loqui licet, vom Haus aus /
non minus plausibile foret. Sed cum
annumeretur *Sylburgio* & *Jungermanno*,
in eodem studio peracto, notumque sit,
eum diu satis *Hannovia* vixisse, ideo
parem etiam laborem cum iis subiisse
firmiter sum persuasus; de Circumstan-
tiis autem alii dispiciant. Restat, ut bre-
vibus dicamus de Putschianis scriptis.
Præter Sallustium ergo ejus extat opus
Veterum Grammaticorum XXXIII.
Hanov. 1601. 4. maj., quod in Biblioth.
Bosiana Jenæ inspicere licet: Elegiæ ni-
tidæ & fluidæ prodire Lips. & Hanov.
& pauca alia. Conferatur Adami in Vi-
tis Philos. p. 457. Crenius in Animadv.
Philoll. P. V. p. 103. Koenigius in Bibl.
p. 610. cujus notetur insignis error,
quando perhibet, Putschium Contr.

Rittershusio parentasse, cum ille, ut ipse affirmat, An. 1606. hic vero An. 1613. ex vivis sublatus fuerit. Pergimus ita ad Lit. R. in qua agmēn ducet

Æmarus Ranconetus

Vir maximæ apud Gallos famæ, præstantis ingenii, & Juris Consulti, Criticique subtilissimi, laude admodum conspicuus. Natus est *Petrocoriæ*, vel ut alii, *Vesana*, in agro Pericorienfi Anno Chr. 1499. A teneris annis serio tractasse omnia ferunt, modo puerili aliàs ætati insolito; Unde Parentes de ingenii & judicii viribus non vulgaria quasi divinantes, literis istum consecrarint; lidemque Scriptores testantur, patrio in ludo educatum doctrinā singulari & solertia maxima consecutum esse, ut ab omnibus amaretur, &, ut suavis erat moribus & colloquiis, diligeretur. Certe sedulitate ex condiscipulis neminem fere habuisse parem, cuncti affirmant. Quamobrem mirum non est, si dixerō, cum in omni literatura humaniori & studio Antiquitatum cum Sacrarum tum profana-

fanarum ad supremum culmen adscendisse, ut alias scientias taceam. Illud etiam prætereundum non esse autumo, quod primum fere in Gallia Romani juris aperuisse fontes passim tradi videas, nam antea ne vix centesimus quisque illud intellexerat. Ob hanc igitur Eruditionem singularem in Curia *Burdegalensi* receptum in Senatum, sed mox iterum abiisse isthac Sparta, cognovimus. Nam cum ad exteros fama nominis ejus dimanare coepisset, a variis ad varia petitus est subeunda munera. *Lutetias* vero vocatus, patriarelictâ, in Regiam hanc Galliæ urbem advolavit. Auctus ibidem officiorum & honorum titulis, Consiliarius primo, mox Præses in Curia designatus est. Certatim itaque in eo eluxerunt hinc dignitas Senatoria, illinc Consiliarii gravissimum munus, ad quos tamen gradus honorum cum præ reliquis virtutibus spectata apud omnes eruditionis moderatio provehebat. Verum crescente apud Proceres & plebem favore & nominis gloria, crescebat

etiam invidia Inimicorum. Non enim defuere, qui malevolentiae furoribus inflammati, non nisi, ut Ranconetum a fastigiis honorum detruderent, meditantur. Neque etiam pessimis hisce consiliis defuit eventus, siquidem variorum criminum, imo & hæreseos & incestuosi cum filia concubitus accusatus, inque jus vocatus, extremum & divitiarum & famæ vitæque periculum videre necesse habuit. Detrusus enim in custodiam arctissimam non excusandi modo, sed etiam a calumniis adversariorum sese defendendi facultate, quanquam petierat, prohibitus, moerore exinde contracto inopinato in carcere *Bastilia* dicto, ut ex astrorum judiciis, cujus artis peritissimus erat, sibi sæpius prædixerat, expiravit A. 1559. ætatis sexagesimo. Ita iisdem infelicibus fati usæ sunt uxor ejusdem & filia, quarum prior fulmine de cælo iecta occubuit, altera vero variis quamvis sceleribus maculata, ut quæ lasciva admodum fuisse dicitur, misere in loco publico, platea puto, expiravit. Filius
vero

vero per carnificis manum violento pariter modo ex vivis sublatus est. His ita gestis, inimici conscientiae furoribus actum, veneno propinato, sibi ipsi necem intulisse, tradiderunt, a quo tamen crimine postmodum cognita viri innocentia iterum liberatum esse scimus. Sed acerbum illud, & præmaturum hujus viri funestumque admodum funus moleste posthac tulit Galliae regnum, imo omnes literati. Multa enim egregia ab eo expectabantur, in lucem proditura, quæ neque parari pretio, neque alio quovis restitui poterant modo. Varia quippe per vitam collecta conscripserat vir laboriosissimus, multoque plura ad margines variorum Autorum sua ipsius manu notaverat, quæ ad illustrandos eos perquam essent conducibilia. Aliaque plurima erant, quibus Ranconetum fuisse instructissimum, nemo ignorabat. Hæc omnia vero post fata viri luctuosissima aut perierunt omnino, aut dispersa fuere, inque aliorum manus pervenere, qui postea, Graculi Æsopici instar, alienas

plumas ostentantes, suas esse vanissima ambitione & injuste gloriati sunt, vix nominetenus Ranconeti mentione injecta. Quod superest studiorum hujus viri ratio uti plane fuit singularis, ita notatu dignum esse judicavimus. Per integrum nempe diem negotiis vacabat publicis, & colloquiis amicorum se frequenter invisentium concedendis facilis erat. Vespera deinde ingruente, levi & mediocri parte cibi sumpta, cubitum se conferens, somnum petere solebat. Hinc expergescens post aliquot horas, lecto somnoque primo deserto, caput vitta, in modum cuculli composita, texit, atque sic integris quatuor horis Musis inserviit suis, meditationibus unice deditus. Tum repetito brevi somno, eodemque mox iterum soluto, ea, quæ meditatus antea fuerat, chartæ mandavit. Atque ita optime sibi & valetudini conservandæ se consulere arbitratus est. Methodi vero studendi eum in modum perutilis non inficetas rationes attulisse meminilegere. Inter quas ea fuit præcipua, quod

quod silentio nocturno minus interrumpi, & impediri sensa mentis, & post primum somnum purgato cerebro cruditates stomachi per sputum projici existimasset, purioresque ac defœciores ita esse cogitationes sibi persuaderet. Utcunque sit diffitendum profecto non est, Græce & Latine cum elegantissime scripsisse, ut ex *Caroli Stephani* Dictionario Paris. 1554. 4. expresso liquidissime pater. Quamvis enim laudato Stephano adscribi vulgo soleat, multum tamen contulit, ut alii testantur, noster Æmarus Ranconetus ad ejus concinnationem, omnium vero compertissimum firmam aluisse nostrum cum laudatis *Stephanis*, dum viveret, amicitiam, ita quidem, ut in primis annis, quibus Lutetiis vixerat, *Henricum II.* ejusque Patrem *Robertum*, itemque *Carolus*, Stephanos, strenue sua opera juverit, codicesque, qui prodierant isthac ætate ex officina istorum Typographica, examinando errores, restituendo genuinam lectionem, & corrigendo preli sphalmata adornaverit, unde jure

F f 5. meri-

meritoque* locum inter Correctores nostros ei concedendum credimus. Prostat sub nomine ejus scriptum Gallicum cui titulus: *Treſor de la Langue Françoise*, tot ancienne que moderne a Paris. chez Jean Vignon. It. Codex Justinianus, ex recensione Gregorii Hloandri cum marginalibus Æmari Rancóneti, Petri Fabri, & Jacobi Cujacii fol. Bas. ap. Hervaus. An. 1541. Conf. Buddeum in Lex. Univ. P. IV. p. 259. Clarm. P. VIII. p. 59. Naudæana p. 115. Mettairium in Vit. Steph. &c.

Franciscus Raphelengius

ERuditorum Typographorum cum *Turnebo*, *Oporino*, *Plantino* & aliis Princeps *Lanovii*, quod Insulanæ ditionis oppidum, An. 1539. d. 27. Febr. divinitus in hanc lucem editus est, & publicis commodis destinatus cum applausu cunctorum adolevit. Primam eruditionis comparandæ officinam habuit *Gandavum*, sed inde ob mortem Parentis primitiis studiorum decerptis, revocatus domum, matris & cognatorum

rum voluntati obtemperaturus, *Norimbergam*, nobile illud Emporium, ad mercimoniorum faciendorum artes addiscendas migravit. Nactus tamen illuc occasionem exoptatam, neque Domino, cui a famulitiis erat adversum, studia repetiit sua. Idque cum & mater adolescentis conatus cerneret, non impedivit consilium, sed omni potius amore & ope desiderii filii laudabilibus honestisque subvenit. Reversus igitur ad patrios penates, doctrina jam instructus non contemnenda, florentem mox *Parisiensem* Academiam petiit, eosque mox fecit progressus, ut magnam de se spem apud universos concitaverit. Nul- lus enim scriptorum fuit, seu *Græcorum* seu *Latinorum*, quem non degustaverit, cujusque notatu digniora in succum quasi & sanguinem converterit. Multa igitur refertus doctrina, in *Angliam* transmigravit, atque *Cantabrigiæ* fructuum in *Gallia* collectorum non mediocrem apparatus publici juris fecit: Docendo enim magno cum applausu, *Anglorum* præstantissimis cum eruditionem

tionem solidam tum morum quoque integritatem admodum probavit, donec patriæ revivendæ gratia, & librorum coëmendorum, quos in Anglia comparare non poterat, *Antverpiam* revertetur. Quo factò illic inter primos accessit *Plantinum*, & sermonem cum eo de certa librorum còpia, eorumque iusto pretio collaturus, ejus sibi amorem tantopere conciliavit, ut ex eo tempore ægre dimissus fuerit. Discessit enim posthæc aliquantisper, sed paullo post Artis Typograph. amore & ipse captus ad *Plantinum* redux, cum eodem de constanti opera in corrigendis libris pactus, inter domesticos ejus plane receptus est. Ubi quanta sibi de doctrina *Raphelengii* ille pollicitus sit, ex eo apparet, quod in familiam susceptum non solum aluit, datis insuper per singulas septimanas quatuor florenis, atque fovit amicissime *Plantinus*, verum etiam cognito ejus in filiam suam natu majorem amore, eam tradidit nostro in matrimonium. Quo vinculo accedente *precipiam*, ut inquit *Adami*, in *Soceri*
Typo-

Typographia corrigendorum librorum molem plures annos sustinuit. Multum adeo *Raphelengii* diligentia ornamento Librorum Plantinianorum contulit, quibus hucusque clarent maxime, ii cum primis, qui linguis Exoticis Orientalibus imprimebantur, quibus emaculandis ipse solus fere præfuit. Inter omnes vero molestias, quas devoravit plurimas, maximos & incredibiles, *Suvertio* subinnuente, labores toleravit in edendis Bibliis Regiis Polyglottis, cum Benedicto *Aria Montano*, *Andrea Masio*, & *Guidone Fabritio*, utpote in quorum impressione indefessa opera doctissimi ac diligentissimi Correctoris officio functus est. Eidemque, multarum linguarum peritia ornatissimo viro, studiosi linguarum orientalium omnes acceptum fere habent, quod nunc possideant universam Paraphrasin V. T. Librorum Chaldaicam longe emendatiorē, quam unquam antea prodierunt, punctisque maxime subscriptis, ad Analogiam Librorum Danielis & *Esthræ* ubique revoçatis, stiparam.

Asz

Atque ita res acta est, donec *Plantino Lugdunum* Batav. commigrante, onus totum regendi Typographi humeris suis impositum haberet, quod tamen prudenter & fortiter gestavit: Illo autem reverso, cum universa familia ipse Lugd. profectus in Soceri successurus locum, atque officinam suscepturus, quam ab eo instructam ibidem esse noverat. Hic indies incrementa & laborum & meritorum famæque nominis uberrima capiens, munus tandem Hebræam linguam publice docendi sibi oblatum accepit, idque tanta diligentia studioque gessit, ut Curatores illius Academiæ hujus consilii nunquam poenituerit. Quandoquidem ab auditoribus maximi æstimatus, omnium favorem amoremque constanter retinuit. Denique ætatis & munerum gravitate exhaustus, & viribus confectus, luctuque ob amissam tristi morte conjugem paralyti correptus, atque diem, quinquaginta & octo annos circiter natus, supremum obiit d. 20. Julii A. 1597. Inter monimenta, quæ relicta habentur,

ante-

antecellit cetera Lexicon Arabicum, quod decimo sexto post auctoris fata anno publici factum est juris, *Leida* 1613. 4. maj. opus illustre & observationibus virorum Eruditorum *Guilh. Postelli*, & *Andr. Masii*, *Scaligeri* præcipue Auctori communicatis illustratum. Idque majori primum forma in fol. proditurum, ne nimia mole, ac multitudine phrasium verborumque, tyronibus incommodum ad usum redderetur, omissis quibusdam, ea tandem excusa est forma, qua hætenus usi sumus. Ejusdem Raphelengii est Dictionarium Chaldaicum: itemque Lexicon Persicum, vocabulorum, quæ in Pentateucho obvia sunt, & similia, quæ rarius, & nonnisi in Bibliothecis publicis conspiciuntur: Observationes linguæ Hebr. Tabulæ in Grammaticam Hebr. & alia in privatum usum collecta, & hinc inde Auditoribus ad describendum exhibita, quæ tamen nunquam, ut typis prodirent, videtur in animo habuisse vir doctissimus, a *Postello* sunt subjecta, cum rudimenta Grammaticæ Christianorum

Ara-

Arabicae ederet. Videantur pluribus
Adami in Vitis Philos. p. 423. Bælius in
Dictionario Tom. I. p. 2557. Freherus
p. 1491. Bernh. a Mallinkrot editionis
supra citatae p. 94. & alii.

Beatus Rhenanus.

S*chletstadium*, quæ urbs est *Rhenò* vi-
cina *Alsatieque* pars, A. C. 1485. de-
dit virum huncce non obscuri nominis;
Qui *Rhenanus* hinc procul dubio po-
stea dictus est; nisi patris forte originem
id nomen referat, qui cum *Antonius*
Bildius antea vocaretur, & ex *Rhenaco*
Schletstadium venerat, filio quoque no-
men Rhenani imponendi causa fuit.
Certius est in aurea eum incidisse secula,
si cum prioribus comparentur: Vixe-
rant enim sub id tempus viri omnium
celeberrimi *Hermol. Barbarus*, *Picus Mi-*
randulanus, *Trapezuntius*, *Erasmus* &
similes. Huic igitur felicitati divinitus
destinatus a parente bonæ indolis
puer cognitus, literis innutriti cœpit,
Scholamque primum patriam visitavit.
Adultior factus deinde Lutetias in
Cla-

clarissimam tunc Artium bonarum sedem missus, Magistris est usus doctissimis fidelissimisque, suaque accedente solertia, ingenii vires præclare excoluit. Ad quem profectum haud parum quoque contulit, quod in *Henrici Stephani* officina præstantissima, adjutus opera *Ranconeti* ante laudati, librorum imprimendorum paginas mendis purgavit, & genuinum incorruptis Manuscriptis exemplis restituit sensum. Sed non admodum diu huic operæ inhæsit, quin potius post aliquot annorum delapsus in Patriam reversus, *Argentinam* concessit. Cum vero & hoc etiam loco vitæ tempus in addiscendis literis aliquot lustra peregisset, *Basileam*, ut ad finem studia sua exoptata perduceret, hinc profectus est. Factum forte, ut supra jam digno elogio mactatus *Joh. Conon* in ædibus *Amerbachii* correctionem librorum gereret. Hujus igitur viri in Græca literatura exercitatissimi fidei se tradidit, atque æmulos simul bonarum artium habuit *Brunonem*, *Basilium* & *Bonifacium*, filios *Joh. Amerbachii*. Ut

autem quasi a lateribus suo semper
 hære posset *Cononi*, paria sua officia
 in tollendis codicum erratis promptissi-
 ma *Joh. Amerbachio* obtulit, qua re ac-
 cepta, in familia horum virorum vivere,
 & otio dato schedas, quæ excuderentur,
 emendare cœpit. Neque abiit *Basilea*,
 quantumvis *Conone* mortuo, sed ob loci
 salubritatem, temperatumque aërem,
 tum etiam incrementorum in studiis fa-
 ciendorum spem alens haud dubiam,
 ibidem substitit. Quo tempore gnavi-
 ter continuavit labores in corrigendis
 voluminibus diu cœptos, non apud
Amerbachium solum, verum etiam *Joh.*
Frobenium, qua occasione etiam *Erasmii*
 & *Gelenii* familiarem consuetudinem
 adeptus est. Quorum posteriorem
 tandem etiam socium sibi adjunxit, te-
 ste ipso *Gelenio*, in ornando *Livio* ex
 officina Frobeniana prodeunte, occu-
 patus. Nec minus etiam illum, quippe
 in una familia secum degentem *Erasmii*
 in corrigendo habuit, testante *Gronovio*,
 quem in præfatione ad *Livium* in 8. con-
 ferre non poenitebit. Tandem vero
 Basi-

Basileæ quoque valedixit, atque in patriam redux, iterum rem Oeconomiam suam instituit, quæ, qualis fuerit, Adami verbis exponam: *Adduxerat secum Basilea famulum, cujus postea per vitam opera semper usus est, præter hunc Rudolphum Berzium, & mulierem vetulam, neminem ea domus habuit.* A matrimonio contrahendo abhorrebat, siue naturæ diffusus suæ, siue nummorum parcendorum gratia, liberalitatem enim quidam in eo desiderabant. Ea certe filii continentia *Beati* patri admodum displicuit, utqui hæredem divitiarum, quas possidebat, nosse cupiebat. Quo mortuo, uxorem tandem duxit, verum post exigui temporis interval- lum, vesicæ doloribus gravius laborans, cum ante matrimonium nemo quicquam de ea re sensisset, ulcere accedente, *Argentorati*, illuc ex balneis Baden- sibus devectus, sexagesimo secundo ætatis anno obiit, nullo ultimæ suæ voluntatis, & prope etiam Religionis, relicto monumento. Atque ita facultas amplissima numerum 8000. aureorum

excedens, paucis & obscuris cessit hæredibus; Bibliotheca autem, sic jubente Senatu, ad voluntatem Domini famulo *Berzio* tradita est. De salute animæ meliora speramus, quippe doctrinæ puriori tum restauratæ faventioem fuisse unanimi affirmant eruditi consensu, unde etiam Pastorem Pontificium in extremis vitæ necessitatibus vix admisisse, non incerto nitor fundamento. Scripta ejus præstantiora sunt & passim obvia: Observationes in aliquot LL. Historiæ naturalis Plinii fol. Commel. 1593. Libri III. Rerum German. eximii fol. Bas. 1551, qui locupletior commentarius editus est a *Jac. Ottone* Ulmæ 4. 1693. Annotationes in Livium: in Cornelium Tacitum: in Tertullianum breviores, & ob argumentorum præmissorum concinnitatem laudabiliores: Hieronymi operibus Amerbachianis emendandis insudasse ex vita Cononis intelligi potest. Sed & Origenis, quæ Basileæ excusa sunt, scripta emendavit, cujus operibus à se correctis Præfamen anteposuit luculentum, in quo pleraque
omnia

omnia de Vita Erasmi scitu digniora reperiuntur notata. Omittimus Commentarium in Senecæ ludum de morte Claudii: Vitam *Joh. Geileri*: Versionem concinnam Histor. Eccles. Eusebii &c. Videatur Adami p. 132. Teissierius in Elogiis, T. I. Gronovii præfatio in Livium. Lugd. Bat. 8, exc. Mettairius in Historia Stephanorum. Quibus omnibus denique addatur plenior ejus vita a *Joh. Sturmio* scripta editaque Basileæ fol. 1551, ex qua, uti & reliqui, meam haussisse lubens profiteor. Sequitur

Angelus Rocca a Camerino.

ITalus iste, quod vel nominis forma prodit, S. Theologiæ Doctor, Augustinianorum sodalitus adscitus, ex agro *Picano* oriundus, claruit sec. decimo sexto. Linguae Hebraicæ ac Chaldaicæ gnarissimus auditur, plerisque Antiquitatumque sacrarum & profanarum investigator acutissimus appellatur. Unde vel vix domi, sed in ædibus Romanis publicis, & Hortis Purpuratorum, ubi monimenta Veterum inveniri posse

putabat, conspiciebatur. Dignitate Apostolici Palatii Praefectus vocatur, & a Clemente II. *Tagastensis* Episcopi honoribus titulisque auctus legitur. Ubi non sine causa titulum nominamus datum, nihil enim administrationis aut reddituum ex umbratili ista nubecula accepisse constat. Quandoquidem Civitas illa, patria S. Augustini, in Turcarum jam tum fuit manibus ac potestate. Sed ita solent Pontifices fumum vendere, aliisque potestatem maximam in haud exiguam concedere orbis partem, qua nec ipsi gaudent. Cujus modi viros titularesque Episcopos non injuria *Lutherus* noster *Barben-Bischöffe* cognominare, aut interpretari potius solitus fuit. Sed ad *Roccam* revertor, quaecunque sub larva delitescens. Qui uti erat, ceu jam dictum est, vir doctissimus, ita quoque Viri Rei literariae promovendae semper studiosissimi nomine insigniri debet. Non siquidem contentus Manuscriptos codices hinc inde ex scriniis Bibliothecae *Vaticanae* summa industria depromsisse, excussisque illis

sen-

sensum auctoris genuinum, sicubi depravata occurrerent elementa, ut fieri temporum injuria assolet, restaurasse, Typographis etiam commissa opera mendis a prelo relictis, diu multumque purgavit, idque non contemnendo, sed laudibus promeritis extollendo studio. Hanc vero operam, quam multis præstitit libris, quos obstetricis instar tractavit, purioresque luci exposuit, potissimum impendit in aliquot *Augustini de Ancona*, ordinis Fratrum Eremitarum Sancti Augustini scripta, Romæ excusa, ut in Triumphum ejus in Canticum Deiparæ virginis Mariæ Romæ 1590, quem noster correxit pariter & illustravit. Item ejusdem Augustini Triumphum in Salutationem, & annunciationem Angelicam Deiparæ præstitam, An. 1592. Pari modo a mendis liberavit dicti Augustini Triumphum summam de Ecclesiæ potestate. Porro etiam *Cornelii Jansenii* Homilias in Evangelia Dominicalia, quatuor Commentariorum in Concordiam Evangelicam, libris a *Georg. Braunio* collectas,

emaculasse, Romæ procusas rescivimus. Ea vero, quæ ipse edidit, hæc sunt: De Canonizatione sanctorum Comment. Rom. 1601. De scribendis Epistolis: De Bibliotheca S. Sixti Senensis: Arithmetica Rom. 1587, quæ etiam Hispanice Barceleonæ 8. prodiit. De Campanis, & Tintinnabulis Lib. Romæ 1612. 4. Commentarius in Bibliothecam Vaticanam 1541. 4, in quo nihil, ut Conringius judicat, est memoratu dignum, præterquam quod ex compilatis Onuphrii Panvinii hætenus latentibus monumentis illaudabili facinore est subductum. His subjungo nihil nisi sequens distichon:

Rocca quis? exquiris, meritis hic carmina vincit,

Post cineres ipsum fama loquetur anus.

Videatur Angeli Caninii Hellenismus a Thoma Crenio denuo editus 1709, & præfatione doctissima de claris Angelis ornatus, p. 38. Antequam autem ad alium Italum procedamus, memorandus veniet

Geor-

Georgius Rorarius.

Fidissimus ille Beati *Lutheri* Annuensis, qui vitalem auram trahere coepit A. 1492, ipsisque Calendis Octobris, honestis parentibus natus in Electorali Saxonia. Illi Pontificiorum, qui tum vigeabant, superstitiosum Dei cultum fugientes, traduntur cum puero *Wittenbergam* pervenisse, atque hospitium quoque illic fixisse. Certe gnauiter isthic, utpote in principe Musarum officina, studia literarum consecutus est, & quidem eorum numero commendatione *Lutheri* Megalandri adscriptus, qui ex beneficiis a publico expensis vivere solebant, quosque beneficiarios vocant. Ita vero vitam toleravit, donec vera pietate & recta doctrina probe imbuto, suasu *Lutheri*, Ecclesiae officia deferre secum instituit. Impetrata vocatione legitima, Diaconus electus *Wittenbergensis*, omnium primus, Dominica, quam vocant, Cantate, An. 1525. in Ministerii sacri Evangelici ordinem cooptatus est eo solenni ritu, quem

Gg 5

paullo

paullo ante Martinus præscripserat. A qua notabili ordinationis ceremonia, quam sine Papali superstitione primus iniit, distichon

Ordo mihi primus datus, instituyente Luthero,

Papa quid insultas? ad sacra jussus eo.
in eum a Poëta conscriptum, tanquam monumentum perpetuum superest. Nec minor ejus in Præceptorem fides posthac fuit; strenue enim eum, uti jam antea adjuvit, tum in aliis, tum præcipue in concinnanda expoliendaque versione Bibliorum sacrorum Germanica. In quo studio quid & quantum ille præstiterit, per compendium cognosci poterit ex consiliis Wittenbergicis fol. Francofurti editis, unde & fol. quidem X. sequentia Germanica, ut sunt verba, depromere non gravabimur. Aber im Jahr 1539. hat der ehrwürdige und selige Werck-Zeug Gottes / samt andern vortrefflichen Gottes-gelehrten Männern / Herrn Phil. Melanchthone, D. Joh. Forstero, D. Casp. Crucigero, & M. Matth. Aurogallo die

die Biblia, gedachten 24. und 34. sten
 Jahrs / aufs neue angefangen zu
 übersehen / und durchaus mercklich ge-
 bessert / und was darinnen geändert /
 und gebessert worden / hat Lutherus
 selber mit seiner eignen Hand gethan /
 ausgenommen etliche wenige Stuck
 in den Propheten / da Er Schwach-
 heit halber nicht konte / doch ihm sol-
 ches alles gefallen lassen / und unter
 seinem Namen in Druck gegeben.
 Und nachdem solch Exemplar überse-
 hen / hat Erß M. Röderer / welcher zu
 derselben Zeit oberster und verendeter
 Corrector in Hans Lustens Buchdruck-
 erey war / übergeben / und demselben
 befohlen / daß Er die Biblia, so fortan
 gedruckt würden / nach demselben
 Exemplar solte drucken lassen / und mit
 Fleiß corrigiren. Et alio loco iterum
 a Paulo Cressio noster Rorarius vocatur:
 Ein bestellter / verendeter und besolde-
 ter Corrector. Neque etiam ipse Prä-
 fationibus Bibliorum nomini suo sub-
 scripto Correctoris addere manus dubi-
 tavit, uti exemplarium, quæ rarius
 hodie

hodie occurrunt, inspectio confirmat.
Exinde Epigramma honorarium a M.
Adriano Beyero profectum:

*Cuncta revidisti Lutheri scripta, Georgi
Rorari, sacris Ros adamate soli:*

*Atque notavisti sacras in margine glossas,
Quas hodie nobis Biblia sacra ferunt.*

Ubi quæ de collectione Glossarum ex ore Lutheri marginalium ab eodem instituta habentur observata, cum trivialia sint, nolumus amplius explanare. Nisi quod, quicquid horum actum est, non sine consensu ordinis Theologici Witteb. Academiæ factum esse, uno verbo monere oportet. Hæc igitur & alia per plurimos Wittebergæ tractavit annos, diligenter enim monita Lutheri secutus, & in sequentibus editionibus S. Bibliorum religiose in præfationibus, atque, ut vocant, postfationibus adnotavit, quid additum singulis fuerit annis, quæque causæ repetitionis fuerint. Præcipue vero post fata *Lutheri* tres Tomos operam ejus imprimi emendatissimos curavit, tertium Latin., & tertium cum quarto German., ut præfationes testantur.

cur. An. Chr. 1550. Witteberga, & officina Joh. Lufftii, qua nulla prope fuit in Germania scriptorum ad Ecclesiam ædificandam excusorum fœcundior, relictis, in Daniam peregrinationem, petitus quidem suscepit; inde vero post tres annos *Jenam* iterum retractus est. Cum enim *Johannes Fridericus Elector* animadverteret scripta Reverendi viri, divi Lutheri, non eo ordine eaque fide *Witteberga* suis *Tomis* distincta excudi, quomodo quidem sperasset, consilia & rationes iniit, de alia accuratiore, & mirus suspecta eorundem promulgatione promovenda, quam ob rem Reverendum virum *M. Georg. Rorarium* (huic enim & prior *Wittebergensis*, vivente adhuc *Luthero*, commissa fuerat) ex *Dania Jenam* vocavit, ac huic negotio præfecit. Quod præclarum opus, conferentibus ad *Typographicas* operas sumtus Illustrissimi & Pientissimi Principis filiis tandem est perfectum. Vid. *Joh. Rosinus* in *Vita Joh. Friderici Magnanimi*. Qualia exinde inter *Jenenses* & *Wittebergenses* orta fuerint litigia, dignum est consideratu, rei literariæ & Theo-

Theologica quidem argumentum. Sed quia commodior de illis differendi occasio sese offeret impofterum, hic attingisse istam concertationem satis erit. Reliqua exponemus, quando ad *Waltherum* nos ordo dicendorum perduxerit. Noster *Rovarius* Jenæ constanter commoratus, Bibliothecæ Wittebergensis portione maxima & optima in Academiam Salanam transvecta, primus ejus præfecturam subiit, cui officio ingenti studio & pietate sic præfuit, ut non sine desiderio suis relicto, ex hac tandem mortalitate demigraverit, annis 65 prope expletis, d. 24. April. An. 1557. Scriptorum ejus fere nihil superest, & nobis fere nonnisi innotuit, quod sub *Amsdorfii* nomine editum contra *Waltherum*, quo magnificis verbis editionem operum Lutheri Jenensem prædicare, Wittebergensem vero suspectam reddere, & deprimere multis modis conatus est. Vid. Joh. Casp. Zeumeri Vitæ Prof. Theol. Jenens. ed. 8. p. 26. & addantur Consilia Witteberg. Francofurti fol. exc. Tom. I. p. 9. seqq. Cum
his

his conjugantur J. F. Mayerus de Bibliorum Lutheri versionibus Cap. IV. & J. M. Krafftii Historia versionis Bibliorum Germ. Lutheri, quam cupide expectamus, & cujus Prodromus nuper demum feliciter prodiit. Nunc itaque sequitur

Hieronimus Ruscellus,

Cui ut patria terra eadem natales cum Angelo Rocca dedit, sic Poëscos studium, & singularis in carminibus pangendis facultas per omnes Italiae regiones seculo decimo sexto reddidit eum celebratissimum. Ex Civitate *Viterbiensi* fuisse accepimus, ingenioque præditum hilari atque ad facetias excogitandas plane comparato. Ad labores vero sustinendos inprimis perhibent fuisse paratissimum & impigrum, neque minori eruditionis etiam in aliis disciplinis suppellectili, quam Poëtices instructum. Quare totus literis quasi immersus, vel Poëmata scribendo, Italico tamen idiomate, vel alia Erudito orbi proficua opuscula protrudendo, a prelis facta vitia vitam transigere solebat. De priori exercitio restan-

rus

tur Poëmata in lucem publicam emissa, quæ cur Italica Lingua scripserit omnia, non mirum erit, quibus compertum est, hunc *Ruscellum* tanto in vernaculam suam flagrasse amore, ut quotquot alias linguæ numerarentur, eas in univ-
ersum omnes ante finem mundi perituras, unicam vero Italicam a cunctis gentibus quasi communi jure donandam, auda-
cter affirmaverit. Imo vero, quod ma-
gis ridendum, beatos aliquando cœlites in æternis sedibus ista ufuros esse non veritus est homo superstitiosus rueri, idque commentum, ratione addita per-
egregia, quia Capiti Ecclesiæ visibili Pontifici illa familiaris sit, constabilivit. Risum teneatis amici! Testatur de hoc
argumento notissimus *Jocus Limæus*, in Annotationibus ad Capitulationem Caroli V. p. 208. De altera autem stu-
diorum parte laudabiliore constat, mul-
tum equidem desudasse in adornandis variis eruditorum lucubrationibus, quas inter chalcographicas operas correxit, & sæpe notis quoque suis adjectis egre-
gie illustravit, in iis præcipue scriptis,
quo-

quorum auctores ex hac mortalitate
jam emigraverant. Ubi autem loco-
rum id volverit saxum, non æque in luce
est positum, quanquam id Venetiis fa-
ctum putaverim, cum sæpius aliquot an-
nis ibidem commorari solitus esset.
Scholia certe ejus addita libris quatuor
de Venatione *Natalis Comitibus* apud Al-
dum nepotem impressa An. 1551, id
confirmare videntur. Ad quod accedit
Index virorum Illustrum ibid. Italice
An. 1573. impressus, is cum apud eun-
dem Manutium expressus sit in ejus of-
ficina, Correctorem Ruscillum egisse
mihi fere persuadere cœpit. Id certe
in aprico est positum, eo labore peracto,
& præmio qualicunque exinde acce-
pto, vitam illum produxisse suam.
Utrum vero & alibi, & quibus illa præ-
stiterit officia, nondum fateor distinctius
habeo cognitum. Decessisse Venetiis
An. 1568. atque in templo S. Lucæ se-
pulchrale monumentum habuisse re-
fertur. Videatur interim J. M. Crescim-
benius in Comment. ad Histor. Poës.
Italice Vol. II. L. IV. p. 219. adde

H b

Fre-

Freherum p. 1464. ubi scripta ejus Italico sermone concinnata reperiēs. His missis in Elemento Sagmen ducat homo Socinianus

*Christophorus Christophori
Sandius,*

Christophori Senioris videlicet filius, qui Consiliarius Electoris Brandenburgici, ejusdemque supremi Regiminis & Appellationum judicii Secretarius esset, & inde ob sententiam Socini seu erroribus faventem, muneribus A. 1667. exueretur, postea privatus delituit, atque tandem etiam *Regiomonti*, ut videtur, mortuus est. De quo vid. *Hartknockii* Histor. Eccles. Borussicæ L. II. c. XI. p. 646. seqq. Hoc igitur parente noster genitus est An. 1644. d. 12. Octobris. Patri plane *ὁμολησας* domi aliquandiu vixit. Ab incunabulis etiam dogmata falsa impiaque, quæ ex ore Genitoris hauserat, ad vegetam excresecens ætatem non solum non deposuit, sed ad ultimum usque vitæ halitum pertinaciter defendit. Postquam autem

virus

virus suum in Patria disseminare cœperat, clam quidem primum, postmodum vero liberius, prohibitione facta, suæ salutis solum natale amplius vix tutum esse ratus, in Belgium, commune illud Hæreticorum asylum, se recepit. Hic securus magis, quam antea, vitæ suæ & doctrinæ prospexit commodis. Hujus quidem dum occasione quacunque aliis erronea sua dogmata instillare conatus, libellosque etiam suos typis subjecit: Illius vero, quando inserviando officinis Typographicis corrigendo scripta, quæ prela fatigabant, alimenta necessaria paravit, & nullus liber tam impius erat, cui operam suam denegaret. Et licet more solito vivens non legatur ad orationem reddendam fidei evocatus: nam quamvis Amstelodamenses, ubi degebat, aliæque Civitates Fœderati Belgii, Socinianis una cum Pontificiis nemini religionis exercitium publicum indulgeant, quod ad illos tamen attinet, sub nomine Menonistarum latentes, nihilominus recipiunt & tuentur, tamen rebus suis non semper confidere

voluisse inde patet, quod libris a se editis externum aut commentatitium nomen ut plurimum subscribere maluerit, quam ipsius *Amstelodami* facere apertam mentionem. Ut ut sit, Christophorus certe noster junior, quiescit ita vivens, emendando alia elucubrata, scribendoque sua ad ultima usque fata laboriosissime incubuit, quibus etiam medio ætatis virilis flore immortuus Amstel. An. 1680. d. ultimo Novembris concessit. Cui potissimum Typographo suam locarit industriam, non meminisse a quoquam, neque etiam a Clar. *Benthemio* annotatum. Atque inde pluribus operam dedisse, dum meliora edoceamur, conjicimus. Scripta reliquit multo plura, quam pater; ea vero nullibi plenius recensentur, quam in ipsa Bibliotheca Anti-Trinitariorum, quam ipse Manuscriptam reliquerat, cui forte ab alia manu ea sunt inserta; ex qua paucis titulos notasse potiorum sufficit. Celeberrimus est nucleus Histor. Eccles. 1668. 8. Cosmopoli (*Amstelodami* ut reliqua omnia) & 1676. 4. excu-

excusus , quod scriptum confutavit semel iterumque Gartinerius , de quo Saggittarius l. c. videri potest. Reliqua sunt Centuria Epigramatum An. 1669. 8. Interpretationes Paradoxæ IV. Evangeliorum 1670. 8. De Origine animæ 1671. 8. minori, quam confutavit Balthasar Bebelius Argentorati 8. 1675. Notæ & animadversiones in G. J. Vossii LL. III. de Historicis Latinis 1677. 12. Scriptura Sacra Trinitatis revelatrix sub nominis Cingalli Goudæ 1678. 12. Problema Paradoxum de Spiritu S. annon per illum S. Angeli intelligi possint, Roterod. 1678. 8. &c. omnium utilissimam dixeris Bibliothecam Anti-Trinitariorum, opus posthumum Freistadii h. e. Amstel. 8. An. 1684. excusum, ubi reliqua hujus viri scripta & Manuscripta magno numero enarrata videas. Hanc vide p. 169, & in Vita Patris p. 150. Conferatur Bælius in Nouvelles de la Republ. des Lettres 1684. Arnold in der Ritzschens und Reher's Historie / P. I. p. 565, qui Sandium paullo ante obitum in Arminianorum sententias abiisse, atque
mea

mea confessione expirasse tradit, quod nisi error sit Typographi itidem affirmare videtur Benthemius in *Holländischen Kirchen- und Schulen: Staat* / P. II.

Johannes Scapula

INfidelissimus omnium famulorum, ut eum appellant *Mettairius* & *Alme-laveenius*, quorum tamen posterior titulum hunc a manibus viri deprecatur, si qua durius locutus fuerit. Gente Germanum fuisse testatur Koenigius, sine nota dubitationis, sed sine teste fide digno alio. Quemadmodum & plura hujus viri vitæ fata comperire non magis potuit, quam ego, atque ideo, uti solet, cetera sicco transivit pede. Sitne Scapulæ nomen tralatitium, & ex Germanico *Schulter* formatum, indoles istius Seculi mihi fere persuadet, mallet tamen certiora ejus conjecturæ indicia habere. Quare in his omnibus certi aliquid affirmare vix potero, quoad usque meliora aliunde edoctus fuero. De reliquo quamvis à literatis pene omnibus Plagiarius

garius quasi certus habeatur, miror, neque a *Jacobo Thomasio* tamen de Plagio & Plagiariis, neque in supplementis, neque in additamentis *Almeloveenii*, vel verbo ejus rei fieri mentionem. Utcunque sit, exploratum certe est, vixisse cum aliquot annos in familia *Henrici Stephani* (de quo postea) eique in corrigendo sphalmata operam sedulam præstitisse, unde etiam sine dubio Famulus hujus celebratissimi Typographi vulgo vocari solet. Atque in hoc cum constitutus esset officio, factum, ut *Henricus Thesaurum* suum Græcæ Linguae typis excuderet suis. Cujus operis quotidianam ille lectionem inter describendum nactus compendium dicitur concinnasse, eoque feliciter confecto Typographeo *Henrici* valedixisse, & codicem suum *Basileæ* An. 1590, ut *Mettairius* habet, prima vice luci exposuisse ajunt, sine quo furto in obscuro sine dubio permansisset *Scapula*. Atque hinc prodeunte postmodum An. 1572. *Thesauro* ipso, ita acceptum gratumque ob pretii caritatem, prolixitatemque non

fuisse, Lexico Scapulæ An. 1579. præfertim denuo recuso, ut quidem speraverat Stephanus, fama est. Jacturam ingentem passum omnium bonorum Gallia tandem excedere ob æs alienum, coactum fuisse, sunt qui narrant. Non defunt quidem, qui novam Thesauri editionem nihilominus suscepisse cum carmine in Scapulam in vectivo tradunt bonum Stephanum; verum falsa hæc sunt, quæ de altera pretiosi libri editione feruntur. Nunquam enim ita facultatibus suis restitutus est, ut tantæ molis & tot impensarum Librum iterum exprimere potuisset. Illud saltem ex dictis patet, jure merito querelas longe plurimas Henricum profudisse, ob Scapulæ factum sibi maxime noxium. Quam etiam ob rem vitio eas a nemine Eruditorum versas observavimus, ut potius laudarent ea occasione Carmina quædam ab illo conscripta, quorum unum ex *Almeloveenio*, alterum ex *Metzairio* hic recudi fecimus. Tertium enim in Morhofii Polyhistore Tom. I. L. IV. c. 8. §. 6. reperire licet, & passim obvium est, Prius ita habet:

Inspe-

*Inesperata alios Thesauros lucra videmus
Ferre repertori: tristemque repente fugari
Pauperiem, vilemque casam mutarier
arce.*

*At me contra inopem meus hic ex divite
fecit*

*Thesaurus, gazasque omnes exhaust
avitas.*

*Si tamen hic animum vestrum, pectusque
benignum*

*Conciliare mihi (quod ait se posse) vale-
bit,*

*Tum vero haud aliter quam quondam Pe-
lias hasta*

*Fecerit id vulnus, factoque medebitur
idem.*

Gravius est alterum, quo scripsit non
sine argutiis:

*Opus redegit qui illud in compendium,
Impendium in eo temporis quam maximum*

*Fecisse dicit; Vellet id pensare nos,
Sua crumena maximo compendio.*

*Lectorum at ille maximo dispendio
Contraxit opus id, imposuit & omnibus.*

*Pæna irrogetur huic, ut non gravis ta-
men,*

Tantum esse dignum dixerim suspendio.

Hb 5

Hæc

Hæc tamen & alia similia, absit, ut existimemus, quod non Scapula ista jam antea præsenferit. Prævidit non solum, sed etiam omnem plagii suspensionem a se amoliturus, de suo labore in præfatione hunc in modum disseruit : *In hoc autem opere cum plurimum temporis contrivissem (remorante me partim ipsius operis prolixitate, partim functione mea, partim denique privatis occupationibus) incidi forte in Thesaurum ab Henrico Stephano conscriptum : cujus sola inscriptione lecta, existimaui me actum egisse. Verum cum Thesaurum illum penitus introspectum, præter alia multa a meo consilio discrepantia, diverso etiam ab eo, quem secutus fueram, ordine scriptum fuisse, re ipsa cognovissem, idque amicorum oculis subjecissem, eorum judicio fretus, multis rationibus adductus hæc tandem in lucem prodire permisi. At verone Thesauri illius, Herculeo sane labore compositi, auctorem bene de literis meritum debita laude fraudare, aut me alienis plumis venditare videar, quid illi acceptum feram, fateri non gravabor &c.* His sane

ne

ne lectis, quis non à plagii crimine *Scapulam* absolveret? Verum, quibuscunque etiam lenociniis verborum facta sua tegat, ea tamen nihil nisi anguem ingrati animi in herba quasi habent latentem. Cujus vitii vel illud haud leve indicium est, quod ne tribus quidem verbis meminerit, quantis *Stephano* obstrictus sit modis, cum tamen per aliquot annos ejusdem fuerit inquilinus. Ad hæc neque legimus unquam *Scapulam* vel alios quoscunque ejus amicos Apologiam, aut simile quid vindictiarum conscripsisse, quibus accusationibus *Stephani* respondissent, famamque innocentis defendissent. Unde altum potius apud omnes silentium tacitam quasi approbationem aut conscientiae vulnus prodere videtur. Jure igitur optimo *Scapula* noster in numerum Plagiariorum, non minus quam infidelium Correctorum referri meretur. Cujus *Lexicon Græco Latinum* aliquoties lucem vidit post editionem primam An. 1570. & alteram An. 1579. variisque in locis sunt repetitæ. Ultima quod
sciam

sciam est Elzeviriana Amstelodamensis; nitidissima vero omnium Lugd. Batava 1650. fol. Basileenses, *Zwingeri* ut plurimum cura editæ sunt tabulisque de Dialectis Græcorum variis auctæ, itemque communissimæ sunt, & magis parabiliore. Sunt qui studiosis Græcæ linguæ utiliore Scapulæ laborem istum censent, quam Thesaurum Stephani, sed videntur illi ad tirones magis respicere & pretium, quo ille venditur, hodie potissimum maximum: Multo enim pleniora, & provectioribus magis proficua esse volumina illa majora Stephanianæ industriæ quis neget. Conferatur Mettairius p. 364. & Almeloveenius p. 74. Stephanus ipse in sua de Lipsii Latinitate palæstra, ubi per Dialogum inter Kænophilum & Coronellum admodum Scapula vapulat, id quod pari vehementia fit in Paralipomenis Grammaticarum Institutionum Græcæ linguæ 4. 1587. exc. His addatur Paulus Pater in dissert. de arte Typogr. quæ Lipsi. 4. prodiit. p. 77.

Johan-

Johannes Schmidius

Theologus *Argentiniensis*, ob Eruditionem insignem facundiamque sacram, & moderationem animi longe celeberrimus, quem in hanc vitalem lucem editum esse *Budiffæ* Lusatorum An. 1594. d. 20. Junii, Patre vero genitum *Johanne*, Pannifice Biographi tradunt. Sub *Biccii* disciplina aliquo usque in rudimentis studiorum provectus *Hallam* Saxonum pervenit juvenis. Peste vero ibidem grassante, & omnia dissipante, in pago *Zerviker* proxime adjacente nobilis cujusdam marronæ liberos privatim docuit. Hinc *Spiram* postmodum profectus, de novo juventuti domi informandæ operam dedit. Sed neque hoc modo sibi consultum esse credens, *Argentynam* tandem pedem promovit. Rebus autem illic valde attenuatis An. 1613. prope sesquiennium integrum in officina quadam Typogr. quæ, qualis fuerit, cognovimus nondum; *Theodosii* tamen *Rühelii* fuisse existimavimus, preli curam gessit, & ex-

& errores restituit, emendavitque sedulo ; noctes vero studiis Theologiæ incumbendo totas sæpe consumpsit. Unde quam dura emergendi occasio, & quæ subeundæ molestiæ ei fuerint, priusquam ad honorum culmen adscenderet, elucet. Neque hoc gradu altius enitendi felicitas contigit viro præstantissimo ; nam posthac iterum Consularis viri, urbis præclaræ filios erudiendos domestico labore in disciplinam accepit. Tandem favore hujus Senatoris adjutus Magister liberalium artium creatus An. 1617. cum discipulo postremo exteras invisit terras, Germaniamque, Galliam, Angliam & Belgium perlustravit, eoque itinere peracto, variis defunctus est officiis minoris conditionis & ordinis. Denique cum quibusdam juvenibus Tubingam, *Jenam* & *Wittebergam* peregrinatus, vix in loco postremo confederat, cum ad Theologiam publice docendam An. 1623. Argentoratum accersitus est. - Atque sic tandem obsequens nutui huic divino per gradus ad summos in sacris muneribus

bus paullatim conscendit honores , & uxore ducta tres liberos genuit , multaque subinde officia delata , qua erat modestia , respuit. Donec Conventus Eccles. & Capituli Thomani Præses electus , & pene obrutus occupationum multitudine , accedentibus calculi laboribus , diarrhœa & singultu viribus attritis d. 27 Augusti ætatis 65. annorum An. 1658. Spiritum Deo redderet , omniumque desiderium domi æque ac foris relinqueret. Scripta , quæ supersunt , plurima numerantur , quæ passim annotata reperiuntur , & Germanica sunt atque Latina ; Ex quibus potiora Concionibus habitis , Festivalibus , Pœnitentialibus & Casualibus , ut vocant , itemque Psalmi aliqui constant , prostantque magno numero. Inter Latina vero eminent : De Augustana Confessione : De Christi adscensione in cœlum , & ad dextram Patris sessione : De attributis divinis : Disputationes variæ , quas , ut reliqua omnia , non opus erit recensere , cum ex Wittii Memoriis , ubi in Decade IX. ultimum occupavit locum , satis consent.

Nobis

Nobis nunc sufficit in Correctores eruditos qualemcunque ei locum quoque in nostro indice fecisse. Quo celebrior vero noster fuit Schmidius, eo famosior est is, qui sequitur, nempe

Michael Servetus

Hispanus gente, patria *Arago*, & de reliquo in omnibus *Europa* Ecclesiis satis decantatus Hæresiarcha. Vocatur quidem ab *Arnoldo* omnium Hæreticorum Causidico, *Tarraconensis Catalaunus*: id quod sine dubio ex Bibliotheca Sandii ita edoctus asseruit, qui itidem, uti & celeberrimus Lipsiensium Theol. *Bærnerus* in continuatione Bibliothecæ sacræ Longianæ, Catalaunum appellavit; Verum bene Collectores Relationum Nov-antiquarum observarunt *Aragonem* fuisse. Nam quam varia scriptis suis subjecerit nomina, ut plurimum tamen se vocasse *Rennem ab Aragonia* constat. Quæ etiam re cum illis consentit *Casp. Calvoerius* in notissimo de variis orbis religionibus utilissimoque opere, cujus verba

verba exprimere brevitatis studio nolumus. Studio a puerilibus annis Medico fuisse deditum, passim narratur, & mox *Reves*, mox *Rennes*, mox *de Rennes* in scriptis vocari maluisse, jam satis constat; utut non raro etiam sub *Villanovani* nomine occurrat. Blasphema dogmata ad orcum diu damnata contra S. Trinitatis Mysterium iterum in lucem protulisse ex historia medii ævi Sec. XVI. itidem exploratum est. Quo vero ætatis anno, & cujus ductu, suone ipsius Marte ad ista delapsus fuerit portenta, compertum nondum habemus. Illud constat fundamentis studiorum in *Aragonie* quodam cœnobio positis, in Galliam, libertati suæ sentiendi quicquid voluerit magis securum, Inquisitorum sævitiam timentem, abiisse, & postquam *Parisis* aliquandiu vixerat, in *Africam*, Linguae Arabicæ addiscendæ & Alcorani evolvendi studio, transfretasse. Atque hic adeo, ut multi, qui pura adhuc in Galliam venisse mente sibi persuadent, nec sine verisimilitudine credunt, sive hausit venena, sive jam præ-

cepta auxit. Eo sane ex hoc tempore in transversum abreptus est, ut rectius de Turcis eorumque salute, quam Christianorum sentire cœperit, id quod mirum bene multis in hoc homine videbatur, quippe qui iudicio, ut Hispani solent, polleret acri, sed rationi corruptæ, quod maxime dolendum, & sui ingenii argumentationibus ambitiosis indulgeret. Reversus demum in *Galiam* semina errorum pessima illic dispersit. Ubi & sententia ejus de S. S. Trinitate An. 1523. primum innotuit. Equidem *Th. Beza*, præcipuus Zwingliani dogmatis propagator, post triginta annorum blasphemias illum periisse ait, id quod denuo in Vita Calvinii repetit, dicendo: *Eum totos triginta annos tum voce, tum scripto, cælum ac terram infecisse.* Sed dissentit aperte ab eo Calvinus, inquit in Epistola ad Sulcerum An. 1553. scripta, *viginti annis ante obitum dogmata eum blasphemia sparsisse.* Utrumque tandem conciliat Sandius, Calvinum loqui de initio divulgatorum errorum, ope scriptorum typis editorum;

rum; anno enim 1531. tr. de Trinitatis erroribus, prodiisse affirmans. Quibus litibus intercedere nostrum non est; Alii de istis dispiciant. Nobis ad scopum nostrum accedendum propius: Vixit nempe plerumque *Lugduni*, postquam antea in Italia & *Venetiis* potissimum latebras frustra quasiverat. Varias illic circumspiciens occasiones, quibus virus animo conceptum, ad alios propagare sine suspitione & periculo posset, commodam tandem nactus est. Excudebantur *Lugduni* impensis *Hugonis a Porta* ap. *Casp. Trechsellum*, Biblia sacra ex Santis Pagnini translatione. Hac editio, ut in aliis libris factum erat jam per aliquot annos, corrigenda, ut *Trechsellus* consueverat, *Serveto* exhibetur. Quo facto non intermisit ille noster, cum sine metu salutis, & alio nomine fieri posset, varias adjicere glossas impias satis, & anguem sub herba latentem indicantes. Atque ita fraudulentum sub nomine *Michaelis Villanovani* egit Correctorem, & falsarium Impostorem. Lectu digna sunt

verba *Calvini*, quæ dicta a me corroborare possunt. *Lugduni*, ait ille in defensione orthodoxæ fidei adv. Servetum, cum sacris literis corrigendis opera ejus (*Serveti*) conducta foret, postquam *Typographos* quingentis libris *Francicis* emunxit, ne furatum esse quis diceret, quod mercedis nomine sumserat, singulas paginas partim futilibus nugis, partim impiis deliriis inquinavit. Vide reliqua, & adde l. c. p. m. 59. His factis, a *Lugduno* iterum abiit, & quanquam in latebris saltem hærebat, ad causam tamen dicendam aliquando productus, *Viennam* Delphinatus evocatus est, ibidemque acerrimum se *Lutheranorum* hostem professus, salvus iterum evasit; *Italiam* vero repetiturus, *Genevam* transiit, universum *Vetus Testamentum* commentariis illustraturus. Malis autem auspiciis, inquitente *Calvino*, isthuc appulsus. Nam autore illo, unus ex *Syndicis* dictæ urbis in carcerem ex hospitio *Servetum* duci iussit. Hic per aliquot hebdomadas detentus, tandem nec resipiscens, neque gratiam etiam cujusquam ambiens,

biens, ad rogam damnatus, & vivus, jam senectute gravis, ipsoque Calvino major natu, An. 1553. d. 27. Octobris combustus est. De quo supplicio *Sandius* citat verba *Hyperphrogeni Gandavi* ex Manuscripto desumpta sequentia: *Atque ita Servetus eductus & abreptus est, atque lento igne ustulatus, totus concrematur. In quo igne cum horas tantum non duas aut tres circumcursitans, atque vehementiore vento suborto, eoque flamma depulsa, emori non posset, postremo deficientibus lignis, ejulare & exclamare cepit: Heu me miserum, qui vitam hoc rogo finire nequeo! Anne ducenti coronati aurei mihi capto abrepti, & non exusti, lege reclamante, torquisque aureus de collo dependens sufficiebant, quibus affatim lignorum coëmi, & huc congeri potuissent, mihi miserando consumendo! Aderat hic Guilh. Farellus Ecclesiæ Genev. Senior Minister, qui non cessabat Serveto in extremis acclamare: Crede in aeternum DEI filium JESUM CHRISTUM: Cui constanter Servetus: Ego credo CHRISTUM esse verum DEI filium, sed non aeternum. Atque*

sic tandem exustulatus exspirans, perem-
tus est, postquam in manus DEI Patris
commendaverat Spiritum. Equidem
 propterea exprobrare Calvinianis cru-
 delem immanitatem non verentur So-
 ciniani, Pontificii, imo non raro etiam
 Lutherani, quorum invectivas oratio-
 nes in unum collegit Clar. *Gothofr. Ar-*
noldus in *Historia Hæreticorum*, quem
 loco mox citando evolve, lege, & ju-
 dica. Sed habent ex adverso, quæ pro
 justitia factorum a suis & Senatu
 inprimis Genev. reponant, qui stant a
 Calvini partibus, & præter *Th. Bezam*,
 ipse etiam *Calvinus* Apologiam pro se
 suisque consiliis scripsit in *defensione or-*
thodoxæ Fidei de Sacra Trinitate contra
prodigiosos errores Serveti Hispani, ubi
 ostenditur Hæreticos jure gladii coër-
 cendos esse. Paris. An. 1554. typis Ro-
 berti Stephani 8. excusam, in qua de
 corrigendi officio relata supra citavi-
 mus, aliisque libri totius diligentem
 considerationem commendamus. Id
 certo *Zwvingliani* uno ore omnes con-
 tendunt, in carcere petulantem ad-
 modum

modum & procacem se gessisse *Servetum*, tetrisque blasphemiiis in Deum, & horrendis convitiis in Magistratum omnia impleſſe, neque eo in ultimis quoque constitutum adigi potuisse, ut a populo preces, pro sua salute ad Deum faciendas, sibi expeteret. Habes ergo, benevole Lector, fata ultima tristiaque Correctoris nostri, ex quibus id saltem intelliges, qualia & quanta a Correctore, in quo fides desideratur, si libris imprimendis sensa mentis perversa inspergere audeat, metuenda sint. Cetera enim in medio relinquimus, & Theologis expendenda committimus, paucisque scripta Serveti, quæ Sandius collegit, addimus. Sunt ea: *Theſaurus animæ*, alias *Desiderius Peregrinus* dictus, Hispanice primum excusus cum Privilegio Regis, atque in Latium postmodum translatus 1674. Roterod. in. 24. Dillingæ 1583. 16. it. Belgice Roterod. 1590. Harlemi 1646. Dordraci 1654. & Amstelod. 1678. 12. cum figuris: *De Trinitatis erroribus* LL. VII. Basil. 1531. 8. Belgice per Renier Telle 1620. 4. qui li-

augm. D. Boernerii Lips. 1709. 8. P. I. p. 687. it. Casp. Calvoerius tr. de variis orbis religionibus 4. Lips. 1705. L. XVI. cap. III. p. 444. Schlüsselburgii Catal. Hæreticorum ed. 8. Francofurtanæ L. XI, p. 2. Nos nihil, his nisi Epitaphium, quod aliud agentibus enatum est, addemus:

*Me miserum nuper combussit lucida
flamma,*

Accensoque rogo turpiter interii.

*Vox erat infragilis, sic pectus firmius
are,*

Impia defendi, fasve piurve mihi.

Servetus num Servatus? non quæreviator,

An Servatorem qui negat astra petat?

Johannes Sextus

NOrimbergensibus magis, quam
exteris cognitus, *Elnboga Bohemus*.
Cum Parentibus ob sacra, quæ colebat,
Pontificiis exosa, e patria excedere jussus,
exul migravit ad externos: ita tamen
constanter in studiorum cursu progres-
sus, ut nullis ærumnis se abduci inde
passus fuerit. Vagus itaque & extorris

li s

quasi

quasi *Cygnem*, inde *Wonsidelium* atque tandem *Noribergam* delatus est. Abhinc, Scholastico excusso pulvere, *Moguntiam*, *Frankofurtum* atque porro *Argentoratum* studiorum gratia migravit, omnique sedulitate iisdem incubuit. Sed A. R. S. 1636. *Ulma* salutata, *Noribergam* repetiit, atque illic, post alios excursus peractos breviores, quos *Egram* & *Wonsidelium* suscepit, firmastandem sedes fixit. Atque ex eo tempore, ut vitæ necessariorum comparandorum rationem haberet, & tamen in literis melioribus simul proficeret, Typographo *Endteriano* præfectus, libros in eo impressos per aliquot annos correxit, multumque in hisce negotiis se profecisse, sapius professus est. Quo factum, ut perinulti etiam viri eruditione clari, & in orbe literato celebres, amicitiam ejus ambire non sint dedignati, in quibus *Joh. Georg. Styrzelius*, *Augustanus* & *Reipubl. Rotenburgensis* ad *Tubar. Consularis*, alique plures gratissimum & constans literarum commercium cum eo inierunt. Eundem in nostrum
favo-

favorem *Mauritii Hoffmanni*, celeberrimi Altdorfini Medici, itemque *Joh. Gabr. Wurfbainii*, & *Georgii Richter* aliunde colligimus, a quibus & in Philotheca Doctissimi Endterianæ Typogr. Directoris & Ecclesiæ Candidati, titulum & elogium retulit. Ita sibi & laboribus memoratis diu admodum vixit; donec tandem in *Hersbruccensi* Noricorum municipalis urbe Scholæ supremus constitutus est An. 1654. Gubernator. Quo munere non constanter perfunctus est, sed inde denuo Norimbergam rediens, Scholasticis negotiis abdicatis, priores denuo suscepit curas, atque ad ultima vitæ fata Endterorum Corrector permansit. Librorum præterea jam compactorum mercatu, sed non nisi inter amicos instituto, magnum supellectilis librariæ collegit apparatus, qui postea in *B. Arnoldi Burgeri*, Primicerii Noribergensis eruditissimi, cum filia Sexti, in matrimonium accepta, venire potestatem. Unde, postquam nuper ille diem suum obiit, mirum, quantus optimorum codicum numerus

merus in omni disciplinarum genere divenditus & distractus est. De reliquo, Poëtam fuisse *Sextum* nostrum excellentem, nostratium neminem fugit. Carmina vero ipsa, hinc inde in manibus Eruditorum dispersa, quodammodo in agro Norico circumvolitant, quæ ut conjunctim aliquando luci publicæ exponantur, quisquis intelliget, quid distant æra lupinis, exoptaverit. Speciminis loco unicum ab eo structum, & in Philothecæ ipsius frontispicio amicorum benevolentiam ambiens, placet hic repetere:

*Quaritis, insignes Virtute atque arte
Patroni,*

*Et lecti juvenes quid liber iste velit?
Non deposcit opes, non ditis munera Cræsi,*

Hoc tantum votis flagitat ille suis:

*Ut, vestro videor si dignus amore, fa-
vore,*

*Vestra album signet littera picta manu.
Extet ut indicium, pignusque favoris,
amoris,*

Pectora & ut pateant candidiora nive.

Et

*Et quoties liber hic nostris occurrit ocellis,
Sint toties Vestri cum Pietate memor.
Sic etiam absentes inter firmumque ra-
tumque*

Tempore perpetuo fœdus amoris erit.

Johannes Guicaus Stratander

ARtis Medicæ, cujus natales non in-
notuere nobis, indefessus cultor,
qui posteaquam per varias Europæ Pro-
vincias iter peractum finierat, idque
sumtibus & impensis potissimum *Lau-
rentii a Ravenstein*, tandem *Basileæ* An.
1560. substitit; Collecturo ibidem pere-
grinationum & studiorum fructus non
defuere occasiones, quibus notitiam,
qua pollebat in Græca & Latina literatu-
ra, exactam demonstraret, tantaque, dum
viveret illic, fuit ejus existimatio, ut
omnium consensu dictarum linguarum
peritissimus ab universis propemodum
censeretur. Ita tunc temporis coleban-
tur studia etiam Medica, longe diverso
a nostris moribus statu, ubi vel vigesi-
mus ex studii Medici cultoribus Græ-
cas callet litteras; ita etiam omnibus
hono-

honorum titulis ornabantur, cum hodie, id quod interdum vix mirum mihi videtur, non semper adeo magni habeantur. Sed ad nostrum Stratandrum revertor, is omnium maxime ab *Hieron. Frobenio* diligebatur, a quo etiam, ut emendationi Sphalmatum Typographicorum in officina sua incumberet, rogatus haud illubenter petitis viri locum dedit, omni industria & studio pro Eruditione, qua præcelluit, huic muneri & Frobenii expectationi satisfecit. Hinc a *Guilhelmo Crataolo* in Indice *Galenii* operibus apud Froben. fol. adjecto, vocatur *Frobenianus Corrector, Juvenis eruditissimus & Medicinæ Studiosus*: id quod nec ipse, ut alii solent, dissimulavit, aut prorsus negavit in Dioptra, sive Elencho *Galenii* librorum spuriorum, aut impropriorum eidem editioni adjecto. Hanc etiam Dioptram, sive copiosissimum Indicem, breviter & accurate singula in *Galeno* occurrentia complectentem, laudato *Laurentio a Ravenstein* inscripsit, & eo ipso gratum animum, cum aliter non posset, publi-

publica beneficiorum ab eo acceptorum professione abunde demonstratum dedit. De reliquo, an Basileæ sub-
stiterit, hisque laboribus immortalus sit,
pro certo affirmare nequeo. Plura
enim comperire de hoc viro, quamvis
omni adhibita opera, non potui. Confe-
ratur laudata editio Galeni apud Fro-
benium & Nicol. Episcopium excusa
1562. fol. Unde, quo tempore in isto
corrighendi labore occupatus fuerit, in-
telligi potest. Hoc misso, jubente ordi-
ne, succedat

Jacobus Ludovicus Strebaus,

Gente Gallus, & patria *Rhemensis*, na-
tus A. O. R. 1481. Claruit sub
initium Sec. XVI. familia prognatus
non splendida quidem & nobili, ho-
nesta tamen. Quam etiam ob rem a
parentibus, qui pauperrimi erant, &
opificio quodam vitæ alimenta quære-
bant, subsidiorum perparum expectare
poterat, unde se sustentaret, & in studio-
rum cursu felices facere progressus pos-
set. Proinde paucissimis contentus,
cum

cum bonitatem ingenii sui nosset, fortunæ quasi obviam procedens, sedulo in stadio, quod ingressus erat, perstitit. Ingenium scil. credebat animum metu periculorum non territari, virtutemque non humilia, inertia & tuta sectari, verum per alta ire, atque ita procedere, sic existimante Seneca de Providentia :

Utque viam teneas, nulloque errore tra-
haris,

Per tamen adversi gradiaris cornua Tauri
Amoniosque arcus, violentaque ora
Leonis.

Solet alias in hujusmodi fortunæ casibus ultima via pronior esse, initio saltem existente gravi, id quod permultis testimoniis exemplisque comprobari posset, si opus esset. Verum in eodem nostro *Strebae* conjurasse quodammodo omnes ærumnarum ventos crediderim, ita ad extremos usque vitæ dies calamitatibus fuit expositus. Quod ad litteras quidem attinet, lætus & fortis easdem tractavit, nec infelici in iis decremento est gavisus, ea præcipue methodo, qua in disciplinis elegantioribus,

ut non secluso artium aliquarum tene-
retur fonte ; sed unde universum flu-
men gustare poterat. Unde & diser-
tissimus ; & ad ornate dicendum para-
tissimus redditus est. Primus certe *Lu-
zetiiis* puriorem loquendi & scribendi
modum induxit, & a barbarie maxima,
ibidem dominium obtinente , Scholas
expurgavit. Dolendum autem est haud
immerito , quod munus publicum, do-
ctrina sua dignum, consequi fortunæ &
Monachorum malignitate & invidia
non potuit ; & in summa egestate
vita pertrahenda fuit. Atque hæc
ratio denique fuit , cur omni quasi
aëre congesto, ut se suosque honeste nu-
triret in Typographiis Parisinis , apud
Stephanos præcipue & alios, pro soluto
pretio , tanquam stabulum Augiæ pur-
gaturus , Eruditorum libros maluerit
corrigenæ a vitis, quam otiosi, vel otiosa
cum egestate conflictari. Omnium ve-
rò maxime isthac opera debilem susten-
tavit senectutem, cum, ætate etiam pro-
vectior, eo non amplius apud Audito-
res uteretur favore, quem in flore ætatis

consecutus erat. Unde his etiam negotiis diffusus, atque hac quoque via sibi & miseriæ nondum satisfactum putans, tristitia animum, cui nimis indulgere solebat, subeunte, in morbum periculosum incidit, ex quo etiam, non sine bonarum artium detrimento, fato suo tandem placide functus est. Scripta ejus LL. V. de Oratoria verborum collocacione Basil. An. 1539. elegantissime conscripti: & Commentarius in Ciceronis LL. de arte Rhetorica, & perfecto Oratore T. II. Bas. 1541. clarent. Transtulit etiam in Latium scripta aliquot Aristotelis, Ethicam nempe, Politicam & Oeconomicam, idque summa fide & stilo concinno atque valde perspicuo. Cetera, ut & ipse annus emortualis, latent, aliorumque studiis evolvenda commendantur. Nobis in ejus fatis pernoscentis profuit imprimis, qui videri potest, Tolleus de infelicitate Literatorum ed. Lipsiensis, cum qua Pierius Valerianus simul excusus est, 12. p. 478. Adde Scævola Sammarthani Elogia Jen. 1696. 8. recusa p. 31.

Hen-

Henricus Stephanus

ROberti filius, & Henrici Nepos, natus An. 1528. Vir præclarus, qui cum a puerilibus annis non nisi inter Eruditos versatus esset, non potuit non omni instructus doctrina adolescere. Præter *Petrum Danesium* insuper *Jac. Dusanum* & *Adrianum Turnebum* studiorum suorum moderatores habuit, a quibus mirum in modum in omni literatura ex-politus est. Accedebat, quod in familia non nisi Latina & Græca audiret videretque. Unde constanti exercitio gavissus, ad fastigium omnis eruditionis adscendit. Notabilia & maxime huc facientia verba sunt, quibus ad filium *Paulum* dislerit, in Epistola Commentario in Agellium Paris. An. 1588. exc. præmissa, eumque edocet, unde Soror ejus *Catharina* notitiam linguæ Latinæ acceperit: *Fuit, inquit, tempus, cum Avus tuus Robertus decemviratum* quendam literarium domi haberet, eumque us *πάνγλωσσαν*, ita etiam ex omnibus nationibus conflatum, ut omnium erat linguarum.

Decem hi partim literati, partim literatissimi viri, quorum quidam correctorio munere fungebantur (iique praesertim, qui Epigrammata postrema ejus editioni Thesauri praefixerunt) cum sicut ex diversis oriundi erant gentibus, sic etiam diversum sermonem vernaculum haberent, lingua Latina, tanquam communi interprete, inter se utebantur. Ac cum ex his decem modo hos modo illos famuli pariter & famula, de rebus, quas ipsi ipsaque vel novaverant, vel saltem conjectare poterant, colloquentes; quin etiam in mensa quotidie cum de his, cum de aliis, ut argumenta se suggerere solebant, sermonem habentes, audirent, ita suas paullatim aures verbis illis assuefaciebant, ut non solum plerique eorum, quae dicebant intelligere, sed quaedam etiam loqui valerent. (vid. Colomesii opera Hamb. 1709. a Cl. Fabricio ed. p. 24.) Si itaq; mulieres & ancillae ex commercio hoc erudito aliquid apparatus eruditi hauserunt, multo sane magis affirmare possumus, filium Henricum, qui in choro tantorum virorum educabatur, eosque non raro corrigendo juvabat,

vabat , & in linguæ ipsius cognitione ,
& præcipue habilitate sermocinandi mi-
rum in modum profecisse. His funda-
mentis positis, ad externos abiit, ac præ-
cipue in Italia scrinia Bibliothecarum ex-
cussit, eaque, quæ imposterum usui fo-
re animo cerneret, diligenter annotavit.
In Patriam deinceps reversus, Parenti
aliquandiu operam in corrigendo ex in-
stituto præstitit. Deinde vero eo An.
1556. mortuo, ad genitoris exemplum
officinæ non minori laude celebrandus
præfuit , & primo quidem ab An. 1558.
usque ad Annum 1568. Illustris *Fuggeri*
Typographus dici voluit ; sed postmo-
dum totum se suis curis & studiis priva-
tis tradidit. Quanquam autem, ut Pa-
ter solebat, plagulas in publicis plateis
non suspenderit , nec detegentibus er-
rorem certum promiserit pretium, attamen non minori cura ipse cuncta , aut
potiora tamen, inspexit, quæ excudit,
eoque recognitionis studio & sedulitate
effecit , ut , sicuti *Roberto* Patri , ita &
huic correctissimos hodieque debeamus
codices, typis exscriptos. Imo quod non

raro filio vitio vertitur, tanta industria Doctorum scripta virorum scrutatus est, ut elementorum, si qui occurrerent, n̄vos non solum, verum ipsa etiam verba Autorum temere castigarit, sensumque invitis s̄pe illis, immutarit. Unde P. D. Huetius Civis ejus L. II. de Interpretatione p. m. 48. admodum quidem Henrici operam & assiduitatem in Institutis prædicat: *Pauca quidem, inquit, sed omnibus absoluta numeris in eo studio elucubravit Henr. Stephanus, quem plane Interpretem audeas dicere: Summa in exponendis sententiis accuratio, mira in charactere exprimendo felicitas, pari concinnitate conjuncta &c.* Sed longe aliter celeberrimus H. Boeclerus in Epistola quadam, qua in Stephanum in- vectus est: *Prorsus tamen, scribit, egregiū factum est, quod elegantissimus scriptor Herodianus elegantissima interpretatione a Politiano in Latinum versus est, nec mi- nus præclare cessit, quod Henr. Stephanus multa industria, typisque mundissimis utriusque curas publicavit; at quod idem ille Vir doctissimas Politiani versionem,*

cui

cui similem hactenus in nullo scriptore habemus, tot castigationibus non necessariis in ordinem redigere conatus est, id ego nec ex Græci Scriptoris nec ex Latini Interpretis merito arbitror accidisse. Effecit equidem tam Critica manus, ut dicendum mihi non sit, quod, nisi instituti ratio efflagigaret, nollem dictum: Henricum Stephanum tum alibi, tum hic præsertim prodidisse, se minus Latine quam Græce eruditum. Ut taceam, quod de Politiani proposito ne ullam quidem videtur cogitationem suscepisse. Durius adhuc iudicium est acutissimi Scaligeri, ut in Scaligerianis legere poteris, qui, *Lexicon Erotiani*, inquit, extat Genevæ apud Henr. Stephanum, apud quem Autores mirè invenias depravatos, quippe qui φιλαυτία laborans, temere, quicquid displicet, immutat & corrumpit. His & alia Scaligeri verba a Cl. Crenio excerpta, & hinc, quod grati fatemur, sumta adjiciemus: Dalechampius, porro dicit, *Vir aliqui bene doctus Plinium emendandum atque excudendum suscepit, sed, qua est audacia, omnia invertet & corrumpet, quia, quod multi solent,*

si hoc illudue vocabulum non arridet, statim immutat, atque sepius in deterius: Et si id tam religiose observassent importuni isti Correctores, cujusmodi etiam habemus *Henr. Stephanum, qui omnes, quotquot edidit editve libros, etiã meos, suo arbitrio jam corrumpit, & corrumpet, & alios multos, non haberemus hodie auctores veteres adeo depravatos: nam hac se ingerente licentia, in tempestive & inconsulto corrigendi, quod displicet, totidem varietates locorum prodeunt & prodierunt, quot editiones; & nullos magis corruptos reperias, quam qui sepius excusi, & a pluribus perlecti sunt. Plures hujusmodi querelas suppeditat* *Clar. Crenius in Animadv. Philoll. P. III. p. 56. ubi Boecleri non solum & Scaligeri citata verba, verum etiam Andr. Schotti & Christ. Ad. Ruperti in vectivæ in Henricum nostrum inveniuntur. Denique Rupertum Prof. Altdorfinum Impostorem eum duriuscule vocare non erubuisse, ibidem notatum est, & quæ sunt alia hujusmodi. Sed absolvenda sunt fata Henrici, quæ oppido tristitia tandem fuerunt. Nam postquam diu Lutetiis & in orbe*

orbe erudito, velut in luce quadam, vixerat, scripta tandem Anno 1566. Gallico & Latino idiomate *Apologia* illa pro *Herodoto* omnium Papicolarum, præcipue vero Cucullatorum odio in se concitato, insidias eorum evitaturus, fuga salutem bonorum & vitæ, patris exemplo, quærere necesse habuit. Quæ tamen re prohibere non potuit, quo minus in effigiem boni viri faviretur, quam publice carnificis ministerio cum execrationibus multis flammis hostes combussisse constat. Utcumque id peractum esset supplicium imaginarium, per jocum postmodum dicere soleret: Nunquam se frigoris vim magis sensisse, quam cum Lutetiis medias conjectus fuerit in flammæ. Autorem hujus Historiæ Dn. *Caille* doctissimum Galum habemus, cujus cornu etiam *Tollius* inflasse videtur. A vero tamen aberrasse utrumque *Mettairius* autumat, qui & causam, quare Lutetiis discesserit, longe aliam fuisse adstruit, eam nempe tot tantosq; Thesauro Græcæ linguæ impendisse sumtus, & in grave æs alienum

prolapsum, atque adeo, cum solvendo non esset, pauperrimum Gallia exiisse tuetur; a quo etsi non dissentiat *Janfonius* in Vitis Stephanorum, in medio tamen rem, usque dum aliorum autoritate lis dirimatur, relinquit. Certum est, vagabundum hinc inde per *Helvetiam Germaniamque* ex eo tempore oberrasse: Mox enim *Genevæ* sedem fixit, artemque ibidem Typographicam exercuit; mox *Heidelbergam* venit, ibidemque communi beneficio victus cum studiosis usus: qua occasione voracitas ejus & mores perquam rustici observati fuere. Lugduni tandem, opibus omnibus destitutus, Anno ætatis septuagesimo & R. O. S. 1598, in Nosocomio vitam finiit, unde jure meritoque a Corn. Tollo in numerum infelicium literatorum fuit relatus. Cujus vid. nova Lips. ed. 12. p. 481. Addatur Janfonius ab Almeloveen in Vitis Steph. p. 41. scripta ejus potiora sunt:

Lexicon Ciceronianum Gr. Lat. 8. & 4. 1557. Commentarius in Sophoclem & Euripidem, de quibus ipse eleganter sic disserit; *Æschy-*

*Æschylon edideram, Sophocles invidit :
At idem*

Cur ab eo posthac invideatur, habet.

Græcorum Comicorum sententiæ. Præter hæc Psalmi Davidis aliquot metro Anacreontico & Sapphico in pretio habentur. Edidit etiam Homerum, Hesiodum & alios scriptores Græcos multos. Pindari Olympia, Pythia, Nemea, Isthmia & ceterorum Lyricorū carmina cum versione sua excusa sunt, cum adhuc Illustris Viri Hulderici Fuggeri Typographus esset 1560. forma in 12. oblonga. Huc vero inprimis pertinet Artis Typographicæ querimonia, carmine Elegiaco ab eo scripta, quam Almelo-veenius & Mettairius uterque suis narrationibus adjecere. Epitaphia it. quorundam Typographorum: De Lipsii Latinitate, it. de Plauti falso suspecta An. 1572. breviores sunt opellæ. Ultimum Thefaurus Græcæ linguæ fol. Genève. 1594. locum habet, quem primum mereri dignitate & labore, nemo est, qui difsiteatur. De quo vero & reliquis omnibus consuli poterit libellus sive Epistola
quam

quam Henricus imprimi curavit, de suæ Typogr. statu, & præcipue Thesauri sui Græci, cui Epistolæ ad calcem Index librorum, qui ex officina ejusdem prodire, adjectus conspicitur An. 1569. 8. Conferatur sapius memoratus Mettairius, qui exacte desiderijs Tuis satis faciet. Sed ad postremum in elemento hocce Correctorem convertendum est, erit ille

Fridericus Sylburgius,

Qui natus est fertili, & doctis viris & proventu terræ loco, *Wettera Hasforum*, quod infra *Marpurgo* situm est oppidum, ut & ipse constanter *Veteranum* aut *Wetteranum* se dicere consueverat, parentibus infimæ conditionis & agriculturam exercentibus. Ab his, ut perhibent passim omnes Scriptores, non prohibitum, ut vulgo fit, retractumque a studiis literarum, sed adeo potius instigatum, atque in schola patria primis rudimentis imbutum, donec ad altiora emergere inciperet. Quo facto progressu, sub ductu *Justi Vultei* & *Johannis*

hannis Pincierii Marpurgensium Docto-
rum, feliciter etiam, quæ optabat, est
consecutus. Posthæc iter ad externos sus-
cepit; eoque facto cum peregrinan-
do omnem fere suam adolescentiam
confecisset, ab Illustrissimis *Solmensibus*
Comitibus, ut ludo recens erecto *Lichensæ*
præesset, advocatus, accepto munere,
nunquam in se aliquid curarum deside-
rari passus est, sed omni diligentia & in-
defesso conatu spartam suam ornavit:
ibidemque, otio subinde dato, alios jam
cœpit labores erudita opera tractare.
Ex quibus eminuic, ut erat Græcæ lin-
guæ peritissimus, (Hebraica enim pror-
sus ignorasse dicitur) *Clenardi Gramma-*
tica Græca, quippe quam emendatam ac
ad faciliorem Scholarum usum præpa-
ratam, sub id tempus emisit in publicum.
Verum enim vero *Lichensem* suam Scho-
lâ, & *Neubusianam*, ubi etiam aliquan-
diu docuerat discentium strepitu mole-
stas, tandem plane reliquit. Neque
fane inauspicato, multo enim plura ex
eo tempore & majora orbi literato do-
ctrina sua exasciata pariter & assiduitate
laboꝝ

laborum, quam in pulvere Scholastico obscuro attulit commoda; præsertim postquam totum se tractandis veteribus Scriptoribus Græcis consecravit. Hos enim Codices ex Manuscriptis Vir in arte Critica exercitatissimus, restitutos, Latine redditos & expolitos, non solum prelis tradidit frequenter, sed & ipse correxit hos aliosque ingenti copia, atque sic emendatissimos literato orbi exposuit. Et in hoc negotio discrepat ab Henrico Stephano, quod raro suum ingenium in restituendis locis vetustate temporum deperditis fuerit secutus, sed vel alios codices Manuscriptos vel eruditos hac in arte Critica viros antea consuluerit, dignum adeo se præstans, qui encomiis inter Philologos sui ævi præcipuis mactetur. Neque vero in suis ramentis elaboravit operibus, sed alios quoque sua opera & industria adjuvit masculæ. Interque eos supra laudato *Henrico Stephano* in concinnando Thesauro Græco multum profuit, ut quarta fere pars istius operis ei adscribenda veniret; cui etiam in excudendis *Pausania*,
Justi-

Justini, Clementis, Alex. Dionysii Halicarnassensis operibus sedulam navavit operam, ejusdemque Viri præstantissimi Indices præcipue faciendo accuratissimos, omnium Doctorum sibi conciliavit favorem. Testem habeo hujus rei *Georg. Whitakerum* doctissimum Anglum, qui in præfatione libri a se conscripti de Autoritate S. Scripturæ, An. 1610. editi Tom. II. ita de nostro loquitur: *Qui hodie in veterum monumentis recudendis, atque repurgandis fidelem operam navant, omni laude & gratia dignissimi sunt. Inter quos non possum, quin honoris causa meminerim Viri accuratissimi & diligentissimi Frid. Syllburgii, cui clementem Alex. Theodoretum Θεοδωρικὴν, & Justinum Martyrem debemus. Ab eodem Athanasium indies expectamus, qui quodam infortunio suo, non potuit situ suo & latebris emergere. Rogandus Pater cælestis, ut hujus viri sanctissima studia afflatu suo provehat, talesque plures literarum & Veritatis vindices, qui Pontificiorum barbariem, & nefariam in pervertendis omnibus fraudem expugnent.*
exci-

excitare dignetur ; sed non solum Henricum strenue iuvit Stephanum, verum etiam maximam vitæ & laborum immensorum partem apud celeberrimos Typographos *Wechelios* & *Commelinum* corrigendo confecit, istis quidem *Hannovia* constanter, huic aliquandiu etiam *Heidelbergæ* inserviens, neque prope modum noctu aut interdium unquam interquiescens, nisi quod, antequam cænaret, vel unicam horam obambulando per prata & agros consumsisse dicatur. Quibus curis perpetuis non obstantibus, felix tamen propter nominis gloriam, tum etiam meritorum magnitudinem dicendus esset, nisi in eorum numerum referendus veniret, qui ob sociam thori, quippequam Diabolo furenti, quam homini, similiorem Sylburgio contigisse narrant, infelices prædicandi sunt. Quo malo, uti ærumnis reliquis, non nisi per mortem liberatus est. Postquam enim ipsius *Friderici II.* Electoris Palatini jussu ad *Commelinum Heidelbergam* commigrasset, editionem omnium Ecclesiæ Patrum ibidem curaturus,

turus, & summo studio emendaturus, evenit, ut pestilentissima lues, quæ tunc omnes Germaniæ Provincias permeabat, Heidelbergam infestaret. Quo pacto immatura & Typographi & Correctoris morte præclarum illud institutum fuit interceptum: quippe jam sexagenario Sylburgio, altero statim pestiferi hujus anni mense d. 16. Febr. An. 1596. Commelino autem inclinante anno sequente d. 17. Novembris An. 1597. correptis morbo contagioso, atque ex hac vita abreptis. Acerbe justis ex causis tulerunt Eruditi utriusque, & præcipue quidem *Sylburgii* fata, ut pote a cujus studio, assiduitate & eruditione multi adhuc sibi multa promiserant. Quanta de reliquo ejus fuerit existimatio, inde patet; quod Academia Marpurgensis annum ei solvebat stipendium, ut diligentiam magis excitaret, & quod publico funere, non clandestino, ut tempore morborum peste validorum fieri assolet; fuerit elatus. Ad Epitaphium autem ejus quod attinet; reperitur illud Heidelbergæ in cœmeterio Petrino;

LI

quod

quod apud Adamum in Vitis Philos. legi potest, qui de peste, ex qua obierit, nihil memorat; sed quando *Anagnostam diligentissimum vocat, nimis vigiliis ac Typographicis laboribus consumptum testatur, & eidem corrigendi labori, de quo agimus, immortuum esse satis luculenter demonstrat.* Scripta, præter laudatas Patrum editiones, extantiora alia sunt: Herodoti Historia castigata: Aristotelis τὰ ἐπισηκόμενα, quibus adjecit ob argumenti similitudinem ejusdem generis quædam Theophrasti, Alexandri, Cassii &c. Notæ in Clenardi Grammaticam cum Antesignani notis prodire An. 1583. Francofurti apud Hæred. Wechel. 4. majori, & alibi. Ipsæ vero Clenardi Meditationes luci expositæ sunt An. 1587. ibid. & ap. Claudium Marnium & Joh. Aubrium & apud Andr. Wechelium ipsum. Vid. Adami in Vitis Philos. p. m. 416. & Crenius in Animadversionibus Philol. p. 105. seqq. P. V. Quibus adde H. Clarmundum P. I. & Pope Blount in Censuris Celebb. Autorum p. 813. seq. ed. Genev. ubi quanti
ejus

ejus in corrigendo industriam fecerint *Scaliger* atque *Casaubonus*, in primis animadvertendum est.

Petrus Trecius.

Obscurum nomen, cujus natales omnino etiam qua gente natus, & qua patria ortus, nescire me hactenus fateor. Ut autem in recensum nostrum referremus, in causa fuit *M. A. Coccius Sabellicus*, qui in suis Enneadibus eum commemoravit; ex quibus nobilissimus *Mallinkrotius* excerpta quoque nonnulla dedit. Quorum uterque, *eum magnificis*, inquit, *gloriatum de se verbis, quod triginta Voluminum millia a se revisa & recognita ex prelis exiissent.* Quem numerum librorum quoties perpendo, fieri non potest, quod vel *Sabellicus* Historicus, vel *Trecius* Thraso a veritatis tramite aberrasse non injuria videatur, nisi plus, quam olim *Origenes* dici consuevit, *χαλκέντερος* ille fuerit. *Sabellici*, scriptoris non contemnendi, & qui primus, uti *Dn. Struvius* in *Bibliotheca Historica* inquit, inter scriptores *Historiae*

universalis nugari desit, editis operibus de Historia Mundi ad annum usque 1502. Lugd. 1574. & Basil. 1560. excusis, ut fidem dubiam reddam, vix possum adduci. Plus ergo crediderim, Trecium sibi indulgisse, quando triginta millia voluminum a se correcta fuisse grande aliquid sonans dixerat. Quid multis, temporis ratio, quo vixit *Trecius* iste, Seculum erat XV. quo minus id credamus, postulat, utpote quo ævo tanta copia neutrquam adhuc excudabantur libri in universa Italia, multo minus in una alteraque officina, in qua forte Correctoris officium is subire solebat. Quanquam ergo neque Typographum, neque etiam alia hominis huius fata cognita erant, placuit tamen eum adducere, ut sicuti militis gloriosi apud Plautum, temeritas in ore omnium est, jactabundi etiam Correctoris inter nostros exemplum compareret. Quare eum missum facientes lectorem ad *Mallinkrotium* remittimus, ejusque de ortu & progressu Typogr. Comment. ed. Col. 4. p. 97. atque ad alios progredimur. Quos inter eadem littera occurrit proxime

Her-

Hermannus Tulichius

VIr omni doctrina elegantiori, & humaniorum artium doctrina instructissimus: Natus *Steinhemii*, quod oppidum est *Westphaliae* ad Episcopatum *Paderbornensem* pertinens, ubi Anno reparatae hominum a Christo salutis 1486. lucem hanc adspexit. Studiis ætati convenientibus in Scholis eruditus ad annum usque 1515. in ludis *Monasteriensi* & *Quedlinburgensi* potissimum profecit, qui famæ celebritate satis rum conspicui erant. Hinc vero studiorum continuandorum gratia *Lipsiam* petiit, ibidemque ea tractavit, quibus in recensum hunc referri meruit. Dignior autem visus magis, quam alii, qui cum laude commemoretur, quandoquidem in tam arduo labore eo successu defudavit, ut maximum vitæ discrimen adierit, e quo vix salvus evasit. Audiamus hac de re *Luca Bacmeisteri* Theol. haud obscuri *Rostoch.* verba, quibus in oratione de *Luca Lossio* ejusque in orbe meritis habita, inter alia de *Tulichio* seqq. memoriae prodidit: *Biennio post An. 1515. in*

Academiam Lips. inquit, profectus est, ubi
 ἐπαινοῦ δωρὶς, sive Corrector, ut usitate di-
 cimus, fuit in officina Melchioris Lotheri
 Typographi. Hic Melchior cum libros
 quosdam Lutheri in initio renascentis
 Evangelii recudisset Lipsia, Dux Saxoniae
 Georgius, Patruus Mauritiū & Augustū
 Electorum, Zelo Veteris Religionis Ponti-
 ficiae, & odio Lutheri, quod, dum viveret,
 nunquam deposuit, Typographum & mini-
 stros ejus in carcerem conjecit, & capitis
 supplicio affecit, prater unum Georgium
 Stangen, quem Lüneburgi postea Bibliopo-
 lam factum, virum facetum & officiosum,
 multi superioribus annis, etiam Vitenber-
 ga, quo crebro librorum coëmendorum causa
 commeabat, noverunt. Is vero mirabili-
 ter a supplicio liberatus est. Quasi
 etiam tunc fuit Tulichius librorum istorum
 Corrector, ut cum ceteris in carcerem tra-
 heretur. Sed occultantibus eum viris
 doctis & precipuis in Academia Lipsiensi
 evasit, & venit Vitenbergam paulo post
 disputationem habitam inter Lutherum &
 Eccium Lipsiae Anno 1519. in Julio &c.
 In florentissima igitur ad Albū Musarum

rum sede studiorum Medicæ artis captus amore, ac totus ei deditus, vixit postea, ita tamen, ut subinde prioribus vacaret laboribus, & quæ apud *Georg. Rhauzium* aliosque imprimebantur, emacularet pristina adhibita industria. Quæ dum agebat; studiis simul incumbens suis, summos in Scientiis Philosophicis honores consecutus, ea felici rerum suarum usus est vicissitudine, ut publice Poëseos & Eloquentiæ fontes aperiendi sparta illi demandata fuerit. Id quod etiam publicum officium summo cum discipulorum applausu administrasse, ac semel etiam summi Magistratus Academici fasces & sceptrum prudenter gessisse An. 1525. Wittenbergenfes Annales Acad. docent. Quo favore uti omnium Doctorum, ita maxime *Lutheri* & *Melanchthonis* usus sit, inde elucet, quod prior solo ductus viri Præclarissimi amore libellum de captivitate Babylo- nica eidem inscripsit. Antequam vero ad ejus abitum ex Academia Viten- bergensi nos conferamus, de eodem verba Clarissimi *Jac. Burchardi Hilpers- husani*,

busani, *Gymnasii Prof. Publ.* in libro elegantissimo de fatiſ linguæ Latinæ in Germ. 8. Hanov. An. 1713. p. 354. transcribere lubet. Sic autem ille inter alia de *Academia Vittenbergenſi* ſcribit: *Enimvero, licet ea eruditos antea habuerit Doctores, quam Philippus Fridericus Electoris auspiciis eo eſt accerſitus, quorum numero, præter Buſchium, Hermannus Tulichius cum primis fuit laudatæ Mürmelii auditor, qui Lipſia etiam bonas literas tradiderat, priuſquam Wittenberga abiit, quo poſtremo loco Lutherus tantæ operam ejus eſtimavit, ut ipſi ſcripta ſua, quod ſtilum ſpectat, ſæpius corrigenda dederit, rudis tamen Seculi ſqualor detergi, literarumque cultus ante Melanchthonis adventum penitus eniteſcere ibi non potuit.* Quibus præmiſſis, quæ ad laudem *Tulichii* magnopere faciunt, ut, qua occasione tandem ex *Academia Leucorea* is exceſſerit, dicamus. Factum id eſt, cum *Lüneburgum* expetitus eſſet ad regendum *Gymnaſium* illic recens conditum, atque inter docentes primus illi concederetur locus. Huc enim commigrans,

migrans, etiam nunc Gymnasii istius
Johannæi Moderator omnium primus
 celebratur. Testem & præconem vir-
 tutum *Tulichianarum* *Lucam Lossium*
 ευχρονον και ουνεγον habemus, qui de eo
 sequentem in modum cecinit:

*Tum quoque Musarum ac Christi instau-
 rata benigne est*

*Sedes, qua Christum discat, doctasque
 juventus.*

*Artes, in vita quorum est hac maximus
 usus.*

Artibus ingenuis sua florent regna beata.

His Christus floret felix Ecclesia in orbe.

Tulichius Rector clarebat missus ab urbe

*Leucorea, sed is primus, parvaque ju-
 ventæ*

Vir fuit, Orator clarus, clarusque Poëta,

*Westfalia Hermannus, Tua quondam glo-
 ria &c.*

Reliqua omittimus, & obiisse tandem
 Virum optimum, nulla relicta mascula
 prole, observamus, postquam octo an-
 nos Scholæ Lüneburg. præfuerat d. 28.
 Julii Anno a Christo nato 1540. ætatis
 quinquagesimo quarto. Epitaphium

L I 5 quod

quod ei positum est ab *Hermannō Bonno*,
Superintendente Lubecensi sequens
fuit:

*Hermannus jacet hic Tulichius, ille
Orator bonus, & Poëta felix.*

*Hujus sceptrā Scholā tenebat urbis
Magna laude diu; sed ante tempus
Tantum fata virum abstulere mundo,
Cum mærore gravi omnium bonorum.*

Videantur qui incidenter saltem Tuli-
chii fecere mentionem Programma de
Viris & Rectoribus Gymn. Johannæi M.
Eliæ, Henr. Lauterbachii Hamb. 1694.
it. Schediasma Histor. Theol. de Con-
versis Pontificiis ex lectione librorum
Lutheri, Lutheranorumque Theol. G.H.
Goëzii Lips. 1705. 4. p. 40. in notis it.
Adamus in Vita Luc. Lossii p. 309. Clar-
mund. P. IX. p. 73.

Justus Vultejus

EJusdem oppidi *Wetteræ*, quod &
Sylburgium dederat, civis An. 1529.
Parentes habuit & opibus & genere me-
diocris conditionis, atque honestis li-
terarum tyrociniis initiatus est, sub
Joh.

Joh. Fanilii ductu , donec *Dillenbergam* novam & haud spernenda fama Scho-
lam adiret. Ubi tanto ad Sapientiae me-
tam contendendi ardore vixisse memo-
rant , ut modum excedere juvenili quo-
dam ac raro impetu videretur , & freno
quasi injecto , coercendus esset. Unde
facile est conjicere, qua ubertate instru-
ctus humanioris literaturae *Marpurgum*
accesserit, & quibus opibus ibidem au-
ctis, & ad incrementa majora perductis,
hinc abierit. Discessit autem *Marpur-*
go & Galliae finibus *eis ἐν παροῖς* lustratis,
Argentoratum, ubi *Martinus Bucerus* &
Joh. Sturmius tum docebant. Exarde-
sciente vero Germania bellis fere inter-
necinis , his turbis cessurus *Erfurtum*,
Lipsiam & *Wittenbergam* denique demi-
gravit. Sed inde eodem fortunae casu
pulsus in *Helvetiam* , & *Tigurum* pri-
mum excurrit. At neque hic fortunam
faventem sentiens, tandem *Basileam* pro-
fectus est , ubi in ædibus *Miconii* hospi-
tatus a *Joh. Oporino* illud accepit facien-
dum , cujus causa Correctorum Erudi-
torum numero adscribendus fuit. Non
enim

onim solum vertendis aliquot Autoribus Græcis in Latinum sermonem, cum esset adhuc annis adolescens, ibidem operam dedit, verum etiam typis postea submissos liberavit a squalore vitiorum, quibus libri alioqui optimi evilesceere solent. Cui occupationi dum fuit intentus, simul & favore *Miconii*, aliorumque Eruditorum Basileæ viventium, & largis ab *Oporino* datis præmiis admodum fruebatur. Sed tamen nulla postmodum habita commodorum ratione, peregrinandi iterum captus amore, per Gallia Provincias plurimas digressus, & *Genevam* & *Lausanam* transiens, in patriam tandem reversus est. Hic ducta uxore, primum quidem in ludo pueros fideliter aliquantisper docuit, & paullo post ad officium Ecclesiasticum evocatus, credebatur in eo perstiturus, ac vacillanti in religionis negotio potius visum est ad priores redire labores, eo quidem successu, ut non pueros solum haberet discipulos, verum etiam permulti, iique ætate provectiores Marpurgæ Wetteram ingrederentur, ut suæ doctri-

doctrinæ areolas ex ore *Vulteji* rigarent.
Quo factum est, ut fama nominis undi-
que percrebescente, tandem & ipse a
Schola ista *Marpurgum* transferretur;
ubi fato simili, felicissimaque in docen-
do fortuna, mirum quantum profuit
juventuti. Nec minori dexteritate in
linguæ sanctæ auditoribus suis tradendæ
munere satisfecit. Solus pene lugubris
vitæ exitus cætera ingenti ægritudine
contaminavit: Capum enim in tenebris
oberrantem capturus, inclinato eum in
finem corpore, per clathratā fenestram
præcipitatus, lethali vulnere in capite
accepto, ex eo casu An. 1575. d. 31.
Martii, seu, ut Freherus habet, d. 17. ejus-
dem mensis obiit. Monumenta, quæ
reliquit, præcipua sunt: Versiones *Ælia-
ni*, *Heraclidis*, & *Poliani*. Susceperat
etiam *Dionysium Halicarnasæum* expo-
liendum, quæ tamen opella ad finem
non fuit perducta. Præter hæc circum-
feruntur varia carmina, quæ & in ipsa
mortis hora sibi fecisse vulgo ferunt.

Dum

Dum finimus, in mentem venit breve & inconditum Epigramma, quod sub-
jicimus:

Justus dicebar, sed eo non justificatus:

Nam vivo Christi Justitia & merito.

Sit casus vultu subitus, sit lasio frontis,

Cuncta placent gnaro me cecidisse Deo.

*Felix, qui cecidi! quia Numinis alma
voluntas*

Jussit. Vult ejus gloria, restituar.

Christophorus VValther.

Vir ea ætate, qua vixerat, celebris, sed
obscuri ortus; neque enim, ubi-
nam locorum in lucem editus sit, com-
perire, adhibita etiam maxima industria,
hucdum potui. Notior est studiorum
& laborum sedes: Vixit enim quam-
plurimum, & quod facile mihi persua-
deo, ad finem usque vitæ *Wittenberga*,
ubi *σύνεργος Rorarii* diu fuit, & paria
cum eo *Crucigeroque* nec inutilia Eccle-
siæ Christi præstitit officia. Siquidem
Johanni Lufftio, optimo & de primis
Ecclesiæ Evang. procusis libris Bibliisque
Germanicis excudendis Typographo
meri-

meritissimo, per multos annos menda Typothetarum correxit. Qua occasione amicitiam coluit intimam cum supra laudato *Rorario*, quæ tamen perpetua non fuit, quandoquidem eo ex *Dania Jenam* revocato, certamen inter utrumque vehementissimum exortum est. Cui ansam dedit *nova* operum *Lutheri* Germ. *Editio Jenensis*: Hæc enim cum ex mandato Principum Saxonico-*rum Rorarius* curaret imprimenda, atque, ut accepta grataque Eruditis redderentur, aliquot pagellis ostentaret, maxima ornamenta & prærogativas, quibus Wittenbergensibus antecellerent, vix aliter fieri potuit, quin extollendo istam editionem, priorem Wittebergensem videretur suppressere. Accessit ad hæc etiam, quod a *Rorario* atque *Flacio*, quædam in Wittenbergensibus Tomis confusa, & minus ordinata, imo permulta prorsus omissa esse, publicitus spargeretur. Quem in finem Amsdorfii nomine prodierat libellus An. 1549. cui titulus: *Das die zu Wittenberg im andern Theil der Bücher Luther*

Rutberi im Buch / daß diese Worte /
 Das ist mein Leib / noch feste stehen /
 mehr dann ein Blat und 4. ganze Pa-
 ragraphos vorsehlich ausgelassen ha-
 den. Quæ cum ægre ferrent Wittenberg.
 Tomorum Patroni, communi nomine
 respondit ad ista *Waltherus* noster, exci-
 tatus a Typographis & Bibliopolis Wit-
 tenbergensibus, & calumniarum Jener-
 ses postulavit. Præcipue autem oppu-
 gnandum sibi sumsit *Waltherus Flacium*,
 qui itidem contra eum quædam post fata
 Rorarii scripserat, & hominem Crypto-
 Calvinianum appellaverat, libello: *Be-
 richt von denen Wittenbergischen To-
 mis der Bücher des ehrwürdigen Mar-
 tin Luthers / wider Matthes Flacium
 Illyricum* An. 1558. 4. ap. Joh. Lufftium.
 Qua verò animorum commotione lis
 ea acta sit, speciminis loco, quæ ex præ-
 fatione hujus excerpimus, verba se-
 quentia Germanica esse possunt: *Nach-
 dem / inquit Waltherus, Matthes
 Flacius Illyricus in seinem Schand- und
 Lügen- Buch / jetzt neulich in Truct
 ausgegangen / auch die Tomos des
 ehrwür.*

ehrwürdigen D. Martin Luthers seel.
und groß: löbl. Gedächtnis hie zu
Wittenberg getruckt / aufs schändlich-
ste lästert / und verleumdet / so habe ich
nicht können unterlassen / weil ich nun
länger den 20. Jahr / erstlich neben D.
Creutziger / und hernach neben M.
Georg Röder / beyder seel. Gedäch-
tnis / bey der Truckeren gewesen bin /
und habe helfen corrigiren und lesen /
diesen nachfolgenden Bericht von sol-
chen Tomis zu Wittenberg getruckt
den frommen Christlichen Leuten zum
Trost und Guten / die solche Tomos
gekauft haben / und dem Teufel zum
Verdruss / &c. Sed quia posteriora
eum *Flacio* litigia post mortem demum
Rorarii exorta de illis paucula hæc dicta
sufficiant. Ad priorem disceptationem
quod attinet, non minor quidem fuit
utriusque partis in defendenda sua dili-
gentia sollicitudo, sed capita causæ, &
argumenta altercationis super uno alte-
rove sæpe vocabulo adeo levia erant,
ut de lana caprina interdum fuisse dis-
putatum verissime mihi videatur dici
M m posse

posse. Consentit hac in re B. Joh. Frid. Mayerus tr. de versione Bibliorum Lutheri cap. IV. p. 53. *De multis quoque aliis mutationibus*, inquiens, *Wittenbergenses à Jenensibus Typographis, & hi vicissim ab illis male audierunt, quemadmodum etiam ferram contentionis inter eosdem reciprocata esse constat, super fide præstita in aliis scriptis Lutheri per Tomos digestis, & tam Witteberga quam Jena vulgatis. Sed fatendum est, invida odiique plus fuisse in his certaminibus, quam momenti: præcipue credibile non videri, fraude usos in excudendis Bibliis Lutheri vel Jenenses, vel Wittenbergenses. Verum quod aliter posita immutataque sint, partim negligentia factum esse credimus, uti quod diversum characterem in exscribendo nomine Herr! & alias ejusmodi non tamen inutiles minutias Jenenses prætermisere, partim consilio, quod Lutheri viderentur deuteræus & georgii niti, partim denique nimia accuratatione sciorum, qui in alieno opere ingeniosi esse viderunt. Hæc sunt, quæ de Walthero nobis innotuerunt. De mortis autem*
tempo-

tempore atque genere frustra fuit investigandi labor, quamvis iterum iterumque scripta publica Wittenbergensia revolveremus. Illud vero agentes forte fortuna in novum Correctorem Wittenberg. Typogr. incidimus, de quo malleamus ipsius Academiae publicum programma audire, quam nostris verbis ea, quæ reperimus, enarrare, ni eum in Centuria horum Correctorum altera recensere constitutum nobis fuisset. Ad Waltherum si redeamus, hæc certamina omnia cum ejus morte simul sunt sopita, nec hodie unquam de iis restituendis, ut & de aliis tunc temporis exardescantibus cogitatum est. Quemadmodum ergo laudis plurimum debetur viro laboriosissimo, ita unicum his dictis addimus a Walthero emissum scriptum: Edidit nempe *Register aller Bücher und Schriften Lutheri / welche in die XI. Deutsche Theil / und VII. Lateinische zu Wittenberg getruckt sind. It. welche in dem 12ten Theil getruckt werden sollen / nach diesem Register verzeichnet* An. 1558. 4. apud Joh. Lufft.

Sed ad alia procedendum , sequitur
proinde

*Georgius VVolfgangus
VVedelius.*

Hic Saxonum Hippocrates , ut a Cl.
Richardo merito vocatur , *Golsena* ,
Lusatia inferioris oppido , natus Anno
1645. Parentem habuit M. *Joh. Georg.*
Wedelium , Antistitem ibidem prima-
rium , & postea Ecclesiæ *Sprembergensis*
Ephorum , matrem vero *Evam* Præsulis
Golsensis filiam. Ita *Richardus* : Sed ,
nisi me fallit memoria , natales hosce
oppugnatos a non nemine , inter privata
& familiaria colloquia , memini , qui per-
hibebat , *Sprembergæ* celeberrimum *We-*
delium adspexisse primam vitæ hujus lu-
cem , parentemque Pistorem quendam
habuisse , quos *Schwartzbecker* / ap-
pellant. Verum doctissimo *Jenensium*
Bibliothecario porius quam aliis credi-
mus , neque quidquam causæ videmus ,
cur fides hac in re ei possit denegari , ut-
pote conjunctissime cum Doctoribus
Academiæ Salanæ viventi indagare ea
omnia

omnia quam optime contigit. Mirum sane si tantos errores commississet etiam in eorum fatis recensendis, quos singulis diebus horisque coram consulere potuisset. Neque etiam modestia unquam suspecta mihi reddi poterit ipsius Cl. Wedelii, cujus nota est omnibus pietas, & morum vitæ integritas, ut vel cespitantem, credo, de emendando errore commonefecisset. Quales igitur parentes, talis nativitas, & educatio, ejusdemque generis studia, nobilitate nempe insignia ad summum fastigium generosa mente contendencia. Horum fundamenta, ajunt, posuisse in ludo *Spremburgensi*, postea vero in *Galzense* ductore potissimum Doctoreque *Casp. Dolcio*. Hinc in Scholam Portensem translatus, mirum quantum sub regimine piorum pariter ac eruditorum Moderatorum profecit. Ita quinquennio ibidem, more Pythagoricorum, exacto, nobilissimam Musarum ad Salam sedem petiit. Philosophicis hic primum imbutus artibus ad castra Medicorum mox transiit, inque iis militando elab-

borandoque profectus , sudavit & alsit, idque eo magis , quo magis interdum penuria rerum premebatur, quove pauciora a matre, patre non amplius superstitite, expectare potuit : Huic igitur inopie quadam ratione subventurus, *Krebsiana* Typographiæ operas suas, & horas otio literario destinatas consecravir, plagulas ibidem excusas longo tempore corrigendo emendandoque. Conubernio simul usus *M. Mayeri* Pastoris h. t. in tractu *Eisenbergensi*, cujus beneficia interea quoque varia expertus erat. Cui proinde etiam grati animi testimonia ferunt exhibere, medicamentorum quorumque usum gratis eidem concedens, ita quidem, ut neque veteræ ab eo pretium pro transportandis huiusmodi rebus expendi patiatur. Et ne in *Krebsianos* etiam hæredes ingratus videri possit, patre mortuo, superstitem nunc filium favore & studio omni non modo prosequitur, sed etiam, ut relatum nobis est, haud concedit iis, qui vires suas disputando periclitari, se præsides, cupiunt, ut alibi quam apud *Kreb-*

Krebsium Schedia isthæc imprimantur.
 Quæ non alium in finem recensemus,
 nisi ut cognoscat benevolus lector Pie-
 tatem tanti viri : Mirari igitur desinat,
 quod Deus. O. M. ad tanta honorum
 culmina eum adscendere jusserit. Post-
 quam enim aliquandiu hæserat Jenæ
 noster Wedelius cum *Samuele Ochlitio*
 Doctore nobilissimo *Landsbergam* abiit,
 medica illic sua tractaturus ex instituto
 negotia. Hinc vero perlustrata *Silesia*,
 & *Sprembergæ* salutata matre sua, Jenam
 reversus An. 1666. ætatis anno vigesi-
 mo & primo, summos in arte Medica
 honores, moderante Celeb. *Rolfinekio*,
 cum omnium applausu, consecutus est.
 Tandem Medicus Provincialis, & post
 quinque annorum decursum publicum
 profitendi Medicas artes munus ad-
 ceptus, sensim & semper inclaruit magis.
 His accedebat dignitas Comitum Palatini
 Cæsarei, Consilarii Saxon. Ducalis &
 Hæreditarii in Schwarza, quibus conde-
 coratus in hunc usque diem floret, vi-
 getque in totius orbis literati & Acade-
 miæ Jenensis ornamentum. Adsit

porro laudabilibus ejus conatibus summum Numen, tandemque Nestoreis annis exsatiatum ad cœlestia perducatur gaudia. Scripta hucdum edita videri possunt in laudati Richardi libello, qui librorum ab eo luci expositorum viginti & octo numerum inivit: Disputationes autem sub ejus Præsidio habitas esse ducentas & duas referet, quibus plures interea accessere. Ex prioribus eminent: Progressus Academiae Naturæ Curiosorum 1680. Opiologia 1682. De Medicamentorum compositionibus 1693. De Medicamentorum facultatibus cognoscendis LL. II, 1696. Amœnitates Materiae Medicæ 1704. Exercitationes Pathologicae Therapeuticae 1697. Centuriæ duæ Exercitationum Medicophiloll. Sacrarum & profanarum, varia eruditione refertæ, & Polyhistoris decus viro Illustri conciliantes. De cæteris confer laudatum jam sæpius Richardum in ejus Commentatione de Vita & Scriptis Professorum in Academia Jenensi hodie publice docentium exc. 8. Jenæ 1710. p. 66. seqq. qui tamen nescio quade

de causa, de laboribus certis sine dubio
in officina Krebsiana factis, alte silet,
unde illud pro instituti ratione adden-
dum duxi, sperans, virum Illustrem pro
Pietate sua male id haud consulturum.
Sed ad alium properandum esse duco,
qui occurret statim

Andreas V Vissouvatius.

Vir maximi inter divinitatis Christi
hostes nominis, qui natalem ter-
ram magnum Ducatum Lithuaniae, at-
que in Borussiae confiniis situm oppi-
dum *Philippoviam* habuit, ubi die 26.
Novembris An. 1608. vivendi initium
fecit. Satrapa erat hujus loci *Christo-*
phorus Morstinus, *Socini* affinis, sub cu-
jus tutela Sacrorum suorum coetum sa-
crum jam ante collegerant, & ductore
ac Moderatore notissimo illo *Joh. Vol-*
kelio auxerant. Fuit & ipsius *Wissou-*
vatii generis prosapia nobilis & eque-
stris dignitatis, quam a patre *Stanislao*
Philippoviensis Satrapiae Praefecto Vica-
rio accepit. Nec materno genere igno-
bilio origo celebratur: Erat enim

M.m 5

Agnese

Agnete unica filia famosissimi *Fausti Socini* natus, hujus tam ingeniosi Hæretici nepos. A quibus parentibus cum & educatus esset filius, iisdem Sacris cum virtutibus cæteroquin honestis innutritus, nihil mirum est, si erroribus pestilentissimis illaqueatus, quos cum lacte materno quasi imbiberat, in iisdem etiam tuendis ad vitæ finem perstitit. Patre ex *Podlachia* in Cracoviensem Palatinatum migrante, noster cum *Morstini* filiis, uno eodemque Magistro, quem domi ille alebat, usus est, & humanitatis tyrocinia præclara posuit. Idoneus postmodum judicatus, ut ad altiora eniteretur An. 1619. nondum ætate quidem, sed doctrina insigni supra ætatem maturus, in *Racoviense* contulit se *Gymnasium*, & flore ejus Scholæ, qui maximus erat, & ad invidiam prope assurgens frequentia eo extimulatus. Fundaverat illud non ita pridem *Jacobus Sieninius* Podoliæ Palatinides, Racoviæ hæres, Calvinianus antea, An. 1600. Rexerunt autem Viri eruditissimi, *Joh. Crellius*, *Brokajus*, *Manlius*, *Niećiecius*,
Paulus

Paulus Crokierius, quos deinceps *Martinus Ruarus*, *Joachimus Stegmannus*, *Adamus Francus Silesius*, *Petrus Teichmannus*, *Georgius Nigrinus*, & *Laurentius* denique *Stegmannus* exceperunt, sub quo, occasione fractæ imaginis, crucifixi Christi, funditus deletum fuit. *Crellio* moderante Gymnasium, *Wissowatius* illud ingressus est, ubi tantum discipulorum numerum invenit, ut trecenti Equestribus saltem ordinis adolescentes tunc numerati in eo fuerint: Hic studiis liberalibus impigre incumbendo magnum eruditionis apparatus consecutum Parentibus ex Schola protrahere, atque ad Politica negotia adhibere constitutum fuit; verum a *Martino* præcipue *Ruaro* Altorfinæ nostræ Academiæ olim inspectore, de quo alio loco & scripto multa erunt dicenda, effectum, ut sacris consecratus manserit literis: Ille enim cum aliis avum matrem in nepote resurrecturum sperabat. Permansit igitur diutius *Racovia*, & hospitio, mensa, quotidianaque consuetudine fruens doctissimorum virorum, quales *Photiniani* pleri-

plerique erant, mirum quantum profecit in hauriendis ex eorum disciplina sententiis hæreticis. Tandem e Gymnasio egressus, & ipse aliorum curam nempe *Alexandri Petri Tarlonis* filii *Lublinensis Palatini* natu maximi suscepit. An. 1529. Cum quo deinceps ad externos abeundi concessa quidem fuit nostro facultas, sed quia Pontificiæ Religionis iste fuerat, ea conditione uti abnuic, & aliam optabiliorem mox consecutus est. Sumtibus enim a Patre & Ecclesia suppeditatis, comitibus simili mente hominibus, *Ruaro*, *Pastorio*, *Lubenienicioque* stipatus *Gedano* in Belgium profectus est. Hic venena sua, disseminaturus *Lugduni* aliquandiu commoratus est. Mox tamen in Angliam, & inde in Galliam transivit. Ubi præcipue *Lutetius* vixit, atque familiaritatem *Grotii*, *Gassendi*, *Mersenni* & aliorum consecutus, placita sua, data forte occasione contra *Sorbonæ* Professores acriter non solum defendit, verum etiam clandestino conatu, ut solent isti homunciones, & aliis suum instillare virus non desit. In Patriam An. 1637. demum redux tristiora suæ
acta-

ætatis tempora videre cœpit, & ipsam catastrophē sibi suisque lugubrem, quo An: 1638. Gymnasium Racoviense singulari divino nutu interiit, coramintuitus est. Quo factō iterum peregre abire secum constituit. Ex quo itinere reversus, patre antea spoliato, & ad incitas redactō, tandem etiam morte privatus est. Exinde noster Ecclesiasticis officiis diversis fungi cœpit, atque An. 1648. matrimonio cum *Alexandra, Ruponoviae* gentis virgine, inito, alia atque alia subiit fata, & Socinianorum res, tam privatim, quam publice, in Comitibus strenu, nec sine fructu egit. Hinc porro bellorum rabie pulsus, in Borussia, mox iterum in Polonia rediit, suorumque res nobilis cognationis ope apud plurimos diu stabilivit. Interea scripta ab eo concinnata, qualia Notæ in N. T. Psalmi Davidis rhythmis Polonicis expressi, & Polonica quædam, sed postea deperdita, ingruentibus bellis, legunt. Gravissima enim iterum in bello Suecico mala sustinuit, & fuga vitæ haud raro denuo consulere necesse habuit, usque dum Sueci e Polonia in Daniam excederent.

derent. Qua tamen quiete non diutius nostro frui licuit, usque dum generalis illa Socinianorum proscriptio An. 1658. publicaretur. Utut enim noster utcunque se adhuc tueretur, & cum *Cichovio* Jesuita, aliisque in disputationis campum procedere non dubitaret, unde etiam incolumis evasit, tamen repetito adversus Unitarios edicto illo, tandem etiam *Wissowatius* in Silesiam secessit. Unde in Hungariam & Transilvaniam aliquoties excurrit; sed neque his locis firma sede reperta, atque tentato quoque frustra *Palatinatu* ad *Rhenum*, quem cum *Stegmanno* juniore adierat, ad extremum *Amstelodamum* tanquam asylum certissimum & tutissimum periiit. Ubi An. 1666. adventans ad ultimum usque vitæ halitum perseveravit, ibidemque egit ea, quibus effecit, ut in recensum hunc fuerit a nobis relatus. Corrigendo enim illic in Typographiis se suosque fere solum sustentavit, eosque præcipue luci exponens, vel ut evulgarentur, procurans libros, quos a suis profectos, vel istis saltem favere bene
no-

noverat. Excudebatur tunc temporis etiam opus illud maximum, rarum, pretiosissimumque, quod *Bibliotheca Fratrum Polonorum* titulum gerit, & in Tomos aliquot digestum, cujus editio si non uni, præcipuo tamen *εργασίῳ* Wiffowatio adscribenda est. Bibliothecæ hujus Volumen I prodiit Irenopoli (Amstel.) An. 1656. in quo continentur opera omnia *Fausti Socini* in duos Tomos distincta, priori Exegetica & Didactica, altero Polemica comprehendente, accedentibus quibusdam adhuc ineditis, quorum omnium Index præmittitur. Volumen II eodem anno Eleutheropoli (Amstel.) comparuit, & exhibet opera omnia Exegetica, Didactica & Polemica *Joh. Crellii* Franci, duabus partibus, adjectis Indicibus, 1. Locorum S. Scripturæ explicatorum, 2. rerum memorabilium & phrasium S. S. In Volumine III tertia pariter Pars *Crellii* operum absolvitur, ubi etiam Ethica ejus Christiana apparet, quæ seorsim etiam in 4. Selenoburgi, hoc est, Amstelodami, (Lüneburgū enim vel typi excusant accuratius

curatius inspecti) prodierat. In Volumine IV conspiciuntur *Joh. Ludov. Wolzogenii*, Baronis Austriaci, opera omnia, Exegetica, Didactica & Polemica, duabus Partibus, in quibus tamen Epistolæ Jacobi & Judæ ipsius Wisłowatii sunt. Volumen V complectitur *Jona Schlichtingii de Bukorwiec* Commentaria posthuma Irenopoli An. 1656. ut reliqua omnia sumtibus Irenici Philalechi P. II. His operibus postmodum adjectum est, Volumen VI ad instar Supplementi Anno 1692. impressum, in quo leguntur *Samuelis Przypcovii* Equitis Poloni, & Consilarii Regii opera: ut Cogitationes sacræ ad Initium Evang. Matthæi, & omnes Epistolas Apostolicas, & cætera Eleutheropoli, quanquam ea cum omnibus exemplaribus conjuncta, sed separatim etiam prostant, & multoties venduntur. Ceterum non prætereundum est, hujus operis si priora volumina, quæ alias Bibliotheca Fratrum Polonorum proprie audiunt, inspicias, inveniri omnia An. 1656. ut titulus habet, fuisse typis mandata. Nec dubium splendido operi

Wisłow-

Wissowatium, ut Autor Vitæ ejus habet, operam suam imprimis navasse, atque in iis voluminibus adornandis corrigendisque strenue defudasse. Sed animo reputantibus tempus, quo id factum fuerit, & annus sexagesimus sextus supra millesimum sexcentimum occurreret, ubi Belgium id inhabitaturus noster legitur accessisse: Anno enim 1656. adhuc inter Polonos vixisse, antea dictum esse meminimus. Quemadmodum ea concilianda sint, nondum perspicere potuimus, nisi dicendum sit, ex arbitrio arque certis de causis annum quinquagesimum sextum fuisse præmissum, vel eo anno imprimi cœpisse, posteriori vero absolutum esse. Prius verosimilius est, in qua conjectura me confirmat Sandius in Vita Fausti Socini: ubi Bibliothecæ suæ Anti-Trin. sic disserit: *Hæc omnia simul junctæ totius Novi Testamenti explicationem complectuntur, edita Irenopolî post annum Domini 1656. fol. i.e. Amstel. 1668. nisi quod Crellii & Schlichtingii opera Exegetica duobus fere annis prius lucem viderint.* Hisce autem

voluminibus affirmat Autor vitæ Wifſowatii, & ipſum ſcripta quædam Dida-
ctica & Exegetica, ut in S. Apoſtolorum
Actus, atque in Judæ & Jacobi Epiftolas,
flagitantibus amicis, at memorato operi
non præfixo & indicato nomine, inſe-
ruiffe. Hæc de Bibliotheca Sociniano-
rum. In qua, ut dictum eſt, præcipua
Wiſſowatii fuit cura & ſedulitas. Ne-
que tamen ſolum in hoc, verum & aliis
ſcriptis, corrigendi labore multum Ty-
pographos ſua induſtria juvaſſe, com-
pertum habemus. Tandem inter ſtu-
dendum paralyſi commotus, colle-
ctis quamvis viribus, An. 1678. d. VII.
Junii, vitam & labores cum calamitati-
bus exilii in his terris finiit, poſtquam
per annos ſeptuaginta amplius multo
plurima adverſa exantlaverat. Scripto-
rum Indicem exhibet *Sandius* in Biblioth.
citata, è quibus eminent Annotationes
in Evang. Matthæi, Marci, Lucæ, in
Acta, Epp. Jacobi & Judæ. Aſcetica ſunt:
Stimuli virtutum, Fræna peccatorum,
Amſtel. 1682. 12. De hominis vera bea-
titudine conſectanda, 1682. it. Diſcurſus
de

de Vita æterna ibid. Philosophicæ Epistolæ II ad Lubieniecium altera, Anno 1665, Manhemii, altera 1666. Amstel. scriptæ, & insertæ sunt celebri Theatro Cometarum Lubienecii Amstel. 1667. fol. Narratio ejusdem, quomodo in Polonia a Trinitariis Reform. separati sint Vnitarii, impressa est cum Sandii Appendice ad Nucleum Histor. Eccles. 1678. 4. itemque in Slavonia Reformata Andr. Wengerscii, 1670. Omnium maxime notabiles sunt notæ in Catechismum Racoviensem Stauropoli 1680. 4. cum reliquis excusæ. Reliquit præter hæc Manuscripta plurima, quæ magna diligentia recensuit Sandius, ad quem B. L. remittimus, & non nisi quædam eorum in Wengersciana Historia Slavonica impressa monemus. Quod superest, videri potest in Biblioth. sapius citata Anti-Trinitariorum Sandiana 1684. Freistadii i. e. Amstel. itidem vulgata, cui nos pleraque debere, atque inde, quoniam libellus iste non omnium teritur manibus, excerpta exhibere visum est.

Franciscus VVylerus.

Monachus Basileensis, & Vir doctissimus, Fratrum Minorum ordini adscriptus, & Græca literatura non minus, quam Latina instructissimus: Id quod facile subolere Lectori Benevolo poterit ex ea opera, quam diu exantlavit in eadem Civitate, eruditorum & doctorum Typographorum feracissima. Codices enim ignorantia & vecordia stupidorum Monachorum inter describendum admodum male habitas, quanta potuit industria, restituere laudabili studio, & ævo vix e barbarie eluctato, allaboravit. Nec minus cum a Typographis typis traderentur, pari fide & sedulitate ac doctrina relegit, emaculavit, atque sic immortalem sibi peperit in orbe literato famam. Defunctus vero hoc labore quam maxime legitur sub initium Sec. XVI. anno circiter 1516. & quod excurrit. Idemque inter primos accuratius distinxit libros in capita, argumenta singulis præmisit, eaque omnia præstitit, quibus & ipse
æterna

æterna laude dignus esse queat , & ipsi
codices ætatem ferant. Distinguendus
interim diligenter a *Joh. Wilero*, Decre-
torum Doctore , & Ecclesiæ Basileensis
Cathedralis Pastore, qui, ut *Urstifius* in
Epit. Historiæ Basil. i 2. p. 105. affirmat ,
An. 1450. jam est mortuus, utut e po-
steritate illius fuisse non temere nega-
verim. De nostro Francisco videatur ,
si placet, Adami in Vita Pellicani Theo-
logi, de quo paulo ante, p. 272. Sed ad
colophonem addendum progredior
tandem , & si qui sint in Elemento
postremo Z, lustrabimus. Ex duobus ve-
ro primus esto

Filippus a Zesen a Fürstenau.

Mirus in Germanica lingua struen-
dorum carminum artifex, & No-
vator lepidissimus ; stolidum enim di-
cere non audeo. Natus ille An. 1610.
Priravie Saxonum, & a puero jam va-
rium suum & ludicrum ostendit inge-
nium, quippe jam tunc sibi relictus, iis
solum vacavit artibus , quibus postea
inclaruit. Unde etiam duarum Societa-

tum Poëticarum Collega evasit, in fructifera : Der Wohlsehende ; in der Deutsch - gesinnten Genossenschaft vero der Fertige dictus. Cujus posterioris autor fuisse creditur, quemadmodum etiam fundasse Societates, *Rosigeram*, *Liligeram*, *Caryophylligeram* & *Rutigeram*, mentione prolixa indignas, dicunt. Non diu autem per omnem vitam moratus in patria est, sed hinc inde per ambages Provinciarum vagatus, totus in eo occupatus fuit, ut Germanicam linguam suæ indoli nativæ restitueret, omnesque peregrinas voces, qua posset via, exterminaret. Non diffitendum quidem varias desiderari voces in nostra vernacula, eas præcipue, quibus res compositas unius tantum pronunciamus vocis compendio, multasque adeo exoticas irrepsisse, in peregrinitatem sane ejiciendas, si commode id fieri posset. Ac enim vero unius hominis vix esse eum conatum, ut Reformationem plenissimam idiomatis nostri Germanici suscipiat, putamus, præcipue, si ea methodo procedere veller, qua

qua Cæsius usus est ; Tyrannum enim ille potius vocabulorum , quam Restauratorem ac Medicum egit , tantamque barbariem in animo habuit inducere , ut si novata ejus verba saltem auribus hauriantur , eæ propemodum horrore commotæ omnibus tinnire incipiant. Neumeisterus Clarissimus Poëta in tr. de Poëtis Germanicis , quædam hujusmodi vocabula recenset , quæ hic reperere non piget , ut L. B. quid non singularitatis studium designet , vel hoc speimine intelligat. Nempe: Die Natur/ ei est, die grosse Zeuge, Mutter. Pabst/ der grosse Erzh, Vatter: Pominerantse/ Gold, Apfel: Fenster/ Tage. Leuchter: Mantel / Windfang: Hut / Kopf, Decker: Fener. Mauer / Tachnase: Pinsel/ Mahler-Quaste: Rußqueten / Schless, Prügel: Pistol / Sattel, oder Reut: Puffert: Spiegel / Gesichtschauer. Quibus addimus, Regimenter / Heerschaaren: Obrist, Lieutenant/ Schalt, Obriken: Admiral/ See, Held: Vice- Admiral/ Unter, See, Held: Kutsche / Himmel, Nn 4 Wagen/

Wagen/ & quam ridicule sonant verba,
 quibus præfationem Josephi sui inchoat.
 Mich deucht/ich sehe die Welt ihr Gesch,
 Horn rümpfen / 1c. Magis horrida sunt
 vocabula technica, ut Jambus ein stei-
 gender Schritt; Trochæus ein fallens-
 der oder lauffender; Dactylus ein rol-
 lender oder hüpfender; Genus Dactyli-
 cum, die rollende Palmen / oder Tatz-
 tel: Art: Syllaba penultima, das vor-
 letzte Wort-Glied: Echo, Thalmunde;
 Genus, Ober: Art; Species, Unter Art;
 Sed nondum satis est literaturæ curiosæ
 exemplorum. En carminis inscriptio-
 nem sic habentem: Ein zweinstebender
 mit steigenden und kurz-langen Trit-
 ten / in sechs stüfflichten Zwölfflingen
 durch untermengte Männliche und
 Weibliche Reim Rände. Risum
 continebis L. B. Viri boni præposteræ
 intentioni haud male illud dabis, sed
 vix ab indignatione Tibi temperabis, si
 perpendas Viri hujus arrogantiam, qui
 fertur, respondere non raro solitus sci-
 scitantibus, quisnam sit? Num vero
 Casum ignorare potes. Quasi ex vultu,
 oder

oder aus seinem Peseh: Horn / Hercules iste cognosci potuisset. Verum hæc ejus superbia mirum quantum ab omnibus sui temporis viris, vel exigua sapientia præditis, traducebatur. Cum etiam aliquando Noribergæ hospes viveret, visitavit illic Senatorem quendam, quem *Philippum Harsdörferum* fuisse dicunt, rectoque nomine amicitiam ejus sibi conciliaturus erat, cum tamen optime ille novisset hospitem suum, utut dissimularet. Inter alios igitur sermones, quos inter miscebant, gloriæ cupidus Cæsius noster, quærebat; Quidnam alter existimaret de Philippo isto Germaniæ miraculo. Depingebat ille Cæsium, ut erat lingua liberrima cordatus, & solidiorem Germaniam totam vix habere, audacter asseruit. Erubuit Cæsius, abiit, nec amplius post vera isthæc audita ad illum rediit unquam. Sed præter hæc vitia, amoribus etiam nimis indulgit suis, ut sæpe numero a Poëtis fieri assolet, utpote qui pro sanguineo, quo gaudent temperamento, ut maxime idonei ad carmina struenda omnes, ita huic

Nn 5 quoque

quoque affectui dediti esset solent. Et quis non est, cui ignota sit *Adriatica* ista *Rosemundis* decantatissima, *Cælio* nostro *Amasia*, quam tamen non nisi ancillam *Lipsiæ* fuisse quidam autores narrant. Sed quid opus his nugis recensendis, alia monenda restant, eaque potissimum, quæ operas ejus Typographicas respiciunt. Discurrere ergo cum solum per omnes Germaniæ latebras, & gradu Magistri Philos. dignitateque Comitum Palatini ornatus, ut plurimum vixit *Lipsiæ*, *Hamburgi* & *Amstelodami*, & posterioribus duobus locis Typographos quosdam frequentissime juvabat; non semper enim habebat, unde sibi victum, amictumque & itinerum sumptus necessarios pararet. In primis vero *Johanni Blavio* Typographo & erudito & celebri Batavo, & *Joach. Noschio* *Hamburgensi* suam operam locasse accepimus. Emendavit igitur non suos tantum foetus plane singulares, sed & aliorum, unde merito inter præcipuos nominandus erat. Obiit tandem iisdem intentus laboribus septuagenarius, sec. quosdam
Ham-

Hamburgi An. 1680, d. 13. Novembris
 vel, ut rectius Cl. Möllerus in Introdu-
 ctione in Cherson. Cimbr. An. 1689,
 variaque monumenta varii sui ingenii
 reliquit. Ut sunt der Hochteutsche Heli-
 con, 8. Hochteutsches Heliconisches
 Rosen, Thal / Amstel. 1669. 8. Scala
 Heliconis Teutonici, 8. Amstel. Das
 Hochteutsche Heliconische Litten, Thals
 Vorbericht: Des Hochteutschen Heli-
 conischen Nägelein, Thals Vorbe-
 richt / Hamb. 1687. Poetischer Ro-
 sen, Wälder Vorbericht / Hamb. 8.
 Lustinne h. e. gebundene Rede von
 Krafft und Wirkung der Liebe /
 Hamburg / 4. Beschreibung der Stadt
 Amsterdam / 4. Hochteutsche Heliconi-
 sche Hechel: Rettung der Hochteut-
 schen Haubt: Sprach: Die stühende
 Verzeichnis der Zessischen Schrifften:
 Der teutsche Joseph / Nürnberg & Am-
 sterдам / 2c. De Zessii vero scribendi ra-
 tione consuli poterit *Dan. Habichtthorst*
 Bedencken über die sonderbahre Zesi-
 sche Art / Hochteutsch zu reden und zu
 schreiben / Hamb. 1678. & 1683. 16.
 Sub

Sub finem monumentum a nonnemi-
ne fugitivo calamo Zefio positum an-
nectemus ;

Bleib stehend Wanders · Mann /
Betrachte diesen Stein / und den / so
hier begraben /
Wilt du die Quint-Essenz von den
Poeten haben /
So schaue diese Kräfte an.
Der grosse Zefius / das Wunder
werck der Erden /
Kann hier in kleine Raum genau be-
trachtet werden /
Der Teutschen Sprach Tyrann.
Wilt du nach deinem Tod dergleichen
Titul erben /
Schreib noch was seltsamer / so kannst
du rühmlich sterben.

Videatur M. E. Neumeisteri diss. de Poë-
tis Germ. 4. 1706. Molleri Introd. in
Chersonesum Cimbricam P. II. p. 204.
Ejusdemque Homonymoscopia, p. 88.
Superest

Theo-

Theodorus Zuvingerus.

Ultimum hic in nostro Catalogo occupat locum, utut dignus sit, qui interprimos ob eruditionem & nominis famam commemoraretur: five enim ad Philosophorum te convertas, five ad Medicorum castra, Primipilos eum referri videbis, non injuria ab Abnepote *Theod. Zuvingero*, Polyhistoris titulo condecoratus. Certe quod in confesso est apud omnes, ab hujus viri solertia accurata, labore indefesso & lectione omnimoda, nonnisi quod elegans & insignem doctrinam spirat, provenit: Unde merito de consortio hoc splendido reliqui Correctores poterunt gloriari. Erat is patria *Basileensis*, natus parente *Leonh. Zuvingero*, *Episcopicalense*, nuper admodum civitatis jure *Basileæ* donato, in lucem editus, An. post Christum natum, trigesimo tertio supra millesimum & quingentesimum, d. 2. Augusti, Patre cive honesto, matre celeberrimi *Oporini Sorore*. Positis non infeliciter, moderante *Vitrico Contr.*

Lycor.

Lycosthene, fundamentis literarum elegantiorum, plura iis & altiora superstructurus, in Italiae celebrem Musarum sedem Patavium migravit. Hic postquam diu magna cum laude, & cognitionis doctæ incrementis & frugaliter vivendo; corrigendoque in officinis Typogr. versatus esset, in Galliam migravit, & Lugduni uti & Lutetiis se eodem labore emendandis libris facto aluit, atque tandem ad patrios lares reversus, munus mox fuit ei oblatum publicum, quo accepto; Græcam literaturam primum, deinde vero Ethicam & Politicam accedentes, non sine magno omnium applausu publice docuit. Qua fide viri integerrimi in illis functionibus administrandis conspecta, Medicas tradendi artes officium tandem ei fuit adjunctum. Verum enim vero quanquam ita augebantur labores & honores, debilitabantur ex adverso corporis vires, & cum pauperibus, aliisque, quibus domi res angusta erat, Medicinam gratis faceret, fieri etiam non potuit, quam ut ipse interdum necessariis ad vitam vel

me-

mediocriter transigendam careret. Idem itaque eidem accidebat, quod in nostris Academiis non raro fieri solet, ubi splendidi plerumque sunt tituli, labores magni, stipendia vero minima, quæ vestibus familiæ vix sufficere videntur, ut quæ nomini & honori respondeant necesse habentur. Quare ut huic defectui noster mederetur, & literas tamen simul juvaret meliores, Typographicis, juxta officium publ., inservire œcepit officinis, in primis Episcopianæ, ea opera, qua viros claros hucusque vidimus defunctos. In quo tandem labore, viribus valde attritis, febre Epidemica tum grassante correptus, variisque fidei & constantiæ signis in ipsis extremis horis vitæ editis notabilibus, obiit An. 1588. Nuncio tanto obitu a *Basilio Amerbachio* accepto, exclamasse hic dicitur: *Piget me vivere, & post tantum virum superesse, cujus magna fuit doctrina, sed exigua, si cum Pietate conferatur!* Inter scripta ejus præter alia minutiora in primis claret opus immensi laboris & incredibilis lectionis, Thea-
trum

trum Vitæ Humanæ a Præceptore Lycosthene inceptum , a nostro perfectum , & in quo quindecim annos integros sudatum est. Extat Basil. apud Episcop. An. 1686. V. Tomis excusum; antea vero jam etiam prodierat apud Oporinum An. 1565. & recusum postea etiam extat recognitumque a Jac. Zwingero filio Gr. Ling. P. P. Basil. apud Henr. Petri III. Voll. An. 1604. Ejusdem industriæ debemus etiam Physiologiam Medicam , & Commentarios varios, quos scripsit in Galenum, Hippocratem, Aristotelem, Catonem & Varronem (Rei rusticæ scriptores.) Bene de reliquo distinguendus est a Nepote *Theod. Zwingero* , qui Theologiam in templo æque ac in Auditorio Academico Basileæ quoque professus est, cujusque scripta de S. Coena & similia profant Theologica ; itemque Abnepote, e cujus præfatione ad Tr. de Festo corporis Christi ad vitæ Proavi hanc enarrationem pertinentia accepimus, quam etiam apud Freherum & Adamum in Medicorum vicis descriptam
repe-

reperies. De laboribus vero Typograph.
vid. Celeb. Th. Crenius in præfatione
P. III. Methodorum ad studia recte in-
struenda pertinentium, & in Animad-
versionibus Philoll. P. V. p. 109. It. Mo-
numenta Pietatis & literaria Virorum in
Republ. liter. illustrium selecta 4. exc.
Parte II. p. 129. in Ep. Grynæi ad Lingelshe-
mium scripta. Apud priorem paucis de
Johan. Bernhard. Zinßerlingio,
Professore quodam Rostochiensis in iis-
dem laboribus occupato, meminit,
quem Centuriæ secundæ, si Deus vitam,
vires, & favorem Eruditorum concesserit,
inserturi sumus. Cui parti plures
alios, ut *Sebastianum Castellionem*, Litera-
torem notissimum, *Johannem Georgium*
Hoffmannum, *Matthæum Zuberum*, *Geor-*
gium Nigrinum, *Lothum Fischerum*, *Ludovicum*
Saurium, *Eusebium Meisnerum*,
Kürschium, & similes D. V. servamus.
Atque sic tandem ad finem perduximus
recensum Correctorum eru-
ditorum, quali labore fungi maximi,

ut vidisti, Viri non genuerunt, cujus rei testes non solum ipsi erunt ; sed Clar. Marvillius bene satis & vere scripsit in Melanges d'Histoire & de Literature p. 29. Au commencement qu'on eut trouvé l'art d'imprimer les livres, les plus grands hommes faisoient gloire d'être les correcteurs des habiles Libraires. Les Medics, les Juris-Consultes, les Prêtres, & les Evêques memess'en mêloient. Huic quidem opellæ constitueramus submittere libellum integrum, duas quippe plagulas non excurrentem, *Hieronymi Hornschuchii*, qui instructionem operas Typograph. correcturis dicatam Lipsiæ 8. An. 1608. ap. *Mich. Lanzembergerum* excusam ; continet. Verum ne Lectorem minutiis his obruam, omittere plenum illud opusculum placuit, ea tamen conditione, ut nonnisi duobus verbis ex eodem, quæ ad bonum & genuinum requirantur Correctorem, indicemus, aliisque observationibus subinde illustremus. Primum est, quod *Hornschuchius* ab hujusmodi homi-

homine præstari debere credidit, & sub-
monuit : Non quemlibet huic præfici
posse provinciæ, nisi eum, qui lingua-
rum, quibus excuduntur libri, exactam
habeat notitiam, & præcipue polleat
acrimonia judicii, qua discernere queat,
quæ non raro pessimis ab eruditis cha-
racteribus exarata sunt. Eo, quod ma-
gnum Doctorum vitium sit, ut pessime
pingant elementa literarum, suamque
manuum negligentiam etiam, vulgari
proverbio, Doctos male pingere, pal-
liant. Quasi vero eruditio comparari
haud posset, nisi ea industria, eoque nisu,
ut reliquarum & καλλιγραφίας neglecta
habeatur ratio. Id vero quoquo mo-
do se habeat, hinc certe Typographi
eas sæpe in officinas suas accipiunt sche-
das, ad quarum characteres dignoscen-
dos vel centum requirantur oculi, &
non unus Argus. Vnde interdum culpa
in Typographos chalcographorum de-
volvi, nisi injuria, vix poterit; verum
ipsi non raro Doctores causas harum
corruptelarum dici jure optimo, nemo
inficiabitur. Post hæc, ut eximia qua-
dam

dam acie oculorum valeat Corrector, idem postulat, qua opus habeat, non tam in exilioribus literis, & conspiciendis, & pingendis, interponendisque, quam ut inter relegendum singularum vocum singulas articulatim syllabas, imo & apices exacte contemplari queat. Maxima certe hæc causa tot tantorumque errorum, qui sæpius in libris nostris prælo excusis occurrunt; dum hallucinantes oculi singula elementa vix inspiciunt, sed vel prima Syllaba & ultima cognita, reliquæ vocis literæ neglectæ, præterlabuntur, vel fugitivo oculo adspectæ intactæ remanere, & in mendis cubare sinuntur. Atque illud quidem præcipue usu venit in interpunctionibus, ubi lineolæ non raro atramenti vitio comparent, quæ vel commata creduntur esse, vel cola, & similia, & sic vel intempestive delentur, vel ut maneant, temere permittuntur, unde errores in promptu esse solent. Verum ex commodo hoc aciei oculorum id oritur sæpissime incommodum, ut si nimis diu & in senectutem usque Correctores

rectores legendis relegendisque schedis vacant, tandem acies illa penitus abeat, oculorumque varia vitia contrahantur. Quare consulendum erit iis, qui defectum quendam sentiunt, ut in tempore ab hujusmodi laboribus abstineant, aliisque relinquant. His additur amplius & desideratur, ut, quisquis in emendandis paginis occupatus est, quam diligentissime omnes deviteat affectus, Iram puta, Amorem, Tristitiam, aliasque commotiones vehementiores. Id enim ubi fit, mente nubila & aliorum conversa, cum animo non agitur presenti, committi errores posse, quisque intelligere poterit. In primis vero ebrietatis & crapulae vitium summo declinetur studio, ne aut omnino nihil, aut contra plus, quam re ipsa praesto sit, cernat. Facilius quippe cespitare, & oculis falli ebrio quis posset, non video, praesertim si omnis ab hujusmodi homine bene ordinatus rationis abest usus, ubi Dianam, quod ajunt, Ranam, & Ranam putabit esse Dianam. Vnde hujusmodi com-

potationum socii expellendi potius sunt ex officinis , quam in eas recipiendi , nec talia illis concedenda , quæ agant , negotia , ex quorum vel pravitate vel bonitate Typographi non minus , quam libri ipsius atque scriptoris non raro pendet æstimatio. Atque hac occasione meminisse juvabit, *Celeb. Erasmus Roterodamum* a *Scaligero* accusari, quod non raro vino se ingurgitare solitus fuerit, cum in Aldina officina Correctorem egisset, unde ob sphalmata occurrentia sæpe plagulas *Aldo* recudendas fuisse. Verum quamvis non negandum , vini cupidum admodum fuisse *Erasmus*, attamen ne hoc quidem unquam *Scaligero* concesserat *Roterodamus* , quod hujuscemodi laboribus *Venetis* incubuerit, & certum est, iniquo per omnia *Scaligerum* de *Erasmo* scripsisse animo , unde an fides sit hosti habenda , vix credidero. Porro ad eundem Correctorem pertinet, ut rationem bene & probe addiscat consecutionis , & collocationis columnarum , in quacunque librorum multis modis, complicando-
rum,

rum, forma, seu, ut terminis artis utamur, quomodo in Folio, Quarto, Octavo, Duodecimo &c. dictæ columnæ sibi respondeant in parte anteriori & posteriori, vulgo **Schůntruch und Wiedertruch**. Cujus tamen rei notitia facillime comparari poterit. Ante omnia inculcandum est Correctoribus, & studioso advertendum, ut, plagula accepta, numeri paginarum examinentur, & littera, quæ notari solet, & ordo plagarum, quandoquidem navi & παραράματα in prioribus commissa molestissime lectorem, qui Indices evolvit, decipiunt, & nihil magis exacerbare valet Eruditos, quam si in Indicibus alium inveniant numerum, quam in libro reperiunt, vel geminæ notæ aut asterisci, erroris indices, in ipso Indice properantem morentur. Denique ad postremum, non vagabundæ sit mentis Corrector bonus necesse est, & signa, quibus utuntur isti homines, in singulis Typographiis recepta, exacte calleat.

Ut, siquid est omissum, in locum, ubi vel vox, vel littera, vel interpunctionis

nota existere debebat, inferatur signum notatum, in margine vero adscribatur, quod prætermisum est, clare & dilucide.

Quod abundat, & superfluum est, id calamo inductum hæc figura in margine posita, expurgare jubeat. ∅.

Cum litera aut nota distinctionis est inversa, cancellatur, & hoc in margine collocetur signum. ∫.

Si quando dictiones, quæ sejungendæ erant, omisso spatio junguntur, istæ hac nota divellantur. ∪.

Divulsa & hiantia conjungat eo modo, quem jam indicavimus. ∩.

Quæ distorta sunt, & oblique posita, aut quæ altius extant prominentia, quæ vicinæ literæ minus exprimantur, hoc signo intus & in margine notentur. //.

In transpositionibus, numeris linea subducta utendum. 1. / 2.

Spatium deprimendum, significatur per figuram. //.

Puncti nota hæc esse solet. ⊙.

Reli-

Reliqua interpunctionum consueta genera sua figura semicirculo inducto pingantur. (:

Nota divisionis in extremitate lineæ, quæ totum vocabulum non capit, est. (---

Si quæ linea propius ad marginem ducenda, hoc utantur caractere. [.

Si removenda longius, retrahi debeat vox a margine, indicat & sequens.].

Si litera inversa fuerit, sive alia pro vera posita, illa per lituram tollatur, & hæc in margine notetur. Si litera vero mutila, detrita, obtusa vel alio modo corrupta expungatur, & plenior adscribatur in spatio albo. Si deprehenderit vero errores ex oscitantia vel Autoris vel Scriptoris relictos, eos corrigat, si parvi sunt momenti, ne fama exinde Autoris operis lædatur. Unde male me habuit, cum in nostra hac opella p. 16. Typothetæ vel Correctoris non ineruditi, at operi huic immortui, negligentia pro *extulerunt*, positum vocabulum *extollerunt*, ita in corrigendo fuerit relictum. Et fere idem nunc dici poterit,

rit, quod de Augusti Pfeifferi Antiquitatibus Judaicis 4. Jenæ excusis, quas corrigendas clarissimus Sagittarius feliciter satis suscepserat. Ita certe Beatus noster Corrector cujus Lexicon Lat. nuper demum prodiit, nescio qua de causa paginas opusculi hujus priores haud secundis trivit manibus, uti fere eadem fata experta est Cel. Relandi Palæstina Norimb. excusa, eodem viro curante, ubi errata omnia in Batava editione ad calcem notata feliciter mansere. Caveat porro Corrector probus, ne ex pruritu & ostentatione quid agat, & forte in odium auctoris incurrat, id quod Henrico Stephano contigisse antea in vita ejus meminimus. Sin secus nota addita lectorem moneat, aut si tempus permiserit, & locorum intervallum, ipsum Autorem, vel alios eruditos Viros consulat. Multo minus vero ea immutet, quæ bona sunt, & quæ melius saltem exprimi posse vana credit persuasionem. Ita enim vel ignorantiam vel stultitiam prodet lectoribus. Qua tamen labe ii sæpenumero hodie infecti sunt,

sunt, qui inter Typothetas fundamenta etiam literarum exceſſerunt, & latius quodammodo in campo Muſarum vagati, ut luſci inter cecos regnant. Quanquam idem pari modo illis quoque dictum cupiam, qui prima non nihil deguſtarunt elementa, & quando naſutiores ſibi videntur aliis, qui nonniſi figuras literarum norunt, interdum tamen inter legendum corrigere quædam ſolent. A quo auſu iſtiusmodi hominibus prorsus abſtinendum, & Correctoribus doctis, vel auctoribus ipsis labor ille relinquendus eſt. Præterea etiam Autor, ſi fieri poſſit, cum eo, qui emendata, notataque reſtituit, amice vivat neceſſe eſt, certe inimicitias inter eos intercedere oppido noxium eſt: Alias enim ex odio ille facile aliquid inferet, ex cujus vitii enormitate facillime & fama editoris æque ac Autoris, & ipſius Correctoris labefactari poſſet. In quem poſtერიem tamen omnis culpa potiſſimum devolvi ſolet, utpote qui curam harum rerum habere debuiffet, id quod exemplo Eraſmi, in ejus Vitæ reſenſu, demon-

demonstratum dedimus. Præcipue vero sibi prospiciat, attentusque sit Typographus in corrigendis libris, imo & excudendis, & per Typothetas describendis, qui diversa a nostris sacra sectantur, ut sunt Pontificii, Calvinio-Reformati & similes alii, imo & abstinendum puto ab hominibus peregrinis, qui aliud patrium amant solum, & facile, scelere quodam commisso, ad lares suos redire possunt. Præcipue vero cum prioribus, Pontificiis nempe, sapienter & circumspecte erit agendum, utpote vehementioribus, & superstitiosis, magis quam hi esse solent. Quam etiam ob rem non satis prudenter egisse putaverim Correctorem quendam, cui nomen *Kiefnerus*, ob imposturam in libro quodam Pontificio commissam, tametsi a vero observatio non abluderet. Excudebatur in diversis locis *Speculum Parochorum Magnum*, ex quo opere plagulas quasdam etiam *Endtexi* nostri Norimb. accepere. In his, cum duobus in locis Purgatorii facta esset mentio, *Kiefnerus* ille, Corrector operis, addidit inter relegendum,

Si

Si quod est, vel, si credere fas est. Im-
 pressis in hunc modum exemplis, re
 ipsa *Würzburgi* ex inspectione comper-
 ta, dici non potuit, quanti motus exin-
 de orti fuerint. Non solum enim per
 Legatum suum Episcopus, ut Corrector
 sibi tradatur, omni virium contentione
 petiit, verum etiam fuga eo salutem sibi
 quærente omnibus viis intercipere pro-
 fugum laboravit. Sic & narratum no-
 bis est, in eodem loco & illustri Franco-
 niæ civitate Episcopali, Correctorem
 quendam superiori ævo publice in foro
 virgis cæsum, atque urbe cum infamia
 exire jussum esse, quod pro *Veronica*
Schweiß-Tuch / litera *W* omissa, pu-
 cidum vocabulum, quasi ex oscitantia
 substitui passus esset. Ex adverso *Nori-*
bergæ homo quidam malignus, cum
 Biblia sacra procuderentur, ad verba *Lo-*
ci 1. Cor. III. 15. addidit: *So doch/als*
durchs Feg-Feuer / cujus corruptio-
 nis exemplaria audio superesse. Inpri-
 mis vero in excudendis Patrum scriptis
 hujusmodi homines bene sunt obser-
 vandi, in quibus corrumpendis Ponti-
 ficij

ficii facillimi sunt, cujus rei luculentum testimonium in vita Ludovici Saurii, in Centuria altera occurrentis, sum exhibiturus. Hæc nunc pro arguenda nostra dehortatione sufficiant. Non possum autem, quin quæstiones aliquot subtexam necessarias, at brevibus discutendas. Harum prima est: Utrum liceat per conscientia religionem corrigere libros Pontificiorum, vel aliorum veritatis cœlestis adversariorum. Ad quam respondendum censemus, id salvis Christianismi & Evangelii regulis non licere; eo quod neque directe, neque indirecte, neque adeo ut Architectis horum erroris promovendi adminiculorum, neque etiam ut instrumentis adscita causæ moralis culpa, & participatione alieni peccati negotiis quibusque vacare licet, judice Paulo 1. Tim. V. 22. & 2. Cor. XIII. 8. 9. Emolumenta vero, quæ ex scriptis hujusmodi in Ecclesiam puram redundare finguntur, vel nulla sunt, vel consultius saltim actum judicamus, si penitus aliis relinquuntur a nobis, hujusmodi opella
absti-

abstinentibus. Idem vero plane argumentum valebit, si quando libri impudici, Athei, seditiosique occurrant, quorum publicationem si qua promoveamus, judicium non solum humanum, verum etiam, & quæ maxime metuenda, divinam Nemesein incurremus. Atque ex his facile judicari poterit, quid de Bibliopolis quoque sentiendum, quorum sumtibus hujusmodi opera, & tenebris æternis digniora scripta, in lucem protrahuntur, quos tanto gravior premit culpa, quoniam id genus libelli, qui non raro apud nos sunt, mandatis etiam Magistratuū, & jurisjurandi religione, quo minus apud nos excudantur, prohibiti sunt. Quibus tamen omnibus neglectis Bibliopolas reperiās, qui mercaturam nullo fere alio librorum apparatu nisi Pontificiorum exercere solent.

*Auri sacra fames quo non mortalia cogis
Pectora?*

Alteræ quæstio est: Num consultum sit, ad Correcturam, ut ita loquar, faciendam, hominibus diversæ a nostra religionis,

gionis , uti ministris. Non repeto ea , quæ a Serveto commissa sunt Lugduni Gallorum , & alibi. Hoc saltem innuo , non circumspectum sat ; mihi videri , neque rationibus cuj que Ecclesiæ congruens , si alii præstet sint , ut ejusmodi a nobis dissidentes in auxilium vocentur , utcunque polliceantur se bonafide acturos. Nam semper tamen ab eorum fervore aliquid erit timendum , cujus postea damni incommoda non ita facile resarciri poterunt , quam commissa esse videmus. Igitur vel jurejurando obstringendi a Magistratu sunt , vel iis hujuscemodi negotio præficiendi , qui inquilini sunt , & quos facili opera in jus vocare possumus , cum cæteri , quibus patria est , ubicunque bene est , abeuntes elapsique sui haud raro tristerelinquant desiderium. Sed ex diverticulo redeundum mihi erit in viam , ejusque finem , nempe dicendum , in quibus rebus accurata Correctoris diligentia præcipue postuletur. Heic ergo tenendum , requiri , ut ab oscitantia & inadvertentia vitio longe absit ; deinde

ut patientia iterata paginae recognitionem iterum iterumque non moleste ferat, quæ virtutes Melancholicis & Phlegmaticis sunt propriae potius, quam cholerici & sanguinei temperamenti hominibus: Tum ut sedentariae vitae adsuæfactus interdium noctuque revolvare haud detrectet excusas paginas, & quemadmodum oculorum acie instructam faciem res ipsa deposcit, ita ne nimis sit oculatus, h. e. sibi soli placens, & qui alienis laboribus manus temere inferat, exigitur. Præcipue caveat ab avaritia, ne in schedis perlegendis canis festinantis instar agat, unde cacos postea parturit catulos, atque id hoc nostro nunc ævo, quam maxime inculcandum, ubi Typographi pretium correctarum plagularum secundum numerum earum solvere solent, & hinc deproperando ut numerus chartarum & magnitudo pretii augeantur, ii sapius prodeunt libelli, qui vitiis Typographicis in omnibus paginis scatent. Experto crede Ruperto. Amplius vero desideratur, ut orthographiae rationem

P p

habeat

habeat sedulam, daß er einen rechten Schul-Fuchsen abgeben könne / in Germanico præcipue idiomate, & animadvertat errores, qui in his præsertim regionibus occurrunt, circa Articulos & Casus, circa modum scribendi in Synonymicis vocabulis, in vocibus συμφορῶν, ut meinen & meinem / vorstehen verstehen / Haan Hahn / seyn sein / Wessen Waisen / &c. In quibus rebus eo major diligentia adhibenda, quo magis Doctores hallucinari in hujusmodi nugis, ut appellant, solent. Hæc itaque erant, quæ paucis subnectere e re nostra visum est. Quibus breviter expositis, nunc nihil restat, quam ut denuo opellam hanc qualemcunque Lectoris æquo commendem judicio, præcipue si viderit, permulta a me repetita esse, quæ ab aliis jam scripta fuerint, ea præcipue, quæ ad vitam fataque Correctorum non nullorum spectent, & in Biographis aliis occurrere soleant, omittique in hoc recensu, si summa rerum capita consectari voluissemus, potuissent. Verum causis, cur vitæ curricula

ricula singula adjecerim, cognitis, melius de meo instituto Viros bonos judicatu-
ros eredidero. Nam partim eam ob
rationem verbosior fui in tractatione
mea, ut Lectores, quicunque sint (non
enim omnes Vitarum scriptores cunctos
possident, vel ipsa etiam fata doctorum
Virorum norunt) uno quasi intuitu bre-
vem de Correctorum fati ad manus ha-
berent delineationem, ne, si forte eos pe-
nitius nosse desiderarent, ad alios Auto-
res recurrendum esset. Partim vero &
quod potius erat, eam ob rem singularia
horum virorum adjecimus, ut appare-
ret, qua occasione, qua ratione ad la-
bores istos Typographicos animum
converterunt, ultro ne id factum sit, &
ex amore in literarum emolumenta, an
vero propter paupertatem, aut alio quo-
cunque modo, fortuito quasi & præter
opinionem accidente instinctu. Postea,
quod præcipue nos ad eam permovit
methodum, propositum nostrum fuit,
quo demonstrandum nobis sumsimus,
eruditos fuisse Correctores, eaque Eru-
ditione præditos, quæ trivialem Schola-

sticamq; doctrinam & umbratilem scientiam superaret. Unde Academiarum delitias plerosque non modo delibasse, sed imbibisse etiam cum ex muneribus publicis, cum vero etiam scriptis non vulgaribus, ostendendum putavimus. Ita quoque in Centuria altera eos potissimum recensebimus, quorum fata hactenus a paucissimis Biographis fuere memorata. Inde igitur incongruens mihi visum fuerat, si proluxa continuatio hujus opusculi fieret, cujus prima pars vel pertransennam tractata fuerit. Vitæ vero terminus ideo de industria, ubicunque fieri potuit, addebatur, ut cognoscere hinc possent Lectores, immortui sint isti his occupationibus, nec ne. Nam ita etiam simul cognoscere licebit, quousque laborem corrigendi continuarint, & Chronologia operum correctorum lucem accipiet. De reliquo id quoque facit ad institutum meum defendendum, quod, cum quidam penitus nondum innotuerint, nisi ex fama nominis, quorum merito prolixius facienda fuit mentio, ut Apini, Bergleri, Desleri, Pistorii,

storii, Sexti, Beerii &c. non abs re esse crediderim, si & reliqui eodem tractarentur modo, ne quid in æquale aut hiulcum appareret. Quod denique ad scripta attinet, quæ non minus recensita fuisse legisti, ea non admodum multa, neq; omnia enumerata sunt, & acquiesces haud dubie in iis, quæ diligentia laudatorum virorum singulare quoddam ornamentum & aliquem, ut ita dicam, splendorem debent. De cæteris vero excusatum me habebis, Lector Benevole, si parciore videar fuisse in scriptis nominandis ab ipsis correctis: nam ea non nisi ex Chronologia deducenda, multæque plagulæ ad fastidium replendæ fuissent. Sufficiet ergo Tibi, si concludere possis vel illo tempore a nobis ut plurimū designato, in corrigendis libris operam viros hosce clarissimos Typographis præstitisse. Ubi, si placeat etiam tempora conferre, quotquot opera sunt excusa in officinis nominatis, correctæ esse ab eodem Ministro videbis. necessario statim consequi. Sed erant etiam alia obstacula, quæ nos remorata sunt; namque, ut nihil

dicam, aſos neutiquam accurate cogni-
 tos eſſe de univerſis, quibus talibus præ-
 eſſe cœperant, aut deſierant functioni-
 bus, illud ſaltim velim notes, duos etiam
 vel plures interdum uni adſtitiffe Typo-
 grapho, quos adeo ſolicite dignoſcere,
 &, quid cuique negotii datum ſit, defi-
 nire, videbatur eſſe ἐν τῶν ἀδυνάτων. Tu
 ipſe, niſi moleſtum ſit, B.L. periculum fa-
 cies, ſed mox crede, uti & mihi factum
 eſſe doleo, labore iſto incerto abſtinebis:
 nam in tam profundum Te immerſiſſe
 pelagus, unde ſalvo Tibi vix egredi li-
 ceat, animadvertes, cum demum meæ
 excuſationi locum benigne dabis. Nec
 tamen penitus deſperata res eſt, quin
 potius, ſuccedente tempore, meliora, ut
 ab aliis, ſic a me quoque in eo impoſte-
 rum etiam elaboraturo expectari poſſe
 firmiter Tibi velim perſuadeas. Quibus
 perpenſis, mecum deprehendes deniq;
 omne initium grave eſſe, neque ini-
 tia, ſed coronare opus
 quodque

F I N E M.

Cum præfens Opusculum, Auctore absente, ob Correctoris sive incuriam, sive valedudinem adversam, ex qua etiam haud ita pridem vitam finierat, quamplurimis fœdatum sit sphalmatibus, *Benevolo Lectóri* sequente Catalogo significandum duximus, quo pacto, levioribus omissis, medica gravioribus tantum sanandis manus adhiberi possit:

PAg. 1. lin. 13. lege, *special*. p. 2. l. antepen. *sentit*. p. 3. l. 17. *eum*. p. 4. l. 7. *Quicquid*. l. 22. *adspiciemus*. p. 5. l. 5. pro, *Schvveppermanno*, lege, *Columbo*. l. 20. *maximo*. l. 21. pro *Sic*, lege, *Sacra*. p. 7. l. 13. *Janfenius*. l. 19. *Sixtus*. l. 24. *recensere*. p. 8. l. 6. *cœperunt*. l. 23. *possit*. p. 9. l. 14. post *quem* deleas comma. lin. seq. del. in. p. 10. l. 5. *Vorilongus*. p. 14. l. 20. *Basleonsibus*. l. 22. *inter Helvetos*, lin. ult. cum fama. p. 16. l. 15. *Matthias* in ead. lin. *extulerunt*. p. 17. l. 21. *negligentes*. p. 18. l. 2. 1564. l. 12. *Marbachium*. p. 21. l. 22. *quorū* vix. p. 24. l. 3. *regnantes*. l. 18. *Graceque*. p. 25. l. 10. *ad Gleditschium*. l. 14. *sumribus*. l. 15. in plurimas. l. 16. del. in. l. 20. *atate*. p. 26. l. 11. pro *septem*, lege, *segetem*. p. 27. l. 17. & seqq. pag. *Mettair*. p. 28. l. 18. *possint*. p. 30. l. 2. *imposterum*. p. 32. l. 15. *Principes*. p. 36. l. 9. quod ad. ib. *pauciora*, pro, *rantiora*. p. 42. l. 23. *Magistratuum*. p. 45. l. 6. *Giffensium*. l. 20. *Veneto*. p. 47. l. 4. aliisque in locis, *Gravio*. l. 11. *potuisse*. p. 49. l. 6. 11. l. 17. *relinquendum*. p. 50. l. 5. *simus*. l. ult. *sciendi*. p. 52. l. 6. *Medico*. p. 54. l. 3. *eum*. p. 56. l. 21. ob id laudari potuerit. p. 60. lin. pen. *eum*. p. 61. l. 9. locisque aliis, *Amerb*. p. 63. lin. antep. nempe fama. p. 65. l. 12. *Purpuratus*. p. 68. l. 19. *Typographos*. p. 69. l. antep. *prater*. p. 70. l. 7. *sedem*. p. 71. l. 3. & l. 12. *linementis*. p. 72. l. 4. dele *quondam*. p. 73. l. 7. *placide emigravit*. p. 76. l. 12. *edocturus*. p. 77. l. 20. *eum* notis. p. 79. l. 11. *nominis*. p. 80. l. 8. *experietur*. l. 10. *eum*. l. 15. & tanto. pag. 85. l. 8. *vacavit*. l. 9. *qua*. l. 21. *plurima qua*. pag. 87. lin. 13. *morari*. pag. 88. lin. 4. *editioni*. l. 16. *subsidium*. p. 89. l. 11. *accersitus*. p. 90. l. 1.

ita ut. l. 3. *Falsa*. l. 10. *docti*. p. 91. l. antep. *magnamque*.
p. 92. l. 17. novem annos. p. 98. l. 17. *processisse*. p. 99.
l. 9. *Typographus*. l. 11. *libros*. l. 14. *Piniferi*. l. 18. *cujus*.
p. 102. l. 10. *profecit*. l. 19. *Vitam Bratii*. p. 103. l. 3.
prapostus. l. 4. *Cotonensis*. p. 104. l. 19. *Chevilerius*.
p. 105. l. 20. *miracula*. p. 106. l. 21. *Chevilerium*. p. 107.
l. 18. *Baroni*. l. 20. *Perionio*. p. 108. l. 9. *denuo*. p. 109.
l. 9. *iidemque*. l. 13. *inficiari*. l. 23. *at*. p. 110. l. 2. *pri-*
mam. l. 20. *Kortholdi*. l. 21. *Anti-Baronianas*. p. 111.
l. 8. *Cuile*. l. 10. *Tesserius*. p. 112. l. 13. *collocutus*. l. 14.
in animum. Sup. p. 113. l. 8. *demonstravit*. l. 10. *emnibus*
modis. p. 114. l. 12. *Francisci*. l. 16. *dederit*. p. 115. l. 17.
quadam. p. 116. l. 14. *Francisco*. p. 117. l. 16. *Posnamiam*.
p. 121. l. 23. *pro tamen*. *lege*. *trahat*. p. 122. l. 1. *Le-*
ctori. l. 6. *Destreicher*. p. 123. l. 12. *laboriosissimus*.
pag. 124. l. 10. *reponerat*. pag. 126. l. 9. *incunabulis*.
pag. 127. l. 17. *nubecula*. l. 23. *Tindallus*. pag. 128.
lin. 10: & 22. *Tindallus*. lin. pen. *Matthai*. pag. 130.
l. 2. *Wittingham*. p. 131. l. 17. *abierit*. p. 134. l. 17.
Granvellanus. p. 136. l. 7. *in Historia*. l. 15. *Sunt vero*.
p. 138. l. 13. *munus*. p. 140. l. 1. *refellitur*. l. 21. *Mosis*.
p. 141. l. 7. *properantis*. l. 8. *occurrit*. l. 13. 1586. p. 143.
l. 20. *inclinant*. p. 144. l. 8. *eum*. p. 146. l. 18. A. 1657.
p. 147. l. 12. *Papissa*. p. 150. l. 5. *subsidiarum raritate*.
lin. antep. *adhuc dum*. p. 151. l. 6. *Typograph*. p. 153.
l. 6. *adspirante*. l. 16. *Asctica*. lin. pen. *Oracion y*. p. 154.
l. 5. *exiguam fore*. l. 13. *Chalcondylas*. l. 18. *solum*. p. 157.
l. 1. *verum*. p. 158. l. 5. *Meinunga*. p. 160. l. 12. *Historiarum*.
l. 17. *eum*. l. ult. *quanta deleatur*. p. 161. l. 5. *gratiam*.
l. 11. *amissit*. *ead. beneficio*. p. 162. l. 1. *Typographia*. l. 23. *Bio-*
graphus. p. 164. l. 15. *continuatiōe*. p. 166. l. 6. *nullis*. p. 169.
l. 1. *repetit*. l. 7. *adv.* l. 23. *pro exercuerat*. *legē*. *exegerat*.
p. 170. l. 8. *Bonif.* l. 13. *quansam*. p. 173. l. 2. *Mallinkrot*.
p. 174. l. 1. *incuria*. p. 175. l. 11. *Gallicum*. l. 18. *quis po-*
terit. l. 22. *Long.* l. 25. P. l. p. 178. l. 14. *circumspectionem*.
l. 21. *eius ex*. p. 180. l. 7. *dandis*. lin. antep. *Giffa*. p. 181.
l. 21.

l. 21. *Giffenssi*. p. 182. l. 18. *casque*. p. 183. l. 11. *Anti-*
Goch. l. 19. *Uhsse*. p. 634. p. 186. l. 16. *Matth. Judicis*. p. 187.
l. 5. *rectius*. l. 18. *eo excrevit*. p. 188. l. 19. *multi*. p. 189.
l. 7. *Dissenfionibus*. l. 12. *superfedere volo*. l. 17. *Goular-*
tiana. p. 190. lin. ult. *alioa*. p. 191. l. 7. *interca*. p. 192.
l. 10. *Francofurtano*. l. 13. *Heidfeldii Sphingem*. p. 193.
l. 9. *Addo M.* pag. 196. l. 22. *Adhac*. pag. 198. l. 23. &
ad tumulum. pag. 201. l. 19. *haut raro*. pag. 204. l. 12.
diſſerium. p. 208. l. 14. *addictus*. l. 17. *Basilea*. p. 212. l. 2.
συγχόρυσ. p. 213. l. 19. *pramittendo*. lin. pen. *Norico*.
p. 214. l. 3. *immoriend*. p. 215. l. 23. *annotatu*. p. 218.
l. 8. *ad me*. l. 9. *πολιτεύειν*. p. 219. l. 3. *κινλίζειν*.
p. 221. l. 8. *penitus*. p. 222. l. 8. *pra*. l. 10. *isthoc*. p. 223.
l. 23. *supelleſtili*. p. 224. l. 14. *conatus est*. l. 21. *obſtat*.
p. 228. l. 11. *Origenis*. p. 230. lin. antep. *muneri*. p. 231.
l. 4. *juvandi*. p. 232. l. 11. *verba: ad corrigendum*. de-
leantur. l. pen. *Hoc ei impertiit*. p. 233. l. 5. *multifa-*
riam. l. 16. *eum*. lin. ult. *illic*. pag. 234. l. 20. *Seculi*.
p. 235. l. 1. *laboraret*. l. 11. *Mallinkrotius*. l. 13. *Typo-*
graphica. p. 236. l. 2. *reus*. l. 20. *Anabaptistarum*. p. 237.
l. 7. *Tzetis*. p. 238. l. pen. *laureaque*. p. 239. l. 10. *ibidem-*
que. l. 16. *proſactum*. curavit. p. 241. l. 1. *Mallinkrot*. l. 7. *di-*
ſſorum. l. 8. *Suweertius*. l. 21. *sola fide*. l. 22. *fonte communi*.
l. 23. *me niti*. hac. p. 243. l. 16. *pro uni legi*. cui. p. 245. l. 9.
ſupelleſtili. l. 10. *acquſita*. p. 246. l. 1. *totum*. l. 5. *exa-*
vata. pro *erraffe*. p. 247. l. 4. *in hac*. p. 248. l. 5. *fate-*
buntur. l. 13. *Vir*. pro. *Vos*. l. 23. *An*. 1566. l. pen.
1544. p. 250. l. 14. *dediſſe ſe*. l. 23. *celebratiſſimis*. p. 252.
l. 19. *Marte*. l. 25. *Rycquius*. l. 26. *inſcripte*. p. 253. l. 5.
quis. lin. 18. *ſidus*. pag. 255. l. 5. *tum*. pag. 256. l. 22.
Honeſtiſſime. pag. 257. lin. 9. *Hagenoënsi*. lin. 13. *evul-*
gato. pag. 260. l. 12. *Typographis*. pag. 263. l. 9. *Schef-*
forum. l. 21. *militantis*. p. 264. l. 12. *compro*. p. 266.
l. 14. *ea*. l. 20. *pro vix*. lege. *ad*. p. 269. l. 3. *obeſt*. p. 270.
l. 12. *haud raro ab iſs*. *qui*. l. 14. *ſed ita*. ut de. p. 272. l. pen-
ult. *Typographica*. p. 278. l. 4. *pro ſcitis*. lege. *ſortis*. p. 282.

l. 18. *desumptas*. l. 21. *Mutiaensem*. l. 24. Targum. p. 286.
l. 13. *partas*. l. 14. *dislapsas*. p. 287. l. 11. *conventu*. l. antep.
ex positu. p. 288. l. 13. *Discorso*. l. 14. *del*. Petrarca.
p. 290. l. 11. *smis ap*. l. 20. *praelaris*. §. pro, addit, ostendit.
p. 296. l. 1. *qui*. l. 12. *data in*. p. 297. l. 10. *Hemsterhusio*.
p. 300. l. 3. *agisque*. lin. pen. ea d. p. 301. l. 6. *Ceminai*. l. 17.
ἀποσπασμάτιον. p. 302. l. 5. *hunc*. l. 15. *patrii* Ludi.
p. 304. l. 3. *fenlit*. p. 305. l. penult. *progrediar*. p. 307.
l. 20. *quam*. l. 21. *relata*. p. 308. l. 2. *ignominiam*. l. 4. *metiri*.
l. 9. pro *infer*. lege, *super*. l. 21. *exercitationis*. p. 312. l. 2.
Cantabrigienfis. l. ult. *referre*, pro, *referendum*. p. 313.
l. 1. *Neocorns*. p. 315. l. 13. *pratero*. l. 16. *Diatriben*.
p. 316. l. 16. in 8. p. 320 l. 9. *Suppl. T. II*. p. 323. l. 1.
Artis Typographica. p. 322. l. 18. *Oxonienfis*. p. 324. l. 5.
esurruisque. l. 6. *quaque*. l. 17. *gratissimus*. l. 22. *Brigowia*.
p. 326. l. 20. *colsi*. p. 327. l. 13. *Patri nunc*. p. 328.
l. 6. *Qua tenera*. l. 20. *studio*. p. 331. l. 16. 1596. p. 333.
lin. penult. *habuit*. p. 334. l. 5. *Demosthenes*. p. 335.
l. 14. *ipsa*. p. 340. l. 20. *marore inde contracto*. p. 341.
l. 9. *ad doctrinam*. l. 16. *proferendo eadem*. l. 23.
faciam. pag. 342. lin. 19. *tam*, pro, *tanta*. lin. ult.
deleas 4. pag. 344. lin. antep. *Job*. Gabriel Majer.
p. 346. l. 15. *deleas inser*. p. 348. l. 1. *ignaro rei*. p. 352.
l. 14. *quot*. l. 18. lege, Hinc Vögelianam omnibus ante-
ferendam. l. 20. *Ipsam v. Philippi descriptionem*. p. 354.
l. 20. *occurrentia*. p. 355. l. 9. *sibi per*. l. 21. *deleas in* p. 356.
l. 5. *Hylas*. l. 8. *circumferuntur omnia*. l. 9. pro autem, lege
ad. p. 357. lin. penult. *ecce raro prodigus*. p. 358. l. 1. pro
minus, *nimis*. l. 2. *negotio nimis*. p. 359. l. 2. *luas terras*.
l. 5. *Mauritius Hellingsius*. l. 7. *Laurentius*. l. 11. *postea*. p. 360.
l. 3. pro *de*, lege, *et*. l. 9. *dele diebus*, & lege, *Climacterico*
anno. p. 361. l. 11. *pra multis*. l. 16. *collocanda*. p. 362. l. 7.
pro, *nomina*, lege *inter*. l. 12. pro, *quos*, vulgus. p. 363.
l. 12. *patribus*. l. 22. *Typographica*. p. 364. l. 9. *adduxit*.
l. 19. *excuderet*, *emitteret*. p. 367. l. 19. *tum*, pro, *dam*.
l. 23. pro *amissis*, *privatus*. p. 369. l. 4. S. Audomari.
l. 10.

l. 10. 1597. l. 13. in B. p. 370. l. 6. *Melanchthon*. l. 13.
pietati. p. 374. l. 8. *poscente*. l. 10. ut diu nocturne
laborandum esset. lin. 17. *repurgandisque cum*. lin. 18.
multumque. l. 20. *eadem fide*. p. 375. l. 3. *Ea*. l. 4.
expectata. l. 6. *halitum*. p. 376. l. 11. *Chrysoloras*. l. 12.
Argyropylus. p. 377. l. 5. *allici*. l. 10. *per totum*. p. 380. l. 3.
Regium. l. 18. *ulli*. p. 381. l. 14. *Malarixianum*. p. 382.
l. 3. *rei*. p. 383. l. 12. *Musure*. o. p. 384. l. pen. *Sadeals*.
p. 387. l. 11. *Zuvingium*. p. 389. l. 22. *neque*. p. 390.
l. 16. *discipulus fieri*. l. ult. eam tractandam. p. 392. l. 3.
intentus. lin. 4. *nulla*. pag. 393. lin. 10. *convolarent*.
l. 14. non potuit aliter fieri. p. 394. l. 5. *appellare*
eum. p. 400. l. 5. *ut passim*. pag. 403. l. 19. *prioribus*.
p. 407. lin. pen. *pro fata*. *vita*. p. 408. *pro idque*.
unde. pag. 411. l. 17. *publice hac*. pag. 412. l. 5. *fatis*
laudibus. l. 13. *Patinus*. l. antep. *capto*. pag. 414. l. 23.
propter. pag. 415. lin. 7. *del. & gravi-fuisse*. lin. 16.
dicere con. pag. 416. l. 21. *adspiravit*. pag. 418. l. 5.
expetitus. p. 422. l. 7. *exhibendorum*. p. 424. l. 19. *deleas*
verba: recensendis hujus in modis laboribus. p. 425. l. 14.
caenobium. p. 428. l. 5. *abnuerant*. l. 11. *defenso*. l. 18.
Abbatia. p. 431. l. 11. *deleas verba*. p. 435. l. 9. *Ve-*
nerabili. p. 436. l. 9. *pro illam*. l. quam. p. 439. l. 7.
de Friderico. p. 444. l. 12. *deleas ut*. p. 445. lin. pen.
idque. p. 446. lin. antep. *Lucanus*. p. 448. l. 10. *Junger-*
mannorum. p. 449. l. 5. *qui loco*. p. 454. l. 21. *fatis*.
p. 458. l. 10. *Hervag*. p. 459. l. 6. *adversam*. p. 461. l. 20.
ferre. l. ult. *Esdra*. p. 465. l. 9. *à mendis*. p. 466. l. 2. *pariter*
f. a. l. 6. *quæ excudebantur*. p. 469. l. 20. *audis &*. p. 473.
l. 19. *imbutus*. p. 476. l. antep. *operum*. p. 479. l. 1. *con-*
jungantur. p. 482. l. 8. *qui cum*. p. 484. l. 2. *commenti-*
ssum. p. 486. l. 1. *in ea*. p. 491. l. pen. *qua variis in*.
p. 496. l. 1. *sufficit inter*. p. 502. l. penult. *certo*. p. 507.
l. 21. in B. *Georg. Arnoldi*. p. 512. l. antep. in iis *incro-*
mento. p. 518. l. 17. J. H. p. 536. l. 9. *in quorum*. p. 556.
l. 7. 1629 p. 560. l. 18. *ea non*. p. 568. l. 20. & *Viri*. p. 569.
l. 8. *Georg. Philippum*. p. 573. l. 7. *inter prim*.



Bericht an den Buch-Binder.

Derselbe bestebe auf alles fleissig
Achtung zu geben / insonderheit aber
auf Pag. 11. und 12. ingleichen Pag.
81. 82. 83. 84. und so weiter / Damit
kein Fehler vorgehe.

